





BX

2349

.D74

1715

JESUITICA

J. B. Keijnoogen.

H. DREXELII.

UPPER LIBRARY.

AS A TECHNICAL WORKS.

COELUM


BEATORUM

CIVITAS.

OPUS

TOMUS V.

COLLEGE



BOSTON COLLEGE

DOMESTIC
COLONIAE,

LIBRARY

Apud BALTHASAREM
ab EDMOND.

MDCCLXXIV

2484

THE DREXEL
LIBRARY

OF THE
UNIVERSITY OF PHILADELPHIA

PAID BY THE UNIVERSITY OF PHILADELPHIA

TO THE DREXEL LIBRARY

ON THE 10th DAY OF MAY 1892

BY THE UNIVERSITY OF PHILADELPHIA

TO THE DREXEL LIBRARY

ON THE 10th DAY OF MAY 1892

BY THE UNIVERSITY OF PHILADELPHIA

TO THE DREXEL LIBRARY

Claritas

CÆLVM,
BEATORVM CIVITAS.
ÆTERNITATIS
Pars III.

quam coram

Ser.^{mo} Viriūq; Bauariæ Duce
S.R.I. Archidapifero, Electore

MAXIMILIANO

et Ser.^{ma} Coniuge

ELISABETHA

explicauit et Latine scripsit

HIEREMIAS DREXELIVS

in Societate IESV.

ANTVERPIÆ

*ex Typographiâ,
Ioannis Cnobbari*


M.DC.XXXV.

Cum Privilegio



subtilitas

immortalitas



REVERENDISSIMO
ANTISTITI,
ILLVSTRISSIMO
S. R. I. PRINCIPI,
HENRICO
EPISCOPO
AVGVSTANO,
HIEREMIAS DREXELIVS
è Societate I E S V.

IAM annum tertium ex-
tra meum Musæum ago,
non extra cælum ; illac
iter animo nequit ob-
strui. Cælum , Ill.^{me} Prin-
ceps, dum totum otheo, subit
animum cupido, tam formo-
sum & elegans domicilium
calamo saltem minióque pin-
gere , si non penicillo colori-
búsque

EPISTOLA

bûsque vivis exprimere liceat. Quamvis reverâ difficillimum sit nullius aure hausta, nullius oculo spectata in chartam deducere, & eâ de re librum scribere, quam nullâ satis cogitatione assequaris. Hoc tamen commodi habet hæc talis scriptio, quòd in eâ nihil nimiùm exaggerari possit. In pingendo cælo quicquid elegantiarum & voluptatum pinxeris aut dixeris, longè infra rem erit; formositates omnes superat, voluptates omnes complectitur. Inde igitur animosior hos conatus licèt impares labori, ad descriptionem hanc attuli, & librum annis pluribus lucubratum in lucem emisi, amico-

rum

D E D I C A T O R I A.

rum rogatu jam toties fatigatus.

Ad Mitram Vindelicam, & ad Te, Rev.^{me} Præsul, hic liber jam pridem suâ sponte ibat, pluribus de causis. Longum, enumerare. Præfari me memini, nondum differere. Privatam in me humanitatem Dilingæ fileo. Publica sunt, & jam pridem variè testata tua in nos beneficia. Tuæ in nos benevolentiae ac virtutum tuarum hîc catalogum non texo, nec enim panegyricum scribo, sed scriptionem hanc Tuæ Celsitudini dico, cui panè infinitis nominibus omnia debemus. Atque, si summatim & compendio loquendum, Te, in superiori

EPISTOLA

Germaniâ Societas nostra jure suum nominat Patrem. Neque nos Dilingâ tam remoti sumus, ut beneficia quæ illic in socios collata, à nobis arbitremur esse aliena. Si quæsissem, Ill.^{me} Princeps, fastigio tuo dignum munus; non habebam: si maximè conveniens; istud erat. Vitam agis, Henrice Princeps, jam pridem terræ pertæsam, cupidam cæli, cæloque dignam. Tua, Tarsensis Pauli monitu, conversatio in cælis est. *a* Unde hoc donarium de cælitum domicilio differens, Tibi maximè debebatur. Agnosces habitationem quam quotidie suspiras.

Nec favor publicus, spero,

a Philip. c. 3. v. 20.

hanc

DEDICATORIA.

hanc cæli picturam destituet.
Cælum atque beatitudinem
omnes affectamus; & subinde
dulce est de cælo vel audire
loquentem. At pauci sunt,
Christi dicto, qui inveniunt
eam, *a* quam tamen omnes
cupiunt beatitatem. Hîc opus
est vi. Aut enim Christus er-
rat, aut cælum rapiunt vio-
lenti. *b* Hoc igitur magis ma-
gisque voti nostri sit: Audere
cælo digna, & emere, dum
licet, æternitatem. Ideam
ejus rei Te, Præsul Ill.^{me} ha-
bemus, qui divinis ac cæle-
stibus meditandis animum
quotidie soles exercere, &
assiduis precibus expugnare
cælum. Atque hinc animus
* 4 ille

a Matth. c. 17. v. 14. *b* Matth. c. 11. v. 12. †

EPISTOLA

ille infractus inter tantas
temporum injurias. Nimi-
rum è cælo præsidium venit
tutissimum.

Hanc igitur qualemcum-
que cæli effigiem calamo de-
scriptam, Tuæ Celsitudini
ingenuâ devotione offero
dicoque, ut liber in Illustris-
simi nominis tui tutelam re-
ceptus tantò faventio-rem in-
veniat lectorem, quantò Il-
lustriorem & amore cæli ar-
dentio-rem habuerit patro-
num. Omnium nostrum, &
meum votum est, quod Ve-
nusinus vates Augusto Impe-
ratori exoptarat:

*Servus in cælum redeas; diuq;
Lætus intersis populo Quirini. a*

a Horat. l. 1. Odâ 2.

Ita

DEDICATORIA.

Ita Ill.^{ma}m Celsitudinem tuam
Ecclesia, & Societas nostra
in multos annos incolumem
felicemque sortiatur. Ex A-
sceterio Ranchoviensi Cano-
nicorum Regularium S. Au-
gustini, ad Oenum Feriis Na-
talitiis Domini IESV, Anno
Christiano millesimo sexcen-
tesimo trigesimoquarto.

* 5

PRÆ.

PRÆFATIO PRIMA
A D
LECTOREM.

ETIAMNUM vivo , mi
optime Lector, post tot non
hominum tantum , sed &
oppidorum ac civitatum
funera. Germania pluribus locis in
ussulatum cadaver expiravit , re-
ligiosis, ut hactenus ferebatur, bel-
lis contusa , jamq; magnam par-
tem funerata . Ingemui certè &
illacrimatus sum publicis calami-
tatibus. Sed quia mederi mearum
virium non fuit, ad meum memet
Heliotropium converti , & cum eo
Solem meum , divinam Volunta-
tem ac Providentiam adoravi.
Deus ! quid calamitatis bellum
non habet ? Ego interim, quod of-
ficii

PRÆF. AD LECT.

ficii mei erat, curavi, & calamum
perdius & pernox, per candidum
hunc chartæ campum duxi. Mihi,
& sanctioribus musis cecini. Hæ
tubæ, hi gladii, hæ bombardæ meæ.
Bellorum nec auctorem nec incen-
torem me fuisse, facillimè, putem,
tibi persuasero. Ingenium meum,
ni fallor, nosti, ad lites & bella
minimè natum. Mihi animus
semper neminem laceffere, nemi-
nem ledere. Ego hætenus musis
operor mansuetioribus. Sed nec
meum scribendi genus & finem,
arbitror, ignoras. Christianos
mores commendare, Dei memo-
riam pectoribus infigere, Christum
& hunc Cruci fixum omnibus in-
culcare, conjunctionem & concor-
diam cum Deo docere, hoc mea-
rum partium esse censeo. In hunc
finem

P R Æ F A T I O

*finem complures mihi jam parata
scriptiones novæ, quas ordine in lu-
cem dabo, si vita sit. Imò etiam
extra oleam, jam senex saltare,
& post sacras, denique profanas
etiam scriptiones, breves illas, sed
spero utiles, propinare cogito.*

*Sed ubi calum est, inquis, jam
pridem promissum? diu nimis ad
Christi Tribunal, & apud inferos
hærendum. En hîc, mi Lector, ip-
sissimum quod expectas. Ego hîc
calum ab ovo incipiam describere,
ut suas olim cantores odas exorsis
sed non inter mala finiam. Dictio-
nem claudet gaudiorum æternitas.
Nos, si sapimus, isto præcipuè tem-
pore, dum adeò turbat terra, cæ-
lum habitemus, saltem animo,
usque dum liceat & corpore. Locus
est quidquid hîc malorum pati-
mur,*

AD LECTOREM.

mur, si delitias caelestes vel solâ cogitatione libemus. Nimiùm insanit, qui ad cælum non sæpius exardescit, vel inter mœstissimas lacrimas. Idedò nunc aliâ mihi oratione conveniendus es, & quæ ad rem.

A D
BENEVOLOVM
LECTOREM.
PRAEFATIO ALTERA.

AVDISTI, Lector,
mortis Nuntium;
Christi Tribunal a-
diisti; Inferos etiam
spectasti. En & Cælum. Quod
tamen à te non spectari tan-
tùm, sed attentissimè cogitari
velim. Hæc legi parum est, si
commentatio non sequatur.
Quorsum enim lecta? Vt con-
citemur fortasse dum legimus,
mox calor abeat, & iidem si-
mus? Non aliter quàm cùm in
odéo nobilem citharædum
audi-

audivimus, aut in theatro insignem mimum vidimus, quæ audita & visa mox effluunt. Imò verò adhæreant ista quæ lecturus es, & fiant tua, id est, concoquantur. Non prodest cibus, nec accedit corpori, qui statim sumptus emittitur. *a* Sedeant igitur in animo fideliter: nec sicut unguentorum odor, statim in aërem dissipentur. Ideò velim ut hæc Philosophi, non Grammatici oculis legas; Hoc ajo; rem, non verba cogites. Vale, mi optime Lector, & profanis scriptis te frui, istis uti, meum est votum.

a Seneca Epist. 2.

SY-

SYNOPSIS
IN
SCRIPTIONEM
DE CAELO.

LIBER PRIMVS
*Cæli vestibulum monstrat.
Hic memoria Beatitudinis,
ac desiderium excitantur.*

LIBER SECVNDVS
*In Cæli Penetralia introdu-
cit. Hic quindecim distin-
cta Beatitudinis Gaudia
explicantur.*

IN-

INDICVLVS

CAPITVM.

LIBER PRIMVS.

- Caput I. *Partitio scriptiois,
& Lectori docu-
menta.*
- Cap. II. *Ad calum rectius ex-
plicandum præce-
ptiones novem.*
- Cap. III. *Aliæ novem præce-
ptiones ad calum
crebrius meditan-
dum.*
- Cap. IV. *Totidē præceptiones
aliæ ad calū arden-
tius desiderandum.*
- Cap. V. *Memoria cali omnis
ægrimonie phar-
macum.*
- Cap. VI. *Memoria cali quoti-
die*

die restauranda.

Cap. VII. *Memoria cali quibus
modus quotidie sit
restauranda.*

Cap. VIII. *Cælum propriè Bea-
torum sedem ac
mansionem dici.
Vbi aliquid de
Mundi fallaciis.*

Cap. IX. *Quo pretio cælum
Beatorum sedes
comparanda?*

Cap. X. *Cur cælum tam fri-
gidè desideremus?
Hic intermor-
tuos ignes deside-
rii hujus reficere
conamur.*

LIBER SECVNDVS.

Caput I. *Primum in calo-
gaudium, Volu-
ptas*

ptas Oculorum.

Cap. II. Secundū in calo gau-
diū, Voluptas Lin-
gue & Gustatūs.

Cap. III. Tertium in calo gau-
dium, Voluptas
Odoratūs.

Cap. IV. Quartum in calo
gaudium, Volu-
ptas Tactūs.

Cap. V. Quintum in calo
gaudium, Volu-
ptas Aurium.

Cap. VI. Sextum in calo gau-
dium, voluptas è
corporis gloriosi
dotibus.

Cap. VII. Septimum in calo
gaudiū, Voluptas
Intellectūs, Volū-
tatis, & Memoria.

Cap.VIII. Octavum in celo
gaudium, Volu-
ptas è Beatitudi-
nis Loco.

Cap.IX. Nonum in celo gau-
dium, Voluptas è
Beatorum Socie-
tate, & concordia.

Cap.X. Decimum in celo
gaudium, Volu-
ptas ex omniũ de-
litiarũ affluentia.

Cap.XI. Undecimum in celo
gaudiũ, Voluptas
è perfectissimã
omnium deside-
riorum satietate.

Cap.XII. Duodecimum in celo
gaudium, Volu-
ptas è gaudiorum
omniũ securitate.

Cap.

Cap. XIII. *Decimumtertium in
celo gaudiū, Vo-
luptas ex Aureolis.*

Cap. XIV. *Decimumquartū in
celo gaudiū, Vo-
luptas ex aspectu
seu Visione DEI.*

Cap. XV. *Visio DEI summum
omnium gaudio-
rum copiosius ex-
plicatur.*

Cap. XVI. *De DEI Visione plu-
ra explicantur:
Maximè, Quid in
Deo visuri sumus.*

Cap. XVII. *Decimumquintū in
celo gaudium,
Æternitas gau-
diorum.*

*Epilogus primi & se-
cundi Libri.*

APPROBATIO

R. P.

PROVINCIALIS
per Germaniam Superiorem.

CÆlum, seu partem Æternitatis
Tertiam, quam P. HIERE-
MIAS DREXELIUS, Societatis
nostræ Presbyter, de gaudiis cæle-
stibus & æternâ felicitate scripsit,
ab aliquot ejusdem Societatis Theo-
logis censam probatamque; Ego
GVALTERVS MVNDBROT, So-
cietatis IESV per Superiorem Ger-
maniam Præpositus Provincialis,
factâ mihi potestate ab admodum
R. P. N. Generali Mutio Vitelles-
co, in lucem dari permitto. In cujus
rei fidem auctori chirographum
hoc dedi, officii mei sigillo muni-
tum. Brunovji Kalendis Augusti,
Anno, 1634.

GVALTERVS MVNDBROT.

FACULTAS
PROVINCIALIS
per Flandro-Belgicam.

EGo in *infra scriptus Societatis IESV*
per Flandro-Belgicam Præposi-
tus Provincialis, hisce potestatem fa-
cio Ioanni Cnobbaro Typographo
Antverpiensi typis vulgandi Calum
seu partem Æternitatis tertiam R:P.
Hieremiæ Drexelii Societatis nostræ
Sacerdotis. In cuius rei fidem hæc
manu meâ subscripias & solito offi-
cii nostri sigillo munitas dedi. Ant-
verpia 11. Apr. 1635.

FREDRICVS TASSIS.

APPROBATIO CENSORIS.

CÆlestis gloria lucem videat,
ut omnes eandem consequan-
tur. Actum Antverp. 1635. 7. Maii.

GASPAR ESTRIX
Plebanus, & Li-
brorum Censor.

SVMMA PRIVILEGII
REGIS CATHOLICI.

PHILIPPVS IV. Hispaniarum &
Indiarum Rex Catholicus, &
Potentissimus Belgarum Princeps,
Diplomate suo sanxit, nequis R.P.
Hieremia Drexelii Societatis IESV
Sacerdotis Calum, seu aternitatis
partem tertiam, intra Novennium
præter *Ioannis Cnobbari* volunta-
tem ullo modo imprimat, aut alibi
terrarum impressam, in Germaniæ
Inferioris ditiones importet, Vena-
lemve habeat. Qui secus faxit, con-
fiscatione librorum, & aliâ gravi
pœnâ mulctabitur: uti latius patet
in litteris datis Bruxellæ 16. Maii,
1635.

Signat,

STEENHVYSE.

Et in Concilio Privato

GOTTIGNIES.

ÆTER-

ÆTERNITATIS
PARS TERTIA,
CÆLVM,
Beatorum Civitas.

LIBER PRIMVS,
CAPVT I.

*Partitio scriptioris, & Lectori do-
cumenta.*

HIEROCLES Græcus ac ve-
tus scriptor, hominem fuisse
commemorat obesissimæ
naris, & cerebri nullius. Hic
venalem domum procla-
maturus, unicum ex eâ la-
pidem velut specimen mercis circumtu-
lit. Nemo fuit qui hominem non lucu-
lentæ fatuitatis damnaret. Quod si saxum
quadratum ingens monstrâset, affirmâ-
setque omnes vendendæ domûs lapides
ejus generis esse : aut si tegulam inaura-
tam, quales olim in Capitolio fuerant
A 5 pro-

proposuisset, rem sanè non absurdam fecisset: habuisset, arbitror, non spectatores tantum, sed & emptores.

Cælum venale est. Sed unde constat emptoribus quàm amplam & quàm pulchram empturū sint domum? Sunt qui caelestia gaudia vario dicendi & scribendi genere explicent, velut specimen monstraturi magnæ illius domus. Sed reverà quicquid dicatur, aut scribatur, id omne velut unicus lapis, aut velut tegula unica est è venali domo subtracta. Nec calamo, nec ore humano Cæli arcana satis explicari queunt. Nec oculus vidit, nec auris audivit, nec in cor hominis ascendit, illud Beatitudinis mare, quod in domo DEI Beatis omnibus fluet.

Ego de cælo locuturus fatuo illi homini simillimus esse videor: quid enim quàm tegulam unam, aut unicum ex illâ domo lapidem monstravero, quidquid demum dixerō? Quid nos infantes dignè loquamur de cælo? Nimiùm sterilis est humana lingua ad encomium tantæ voluptatis. Ne miremur; cùm Christus ipse tam pauca de cælo dixerit, & omnia parè per parabolas, & ut videtur, plebejas proposuerit. Hinc præsul Hipponensis Augustinus verissimè dixit: Excedit vires meas, excedit facultatem eloquentiæ meæ, transcendit capacitatem intelligentiæ meæ illud decus, illa gloria, illa celsitudo. *a* Mera balbuties est, quicquid de cælo differimus. Interim tamen peni-

a Aug. Serm. 44, de Sanctis. tus

tus tacendum non est. Frigidè cælum amat, qui non ad illud assiduis cogitationibus, colloquiis creberrimis aspirat. Augustinus ad illam DEI civitatem identidem suspirans. Libet sanè de te loqui, ait, de te audire, de te scribere, de te conferre, de tuâ beatitudine & gloriâ quotidie legere, & lecta sæpius sub corde revolvere, ut vel sic possim ab hujus mortalis & perituræ vitæ ardoribus, periculis & sudoribus sub tuæ vitalis auræ refrigerio transire, & transiens in sinu tuo fessum caput dormiturus vel paullulùm declinare.

Augustini sensu, hic sermo nobis de cælo ante omnia tragemata & mella sit.

Hoc igitur agamus, cùm domum illam penitiùs inspicere non possimus, unicum saltem ex eâ quadratum saxum aut inauratam tegulam attentius inspiciamus, & fatebimur non inviti, admirandæ dignitatis eam esse domum, quæ talibus saxis constructa, talibus tegulis sit operta. Et ne in auras otiosè abeat quod de cælo dicturi sumus, in antecessum servandi ordinis fundamenta jam ponimus.

Primum: Resurrectio & Beatitudo sapientiam ac scientiam omnem excedunt. Hac in re prælusit Noë in Arcâ, quæ totius humanæ gentis, hoc est, octo hominum vivum fuit conditorium. Hæc, inquam, Arca elevabatur ab aquâ, quæ quindecim cubitis altior fuit super mon-

tes

tes quos operuerat. *a* Eucherius secretus huius interpretes, Quindecim, ait, è numeris octo & septem complectitur. Octavus numerus Resurrectionem, septenarius quietem Beatitudinis significat. Porro Sacramenta Resurrectionis & Beatitudinis transcendunt omnem sapientiam superborum.

Augustinus id sapius pronuntiavit. Hæc sanctissimi Præsulis verba sunt: Effugit omnem sermonem, excedit omnem sensum humanæ mentis, decus illud atque majestas. Quod DEVS præparavit diligentibus se, Fide non capitur, Spe non attingitur, Charitate non apprehenditur, desideria & vota transgreditur. Acquiri potest, æstimari non potest. Idcirco si in explicandis cælestibus gaudiis defuerint verba, illud Augustini memoriam subeat; acquiri potest, æstimari non potest, multò minùs explicari: Effugit omnem sermonem Beatitudo Cælum.

Alterum: Auditui solo cælum non capitur; intellectus accedat necesse est. Considerate tot docentis Christi similitudines, quas auditoribus suis instillabat ad cælum attentius cogitandum. Denique interrogabat: Intellexistis hæc omnia? Dicunt ei; Etiam: *b* Cur obsecro tam accuratè omnia sunt intelligenda? Rationem Christus hanc addit: Omnis qui audit verbum regni, & non intelligit, venit
malus

a Gen. c. 7. v. 20. *b* Matth. c. 13. v. 51.

malus & rapit quod seminatum est in corde ejus. *a* Itaque & aures & animus ad attentionem erigendus; nihil dicendorum prætervolet, quod non in animum descendat.

In lege veteri res ignota erat, felicitas æterna: cælum vim nullam patiebatur. In votis erant agri fertiles & promptuaria plena eructantia ex hoc in illud. Hinc Christus: Ideò, inquit, omnis scriba doctus in regno cælorum similis est homini patrifamilias, qui profert de thesauro suo nova & vetera. Primus in regno cælorum Scriba, *b* primus concionator Christus Dominus fuit, qui prisca & recentia divinissimis suis concionibus miscuit, ut in auditorum animis desiderium moveret cæli. Sed qui cælum seriò vult desiderare, sæpe illud cogitet. Verbum regni non solum audiat, sed & intelligat, ne veniat malus & rapiat quod seminatum est in corde ejus.

Tertium: Cæli gaudia non capiemus, nisi ea seriò meditemur. Bonum tam arcanum attentâ cogitatione expendendum est. Hinc illud Augustini: Intellectus cogitabundus, principium omnis boni. Sionis Rex David suspirans altum: Quam dilecta, inquit, tabernacula tua, Domine virtutum, concupiscit & deficit anima mea in atria Domini. *c* Sic cælum ardebat David, ut pænè animo linqueretur.

a Ibid. v. 19. *b* Ita Lucas Brugenſis in Matth. c. 13. v. 52. *c* Psalm. 83, v. 1.

tur . Vnde tam æstuans cæli desiderium
Dies noctesque patriam cælestem cogi-
tabat . His desideriis cor calefactum, in-
unum expetebat , quod assiduè apud se
volvebat.

Nos volatici sensûs homines , cælestia
& divina non gustamus, nisi ea seriò per-
pendamus. Nimirum oculi lippientes ad
Iusciosi solem agerrimè intuentur. Et re-
ctè dixit Aristoteles : Sicut se habet oculo
noctuæ ad lucem solis, sic se habet
intellectus noster ad manifestissima na-
turæ . Quod si naturalia tam lentè capi-
mus, tardius profectò ea percipiemus,
quæ naturæ limites excedunt. Tantò igitur
attentior sit meditatio necesse est,
quantò sublimius est illud , quod medi-
tandum est . Hoc interim soletur, quod
voluptas cælestis vel leviter gustata , in-
credibiliter sui desiderio trahat.

Quartum. Cùm de cælo sermo est, vix
ullæ ut in rebus aliis, exaggerationes me-
tuendæ sunt. Quicquid hic dicitur, minùs
dicitur . Æterna bona infinitè maiora
sunt , quàm ut ea mortalium ullus con-
gruè possit instillare auribus. Effugit om-
nem sermonem, excedit omnem sensum
humanæ mentis . Ego quidem de cælo
locuturus pictorem mihi videor agere, cui
in tabellâ exiguâ decem millia cataphra-
ctorum militum sunt pingenda . At ille
quindecim aut viginti viros penicillo ex-
primit , ceterorum galeas tantum adum-
brat: Sic ego de futurâ Beatitudine scri-
pturus,

pturus, è mille gaudiis vix decem, aut quindecim vel adumbrare tantum poterò. Hoc omnino sensu Chrysostomus: Vultis, inquit, dem vobis similitudinem quandam illius statûs? Non est quidem possibile, veruntamen in quantum possum conabor dare vobis quandam imaginem. *a*

Acquiri potest Beatitudo, dici non potest, æstimari non potest. Hoc igitur in antecessum probè scias, mi Lector, ad gaudia cæli explicanda sæpius defutura verba. Quis eò pertingat stylo? Vix cogitatione possumus. Interim hoc idem, quod Bernardus in re pænè simili se dixit facere, promitto: Non opinionis propriæ conjecturas, sed divinorum librorum sequar auctoritatem. *b*

Quintum: dicendi ordo in re tam seriâ videtur optimus, qui simplicissimus. Scimus in Magnatum aut Principum conclavia non esse irruendum. Sua illis vestibula sunt, quæ priùs salutanda. Idem hîc faciendum. Priusquam cæli penetralia ingrediamur, aliquantulum in vestibulo erit subsistendum. Liber primus tanquam cæli vestibulum nos nonnihil morabitur. Hîc Lectoris animus sensim ac suaviter disponendus ad cæli voluptates perquisitiùs pensitandas. Ita succedet Liber Secundus, qui quindecim distincta cæli

a Chrysost. tom. 5. hom. 6. in c. 4. ad Hebr. mihi pag. 1519. b Bernard. Serm. de omnibus Sanctis, initio.

cæli gaudia explicabit hoc ordine.

In primâ quidem parte, Hominem beatum seu beati corpus & animum describemus. 2. Beatitudinis donum, domesticorum amorem & concordiam. 3. Beatitudinis oceanum & voluptuosissimam abyssum: sic universè quindecim Beatorum gaudia prout licuerit, exponemus.

Initium faciemus à sensuum exteriorum delitiis, inde ad alia atque alia progressuri, dum ad visionem DEI veniamus. His autem panè singulis dissertationibus, una è quinque illis nobilioribus virtutibus velut digito erit monstranda. In virtutum choro eminent Humilitas, Patientia, Puritas cordis, Charitas DEI, Conformitas cum divinâ Voluntate. Harum unam semper oculis observari utilissimum est. Quamvis enim disertissimus sit Ecclesiastes, qui non mullum tantum, sed & aurum, & gemmas loquatur, si tamen illud Domini: **CONFEN- DITE INTRARE:** non persuaserit, actum aget. Frustra sunt alia omnia, nisi hoc probè condiscamus. Iis, qui auribus quidem benevolis de cælo loquentem audiunt, nec tamen faciunt, quæ ad cælum emerendum sunt, occinendum est: Cecinimus vobis, & non saltastis. *a* Quod Simplicius dixit de Epicteti acrimoniâ: Qui ab eâ non excitetur, eum non nisi apud inferorum tribunalia corrigendum: Ego de cæli contemplatione verissimè usarpem. Sensum boni honestique non *a* *Matth. c. II. v. 17.* ha-

habet, quem ad meliora non impellit
consideratio celestis gloriæ.

CAPUT II.

*Ad Beatitudinem celestem rectius expi-
candam, Præceptiones novem.*

OVUM gallinaceum tanti nominis
cibus est, ut si oriatur quæstio:
Quis omnium ciborum optimus
sit? Non ineruditè responderi possit,
Ovum. Ovo vix melior ullus, vix utilior
& salubrior cibus, qui minoris pretii, &
melioris nutrimenti, qui paratu & coctu
facilior, digestu ac concoctu aptior.
Ovum non sanissimus solum, sed panè
dixerim sanctissimus cibus est. Vix enim
ciborum ullus est, qui minùs gulam mul-
ceat, quàm ovum forbile aquâ elixum.
Gula, non nescio, ingeniosa simul & fa-
tua est, subinde vilissima eduliorum ap-
petit poma, porros, pepones, olera, fun-
gos; sæpius tamen perdices & aprorum
capita, capos spadones similagine lacte-
que saginatos inhiat; hîc domi suæ est,
hîc suum sibi pabulum habet. Ab Ovis
parum voluptatis percipit. Ità Ovum ci-
bus innoxius, cibus optimus.

Verùm quod in rebus creatis omni-
bus, hoc etiam in Ovo erit deprehende-
re. Nihil est quod ad eò sine omni nãvo
ac vitio sit, quod æquè omnibus proffit.
Ovum durum valētissima materiæ est, &

vix ab ullo satis digeri potest, præsertim albumen Ovi. Deinde Ova panē nimium felli favent. Corpus quod bile abundat ova parcius edat, aut induratis aliqui aceti misceat. Sic ova salubritatis famam non amittent.

Ovo confertur cælum, *a* de quo nobis hic sermo. Augustinus venuste ac eruditè Spem cæli ovo comparans: Quid strepit inquit, ô Munde? Immunde quid strepit? Quid avertere conaris? Tenere vis periciens: quid faceres, si maneres? Quæ non deciperes dulcis, si amarus alimentum mentiris? Ergo si habeo spem, si teneo spem, Ovum meum non est à scorpione percussum. Civitas sancta, civitas fidelis, civitas peregrina, in cælo fundata est. O fidelis, noli corrumpere spem. non amittere charitatem. Quid expavescis quia pereunt regna terrena? Ideò tibi cæleste promissum est, ne cum terrenis perires. Non ergo deficiamus fratres, finis erit terrenis regnis omnibus. Fige spem in DEUM, æterna concupiscite æterna expectate. Tolereinus potius præsentia quàm diligamus: adversorum manifesta est perniciēs, prosperorum fallacitæ. Time mare, etiam quando tranquillum est. Omnino non frustra audiamus, *Sursum Cor.* Quid ponimus Cor in terrâ, cum videamus quia evertitur terræ

a Sunt Mathematici, qui omnes Planetarum motus asserant ovatos, idq; strenue defendant.

terra. Nos Ovum nostrum sub alis illius
gallinæ ponamus, gallinæ Evangelicæ.^a

Ergo quod Augustinus rectissime mo-
net, caveamus ne Ovum nostrum franga-
tur: Cælum assidue cogitemus & spere-
mus. In eam rem nostræ dictioni velut
prælufuri, de cælesti Beatitudine com-
plura documenta seu præceptiones ordi-
ne ac compendio dabimus. Hæc tamen
omnia, ut cœpimus per Ovum, oculis
subjicere conabimur. Invenit istud, arbi-
tror, ad cælum frequentius & studiosius
cogitandum.

§. I.

Præceptio prima. *Principium Beatitudi-
nis tenuissimum.* Quid minus sinapis
granulo? huic tamen cælum comparans
Servator: Simile est, inquit, regnum cæ-
lorum grano sinapis.^b Christe! Vix nobis
dissimilius quidquam videtur, quàm cæ-
lum & sinapi. Simillima sunt, si perpen-
damus quàm modicis principiis parvus
beatorum grex instar sinapis excreverit
in turbam, quam dinumerare nemo po-
terat, cum eam Ioannes cerneret.^c

Romani rerum Domini cœnas dabant
lautissimas, totos iis apros inferebant.
Imò in unicam quandoque cœnam octo
apri integri erant assandi. Quo luxu

B 2.

M. An-

a August. tom. 10. Serm. 29. de verbis domi-

ni c. 6. mihi pag. 45. b Matth. c. 13. v. 31.

c Apoc. c. 7. v. 2.

M. Antonium sæpius cœnâsse constat. Lucullus in singulas easque quotidianas cœnas, quinque millia philippeorum absumpsit. Res pueris nota. Sed hæc tantæ lautæ ac dapiferae cœnæ ab ovis initium duxerunt. Venusinus vates: Hoc omnibus, inquit, cantoribus vitium est, ut rogati non faciliè inducant animum cantare, inussi nunquam desistant. Hoc Tigellius ille habebat, quem si Cæsar rogare nihil proficeret,

— *Si collibuiſſet ab Ovo*

Vſque ad mala citaret, iò Bacche. b

Ergo Romanorum quantumvis regni cœnæ, Ova tamen ferculorum initium dabant.

Cogitate, Christiani, omnem Christi vitam, à Natali die ad Reſurgentis & iſcalum Ascendentis gloriam; tenuiſſimum ſanè principium in omnibus obſervabitis. Iudæi opulentum Meſſiam ingenti famulitio ſtipatum expectabant. Extremam Domini humilitatem, ſtupor illorum capere non potuit. Talia ſunt omnino Beatitudinis principia. Et quales, obſecro, in hoc orbe ſumus, quàm miſeri, quàm afflicti, quàm diis non ſimiles! Verùm ſic illi vitæ meliori præluſimus à viliori edulio, ab ovis incipimus, dum eſt, Quod Ioannes aſſerens: Chariſſimi, ait, nunc filii Dei ſumus, & nondum apparuit, quid erimus: e nondum

appa

a Vide Lipſium l. 4. Polioræticon c. 1. b Herat. l. 1. Serm. Sat. 3 initio. c 1. Ioan. c. 3. v. 1

apparet futura Beatitudo. Coenam illam magnam ab ovis ordimur. Æquo simus animo; post hæc ova sequentur fercula meliora.

Præceptio secunda. *Sudore aut sanguine immortalitatis purpura est emenda.* Lampridius narrat, quo die Imperator Septimius Severus natus est, ab aniculâ puerperæ Ovum purpureum esse oblatum. Aruspices hoc inter Imperij omina habuerunt. Septimio Cæsari duo filii fuerunt Aurelius Antoninus Bassianus (qui & Caracalla dictus à veste) & Antoninus Geta. Hic cum natus esset, gallina ovum purpureum in ollâ peperit, quod allatum Bassianus Geta recens nati fraterculus accepit, & quasi ludens applosum ad terram fregit, Iulia mater in hanc ovi mortem jocata: Maledicte parricida, inquit, fratrem tuum occidisti. Ac sanè occidit postea, ut putes velut divinitus emissam non ludentis, sed augurantis vocem. *a*

Sudore dicimus aut sanguine immortalitatis purpuram emendam. Christus patiens sub vitæ finem, duplicem inter tormenta gessit purpuram, muricis & sanguinis; muricis alienam, sanguinis suam. Purpuratum cernimus Dominum IESUM tam in Pilati domo, quam in Golgothæ clivo. In Pontii Prætorio jam flagris liberalissimè purpuratum milites conchyliatâ chlamide vestierunt. Hæc illa duplex purpura. Sic cælum emit rex cæli.

B 3

Et

a. Aurel. Victor in Epit. Imp. & Spartianus.

Et nōne hæc oportuit pati Christum, & ita intrare in gloriam suam? *a* Iudæi perfidissimi cum Christo fratre suo, sicut Bassianus cum Getâ, cum Iosepho fratres egerunt; verè maledicti parricidæ. Ergo Christus emerit cælum sanguine, nos nec sudore quidem id emere velimus?

Non est è terrâ mollis ad astra via.

Non est. Luctandum & sudandum. Et cum venditor poscit sanguinem, nil emptori cunctandum: Non sunt condignæ passionēs huius temporis ad futuram gloriam, quæ revelabitur in nobis. *b* Seu sudor, seu sanguis, vilissimum pro cælo pretium est; obolus pro regno.

Præceptio tertia. *Varia Beatitudinis æstimatio.* Quàm multò aliter homo paganus, aliter vir doctus, aliter homo voluptuosus, atque aliter religiosus cælum gustant & æstimant. Quærit Seneca: Quid est beata vita? Respondet: Securitas & perpetua tranquillitas. Hanc dabit animi magnitudo, dabit constantia bene iudicati tenax. Ad hoc quomodo pervenitur? Si veritas tota perspecta est, si servatus est in rebus agendis ordo, modus, decor & innoxia voluntas intenta rationi, nec unquam ab illâ recedens. *c* Alii aliter. Disparia capita, diversi affectus.

Ovum album omnes colores recipit, cæruleum, viridem, croceum, purpureum, violaceum; tingi, scribi, pingi sustinet. *a Luc. cap. 24. v. 26.* net

b Rom. c. 8. v. 18. c Seneca epist. 92. initio.

net ad libitum se tractantis . Beatitudo velut Ovum , diversissimis affectibus inscribitur . Hic quidem sua omnia vendit , & in egenos distribuit , ut cælum emat . Ille aurum præ cælo adorat mortalium stultissimus : iste sui etiam sanguinis prodigus , vitam mavult quàm cælum perdere : hic omnibus se privat voluptatibus , ut majores recipiat certo fenore . En variam cæli æstimationem . Hæc nostra est seu miseria , seu infania , quod plerique omnes pretium vile nimis constituamus cælo . In tenebris hanc gemmam à vitro non dignoscimus : anigma nobis est beatitudo . Hic tamen omnium sensus est : Bonum ingens celari cælo .

In illo Trimalcionis convivio inter ceteros missus repositorium allatum est cum corbe , in quâ gallina erat lignea patentibus in orbem alis , quales esse solent quæ incubant ova . Accessere continuo duo servi , & Symphoniâ strepente scrutari paleam coeperunt , erutaque subinde pavonina ova divisere convivis : Hic Trimalcio ; Amici , ait , pavonis ova gallinæ jussi supponi , & timeo ne jam concepta sint . Convivæ cochlearibus argenteis ova ex farinâ pingui figurata pertundunt . Inter quos unus panem projecit partem suam , nam videbatur illi jam in pullum coisse . Deinde , ut audivit veterem convivam : Hic nescio quid boni debet esse , persecutus putamen manu , pinguis-
mam , & piperatam ficedulam pro vitello

invenit, laudavitque voces monentis: Hic nescio quid boni debet esse. *a*

Scrutemur obsecro, Beatitudinem celestem, & quotidianis eam meditationibus gustemus; idem & nos pronuntiabimus: *Sub hoc Ovo nescio quid boni debet esse.*

§. 2.

Præceptio quarta. *Beatitudo thesaurus absconditus.* Plinius affirmat; Hieme Ova paleis, æstate furfuribus optimè servari. *b* Nimirum tantus thesaurus operimento tam vili tegitur. *Simile est regnum celorum thesauro abscondito.* *c* Paleis & furfuribus etiamnum testus hic thesaurus latet. Hunc ita latentem Christus in cruce cepit dividere. Et quod mirissimum, cum dividitur, totus singulis datur. Hunc prisci Patres acceperunt in limbo. Siquidem eo puncto temporis quo Christus in cruce mortuus clausit oculos, eo captivis illis referavit cælum. Nam etsi eo carcere nondum educti fuerint, divino tamen aspectu jam fruebantur, quod primum cæli præmium est. *d* Res certa Theologis.

Thesaurus absconditus Beatitudo: hunc multi non inveniunt, quia non quærunt, aut malè quærunt. Nec id philosophis ignarum. Annaus optimè: *Quid*

a Satyr. Arb. *b* Plin. l. 10. Nat. hist. c. 60.

c Matth. c. 13. v. 44. *d* Vido Suarez in 3. partem D. Thome disp. 43. sect. 3.

Quid est ergo, inquit, in quo erratur, cum omnes beatam vitam optent? Quod instrumenta ejus pro ipsâ habent; *viam ad calum pro calo eligunt*, ita & illud dum petunt, fugiunt. Nam cum summa beatæ vitæ sit solida securitas, ipsi sollicitudinis causas colligunt, & per insidiosum hoc iter vitæ, non tantum ferunt sarcinas, sed trahunt, divitiis sese implicant. Ita longius ab effectu ejus quod petunt, semper abscedunt, & quò plus operæ impendunt, hoc se magis impediunt, & feruntur retrò. Quod fit in labyrintho prope-
rantibus, ipsa illos indocta discursatio involvit. *a* Vanissimas sollicitudines has & multiplices labores, quos non cælo sed terræ impendimus, religiosissimus scriptor considerans, significanter admodum dixit: Pro modicâ præbendâ longa via curritur: pro æternâ vitâ à multis vix pes semel à terrâ levatur. Prorsus sic est. Obi orbem & inspicere: Oraculum hoc dicere. Beatitudo thesaurus absconditus.

Præceptio quinta. *Resurrectio & Beati-
tudo multis somnium est.* Somniavit unus aliquis, quod Suidas memorat, è lectuli sui suspensio mantili pendere Ovum. Ille avidus scire quid hoc somnium sibi velit, somniorum interpretem seu conjectorem adit, & super oblatâ per somnum specie sciscitatur. Cui interpretes: Sub lecticâ, inquit, thesaurus latet. Tu, si quid agis, rimare pavimenti viscera, & pretiosa *Seneca epist. 44. fine, B 5* sum
paucula mutatis & adjectis.

sum ovum invenies. Cujus hinc ignavia cessaret? Fodit, vas invenit, in quo argenti auriq̃ue velut nucleum ignota avaritia concluderat: ita quidem, ut medium aurum veluti vitellus Ovi argento tanquam albumine cingeretur. Inventu tam pretioso latissimus interpreti suo aliquot de metallo sequiore philippeos misit, Tum ille gratias quidem egit, unà tamen venustissimo dicterio ampliorem mercedem exigens: Nihilne, inquit, de vitello? Nam absque me fuisset, & somnium tuum non nisi somnium fuisset. *a*

Beatus Paulus Athenis Christum in cruce quidem mortuum, sed à morte redivivum annuntiavit, dixitq̃ue concione publicâ: Suscitans eum à mortuis. Cùm audissent autem Resurrectionem mortuorum, quidam quidem irridebant, quidam verò dixerunt; audiemus te de hoc iterum. *b* Visum est eis somnium, Resurrectio mortuorum. Ita plurimi beatitudinem magis somniant, quàm seriò cogitant. Istius ovi vitellus, tam eis absconditus est, ut panè nullo illius desiderio tangantur. Divinus psalteres in admirationem raptus: Quàm magna, inquit, multitudo dulcedinis tuæ, Domine, quam abscondisti timentibus te! *c*

Omnium quidem oculos fugit vitellus tam pretiosus; ii verò qui DEVM religiosè
a Suidas, Cic. l. 2. de divinât. *b* Act. c. 17.
 1. 31. & 32. c Psal. 30. v. 20.

sè metunt, sic eum latere nōrunt, ut appetere sciant. Beatitudo vitellus est planè absconditus. Hinc multis somnium.

Carthaginensium Dux Amilcar, cū obsideret Syracusas, inter somnium vocem exaudisse credidit nuntiantem futurum, ut proximo die in eā urbe cœnaret. *a* Somnium videbatur lætum, sed sinistra ejus interpretationem exitus tristis consecutus est. Dum in vivis agimus, velut in prandio sumus, ibi post mortem cœnaturi. Tantò igitur conveniret moderatius esse prandium, quā antò lautior sequetur cœna. At plurimi jam lautissimè prandent, tanquam cœna illa Magna somnium foret. Ideò fatui interpretes isti, & prandiores ebrii apud inferos cœnabunt: quandoquidem cœnam apud superos velut somnium habuerunt.

Præceptio sexta. *Beatitudo sui appetentem trahit.* Liceat hīc quærere: *Qui* Ovum vidit per perticam aut hastam ascendens? Sed forsā tu contrā quæres: Quid hoc magiæ? Vnde motus Ovo? Nihil hīc incredibile: certum est quod dicimus, & exploratum, nec grande arcanum. Etenim si Ovum liquore suo vacuum, impleatur rore, & tigillum *b* clementer acclive parieti applicetur, ovum ad tigilli pedem positum per illud rependo ascendet. En Ovum ambulans, en

a Valer. l. 1, c. 7.

b sur-

b Ein Latten mit einer Kriemen.

furfum reptans. Si quis immortalitatem beatiffimam cogitatione fapius complectatur & reputet, Ovum in pectus recipit, neque ovum vacuum, fed caelefti rore plenum, nec motu deftitutum; per tranftillum ibit, furfum tendet. Hoc ajo: quifquis cogitationem in calum, in aternitatem defixerit, optimis defideriis æftuabit, fufpiriis ac gemitibus alta petet, fubinde & lacrimis fluet, in fummum enitetur, & expeditius longè, quàm aut Athenienfis Dædalus, aut

Graculus efuriens in calum jufferis, ibit. a

Homo qui caeleftium contemplatione animum exercet, per gladios, per haftas, per ignes impavidus curret, fe jaculis fcopum, haftis fe ludibrium objiciet, ut tantò celerius ac felicius in calum penetret. Ne mirare, ovum pectore gerit, fed ovum rore diftentum, quod furfum tendit, quod in altum trahit: amor & defiderium cæli non quiefcit; unde descendit, cò redire cupit.

Chriftum aspice; per erectam crucis perticam ascendit: Propofito fibi gaudio fufstinuit crucem. *b* Chriftum tot millia Sanctiffimorum hominum fecuti; qui hanc ipfam crucis perticam conscenderunt, tormentis fefe omnibus animofiffimè objecerunt, modò potirentur calo. Quin & nos fequimur? fequemur certè, fi rofcidum illud ovum in pectus recipiamus.

Ite

a Juvenal. Sat. 3. v. 78. b Hebr. c. 12. v. 2.

*Ite nunc fortes, ubi celsa magni
Ducit exempli via. —*

Superata tellus, fidera donat, &c.

Ite, & ad cælum sequimini. Neque enim vos in profectu positi virtutis diffluere delitiis & emarcescere voluptate venistis. In vestrà situm est manu, qualem vobis vitam formare velitis. Omnis enim quæ videtur aspera, aut bonos exercet, aut lapsos castigat, aut improbos punit. Boni exercentur ad præmium, lapsi aut lapsuri castigantur ad profectum, improbi puniuntur ad supplicium. Ergo animosè: per confragosa & aspera eundem est: sed sic ad cælum itur.

§. 3.

Præceptio septima. *Beatitudo morte comparatur.* Pullus ovo conclusus, si in auras emittendus sit, prius ovi cortex rumpendus. Sterilissimâ lite altercantur docti, an gallina mater, an verò pullus rostello pertundat ovum ut exeat? Inanis concertatio: nobis non licet esse tam otiosis. Hoc assero, ut pullus extra suum carcerem sit, putamen ovi rumpendum est: ut homo fruatur Deo, moriendum est. Christus ipse mortuus, mater Christi, Discipuli Christi, omnes amici Christi mortui sunt. Hic nulla immunitas, nullum privilegium, nullum; moriendum est. Mori cupiebat, & ovi corticem

pro-

a Boeth. l. 4. de cons. Phil. metro 7. fine.

perrumpere, qui clamabat: Educ de custodia animam meam ad confitendum nomini tuo. *a* Iam brevè educendus cantabat: Nunc dimittis servum tuum Domine, secundum verbum tuum in pace. *b*

Anselmus hîc eleganter: O misera fors hominis, inquit, cum hoc perdidit ad quod factus est! ô durus & dirus casus ille! Heu quid perdidit, & quid invenit? quid abscessit, & quid remansit? Perdidit beatitudinem ad quam factus est; invenit miseriam propter quam factus non est. Abscessit sine quo infelix est, & remansit, quod per se non nisi miserum est. Ærumnosi! Vnde sumus expulsi? quò sumus impulsì? Vnde præcipitati? quo obruti? A patriâ in exilium, à visione DEI in cæcitatem & barathrum, à jucunditate immortalitatis in amaritudinem, & horrorem mortis. *c* O igitur verè felices, qui è carcere tam fædo in palatium, ad regnum, in solium educuntur.

Hegesistratus Elæus à Lacedæmoniis captus, & in vincula conjectus rem fecit omnibus pòst sæculis admirandam. Nam cum ferratis soleis nexus esset, dimidium pedem præcidit, ut illis sese compedibus eximeret: Demum excubitoribus deceptis, subrutoque muro effugit carcerem. *d* Christi suasu oculi quandoque nostri à nobis ipsis sunt eruendi, manus amputandæ, pedes præcidendi, ut ad libertatem

a Psalm. I. v. 8.

b Luc. c. 2. v. 29. *c* Anselm. in prosolog. c. I.

d Herodotus in Calliope.

bertatem celi evolemus. Quid cunctamur? quin illos eruiamus, has amputamus, istos præcidimus? Denique carcer effringendus, perrumpendum est ad alta. Videte corpus Domini IESU trabi suffixum: quomodo flagris, vepribus, clavis laceratum, quasi viam præbuit ut evoleret spiritus. Aspiras paradisum? Prius illic non evolabis, quam ovi cortex pertundatur. Perrumpendum, moriendum est.

Præceptio octava. *Beatitudo gaudet ingeniosis inventoribus.* Christophorus Columbus gente Italus, suopte ingenio id invenit, ut novum Orbem retegeret primus. Cum autem res ea in magnâ gloriâ simul & invidiâ esset, ita evenit in convivio quopiam Hispani proceres hanc laudem ejus delibatum irent, & variè vellicarent. Quippe id facile cuivis & pronum fuisse; navigationem illam gravibus periculis caruisse, adeoque suæ gentis hominem potuisse easdem illas terras gentésque reperire, sine Italorum artificiiis. Columbus (aderat enim) cum tacitus diu audisset, denique surrexit, & velut aliud acturus ovum attulit à gallinâ, illudque reposuit in mensâ. Et heus Domini mei, ait, quis vestrum ille tam sollers, qui hoc mihi ovum in caput, erectumque destituat? Mustare illi, circumspicere, jamque mutuo aspectu silere, negare ad extremum omnes id posse fieri. Ille clementer: Imò verò, ait, fiet, & simul

mul ovum leniter à capite læsum super mensam erectum deposuit. Hic risus omnium & irrisus, pro se quisque rem facilem ac nugatoriam dicere. Hoc nostrum cuilibet, ajunt, effectu promptum fuisset. Sed enim, ait Columbus, non cuilibet vestrum hoc promptum fuit excogitatu ante me indicem, Talis est inventio novi Orbis, quem inveniendum nemo, omnes inveniant inventum. *a*

Qui Divorum res gestas evolverit, quales, DEVS bone, quamque admirandas reperiet inventiones? Quid ii non excogitarunt, utque certius arctiusque cæli præmium obtineret? Sanctissimi quoque hominum, quid non moliti, quid non ausi, quam in seipsos duri ac severi extiterunt, quam sibimet acriter imperarunt? Quam novâ mundum arte delusit Alexius? Quam generosâ inventionem Venerem triumphavit Nicetas! quam vario stratagemate diabolum debellavit Antonius! quam salutare sui odium in seipsos concitarunt alii. Fuerunt qui nudum corpus loricâ ferreâ vestirent, aut ferreo cingulo lumbos stringerent, ut ferrum intumescens circum caro tegeret. Alii totos dies, quandoque biduum triduumque impransî & incœnati laboribus ac precibus se fatigârunt: alii jejunia longius produxerunt. Fuerunt qui pluribus annis nil cocti aut calidi libârunt. Alii cum demum somno succumbendum,

a Lipsius l. 1, Antiq. lect. in Fres. ad Lectore.

bendum, non jacere, sed incommodè, nec tamen innixi parieti sedere voluerunt. Alii humo nudâ, subjecto pro cervicali saxo insuavem & parcum somnum admiserunt. Quanti precibus totas noctes pervigilârunt? Plurimorum mos fuit trecenties aut sexcenties, & verò sæpius de die genua submittere ad precandum. Fuerunt, quos Stylitas nominârunt, qui annis compluribus diu noctuque columnis insisterent sub puro Jove, tempestatum omnium tolerantes. Alii virgis armati seipso utraq̃ue manu acerrimè ceciderunt, dum omnes Davidis Psalmi recitarentur: alii die unâ nocteque tamdiu in se virgis sævierunt, dum omnes Psalmi novies pronuntiarentur. DEVM immortalem! quàm obtupescenda sunt hæc inventa in fraudando genio, in affligendâ gulâ, in fallendo somno, in toto corpore macerando! Hæc omnia ad beatitudinem certiùs obtinendam excogitata sunt. Christus ipse ut suis diadema regni acquireret, priùs spinis coronari voluit. Inaudita inventio! Beatitudo gaudet ingeniosis inventoribus.

Præceptio nona. *Ad Beatitudinem per ignem & aquam transeundum.* Hoc itidem ab ovo discendum. Quis ovum obsecro, lixare aut coquere sine igne potest? Dicat: Si ovo fracto, vitellus in bullientem aquam effundatur, esui commodissimus fiet. Hic ovi coquerdi modus nihil ad rem: Sed nec ille, cum in ponte Tibe-

rimo Romæ, sabulo ardenti ovum exponitur à sole decoquendum . Aliter lixari potest ovum ad parietem pendulum, idque hac ratione . Sacculum scortum mihi date quemcunque obvium: hîc calice vivâ & affusâ aquâ impletus ad proximum parietem appendi poterit : Huius sacculo injectum ovum , velut in pensili foco pulcherrimè decoquetur sine igne, non sine occulâ vi ignis.

Nos sine ferro & flammâ Martyres esse possumus, si veram in quavis calamitate patientiam exhibeamus. Hierosolymæ Rex David sine igni & aquâ , ignem & aquam expertus: Transivimus, inquit, per ignem & aquam, & eduxisti nos in refrigerium, *a* Dñi filium cruentæ trabi suffixum aspice : Transivit per ignem & aquam. Pridie mortis per torrentem Cedron ad iudices tractus , in illos denique dolorum ignes præcipitatus est, ut extremâ siti confectus exclamârit: *Sitio*. Verè per ignem & aquam transiit in paradysum: eductus est in refrigerium. Scientes, inquit Paulus, quòd Christus resurgēs ex mortuis, jam non moritur, mors illi ultra non dominabitur. *b* Agite, Christiani, hæc transeundum est , alia via in paradysum non est, nec vera hæc transiliri potest. Transeundum est per multiplicis afflictionis ignem & aquam . Solatio sit solum esse transitum , quicquid malorum patimur . Eja ergo transeamus usque
a Psalm. 65. v. 12. Bethlehem,
b Rom. cap. 6. v. 9.

Bethlehem, tranſeamus: Educet nos Dominus in refrigerium.

CAPVT III.

Alia novem præceptiones ad calum crebrius meditandum.

IN superiore Palatinatu coenobium est in cuius perystilio a Epitaphium cum hac inscriptione:

Gebt ieder ein an / dem edlen Schwepperman 3wan. b

Epitaphii origo hæc est: Ludovicus IV. Imperator Augustissimus, anno Christiano millesimo trecentesimo decimoquarto, eam annonæ difficultatem in castris expertus, ut quod alimonix reliquum, parcissime inter militem fuerit distribuendum. Neque verò aliud quidquam supererat quàm ova. Hinc optimus Imperator, velut providus paterfamilias cum annona ingravescit, liberis suis graciles panis lamellas a præfecat; sic ille cuius militi, ovum unum assignavit. Erat tunc in Exercitu Seufrius Schwepperman vir sanè militaris ac strenuus, amplà fortunâ dignus. Huic Imperator ob excellentem viri virtutem ova duo præcepit dari. Hinc illa pars Epitaphii:

*a Im Kloster Castel / Im Creutzgang.
b Singulis militibus ovum unum: Schweppermano geminum. c Macht du eine schencklein.*

Gebt jedem ein ap/ dem edlen Schwep-
perman zway.

Hic licuit parsimoniam ac temperan-
tiam condiscere. Fuit edonum quispiam
qti in convivio viginti quinque ova ve-
lut in antecoenium *a* sorberet, & etiam
num esuriret. Huic sanè in militiam pro-
ficiscendum non est: unum illi ovum vix
umbra cibi videretur, cui hecatombe *b*
ovorum opus est. Cujusmodi ferculum
apud Athenæum Evippus nominat, &
cum bellariis asserit devoratum.

Nos de Beatitudine compendio loqui
& dissertationi exactiori velut præludere
cœpimus. Ovum sumpsimus huic pro-
mulsidi prorsus idoneum. Ita pergemus
dum ad graviora deveniamus.

§. 1.

Præceptio decima. *Vna Beatitudo, mille
gaudia.* Quicquid voluptatum ac gaudio-
rum animus humanus vel excogitare vel
optare, imò plus quàm optare potest, id
in uno DEI aspectu fruendum inveniet.
Gloriantur coci, si ex oviculâ unicâ di-
stinctos missus plurimos condire sciant.
Fuit qui è solis ovis sexcenta fercula dis-
paria noverit parare. Ejus generis fuit
Livianus ille cocus, qui è suo domestico
nescio quot epularum & aprugnæ spe-
cies confecerit. *c* Cœna illa in cælo Ma-
a Für ein vor-essen: recens factum. *gna,*
b Hundert apr. *c* Livius l. 3. de bello
Macedon.

gna, beatitudo una est, sed mille gaudiis abundat. Veritatis oraculum est: Gaudete & exultate, quoniam merces vestra copiosa est in cælis.^a

Interrogata sponsa, de sponsi formâ: Qualis est dilectus tuus ex dilecto, qualis est? Illa velut penicillo sumpto depictura sponsum: Caput ejus, inquit, aurum optimum: Comæ ejus sicut elatæ palmarum: Oculi ejus sicut colubæ: Genæ illius sicut areolæ aromatû: labia illius lilia distillantia myrrham primam. Post omnia vultûs lineamenta: Guttur ejus, inquit, suavissimum.^b Bona mulier non reperit cui guttur conferret. Beatitudinem cælestem cogitationi subicere, sermoni possumus inferere, verbis explicare non possumus. Hic non hominibus solùm, sed & Angelis silentium indicitur: hic solus Dei filius cum dignitate loquitur. Beatitudo una est, sed mille, mille, mille gaudia. In montis Taboreii jugo silent Angeli, Moses & Elias loquuntur quidem, sed de nece ac excessu Domini; solus Pater loquitur, jubetque audiri filium. Petrus, quod Augustinus observat, omnium mysteriorum oblitus, clamavit quasi ebrius, & tamen stillam tantùm gloriæ gustârat. Mortalium nemo, nemo Angelorum cælestem gloriam satis explicaverit; mille, mille, mille gaudia beatitudo unica complectitur.

Præceptio undecima. *Beatitudo expensis*

C 3

a Matth. c. 5, v. 12. b Cantic. c. 5, v. 16.

& laboribus omnibus dignissima. Audite quid juveni studioso contigerit. Is patriæ Italiam studiorum causâ prætulit, & Patavii coepit agere. Cum domo subsidia numerorum expectaret, visus est sibi per somnium à tabellario accipere ovum, mox frangere, & nucleo toto corpus perungere. Verum profectò somnium fuit. Etenim paulò post transmissa pecunia est, quæ partim aureis, partim argenteis constabat numis. Atque hoc candidum luteumque ovi erat. Vix numos acceperat, & in gravissimum morbum incidit, quo omne illud aurum argentumque consumptum est. Hoc prorsus erat ovi liquore corpus perungere. *a*

Beatitudo ejus generis gemma & cimelium est, ut Christus asserat. Simile est regnum cælorum homini negotiatori, quærenti bonas margaritas. Inventâ autem unâ pretiosâ margaritâ, abiit & vendidit omnia quæ habuit, & emit eâ. *b* Quis veterior Christo Domino mercator qui pretium sui sanguinis infinitum pro pretiosis illis mercibus dedit? Verè abiit, vendiditque omnia; famam, sanguinem, vitam exposuit, ut nobis cælum emeret. Beatitudo expensis omnibus dignissima. Tot millia hominum Christi exemplo invitati hoc ipsum à tot sæculis egerunt; abierunt, & vendiderunt omnia quæ habuerunt, ut emerent unam illam beatitudinis

a Erycius Putean. de summo nature miraculo mihi pag. 101. b Matth. c. 13. v. 45. & 46.

tudinis margaritam, omni sumptu dignissimam. Vide mihi hominem, qui beatissimam æternitatem, qui cælum serio amet: lætus is abit, venditque omnia; parentes deserit, voluptatibus valedicit, facultates omnes excutit, honorum compedes rumpit, rem & spem fortunæ blandientis abjicit, quicquid est illecebrarum à se præscindit, ad omnia pro Christo promptum paratum se sistit; ita totis brachiis crucem amplectitur. Num iste tibi non omnia vendere videtur, ut unam atque unicam æternitatis margaritam emat? O felix emptio! ubi pro mille auri talentis obolus expenditur. Interroga illum ipsum hominem, qui, si sapit, & serius est, hoc ipsum dicet: Multa vobis videor reliquisse? Nihil reliqui: cupreum teruncium dedi pro sexcentis auri millionibus: Beatitudo laboribus & expensis omnibus dignissima est.

Præceptio duodecima. *Beatitudinis gulsulus amicis mittitur.* Antequam Europa tor bellis arderet (quorum incendia nondum sopita) in nostrâ superiore Germaniâ varii equestres ludi dabantur, plurimæ personatorum pompæ visebantur, in amplioribus præsertim civitatibus quæ sæpius per annum ejusmodi Hilaria celebrabant. His ludis plerumque intererant ova, sed pretioso liquore fragrantia: nam angustissimo foramine ovi medulla solet efflari, & florum succus infundi. Hæc ova honoris & amoris signa

per ædium fenestras dextrò injicere artus est. His ovis plenos sæpe coròes onerabat festivus luxus, ut ea liberaliter huc illuc missilia spargerentur. Ita imbres odoriferi ovis clausi, in domos notiores perpluebant.

Istius moris DEVS etiamnum retinens, ova fragrantia in amicos cælo dejicit, tangitque destinatissimo ictu. Ea subinde suavitas, & copia solatiorum bonam mentem obruit, ut homo jam sibi cælo receptus videatur. Hinc paratissimus est pro Christo vinciri, uri, necari: obvium quodvis patibulum suo corpore ornare, aut contusis membris vestire rotam; DEI causâ pati plurima desiderat: esurit contumelias, prurit in tolerandas plagas, cupiditate pro DEO moriendi ardet. Vnde huic homini tantus tamque alacer animus? hæc corruptior natura non docet. Vnde igitur illi tui æstus tam generosæ patientiæ? Cor ejus cælesti solatio plenum est, mel beatitudinis jam lingit: hinc paratus ad omnia. Sed unde hoc ipsum illi? DEVS in illum ut in amicū fragrans ovum dejecit cælo; hinc ardor iste, hinc accensus in Christum & Beatitudinem amor. Beatitudinis gustulus illi submissus est, fragranti nimbo permaduit, cælesti ovo in amoris signum tactus est. Iamque cum Paulo etiam hostes provocat, & excelfo animo vociferatur: *Quis nos separabit à Christi charitate? tribulatio? an angustia? an fames? an nuditas? an* pe-

periculum? an persecutio? an gladius?
In his omnibus superamus propter eum
qui dilexit nos.^a Nulla laboris aut do-
loris, sed nec ærumnarum vis ulla me
hinc avellet: Deo duce superabo om-
nia.

Vnde animus tam invictus? Fragranti
ovo ad beatitudinem initiatus est. Vide
Antiochenum Præsulem Ignatium: Leo-
nes provocat ad sui Ianienam, ut sentiat
se mori: Vtinam, inquit, fruar bestiis,
quas & oro mihi veloces esse ad interi-
tum. Nunc incipio Christi esse discipu-
lus, nihil de his quæ videntur desiderans,
ut IESVM Christum inveniam. Ignis,
crux, bestiarum, confractio ossium, membro-
rum divisio; & totius corporis contritio,
& tota tormenta diaboli in me veniant:
tantum Christo fruar. En amicum Chri-
sti, fragranti ovo, cæli desiderio concita-
tum ad alta rapi. Nimirum Beatitudinis
gustulus amicis mittitur.

§. 2.

Præceptio decimatertia. *Beatitudinis
premium nondum partum facillimè frangi-
tur.* Ovum, nobile quidem edulium, sed
fragile. In Germaniâ superiore ludi ge-
nus est, Ova legere.^b Exeunt in pratum
& cursu certaturi ova sportis efferunt.
Centum, ducenta vel plura ordine &
passus unius intervallo in longam li-

C 5 neam
^a Rom. c. 8. v. 35. & seqq. ^b Apklauben.

neam locata extenduntur: Hæc singula ita redituque ad ovorum numerum repetito in sportam juxta positam, quam potest celerrimè infert qui certat. Interea constitutam sibi metam antagonista currendo satagit emeriri. Certamen est, uter celerior sit, hic currendo, an ille colligendo. Sed si collector ovum rumpat priusquam absolvat, jam victus est. Spectaculum jucundum.

In Belgio tripudium *a* ovi passim instituitur hoc modo: Saltant singuli seu pueri, seu puellæ, gyrosque ducunt certis legibus circa ovum quod humi jacet ligneâ scutellâ tectum. Hanc inter saltandum pedibus amoveant, eamque nudato jam ovo, ad numeros circumagunt. Cum omnia ex ritu fecerunt, eodem involucrio rursus ovum operiunt. Quisquis hoc ruperit, aut læserit in pœnam sorbet. *b*

Dum vivimus, velut choreas ducimus obtinendæ beatitudini. Ea medio nostrum est. Christus id asserens: Ecce enim, inquit, regnum Dei intra vos est. *c* Sumus hæredes scripti cælestis regni, hæreditatem nondum possidemus. Eâ et jamnum excidere possumus. Agendum cautè, incedendum sollicitè, salrandum peritè. Ovum hoc facillimè frangi, momento potest amitti. Impudicus oculorum jactus vel unicus hoc ovum rumpit, beatitudinem perdit. Ut vidit Rex David. *a* Apertantz. *vid,*

b Erycius Puteanus l. *suprà cit. pag. 96.*

c Luc. c. 17, v. 21.

vid, perit. Expresſiſſimè Chriſtus: Qui vi-
derit mulierem ad concupiſcendum eam,
jam mœchatus eſt eam in corde ſuo. *a* At-
qui Paulinum illud ſcimus: Neque forni-
carii, neque ebrioſi, neq; adulteri, &c re-
gnum DEI poſſidebūt. *b* Res prorsus de-
licata eſt hoc beatitudinis ovum: Non
impudico tantum oculorum jaſtu, ſed
cogitatione obſcœnâ vel unicâ *c* totum
æternitatis regnum perditur.

Attendite, Chriſtiani, attendite, &
cautos pedes figite. Hoc ovi tripudium
eſt periculoſiſſimum. Fregiſti ovum? Et
te, & ovum perdiditi. Peccatum letale
vel unicum commiſiſti? Et beatitudinem,
& bona ſimul omnia amiſiſti. Scis, ô bo-
ne, decalogi præcepto ſexto adulterium,
& omne libidinis delictum; Septimo
furtum prohiberi. Nunquid hæc ſolum
illicita? evolvamus ſeriem divinæ legis.
Præcepto nono non mœchia ſolum om-
niſque laſcivia, ſed etiam mœchiæ cupi-
ditas: præcepto decimo non furtum tan-
tum, ſed omnis furti cupiditas vetatur.
Ergo tripudia, ſed cautè: hoc ovum cave
prius perdas, quàm acquiras. Beatitudinis
præmium faciliſſimè frangitur.

Præceptio decimaquarta. *Post ignes af-
ſtictionis, præmium Beatitudinis.* Rem mi-
ram & pœnè inauditam narrat laudatiſ-
ſimus

a Matth. c. 5. v. 28. *b* 1. Cor. c. 6. v. 9.

c Hanc Theologi Morofum vocant, quam quis
fovet cum aſſenſu in delectationem, etſi ab-
ſit aſſenſus in factum.

simus Poloniæ Dux Nicolaus Christophorus Radzivillius, quam ipse oculis suis spectavit. In Ægypto, inquit, fornaces sunt, in quibus omnis generis ovium pullos coëunt. Fornaces illæ sunt rotundæ mero stramine contextæ, glutine foras & intus accuratè perlitæ. Ab unâ fornicis parte ostiolum, ab oppositâ foramen non grande, Medio fornacis tergo fensilla est per quam obliquis radiis Sol penetret. Tanti autem sub meridiem calores sunt, ut paulò diutius uno loco consistere nec calceatus quidem possit. Porro hæ fornaces capacitatis tantæ sunt, ut in iis tria millia ovorum commodè reponi possint, & alterum ab altero non tangatur. Hinc tria millia pullorum, scilicet ovorum numero totidem pulli, aut certè non multò pauciores, jam ex ovibus exclusi simul prodeunt.

In clibano nunc sumus, quamdiu extra cælum sumus: hîc claudimur & urimur. Beatus ille quem amor cælestis sic excoquit, ut ex ætuousâ hac caveâ in cælum evolet. Dixi tria millia pullorum ex unico tali Ægyptio clibano simul in aras emergere, parum hoc est. Fuit cum ex unico templo viginti millia Christianorum in cælum unâ evolarent.

Anno à Virginis partu trecentesimo primo, Diocletiani & Maximiani Herculei ævo, Nicomediæ ipso die Natalis Christi viginti millia Christianorum ad rem divinam in templo convenerunt.

Diocle-

Diocletianus id commodam occasionem
 ratus, templi januas occludi, & circum
 circa ignem strui, pro foribus tripodem
 Jovi cum thure statui; simul etiam præ-
 conis voce proclamari jussit: quisquis ex
 eo numero tueri vitam cuperet & flam-
 mas effugere, foràs exiret, & Jovi thus
 adoleret: sin minùs omnes uno templi
 incendio exurendos. Hic omnium animà
 in unam sententiam erecti, malle centies
 mori, quàm Diis facere. Ita unus om-
 nium loco respondit: Omnes Christiani
 sumus; Christum DEI filium æternum
 regem colimus; huic uni sacrificamus; pro
 Christo millies mori non recusamus. Vix
 ea dixit, & continuò ignis convalescens
 templum corripuit, simulque illa viginti
 millia Christianorum, flammâ fumoque
 extinxit. ^a En clibanum è quo ingens
 hic numerus subvolavit in cælum. Ita tot
 veræ pietatis pulli eo prorsus die vi-
 tam immortalem auspicati sunt in cæ-
 lo, quo Christus mortalitati natus est
 in terrâ.

Æstuosa nos claudit cavea, dum vivi-
 mus. Toleremus. Post ignes afflictionis,
 refrigerium beatitudinis.

Præceptio decimaquinta. *Beatorum
 formositas elegantiam omnem extinguit. In
 hominem formosum & pumice expolitū
 vetus verbum est: Ex ovo prodiit. Non eā
 quā ceteri lege natus, ad omnem venu-
 statem excultus est. Quemadmodum*
 enim

^a Niceph. l. 7. hist. Eccles. c. 6.

enim de impolito & agreſti homine dici ſolet:

----- *Viridi puer excidit orno.* a

Ita de polito & eleganti dicitur: Ex ovo prodiit. Ab Apologo res ortum habet. Ledam Tyndari filiam fingeant priſci, duo peperiffe ova, ex uno Pollucem & Caſtorem gemellos, ex altero Helenam prodiſſe.

Ea eſt omnium beatorum corporum formoſitas, ut de ſingulis illorum rectiſſimè dicatur: *Et macula non eſt in te.* Ex ovo prodierunt omnes. Dum enim viverent, tam aſſiduâ cæli contemplatione animum exercuerunt, ut cælo velut ovo ſeipſos concluſerint. Inde jam progreſſi ad immortalẽ vitam, ex ovo planè prodiſſe dicendi ſunt. Quod ſi more modòque veterum loqui libeat, dicendum: In cælo meri Caſtores & Polluces, meri Narciffi & Spurinæ, Ariadnæ ſunt tantum & Helenæ mortalibus omnibus formoſiores. Omnem mortalium elegantiam conſla, & cum unius beati formoſitatẽ compara, Æſopum cum formoſiſſimo ſimul & caſtiſſimo Democle comparaveris. Quid mortualis calva aut cranium ad juvenis venuſtiſſimi frontem? Quid oris humani decus eſt ad beati Stephani formoſitatem in cælo, qui etiamnum mortalis faciem tamen Angeli præferebat? b Paulus diverſa ex æquo comparans: Primus homo, inquit, de terrâ terrenus: ſecundus homo de cælo cæleſtis.

a Statius, b Act. c. 6. ſine.

Qua-

LIB. I. CAP. III.

Qualis terrenus, tales & terreni: & qualis caelestis, tales & caelestes. *a* Christus adhuc moriturus, formâ tamen speciosus exitit præ filiis hominû: *b* quàm erit formosus jam cælo receptus: qualis ergo caelestis hic homo, tales & alii homines caelestes erunt. Quid igitur cadaverosos mortalium vultus præpropere ambimus?

Suavius ex ipso fonte bibuntur aqua.

Hoc oculorum spectaculum in cælo longè amabilius, & insuper æternum erit: Hoc amemus, hoc expectemus. Beatorum formositas elegantiam omnem extinguit.

§. 3.

Præceptio decimasexta. *Beatitudinis amor invincibilis.* Est forsân qui putet vitrum & ovum æquè fragilia esse. Ego verò inter robustissima ovum numero. Et Plinius disertè id affirmans: Firmitas putaminum, inquit, tanta est, ut recta nec vi, nec pondere ullo frangantur, nec nisi paullulum inflexâ rotunditate. *c* Qui vires & nervosâ corporis firmitatem jactant, hoc certamine solent exerceri, ut ovum tentent frangere. Conantur ii quidem, & valido palmarum nisu utrumque ovi cacumen æqualiter premunt; sed frustra sunt, & fateri denique coguntur, vires humanas vinci à fragili testâ. Putes sub ipsis manibus ovum in marmor commutari. Certum ab experienciâ. Nec

a I. Cor. c. 15. v. 47. & 48.

id.

b Ps 4. 4. v. 3. *c* Plin. l. 29. Nat. hist. c. 3. med.

id cuiquam adeò mirum videatur, nã panẽ facilius ladi, frangique ovo, nã tamen pertinaciùs resistere: tenerissimo cortici hanc firmitatem confert concameratio.^a

Quid fragilius homine aut imbecillius, quem rectè dixeris ipsam imbecillitatem. Sed ubi beatitudinis amor hunc ipsum occupaverit, videbis non iam ovum fragile, sed saxo, sed ære, sed chalybe firmiorem. Intuere, obsecro, Iobum: hominem cernes invalidum, debilem, innumeris miseriis obnoxium; omni ovo, omni vitro fragiliorem. Sed expecta sis, brevĩ faxeum, mox æreum, mox chalybeum atque adamantinum exhibebo. Quod paullò antè de divinis omnibus affirmatum est, id optimè de Iobo dicitur: *Ex ovo prodiit*. Iobus futuræ beatitudinis voluptates ita animo & cogitatione comprehendit, ut inter medios ærumnarum turbines latus cecinerit: Scio quòd Redemptor meus vivit, & in novissimo die de terrâ surrecturus sum. Et in carne meâ videbo DEVM Salvatorem meũ. Reposita est hæc Spes mea in sinu meo.^b En gemitum ovi cacumen invictâ firmitate concameratum. Vnum illud: *De terrâ surrecturus sum*. Alterum, istud: *Et in carne meâ videbo DEVM meum*.

Diabolus & Mundus in viri huius caput

a Das Ap ist gewölbt/ und weicht nit/ so es bey den zwapen spitzen gedruckt wirdt. b Iob c. 19, v. 25. 26. 27.

put conjurârunt, hunc unum perditum voluerunt; utrimque vim omnem exeruerunt, ut ovum hoc comprimerent. Non potuerunt. Diabolus in iras consurgens omni ope atque operâ in unius exitium ruit. Hinc Iobus, non ulcerosus tantum, sed merum ulcus; liberi, ruinâ domus sepulti omnes; uxor non solatricem, sed diabolum egit, & viro pariter insultavit. Quid ei nisi anima vix labris hærens restabat? Parte aliâ Mundus strenuè collaborans in greges armentorum Chaldaos & Sabæos immisit, qui pecus omne abegerunt. Nihil agis Munde; frustra sævis diabole. tenuissimum ovi corticem non dicam conterere, sed nec commovere quidem potestis: hoc ovum utrinque acuminatum est, conteri non potest, vim omnem è transverso illatam superat. I, nunc diabole; I, Munde, & Iobum ludos facite; ille vobis illusit. In fimeto cecinit, inter tot funera risit, amore beatitudinis invictus stetit. Verè Beatitudinis amor invincibilis.

Præceptio decima septima. *Beatitudinis contemplatio continentia & castimonia mater.* Filum ovo medio circumligatum, ut ajunt, resistit prunis & igni. Certè Plinius: Vis verò tanta est, inquit, ut lignum perfusum ovo non ardeat, ac ne vestis quidem contacta aduratur. *a* Siracides nè in DEVM ingratus esset: Liberaisti me, ait, à pressurâ flammæ quæ circumdedit me, &

D

in

a Plinius l. 29. Hist. nat. c. 3. post med.

in medio ignis non sum æstuatus. *a* Ignis est qui toto perfurit Orbe, ignis impurus venerens, ex orco emissus, de quo dilucidissime Iob: Ignis est, inquit, usque ad perditionem devorans, & omnia eradicat genimina. *b* Et ut probè sciretur de libidinis igne sermonem esse, proximo versu præmitit: Si deceptum est cor meum super muliere, & si ad ostium amici mei insidiatus sum. Hoc enim nefas est, & iniquitas maxima.

Atque hi Veneris ignes impurissimi locis omnibus sic latè grassantur, ut dici possit, *ardet Orbis*. Tot ubique spurca colloquia, tam foedi gestus, tot prava exempla, tot libidinum sunt illecebræ, ut quisquis venereum hoc incendium effugerit illæsus, cum Siracidâ Deo gratias memoriter, dicatque: In medio ignis non sum æstuatus. Magnus Antonius olim videri sibi visus est universum Orbem laqueis obductum. Hic ille ingenuâ interrogatione DEVM compellans: Domine, agebat, quis evadet? Idem hic licebit quærere: Cum ubicunque terrarum, cum in omnibus panè latebris hic luxuriæ ignis vivat, O Domine quis evadet? Responsum in promptu est; Ovo perfusus non ardebit. Quisquis Beatitudinem & delicias cælestes seriâ mente pertractaverit, & unâ illud expenderit: Caro & Sanguis regnum DEI possidere nō possunt: *c* ab illis ignibus sat tutus erit, Res liquida & certa *Eccli. c. 51. v. 4, & 6.*

b Iob c. 31. v. 12. *c* 1. Cor. c. 15. v. 50.

ta. Nam homines qui libidinum cæno volutantur, cælum profectò non cogitant, nisi rarissimè, idque prorsùs perfunctoriè. Hoc illis cælum est, lascivire & sordibus mergi. Ovo beatitudinis non perfunduntur. Hinc ignibus venereis non resistunt; uruntur & ardent: & quandoquidem animus eorum in flammâ est, os etiam & lingua, & oculi ac manus ob ejusdem flammæ vicinitatem turpiter ardent. O DEVS! meliora. Cælum meditare, & ignes libidinum effugies. Beatitudinis contemplatio, continentia ac castimonie mater.

Præceptio decimaoctava. *Ad Beatitudinem angusta ducit semita.* Ovum gallinarium tam docile ac patiens est, ut etiam per dactylum aut sigillarem anulum a trahi, aut in vitrum angustissimi colli se saluum intrudi patiatur. Quod eâ ratione fit, si ovum à gallinâ recens aceto nonnihil maceretur, ita mollescit, ut per annuli angustias non difficulter transeat. Viam minimè latam, portam esse angustam ad cælum clamant omnes Prophetæ, clamat Christus, clamant Apostoli omnes. Domini voces novimus: Intrate per angustam portam, quia lata porta & spatiofa via est, quæ ducit ad perditionem, & multi sunt qui intrant per eâ. Quæ angusta porta, & arcta via est quæ ducit ad vitam, & pauci inveniunt eam. *b* Christus

D :

tri-

a Durch ein pitschier/ oder finger-ring.

b Matth. c. 7. v. 13.

triginta quatuor annis quàm non laxi
incessit viâ? Tertullianus eleganter: Chri-
stus, ait, favos post fella gustavit; nec ante
rex gloriæ à cælestibus salutatus est
quàm rex Iudæorum proscriptus in cru-
cem. *a*

A Christo jam sedecim annorum cen-
turiis tot centena millia beatorum quàm
arctam & asperam iverunt viam, quàm
angustam & humilem subierunt por-
tam?

*Ampla est & amœna, & suaviter decli-
vus ad Erebum via:*

—— *Facilis descensus Averni. b*

Via peccantium, ait Siracides, complanata
lapidibus, & in fine illorum inferi, & te-
nebræ & poenæ. *c*

Bion inter Graciæ Sapientes Philoso-
phus dicere solebat: Viam ad inferos fa-
cillimam esse, cum illuc clausis eatur ocu-
lis. Ipsissima veritas. Reverà quisquis eò
contendit, oculis compressis & cæcus in-
cedit.

Via quæ ducit ad beatitudinem labo-
riosa est & ardua, oculis attentissimis
carpenda. Quoniâ per multas tribulatio-
nes oportet nos intrare in regnum DEI. *d*
Cum vinea Dominus juberet denarium
expediri vinitoribus, non dixit: Voca di-
sertos & eruditos, voca divites & hono-
ratos, voca bonos cantores, aut nobiles
picto-

a Tertull. l. de coronâ militis c. 1. fine.

b Virg. l. 6. Æneid. c Eccli. 21. v. 11.

d Actor. c. 14. v. 21.

pietores. Multò minùs dixit: Voca otiosos & cessatores: sed, voca operarios. *a* Cælestium arcanorum scriptor Ioannes digito monstrans, quinam è terrâ emerissent ad cælum: Hi sunt, inquit, qui venerunt de tribulatione magnâ. *b* Per angustum annulum ovo transeundum est. Per ærumnas ad felicitatem, per mortem eluctandum est ad vitam. Hæc itur; nec alia est via. Ad beatitudinem angusta ducit semita.

a Matth. 20. v. 8. *b* Apoc. c. 7. v. 14.

CAPUT IV.

Totidem aliæ præceptiones ad cælum ardentius desiderandum.

CIBVS nobilissimus ovum quatuor velut elementa complectitur: testa terram, albumen aquam, inclusus spiritus aërem, vitellus ignem refert. Ovum compluribus iisque honestissimis titulis triumphat. Nec enim immeritò ferculum appellatur Optimum, Paratissimum, Purissimum, Sanissimum, Securissimum. Optimi quidem ferculi nomen acquisivit inde, quòd insigniter nutriat, celeriter sanguis fiat, & minus aliis cibis rejectaneorum habeat. Ferculum autem Paratissimum est, vili monetâ, sæpe obolo emitur, condimento non eger, celerimè coquitur, imò esui est & medicinæ è gallinâ sumptum. Babylonii ova singula

imponerant fundæ, agitabantque, dum
calescerent : nos ovum dissolurum aquæ
calidæ injicimus, mox coctum habemus.
Porro ferculum est purissimum, nam te-
stâ clausum, non manu tangi, non fumo
assari potest. Quidam cibi à lebetes, ab
ollâ, cacabo, patinâ ingratum contrahunt
odorem; hæc ovum non metuit, missus
simul & discus, cibus simul & potus est.
Ferculum dixi sanissimum, nam alit, &
non onerat. Securissimum appellatur;
cûm pænè inauditum sit venenum ovo
propinatum.

— Nulla aconita bibuntur

*Fictilibus: tunc illa time, cûm pocula su-
mes*

*Gemmata, & lato setinum, a ardebit in
auro.*

Quod de ovo, id de cælo dicendum omni
jure. Beatitudo cælestis ferculum est op-
timorum ferculorum optimum; magna
& jugis cœna. Est paratissimum: Nam re-
gnum cælorum venale est, te da & habe-
bis illud. Est purissimum, sanissimum, se-
curissimum; quia voluptas illic sine tur-
pitudine, sine noxâ, sine fine est. Verum
id quod dicere cœpimus, prosequamur.

6. 1.

Præceptio decimanona. *Falsum Beati-
tudinis simulacrum a versandum. Plenum*
re-
a Generosum vinum, in aureo poculo resplen-
dens. Juvenalis Sat. 10, vers. 25.

recensque ovum in aquâ subsidit, putre
 vacuûmque natat cadaveris instar, quod
 principio quidem ad fundum devertit,
 jam putrescens ad aquæ superficiem
 emergit. Nihilominus recens & puti-
 dum ovum sibi esse simillima videntur.
 Sunt quos Paulus deplorat. Quorum
 DEVS venter est, qui terrena sapiunt,^a Hi
 sibi nescio quod cælum fingunt; & ani-
 mo ac mente concipiunt, cælum terræ si-
 millimum; cælum planè Turcicum, ubi
 caput beatitudinis, est voluptas corporis.
 Hic ovum putridum natat, ubi cælum
 est, quicquid uni corpori suave ac jucun-
 dum est. Audite, quæso, Turcici cæli in-
 colas, ut inter se colloquantur, & suo se
 gladio jugulent, suis se argumentis con-
 vincant: *Transibit, aiunt, vita nostra tan-*
quam vestigiûm nubis, & sicut nebula dissol-
vetur. Optimè hoc quidem dicitur, sed
 pessima & indoctissima est syllogismi
 conclusio: *Venite ergo, & fruamur bonis, quæ*
sunt, Addunt: *Vtamur creaturâ tanquam*
in juventute celeriter; non prætercat nos flos
temporis. ^b Hic conclusionem imperi-
 tissimè omittunt. Ergo hi flores (dici-
 dum) marcescent, & decident: Ergo vo-
 luptates raptim ingurgitandæ, antequam
 evanescant. At miserrima, imò nulla Bea-
 titudo est, quæ finiri potest. Sed pergunt
 stultissimi Dialectici: *Nullum pratum sit,*
inquiunt, quod non pertranseat luxuria no-
stra: ubique relinquamus signa letitiæ. ^c
^a Philip. c. 3. v. 18. ^{D 4} ^{O fa-}
^b Sapient. c. 2. v. 3. ^c Loco jam citato.

O fatui ! Hoc rectius boves dicerent, quàm homines . Deinde in Cælo prata omnia pertransiri non possunt; *a* in cælo non signa sunt lætitiæ, sed lætitia æterna. Ergo non cælum, sed cæli falsissimum simulacrum quæritis. Ita vos ipsos capitis damnatis . Solemus irridere rusticos, quibus lac pane similagineo intritum, cælum est. Vos illi estis rustici, qui Beatitudinis umbram fugacissimam sectamini; negligitis Beatitudinem ipsam. Saltem illud terreat brevî occinendum: Fili, recepisti bona in vitâ tuâ. *b*

Eon hæreticus aliique complures præstigiis suis, quoties libuit, extemporale cælum condiderunt, ut incautos fallerent . Sancti Vulfranni diaconus falso ejuscemodi cælo sic sese opposuit. Objecerat ei præstigiator palatium amplum, auro ac gemmis radians variâ amœnitate admirandum : Et hæc, ajebat, præmia sunt illorum qui Deos colere perseverârint . Diaconus spectaculi voluptate captus quidem, ne tamen præcipitanter ea vera crederet : Si horum, inquit, Deus est conditor, permaneant ; sin diabolus, dispercant . Mox præstigiator & omne palatium evanuit. Diaconus cû comite in vastâ se solitudine deprehendit, e quâ vix triduo potuit eluctari, & domum redire. *c*

Tale

a Baruch, ut videbimus, vocat domum DEI locum immensum. *b* Luc. c. 16. v. 25.

c Baron. ad ann. 1148. Zach. Lippeloo tom. 1. die 20. Mart. in vitâ S. Vulfr. mihi pa. 1000.

Tale cælum habent homines voluptuosi,
a extemporale, falsum, subito ruiturum.
 Cui Cælum amoris est, falsum cæli simu-
 lacrum auerfetur.

Præceptio vigesima. *Beatitudinis hostes
 maximi prava cupiditas, & hostile odium. b*
 Theologis duplex est appetitus, concu-
 piscibilis & irascibilis: pessimi suasiores
 nisi rigidis imperiis coërceantur: Ille vo-
 luptates ambit, hic simulates exercet, in-
 genti hominis damno. Scarabæus qui-
 dam est, Aquilæ capitalissimus hostis,
 qui ne iras inanēs gerat, Aquilæ alis se
 furtim insinuat. Ita in hostis sui nidum
 subvehitur, hoste ipso vecturam commo-
 dante. Scarabæus jam panē victor, hoc
 gnaviter agit, ut Aquilina ova perrodāt,
 ne possint excludi. Vbi hoc egerit, non
 sterili odio se vindicavit. En irascibilem
 appetitum, en capitale odium. Sed hos
 mores bestiis permittamus; aliis legibus
 homo stringitur. Odisse alterum, est cæ-
 lum perdidisse. Ioannes mortis senten-
 tiam apertissimè pronuntians: Qui odit
 fratrem suū, inquit, in tenebris est, & in
 tenebris ambulat, & nescit quò eat, quia
 tenebræ obcæcaverunt oculos ejus. *c* Ad-
 dit: Omnis qui odit fratrem suum, homi-
 cidā est. Et scitis quoniā omnis homicidā
 non habet vitam æternā in semetipso ma-
 nentem. *d* Quid magis serius dicatur?
 Maximus Beatitudinis hostis est, odium,
 sed non minor prava cupiditas.
a Weltkunder. *b* Odium D 5 Hic
proximi. c 1. Ioan. c. 2. v. 11. d 1. Io. c. 3. v. 15.

Hic tamen risum teneatis amici. Vir eruditus narrat, de qua sibi certò constabat: Tubingæ Medicus & ejus artis Professor a conjugem in primis charam habuit. Hæc eo tempore quo uterum ferebat, liberaliorem numerum ovorum in foro emerat. Domum ea referens, & mariti museum ingressa ingemuit altum. Maritus tam ferri gemitus causam sciscitari, & verò etiam solari promptus: Quid est, aiebat, quod cruciet? dic, mea conjux, quid hunc gemitum expressit? Illa tam suavi quæstione jam animosior: Mi optime marite, inquit, nosti me gravidam, & quanti ea res periculi sit gravidarum appetentiæ obluetari. Et quid ego hîc dissimulem? ingens cupido me incessit, hæc ova omnia, sed ordine & in tuam faciem projiciendi ac frangendi. Quid hîc ageret maritus? conjugis amor & periculi metus potentissime persuaserunt cupiditati huic cedere. Ergo bonus maritus, conjugis suæ jaculatrici futurus scopus strophium expromit, & vultui præpandit. Mox illa ordine, prout animus suggererat, ova jaculando frangit in viri facie. Ad finem ludi monita est uxor, ne deinceps vellet cupidine trahi tam insolente. Hæc ille ipse, inquit scriptor, mihi retulit qui lusum hunc pertulit. *b*

Heu quantus Beatitudinis hostis prava cupiditas! Venatorem illum Esau considerate. Vt lentis edulium, quod concupierat
a D. Georgius Hamberger.
b Rudolph. Camerar. Cent. 2, Memorab. c. 32.

pi erat obtineret, jus primogenitorū vendidit: sic generosissimum equum teruncio commutavit. *a* Ea est vis cupiditatis pravæ, ut si animum non solum invaserit, sed & occuparit, fiat panè inexpugnabilis rationi. Hinc illæ prava cupientium voces: Morior, ni huic cupidini satisfaciam; quicquid sequatur, explendus est animus; utcunque res cadat, exsaturanda est cupiditas. En tibi Beatitudinis hostem. Radix omnium malorum est cupiditas. *b*

Imbecillis est primò cupiditas, deinde ipsa se concitat, & vires dum procedit, parat: Excluditur facilius quàm expellitur. Non obtinebis ut desinat, si incipere permiseris. Primus quidem motus cupiditatum non voluntarius, quasi præparatio illarum est. Motus alter cum voluntate, non tamen contumaci. Tertius motus est jam impotens, & rationem evincit. Ergo intransibilibus maturè resistendum: Imperandum est cupiditatibus, non serviendum; quia facilius, ut dixi, non recipiuntur, quàm exeunt.

At nos initio iis cedimus, & admittimus velut hospites nobis profuturos. Hinc series malorum. Hinc ovum Beatitudinis temerè projicimus, & frangimus, modò cupidinem expleamus. Instar gravidæ mulieris sumus, quæ honestum putat & necessarium cupiditatibus suis obsequi

sequi

a Ein roß bmb ein pfeiff.

b 1. Tim. c. 6. v. 10.

sequi: En morior, clamabat Esau: quid mihi proderunt primogenita? Et sic accepto pane, & lētis edulio, comedit, & bibit, & abiit, parvipendens quod primogenita vendidisset. *a* Ita nos ius cæli parvipendimus: comedimus, bibimus, genio indulgemus: iactura cæli parva est. Beatitudinis hostes maximi, hostile odium, & prava cupiditas.

Præceptio vigesima prima. *Beatitudo a varos & immundos odit, execratur & ardet. An non omnes vitiosos? Ita prorsus omnes; præcipuè tamen avaros & impuros excludit. Quod luculenter affirmans Paulus: Hoc, inquit, scitote intelligentes, quòd omnis fornicator, aut immundus, aut avarus (quod est idolorum servitus *b*) non habet hæreditatem in regno Christi & Dei. *c* Romano idiomate tam avaritiam quàm luxuriam rectissimè sordes & cœnum appellamus. Has sordes, hoc cœnum singulariter abominatur Beatitudinis domus. Non enim intrabit in eam aliquid coinquinatum, aut abominationem faciens. *d**

Mulierem viduam fuisse aiunt, quæ gallinam nutriebat, quotidiano partu ovorum fecundissimam. Illa verò arbitrata si hordeum in escam liberalius obstitiparet, oviparam suam convicticem e bis parituram uno die. Itaque alimen-

a Gen. c. 25. v. 32.

tum

b Aut: qui est idolorum servus.

c Ephes. c. 5. v. 5. d Apoc. c. 21. v. 27.

e Hostigängerin.

tum auxit. Sed gallina pinguefacta stultissimum mulieris votum elusit, & parere desit. Avari appetendo plurima, non tantum aliena sapius non acquirunt, sed etiam amittunt sua. Avari terram retinere non possunt, cælum non acquirunt; geminâ falluntur sede, & utrimque miserrimi. Nam quod maximè amandum esset, non quærunt, & quod nimium amant, emittunt. Neque fures, neque avari, &c. Regnum DEI possidebunt. *b*

Sed avaræ illi feminæ non dissimilem ait Apologus eum, cui domestica gallina potuit aureum ovum ponere. At ille latenti thesauro inhians, ut abditam celeriter occuparet opulentiam, jugulavit gallinam. Bis miserum! Aurum non invenit, & gallinam perdidit. Avarus maximam cælo injuriam infert, qui terræ spumam, quam non retinebit, tam anxie colligit, & cæli thesauros æternum possidendos, velut per jocum negligit; Ter miserrimus.

Impuris & libidinosis in domo DEI nil esse loci fat constat. Iam pridem proclamatum est: Foris canes & impudici; *c* Foràs lascivientes vaccæ, foràs hirei, foràs omnes luxuriosi; Has pecudes cælum & odit & arcet, foràs, foràs. Decretum est: Si secundum carnem vixeritis, moriemini. *d*

a Sitzen zwischen zwei Stüel nider.

b 1. Cor. 6. v. 10, *c* Apoc. c. 22, v. 15.

d Rom. c. 8. v. 13.

§. 2.

Tracéptio vigesima secunda. *Beatorum discrimen sedulo noscendum.* Vetus verbum est de rebus sibi simillimis : Nec ovum ovo similius. Fuerunt nihilominus qui ovum ab ovo discernere scirent luculento discrimine. Cælius Rhodiginus a refert fuisse qui plurimas gallinas alerent quastûs causâ. Hi ova tam peritè internoscere callebant, ut quamplurimis ovis è suo gallinario sub aspectum positis prompte dicerent, hoc ovum ab illâ gallinâ, hoc ab alterâ, istud ab aliâ est, & sic deinceps dissimilitudinem assignarent admirabili delectu. In eum prorsus modum quo gulosissimus homo, quem priscus Satyricus depingit, ostreorum patriam de nomine nôrat. Montanus vir ventriosus & delicatissimæ gulæ

Ostrea callebat primo deprêndere morsu,

Et semel aspecti littus dicebat echini. b

Discriminis subtilissimi notitia. Itâne ab ovis ova, ostrea ab ostreis, à vino vinum peritissimè scimus distinguere, & cuiusque vini patriam nominare, cur obsecro, non sæpius illud beati Pauli cogitamus: Stella à stellâ differt in claritate, sic & resurrectio mortuorum. c Hoc beatorum discrimen sedulo cogitatum & perpensum, mirabile calcar est ad omnem

a Cælius Rhodig. l. 27. *Antiq. lect.* c. 17.

b *Deerareps!* Juvenal. Sat. 4. vers. 142.

c I. Cor. c. 15. v. 41.

virtu-

virtutem ardentius amplectendam. Quicumque honoris dulcedinem gustârunt, iis existimatio semper sanctissima est, nec magno æstimant in imo dignitatis gradu hære; aliùs atque aliùs eniti fatigant, & ad apicem atque fastigium contendunt.

Sunt & in cælo diversi præmiorum ac honorum gradus. DEVM alius præ aliò profundius intuebitur, prout alius alium promeritis superârit: quod infra copiosius demonstrabimus. Quin ergo jam strenuè agimus ut ad altiora enitmur. Abjecti animi est dicere: Modò non excludar cælo; imus an summus sim, nihil laboro. Imò verò id quàm maximè laborandum est, ut non solùm in Angelorum aut Archangelorum, sed in Cherubinorum aut Seraphinorum ordines adscribamur. Nec est quod quisquam hîc terreatur. Etiam extra cœnobium, & sine sanguinis impensâ eò licet pertingere. Duæ potissimùm virtutes id facillè assequuntur: Major sui despicientia, seu Humilitas, & ardentior Dei amor, seu Charitas, ad supremos gradus non difficulter evolant. Hîc jure nostram ipsi extremam ignaviam damnemus, qui non singulis tantùm horæ partibus, sed pænè momentis, amplius atque amplius promereri, in altiorem iterumque altiore calis sedem conscendere possemus, & negligimus. Levissimus quidem neglectus, sed damnum æternum. Quò autem plures

horæ

horæ partes aut plura sunt momenta, tantò demum immensior fit jactura, quantò crebrior præcessit negligentia, Ideo Beatorum discrimen sedulo noscendum.

Præceptio vigesimatertia. *Beatitudo non obtinetur joco.* Jocari placet? Alibi potes; hîc nemo satis serius est. De ovo quod Paschale appellant, noti nominis Theologus ex fide hæc perscripsit. Anno Christiano millesimo quingentesimo sexagesimoprimo, die Paschatis secundo ^a, Noviomagi ante meridiem dum in templo res sacra fieret, juvenes duo tabernam adierunt, ad ova Paschalia sese invitaturi lautiusculè. Dum sermonem & vinum vel zythum ^b miscent, transit parochus civitatis Antonius Vorstius, Eucharistiam ad mulierem ægrotam delaturus. Hîc juvenum procacior, Trajectensis patriâ (Noviomagensis erat alter) Heus sociène, inquit, certemus, uter celerius ovum suum glutiat. Tardioris mulcta sit, cerevisiæ poculum exhaurire. Interim tintinnabulum audit transeuntis cum Sacerdote æditimi. ^c Et mox temerario joco: Ego, inquit, ovum istud citius glutiero, quàm ægrotam mulier suum deastrum. ^d Dixit, & ore patulo excepit ovum. Tam celeres DEVS habet aures, quàm manus: & ecce specimen. Ovum faucibus inhærens vi nullâ potest trajicere.

^a Tunc erat dies 7. Aprilis. ^b Bier. ^c Hic, Ioannes Haeps audiebat. ^d Ihr Götichen.

cere. Luctatur ergo velut præfocandus, oculos torquet, circumspicit, cernitque pendentem è sevo candelam. Hanc irripiens in fauces immergit, ut ovum protrudat, sed frustra. Sevum hasit in guttore, extracto lychno panè nudato, Ita exspes vitæ procumbit humi, atroque vultu supinus & mutus aliquamdiu jacet, & elidit spiritum, illo ipso, quem dixi, paracho adstante. Nam ex agrotæ mulieris domo digressus, tabernam transiit, & lugubres voces audiens quæsivit, quid mali esset? Re cognitâ juvenem etiamnum palpitantem reperit, & paullo post expirantem vidit. Hæc ego, inquit scriptor, verbum è verbo exprimens ab ore Antonii Vorstii, qui apud Noviomagenses viginti sex annis curionem egit, recitavi. Res Belgio toto innotuit, in triviis etiam decantata.

Christus audaciori linguæ injecturus frenum: Ego autem, inquit, dico vobis, non jurare omnino, neque per cælum, quia thronus DEI est. *b* Pari modo dicendum: Non solum DEVS in se jocari neminem finit impune, sed nec in sedem aut domum suam. Multo minùs jocando cælum obtineri potest. Regnum cælorum vim patitur, *c* & illud non ludibundi, nec nugatores, nec jocularii diripiunt. Beatitudo non obtinetur joco.

Præceptio vigesimaquarta. *Beatitudinis*
E *medi-*

a Tilmannus Bredenbach. l. 7. *mirac.* c. 60.

b *Matth.* c. 5. v. 34, *c* *Matth.* c. 11. v. 12.

*meditatio pravorum emendatio, afflictio-
rum consolatio.* Est in Pharmacopolia
quod *Ovum aureum* vocant. Illius inter
ceteras virtutes est, cor à tetrìs fuliginibus
tueri. Inter Romanas superstitiones
certum Illustrationis genus constabat
ovis & quidem plurimis. Eò priscus Sa-
tyricus intendens digitum. Tam fœdant
maculam, inquit, non eluet facilè,

—— *Nisi se centum lustra verit ovum.*

De plurimis panè idem affirmandum.
Hic vetitas delitias, ille mores improbos,
iste voluptates inconcessas non deseret,
nisi aureum Beatitudinis ovum gustave-
rit; ac proinde cognòrit, omnia Munda
gaudia, ad illud mel cæli merum esse
absinthium, merum fel: contrà verò ad-
versa omnia pro Christo tolerata pretio-
sum quintæ aut septimæ decoctionis
saccarum esse.

Beatissimus Martyr Quintinus patri
Romanus, prosapiâ nobilis, jussu Ri-
ctiovari Præsidis sanguinarii virgis ter-
reis cæsus, liquatâ pice perfusus: Hæc, in-
quiebat, omnia mihi sunt refrigerio.
Mox Rictiovarus, ut voces tam genero-
sas intercluderet potionem longè diris-
simam ex aceto, sinapi, & vivâ calce mi-
sceri, eamque in os loquentis infundi,
præterea digitos omnes inter carnem &
ungues terebrari, geminamque veru per
medium corpus ab humeris ad usque ta-
los adigi jussit. Nihilominus Quintinus
spiritu cælesti ardens: Domine IESU,
a Juvenal. Sat. 6. v. 517. exclamavit.

exclamat, hæc quidem amarissima sunt & letalia, propter te tamen mel illa & faccarum reputo.

Aureum Beatitudinis ovum gustavit; hinc animi robur invictum. Serio calum cogitare mœrores & dolores omnes ingentibus solatiis delinit. Iucundum est pati, quicquid dulce erit in calo recordari.

Anno Christiano millesimo quinquagesimoseptimo, cum Orientis Imperator Michael per legatos urgeretur à Patriarchâ, ut Imperii fasces poneret, eosque Isaacio Comneno cederet, Michael legatos ingenuè interrogans: Ecquid mihi, agebat, pro Imperio Patriarcha reddet? Illis respondentibus, *Cæleste regnum*: Mox diadema & purpuram deponens, privatis ædibus se conclusit. Adeo non afflictorum tantum consolatio, sed etiam pravorum efficax emendatio est Meditatio Beatitudinis. *a*

§. 3.

Præceptio vigesimaquinta, *Beatitudinis spes certa thesaurus maximus*. Ovi candidum vivæ calci admistum glutinat vitri fragmenta. In rebus humanis nihil esse potest tam deploratæ calamitatis, nemo tam fractus animo, quin eum spes vera cali solidet, confirmetque.

Athenæus Reges Persarum olim ex-

E 2

OVO.

a. Baron. ad Ann. 1057. è Curopalatâ.

ovo aureo bibere solitos affirmat. In Germaniâ superiore moris & juris est alicubi, unicum è gallinâ ovum currui quadrijugo imponere, & sic ad loci dominum devehere. Ille pro ovo dolium vini dare vehendum. Hic infans aut juvenis fatuus dixerit: Ego malim vini dolium quàm gallinæ ovum. Infanti & fatuo veniam damus; de consuetudine hæc prudentiùs differerent, si eam meliùs intelligerent. Toparchæ illi gratius est ejusmodi ovum, quàm plures vini amphoræ. Siquidem non ovum, sed jus suum & spem utendi juris sub ovo abditam considerat. Itaque mavult hoc tale ovum, quàm vini plaustrum.

Spes juris opportunè usurpandi vel præsentis auro melior est. Nos certè haud aliter sentiamus. Domum Beatitudinis nondum possidemus, sed spem beatitudinis, jus cæli tenemus. Hoc velut unicum in plastro grandi est ovum, idque longè chariùs quàm mille vini optimi plaustra. Spes certa cæli thesaurus maximus. Optimæ spei nihil difficile. Agricola tempestatum vicissitudines, hiemis algores, & æstatis calores, laboresq; perpetuos patientissimè tolerat: seminat, arat, colit, occat, metit, terit, ventilat. Spes alit agricolam. Quò mercatorem spes non impellit?

*Impiger extremos currit mercator ad Indos
Per mare pauperiæ fugiēs, per saxa, per ignes.*
Horat. c. 1. epist. ep. 1. ad Mæcenat. med.

Spes lūcri adhibet calcaria, & ad hos
 cursus provocat mercatorem. Miles in-
 castris quantos labores, & quantò ma-
 iora subit pericula? Armis oneratus in-
 cedit, excubias agit, vallum jacet, omne
 genus tempestatum excipit, cespiti aut
 gramini indormit, famem ac sitim fre-
 quentissimè sentit, animam semper vena-
 lem gerit, in assiduīs pænè periculis. Et
 tamen spes prædæ aut gratiæ militiam ei
 jucundam faciunt. Spes ingentia potest,
 cū adest; spes quæ adeò invalida est,
 spes non est. Et tu Christiane mollis ac
 delicate, non ut triticum in horrea con-
 vehas, non ut militaria stipendia colli-
 gas, non ut arcas auro distendas, sed ut
 cælestem gloriam obtineas, pauculis an-
 nis, exiguo prorsus tempore juberis pa-
 tientiam tuam DEO probare, & pati re-
 cusas? Spes beatitudinis tibi deest. Erige
 animum, & spera in Domino, & fac bo-
 nitatem, & inhabita terram, & pascèris
 in divitiis ejus. *a* De spe quam ovum
 claudit, egregiè Augustinus: Spes in ovo,
 inquit, quia vita pulli nondum est, sed
 futura est; nec jam videtur, sed speratur.
 Spes enim quæ videtur, non est spes. *b*

Præceptio vigesima sexta. *Verum Beati-
 tudinis desiderium nullis frangitur labori-
 bus.* Puerorum alicubi lusus est, ova per-
 inde ut lapides jaculari ad scopum. Id
 autem eâ ratione fit, ne frangantur.

E 3

Ovum

a Psalm. 36. v. 3. *b* Aug. tom. 2. epist. 121 ad
 Probam de orando DEO, mihi pag. 237.

Ovum fundæ imponitur, & rotando agitur, dum quicquid liquoris continet probe commisceatur. Illi verò lusu pratum molli cespite vestitū eligitur: sic ova perinde ut saxa non facile rumpuntur. Quisquis beatitudinem attentius meditatatus fuerit, eamque velut ovum animo agitaverit, is nec minis terreri, nec blanditiis flecti, nec laboribus frangi, nec doloribus vinci unquam poterit. Ille contra audentior ibit, illudque Pauli assidue usurpabit: Sed in his omnibus superamus. *a* Beatitudo dignissima est his omnibus.

Cum Ravennæ Vrsicinus medicus ob Christianam fidem ad supplicium ductus horrore mortis paululum tibubaret, Christianus miles Vitalis id observans, exclamare ausus est: Vrsicine medice, qui solebas alios curare, cave teipsum in æternam mortem præcipites; patriam celestem cogita, eò properas. His vocibus Vrsicinus ad constantiam erectus ultimum supplicii fortiter subivit. Vitalis ob cohortationem tam animosam à Suetonio Paulino Iudice comprehendendi iussus, & in equuleo suspendi, patientiâ & constantiâ incredibili tormenta omnia superavit, celestis patriæ desiderio ac spe invictus. Demum ferali sententiâ capitis damnatus in altam foveam non jam mortuus, sed ut moreretur abjectus, terrâ & saxis obrutus, morienti sibi & lectulum si-

a Rom. c. 8. v. 37. mul

mul & sepulchrum invenit mortuo. *a*

Beatitudinis desiderium nullis succumbit laboribus, paupertati non cedit, in periculis crescit, ærumnis accenditur, in doloribus augefcit. Qui cæli cupiditate inflammatur, ei cor subfilit, cùm illud Domini audit: Gaudete & exultate, quoniam merces vestra copiosa est in cælis. *b* Nec verò unquam tam crebris tantisque miseriis conflictatur, quin cum Paulo liberè proclamet: In omnibus tribulationem patimur, sed non angustiamur; aporiamur, sed non destituimur; de-jicimur, sed non perimus. *c*

Hæc vera est nota civium qui ad illam civitatem magnam pertinent, cælestis patriæ desiderio æstuarè, & alia omnia velut pupas & crepundia ridere. Facile fastidit furfures, qui ambrosiam gustavit.

Præceptio vicesima septima. *Tentatio-num & afflictionum omnium est victoria, Beatitudo serio cogitata.* Non tantum ci-bus famelicis, & pharmacum ægris est ovum, sed ovi etiam putamen si teratur sistit sanguinem, ovi membrana fissis la-bris medetur, albumen munit faciem ne à sole comburatur: variè prorsus è re ac usu medicinæ ovum est. Non minus istud de quo loquimur, ovum Beatitudinis af-fectibus persanandis est utilissimum. Homerus incendium Trojanum can-

E 4

tans.

Hieron. Rubens l. 1. de Martyrib. Ravenn.
a *Matth. c. 5. v. 12. c 2. Cor. c. 4. v. 8.*

b

tans hoc etiam miscet. Priamus Rex Trojæ, jam inflammata civitate in turrim evasit, & cum eo complures qui erant à consiliis. Hic urbis subjectæ miserabilis aspectus in oculis fuit. Flammæ jam grassabantur in domos; fletu, clamoribus, ejulatu omnia miscebantur; clangor rubarum, armorumque sonitus & horror magis ac magis clarescebat; plurima per vias perque domos cadavera sternebantur. Ubique luctus, ubique pavor, & plurima mortis imago. *a* Dum hæc Priamus ex alto spectat, Helena fax belli in eandem turrim subrexit. Videbatur Dea penetrare ad homines. Nam plerique omnes tam præsigni formâ subito oblatâ capti pronuntiarunt: Iustum videri bellum, formam istam majoribus etiam impentis dignissimam esse.

Itane, ô viri, hac belli decennalis mole, hoc sanguinis mari, hoc urbis everse incendio unius mulierculæ forma non immerito redimenda? Quid, obsecro, nos Christiani, cum Beatitudinis excellentiam infinitam fuerimus contemplati, an non dicemus? Hæc forma longè dignissima est, cui ego, cui quisvis nostrum gravissimos labores, cui continuam tolerantiam, cui sanguinem, cui vitam impendat. Hæc illa formosissima Rachel, Beatitudo cælestis, pro quâ vel centum vel mille annis laborare, nemini non jucundum & suave videri debeat.

Christus servator, antequam in horto
a Virg. l. 2. Aneid. ante med. .tra-

traderetur hostibus, omnem cruciatuum
 furororum seriem sibi præsentissimā ha-
 bebat: in oculis erāt verbera & contume-
 liæ capto inferendæ; cernebat flagra, spi-
 nas, crucem, clavos, feralia suæ mortis in-
 strumenta; suprema simul tristitia sudo-
 rem sanguineum exprimebat; discipuli
 & mater mœrebant; natura balneum
 tam cruentum horrebat; Christus ipse
 pallescebat in mortuum; Nihilominus eo
 ipso tempore: *Surgite*, inquit, *eamus* no-
 stris occursuri hostibus. Perinde si dixis-
 set, æquissimum est, ut pro tantâ gloriâ,
 quam mihi & humanæ genti emerebor,
 omnia sustineam. *Surgite mei, surgite;*
eamus. Nimirum proposito sibi gaudio
 sustinuit crucem. Sic omnes amici Christi
 labores suos & æumnas solati sunt. Nec
 aliter tot centena millia martyrum ore
 renidenti ad cruces, ad bestias, ad ignes
 properârunt. Nemo miretur: Proposito
 sibi gaudio sustinuerunt Crucem.

Helena illa formosissima, cælestis glo-
 ria his omnibus & longè gravioribus la-
 boribus est dignissima. Sic herois illa
 Machabæorum mater proposito sibi,
 suisque filiis Beatitudinis gaudio, egit
 fortissime. De eâ Chrysostomus: Facile,
 inquit, metiri possumus, quid illa pertu-
 lerit, quæ non reum aliquem extraneum,
 sed septem filios simul, & in unâ die va-
 riè laniatos pœnis videbat interfici. Cau-
 sa autem hujus virilis animi in eâ fuit,
 quia non profluentem eorum sangui-

nem aspiciebat, sed magis ad coronas eorum, quæ texebantur in cælis, intenta gaudebat. Non considerabat circumstantes populos, quia videbat adstantes Angelos; non in terrena præsentia intendebat, sed in futura cælestia præparabatur.^a Hinc generosissimæ voces illæ ad filiorum ultimum: Peto, agebat, à te nate, ut aspicias ad cælum, &c. ita fiet, ut non timeas carnificem istum.^b

Nos in hoc mortalitatis prologo stamus in modum Apocalyptici Angeli, qui posuit pedem dextrum super mare, sinistrum autem super terram, & habebat in manu suâ libellum apertum. Ita nos pede uno turbidissimum vitæ istius mare calcamus, alterum juvat per Spem in terram viventium exponere; libellum apertum tenet, qui illas Domini præceptiones: Beati pauperes; Beati mites, Beati qui lugent, &c. assiduè perpendit. Cælum aspice, & labores nullos metues, aut dolores.

^a Chrysost. hom. de 7. Machab.

^b 2. Machab. c. 7. v. 28. c. Apoc. c. 10. v. 7.

C A P V T V.

Memoria cali, omnium malorum phar-
cum est.

MIRARI libet, nec immeritò, cùm injicitur mentio eorum hominum, quos nunquam expugnavit

vit tristitia. Socrates Philosophus, uti serenum & innube cælum, quod toris diebus ridet, semper lætus, sibi quæ similis nulas tristitiæ nebulas ostendebat. Beatus Antonius nunquam non serenissimi vultus specimen cælestis lætitiæ jam degustatæ præ se ferebat. Beatus Martinus Turonensis præsul nunquam iratus, nunquam moestus, aut tetricus est visus; exporrectâ semper fronte, & ad cælum versâ hilaritatem spirabat inusitatam, è cælo petitam. Beatus Iosephus Archieta, qui anno millesimo quingentesimo nonagesimo septimo, ^a in Brasiliâ mortuus, hoc nomine prioribus accensendus videtur. Nam idem ei vultus semper, eadem animi constantia, eadem orationis lenitas ubicunque esset, cum quibuscunque ageret. Cognitâ est multis in rebus ipsius animi tranquillitas, nullo unquam ne levissimo quidem motu agitata. ^b

Quânam, inquires, id ratione fieri potest; cum omnia tædiorum, miseriarum, ac calamitatum plena sint? Cum quotidie plurima nos turbent, affligant, & pænè enecent. Quî ergo potest fieri, ut amœno semper vultu lætitiâ spiremus? Istud omnino potest fieri. Nec enim frustra suis imperans Paulus: Gaudete in Domino semper, inquit, iterum dico gaudete. ^c Quasi tristes, semper autem

^a 9. Iunii.

^b gau-

^b *Vita ipsius* l. 3. pag. 188. ^c *Philip.* c. 4. v. 4. *2. Cor.* c. 6. v. 10. 1. *Thessal.* c. 5. v. 16.

gaudentes. . Atque hoc ipsum *semper gaudete* crebrioribus epistolis commendavit.

Tristior Apostolis dies vix ullus luxit, quàm cum Christus eis valediceret. Nilominus eo ipso tempore illud amantissimi magistri audierunt: Si diligeretis me, gauderetis utique. Iterum videbo vos, & gaudebit cor vestrum, & gaudium vestrum nemo tollet à vobis. *a* Aequo animo estote mei Apostoli; jam quidem separabimur, sed exiguo tempore. Post pauculos dies lugubres, conveniemus iterum, & quidem in eo regno, è quo mœror omnis exulat, in quo gaudium omne triumphat, idque æternum.

Hujus regni vel sola memoria miseriarum omnium levamentum, malorum omnium pharmacum est. Nil dulcius quàm cæli meminisse. Quisquis solidius hac memoriâ imbutus est, in adversis non difficulter latus est, quod hac dictione ostendemus.

§. 1.

Hebræus vates Ezechiel quatuor animalia inter se multum disparia vidit: Leonem, Aquilam, Bovem, Hominem. Bos grave animal, & lenti motus, nihilominus non geminas tantum alas, sed paria duo alarum habuit, velut avem duplici volatu superaturus. DEVS bone! quid Bovi cum alis? quàm malè conveniunt.

niunt remigium alarum, & obesa tauri moles? Avibus alæ congruunt, non bobus. Ezechiel dubitationem eximens: Et similitudo, inquit, super capita animalium, firmamenti. *a* Hoc iussit volare Bovem; firmamenti similitudo: cælum in oculis huic animanti fuit.

Ea rerum vices sunt, tam facile hilaritas in mœrorem mutat, ut subinde cor humanum sibi met videatur plumbeum. Hunc talem hominem, vix quidquam est quod satis exhilaret: torvum tuetur, frontem taurinam gerit; bos est. Ad lætitiā eum provocaturi plus turbant. Nimirum Musica in luctu importuna narratio. *b* Quid huic homini facias? solaris, excitas? magis torques, & affligas. Respondebit ille cum regio psalte: Renuit consolari anima mea. *c* Consolatores onerosi omnes vos estis. *d* Verba vestra plus aloēs quam mellis habent. Quibus igitur demum solatiis hic homo erigendus ad hilaritatem?

Seipsum solari poterit, si velit: Dicat cum eodem vate regio: Memor fui Dei, & delectatus sum. *e* Meo nunc quidem animo agrè est, sed cū patriam caelestem, ubi Deum visuri sumus, cogito, mox mœror omnis & dolor evanescit.

Si DEVS vel ærumnosissimo hominī ad inspiciendum cælum unicam dumtaxat aperiret rimulam, mox ille ærumna-
a Ezech. c. i. v. 22.

rum

b Eccli. c. 22. v. 6. c Psalm. 76. v. 3.

d Job. c. 16. v. 2, e Psalm. eodem.

rum omnium suaviter oblivisceretur. Hanc rimam profectò reperit, quisquis beatitudinem caelestem in animo insculptam gesserit. Quantumcunque morror quotidianus laceret, & quamvis, cor plumbeum, & ipse homo sibimet tardissimus bos videatur, alas tamen acquires bos iste, & volabit, quoniam similitudo firmamenti est super caput ejus.

Antonius Magnus (cujus antea mentionem fecimus) e mille monachis facile noscendus fuit; etsi eum antea nunquam visum nemo monstrasset. Ejus rei causam assignans Athanasius: Nam semper, inquit, hilarem faciem gerens liquidò ostendebat, se de caelestibus cogitare.

Apollo Abbas, Palladio teste, a si quem suorum vidisset mœstum dejecto vultu veluti bovem securi jam saucium, continuè eum affatus: Mi frater, agebat, quid vanis mœroribus conficimur? tristentur ii, quibus spes ad cælum interclusa, qui terram sapiunt. Beatitudo nobis Christi chirographo promissa est: Spes nostra minimè fallax non caco nos itinere ducit: ad beatos tendimus. Quid igitur contristamur?

Doctissimus Philo spem vocabat gaudium ante gaudium. In terrâ scilicet spe gaudemus, omnigenis in cælo gaudiis perfundendi. Laborem, præsertim irritum, plerique omnes naturâ fugimus: nimirum operam ludere res insuavissima. *a Pallad. hist. c. 52.* ma.

ma. Cum verò certa merces & quidem major labore in oculis est, jam agiles sumus, jam manus pedesque promptissimos monstramus, jam currimus, jam volamus, labor qui antea leonis, nunc ovis aureæ formam gerit: jam suavis & jucundus est, qui prius molestissimus erat. Tanti est spes certa præmii.

§. 2.

Subinde hominis caput eo modo venale ponitur, ut si quis illud attulerit, tantum auri referat, quantum ponderis habuerit caput ad libram appensum. Initio belli civilis quod contra Cajum & Fulvium Gracchos Senatus gesserat, Opimius Consul edixit, Caii Gracchi caput se auro repensurum: Tam grandi præmio invitatus Septimulejus nihil non audere voluit, Graccho caput abscidit & pilo suffixum per urbem ferre sustinuit. Sunt qui tradant eum cavati capitis partem, quò ponderosius esset, liquato plumbo explèsse, atque ita septemdecim auri libras retulisse. Adeo præmium eum magnum est, esuritur, ut posthabitis omnibus vitæ periculis nihil nimis arduum videatur. a

Coracottæ latronis per Hispaniam famosissimi caput Augustus Imperator decem millibus Philippeorum æstimavit. Coracotta extremæ audaciæ homo seipsum sistens Cæsari: En, inquit, ego
a Valer. l. 9. c. 4. ipse

ipse caput meum huc defero, & spero præmium delaturo promissum. Non solum vitæ gratia ei facta, sed & pecunia. En præmii dulcedine illecti vitam ipsam spernimus. Hic igitur ita ratiocinandum.

Præmium DEVS promisit non decem millia philippeorum, non decies centena millia aureorum, sed præmium Beatitudinis infinitum, immensum, seipsum. Sed quomodo præmium istud obtinendum? DEO te siste; Te ipsum da. Sed malus sum, inquis; Te dando bonus eris. Et vita tibi donabitur, & cum eâ inæstimabiles thesauri.

Hoc est quod exhilaret, quod bovi alas affigat, quod volare doceat, quod pavidas cogitationes in altum erigat. Quandoque humi dejicimur, à nostris ipsi cogitationibus, quæ crebros ejusmodi pavores ingerunt: Non ego præmium, sed supplicium tot noxis meis sum meritus; quod ego patior, improbitatis meæ stipendium est, quæ cælum sperem; ad inferos mea me facinora deducunt.

Quicquid sit meliora spera; furem haftenus, homicidam & prædonem egeris; Te da & habebis præmium, quod sperare jussi. Cogita quanti DEVS caput tuum æstimarit: Beatitudinem, cælum pollicitus est; ipse hoc mereri velis? fer caput tuum: Cælestium gaudiorum æternitatem cogita, & gaudebis in Domino semper.

Qui

Qui laboribus aut adversis succumbit, illius fides atque spes ad cælum aut nulla est, aut exigua. Atque ab hac notâ seipsum quis insigniter nōsse potest. Nam si labores fugiat, adversa horreat, candidos ac fortunatos dies quærat, ipse sibi non injuriâ opprobrabit: En pavidissime lepus, non miles, dum ambis cælum, refugis: Fidei aut Spei quàm in te nihil est? alioqui non tantopere laborem declinantes, nec adeò formidares adversa, imò potius attraheres.

Isaacides Iacob longè afflictissimus ob Iosephum filium, ut putabat, à ferâ laceratum: nihilominus quamprimum audiit filium, quem lugebat, etiamnum vivere, mox absterfis lacrymis luctum omnem posuit; Revixit spiritus ejus. *a*

Haud aliter nos affici par est, cum illa plena dulcedinis audimus: Vivit Christus & imperat, rex cæli & cum eo cælites innumeri qui expectant te. Cujus spiritus non reviviscat ad nuntium tam lætum?

6. 3.

Iacob, quem dixi, jam vicinus morti suprema sua ordinaturus, de filio suo Issachar hæc pronuntiavit: Vidit requiem quòd esset bona, & terram quòd optima, & supposuit humerum ad portandum. *b* Subinde audias dicentem: arumnis opprimor; succumbo; intolerabile me

F

pon-

a Gen. c. 45. v. 27. b Gen. c. 49. v. 15.

pondus dejicit; vix respirandi locus est; mergor malis.

O vos omnes quibus tam ægrè est: Videte requiem quòd sit bona, & terram quòd sit optima, & supponetis humeros ad portandum. Memoria Beatitudinis omnium malorum pharmacum est. Ipse cæli aspectus exhilarat, & invitat ad futura gaudia. Quasi tristes, aiebat Paulus, semper autem gaudentes. Decrescant vires, palleſcat vultus, fluant lacrymæ, tremat pectus, latret stomachus, labent genua, corpus omne deficiat, quasi tristes erimus, nihilominus mens cælo inhærens, animus in æternitate fixus gaudebit semper. Terra quam brevî possidebimus deliciarum est plenissima. Videbimus DEVM Deorum in Sion. Quòd si tenuis memoria DEI omnem mundi voluptatem extinguat, quantò potentior erit spes obtinendæ gloriæ certa, imago beatitudinis animo insculpta?

Novus è cælo concionator Christus, conciones prorsus admirabiles, & Mundi legibus planè contrarias instituit. Et quàm novum illud & antea inauditum: Beati estis cùm maledixerint vobis homines, & persecuti vos fuerint, & dixerint omne malum adversum vos mentientes. Quàm insolens hoc dicendi genus! & qualis, obsecro, beatitudo est, innocentem calumniis opprimi, in omnium odium adduci, facultatibus exui, *a Psalm. 83. v. 7.* suis

fuis ædibus pelli? Hoc ipfiffimum Beati-
tutinis initium, five prologium eft. Nam
addit Chriftus: Gaudete, & exultate,
quoniam merces veftra copiofa eft in cæ-
lis. *a*

Nomenclaturam Chriftus & Dictio-
narium longè aliud quàm Mundus ha-
bet; aliam Chriftus Grammaticam, Syn-
taxin longè aliam docet. Optima Synta-
xis eft, dicere: O felix neceffitas, ô felix
labor & paupertas! ô felix ægritudo &
dolor! felices vexationes, felices ærumnæ
atque afflictiones omnes, per quas longè
certius & fecuriùs quàm per voluptatis
prata in patriam caelestem tendimus.
Beati eftis cùm perfecuti vos fuerint.
Beati non idcirco tantùm quia afflicti,
fed quia per afflictionem ad cælum evo-
candi.

At verò Mundi Grammatica eft: O
dira neceffitas, ô improbus labor, ô in-
faufa paupertas, ô maligne dolor, ô pes-
fima ægritudo, ô abominandæ vexatio-
nes, ô execrables ærumnæ, ô detestabi-
les afflictiones! Hæc Nomenclatura
Mundi, hæc illius Syntaxis eft. Hæc ta-
men omnia quæ Mundo videntur acer-
biffima, ut leve quid ac momentaneum
ridet & tolerat, qui animum ad quoti-
dianam cæli memoriam revocat.

Hæc cæli memoria ipfos etiam idolo-
latras recens ad Chriftiana facra tradu-
ctos fic animavit, ut læti ac hilares ad

F 2:

cru-

a Matth. c. 5. v. 11, & 12.

crucem, ad rotas, ad ignem, ad quamcunque mortem properarent. In votis erat eò quàm celerrimè penetrare, quò jam animus prævolaſſet.

Hadrianus ævo Diocletiani & Maximiniani, vir magnus militiæ, Imperatorum juffu Chriſtianos variè torquebat. Sed incredibilem eorum in tormentis conſtantiam demiratus quaſiit: Quà tandem ſpe tantis ſuppliciis non cederent? Huic Chriſtiani: Speramus, aiebant, illam voluptatum affluentiam quam nec oculi, nec aures unquàm hauſerūt, quam nec cogitando licet aſſequi. Hanc autem DEVS noſter, pro quo morimur, ex promiſſo dabit. Hæc Hadrianus non ſurdis auribus admittens, tanto cæli deſiderio exarſit, ut Chriſto jam auctoratus, mortem pro Chriſto conſtantiffimè obierit.

Cum nobis igitur tædia obrepere, cum mœror inceſſere, cum nimium nos labor frangere, cum dolor nimium urere videtur, videte requiem quòd ſit bona, & terram quòd ſit optima, & ſupponite humerum ad portandum.

Ejus rei nos commonens Auguſtinus: Quicquid laboras, inquit, ad hoc laboras ut videas. Nescio quid magnum eſt quòd viſuri ſumus, quando tota merces noſtra viſio eſt. Ergo, para unde videas quòd amas, antequam videas. a

a Auguſt. in *Psalm. 90.* & in *Psalm. 100.*

CAPUT VI.

Memoria celi quotidie instauranda.

APOSTOLIS Christus velut exprobrans: Usque modò, inquit, non potestis quidquam in nomine meo. Si quid petieritis Patrem in nomine meo, dabit vobis. ^a Basilii & Augustini sensu, Apostoli orârunt quidem, sed DEVM nihil rogârunt. Sed quî tandem id fieri potuit? Apostoli homines erant egeni, qui necessaria vitæ subsidia utique sapius a Deo petierunt. Sed Basilius & Augustinus id quod dixerunt, è Domini verbis confirmant: *Si quid petieritis: si aliquid rogaveritis, dabit vobis Pater. Haecenus nihil petistis.*

In oculis divinis *Nihil est*, quicquid non *summum bonum est*. Augustinus expresse: Hoc gaudium, inquit, in nomine Christi petendum, si divinam intelligimus gratiam, si verè beatam poscimus vitam. Quicquid autem aliud petitur, nihil petitur: non quia nulla omnino res e., sed quia in tantæ rei comparatione, quicquid aliud concupiscitur, nihil est. ^b Ergo Augustini sententiâ decies & vices & centies oramus, nihil tamen petimus, quia summum bonum non petimus.

F 3

Eam

^a Ioan. c. 15. v. 23. ^b August. tract. 102.
in Ioannem initia.

Eam ob rem Christus Apostolis dixit: Usque modo non petistis quidquam. Hic forsitan cogitaverint Apostoli: Mi DEVS, homines adulti, iam viri, iam senes sumus, & nunquam hactenus peccati sumus? Ergo unus vice omnium rogans: Domine, inquit, doce nos orare. *a* Ad quæ promptè Christus: Sic ergo, ait, vos orabitis. Pater noster qui es in cælis. Admirabile prorsus exordium. Id è nobis quæri posset, quod Philippus olim è quæstore Reginæ Candaces quæsiuit; Putásne, intelligis quæ legis? *b* Et tu, quisquis oras, Putásne, intelligis quæ dicis, quæ pronuntias? Pater noster qui es in cælis. Nunquid DEVS non ubique locorum præsens est? Cur ergo eum in cælo esse orando præfamur? Respondendum ad hoc, & unà explicandum quàm Christus cupiat memoriam cæli assidue in nobis instaurari.

§. I.

Qui in Galliam proficiscitur, nescire vix potest Regem Galliarum toti quidem regno imperare, sed non habitare toto. Propterea visurus Regem, Parisios contendit, Parisiis regiam adit, in regiâ triclinium petit, ubi regem prandentem aut cœnantem aspicere possit. Rex cæli terræque DEVS, non tantum toto terrarum Orbe Dominus est, sed & ubique

a Matth. c. 6. v. 9. Luc. c. 11. v. 1. pæz-
b Act. c. 8, v. 30.

præfens est, ubique domi suæ est. Cur ergo sic preces exordimur? Pater noster qui es in cælis?

Princeps præfationis hujus causa: Vult DEVS humanam mentem à rebus fluxis abductam erigi ad alta. Ideò Psaltes regius hortatur objurgando: Filii hominum usquequò gravi corde, ut quid diligitis vanitatē? ^a Infantum oculos, ne potu præcipitanter sumpto suffocentur, in sublime avocamus & dicimus: En infantulus cælo delabitur. Ut ita dum suspiciunt cælum, evadant periculum. Ita prorsum nobiscum agit optimus DEVS: infantiam nostram à periculis servaturus, oculos animosque vult in cælum attolli, ne cum periculo & damno terræ sordibus inquinentur. Eò nos Pauli voces erigunt: Quæ sursum sunt querite, ubi Christus est, in dexterâ DEI sedens; quæ sursum sunt sapite, non quæ super terrâ. ^b

Deinde DEVS quidem ubique locorum est, sed gloriam suam ostendere non vult nisi loco omnium pulcherrimo & amœnissimo. Perinde ut hominis animus toti quidem corpori, membrisque omnibus sese præsentem exhibet, tam totus in minimo digito, quàm in capite ipso; singulariter nihilominus sedes animi & veluti arx est caput. Ita microcosmus iste seu parvus Orbis pulcherrimè respondet magno. Ita DEVS in omnem quem designamus loco totus est, nihilo-

F 4

minus

^a Psalm. 4, v. 2. ^b Coloss. c. 3, v. 1.

minus in cœlo se videndum præbet. In Sole posuit tabernaculum suum.^a Ita DEVS ostendendæ suæ gloriæ locum elegit altissimum; arcem incolit celsissimam. Quis sicut Dominus DEVS noster, qui in altis habitat?^b Alta erat arx Atheniensium, ubi Minerva colebatur; altum Romæ Capitolium, ubi Iovi litabatur; altum Ephesi templū, ubi Dianæ sacrificabatur: sed & alia Deorum templa in alto erant. Vana & ridicula hæc ædificiorum altitudo est. Quis sicut Dominus DEVS noster, qui in altis, (imò in altissimis) habitat. Ita beati genii nocte nascentis Domini canunt; Gloria in altissimis DEO. ^c

§. 2.

HIC Quæstio nascitur, utrū mortalium ullus ante funus suum viderit DEVM?

Sunt qui Mosi, qui Paulo, qui beatissimæ Virgini divinæ Matri hanc prærogativam asserant concessam. In partes suas Augustinum & Thomam Aquinatem trahunt. Hic ego litem nemini movebo. Cum veniâ illorum dixero, nec Augustinus, nec Theologus Aquinas in hanc opinionem discedunt. Controversia omnis est dirempta, si scriptorum, quos laudavi, expendantur

VCE.

^a Psalm. 118. v. 6. ^b Psalm. 112. v. 5.

^c Luc. c. 2. v. 14.

verba. *a* Sed scholis sint concertationes istæ. Nos asserimus à nullo unquam mortalium ante mortem obitam, visum esse DEVM. Hæc unius Servatoris Christi excellentia est: Solus Dominus IESVS inter mortales tenebras DEVM aspexit.

De Mose liquet. Huic etenim dilucidè dictum: Non poteris videre faciem meam: non enim videbit me homo, & vivet. *b* Moses transeuntem Angelum à tergo vidit, arcaniora cernere non permissus. Atqui, ajunt, loquebatur Dominus ad Mosem facie ad faciem. Priscorum interpretatio est: Cum Mose DEVM familiarissimè egisse, & corpoream illi ac spectabilem formam objecisse.

A Paulo visum esse DEVM, Paulus ipse negans: Quem, inquit, nullus hominum vidit, sed nec videre potest. *c* Deinde si Paulus vidisset DEVM, utique etià cognovisset, num in corpore, an extra corpus hoc sibi visum fuerit objectum; quod negat plus simplici vice.

Idem omnino assentitur nobis Ioannes Apostolus, qui enucleatè: DEVM, inquit, nemo vidit unquā: Unigenitus filius, qui est in sinu Patris, ipse enarravit. *d* Ergo nec Moses, nec Paulus, nec alius

F 5

homi-

a August. tom. 2. epist. 112. c. 13. S. Thom. 2. 2. q. 175. a. 5. & q. 180. a. 5. Vbi ajunt per raptum id posse fieri, non autem ajunt id esse factum. *b* Exod. c. 33. v. 20. *c* 1. Timoth. c. 6. v. 16. *d* Ioan. c. 1. v. 18.

hominum ullus, naturam divinam vidit, antequàm obiit.

Sed obsecro Lector, quæstionis causam accipe & cognosce, quàm id summæ ac supremæ felicitatis summa sit, *Videre DEVM*. Augustinus, *Videre DIVM*, Ineffabilitatem visionis vocat, & Nos miseri, imò nos cæci & fatui, quàm istud *DEVM videre* non suis momentis expendimus, & panèter uncio vendimus; terrarum Orbe, si totus sit aureus, non commutandum.

§. 3.

Si cui ea offerretur gratia, ut omnia quæcunque Orbis terrarum habet præsentia, spectare posset, omnia terræ germina, flores, herbas, arbores, imò & hortos omnes, omnia animantia, homines omnes, omniaque ædificia, & quicquid denique pulchrum aut spectatu dignum est. Si spectaculum istud pretio emendū, dic, quanti emerēs? Reverà si quis opes suas omnes huic tantæ varietatis spectaculo impendat, nil absurdi fecerit prudens emptor. Enimverò quantillum id est ad illud in cælo spectaculum infinitum, ad *DEI Visionem*, quæ suis spectatoribus exhibebit, quicquid cælo terræque fuit, quicquid est, & erit unquam, Sed hoc suo loco fusiùs.

Moses, ut dictum, non vidit nisi transcurrentis Angeli tergum. Quòd si tantum Angelus omne nativum jubar suum
a *August. epist. 112.* expli-

explicuisset videndum, Moses luminibus captus fuisset: Ideò splendor ille humanis oculis attemperandus erat, ne eos nimium præstringeret. Nihilominus Moses hoc uno aspectu incredibiliter lætatus, suo ipse vultu radiare coepit & splendescere. Quid futurum credimus, si ipsum splendoris Auctorem, omni velo jam remoto, intueamur?

Quemadmodum verò fieri non potest ut quis vultum suum inspiciat in aquâ turbidâ, ita nemo DEVM in hac vitâ. Aliquid semper turbatum est dum vivimus; nam etsi non reipsâ semper delinquamus, delictis tamen proximi sumus. Atqui DEVS non aspici vult nisi in aquâ purissimâ, nisi ab homine qui non tantum non peccat amplius, sed nec potest peccare.

Leges aulicas Assueri regis novimus, non fuisse licitum, indutum sacco, regis aulam intrare. Ita prorsus mortaliû nemo unquam mortalitatis sacco etiamnum indutus, ad videndum DEVM penetrare potuit. Decretum est supremæ curiæ: Non videbit me homo, & vivet. DEVS in altissimis habitat. Nemo illuc penetraverit, nisi prius mortalitatis sacculum exuerit. Sed ad rem.

§. 4.

Censuit Aristoteles omnibus gentibus à naturâ persuasum esse, DEVM habitare
a Esch. c. 4. v. 2. in

in cælo . Ità Hesiodo ceterisque Poëtarum , Habitator Olympi nominatur DEVS. Naturali huic opinioni sese attemperans Christus ita nos precari docuit: *Pater noster qui es in cælis*. Perinde si dixisset: Non errat opinio naturæ, Cælum DEI habitaculum est.

E Regio Psalte id discimus: De cælo respexit Dominus , vidit omnes filios hominum; de præparato habitaculo suo respexit super omnes. *a* Ad te levavi oculos meos qui habitas in cælis. *b* Priscis idololatriis aliquid lucis hac in re illuxit. Tullius orator: Bonorum virorum mentes, inquit, mihi divinæ atque æternæ videntur, & ex hominum vitâ ad Deorum religionem sanctimoniâque demigrare. *c* Divinum domicilium est cælum. Sed pergimus.

Vel ideo etiam Christus preces nostras ordiri nos voluit ab his verbis: Pater noster qui es in cælis , ut animum tunc maximè attolleremus cælo , cum oraturi sumus . Nam oratio , si priscis Patribus fides , est elevatio mentis in DEVM . Oraturus igitur fiduciâ ingenti pectus impleat , illudque secum commeditetur : Pater meus in cælo est: opulentus sanè ac nobilis parens , in cujus manu sunt omnia . Huic Patri meo nihil gratius quàm à se plurima peti . Ab eo quidem nos filii nunc exulamus, & peregrè agi-

a Psalm. 32. v. 13. *b* Psalm. 122. v. 1.

c Cicer. pre C. Rabirio.

agimus *a* velut alienigenæ, sed non longinquum est iter nostrum. Brevi suprâ erimus cum Patre. Nam illam voluptatis domum propter nos potius, quam propter se struxit. Æquè bene illi erat cùm cælum non erat. Nos hîc in tirocinio sumus variis experimentis inspiciendi, num optimi in Patrem affectûs specimen demus. Hoc ubi ritè dederimus, ad Patrem assumemur in cælum. Cur ergo non singulis horis summum illud & hæreditarium bonum cum gaudio aspiciamus? Cur non ardentissimo affectu precamur, Pater noster qui es in cælis: Adveniat regnum tuum?

Pompejus Magnus, teste Valerio, in acie Pharsalicâ victus & fugatus à Iulio Cæsare, cursu in Insulam Cyprum, ut aliquid in eâ virium contraheret, classem direxit, appellénsque ad oppidum Paphum, in littore speciosum ac præaltum vidit ædificium, & navarchum interrogavit, quod loco nomen esset? Qui respondit, *καροβασιλεία* *b* vocari.

Hîc mali ominis voce territus Pompejus, spem omnem quantalacunque restabat, perdidit. Neque id dissimulante tulit; avertit enim oculos ab illis tectis, & dolorem quem è voce ominosâ conceperat, gemitu patefecit.*c*

Si nos de immenso siderum ædificio
quæ-

a Wir sind in der fremhd.

b Mala regia, Bösenhof. *c* Valer. l. 1. c. 5.

quæramus : quod nomen est huic tantæ
 machinæ ? Responsum à Christo habemus,
 qui structuram illam Thronum
 DEI nominans : Ego autem dico vobis,
 inquit, non jurare omnino, nec per cælum
 quia Thronus DEI est. *a* Cum ergo
 ad orationis nostræ prologum sic DEVM
 alloquimur: Pater noster qui es in cælis,
 cum ingenti gaudio cælum suspiciamus;
 nam hoc ædificium *ἀριστοβασιλεία* b
 rectissimè nominatur. Hic DEI Thronus,
 hæc domus cælitum vel cogitatione tantum,
 vel oculis solum exterius libata
 cor nostrum gaudio, & fiduciâ complet,
 semianimes in Spem æternitatis erigit
 beatissimæ.

§. 5.

Idcirco etiam cum Patrem nostrum
 cæli Dominum compellamus, simul
 etiam meminerimus, digna ipso & cælestia
 rogare. Fas quidem est valetudinem,
 victum, laboris successum, exigui
 censûs incrementum, pacis & concordie
 augmentum petere. Hæc tamen omnia eo
 petenda, ut tantò constantius non solum
 petamus, sed impetremus illud, quod assidue
 petendum, Adveniat regnum
 tuum. Isidori Pelusiota dictum est: Ideo
 non impetratis, quia terrena, non cælestia
 postulatis. Ingentis enim miseræ
 atque

Matth. 6, 5. v. 35. b Guten hof.

atque amentia fuerit hæc petere, quæ etiam cum habemus excutere iussi sumus. Sæpe nobis precantibus pater cælestis iure objecerit: Quid rerum hîc petitis? Filius meus aliter vos erudiit. Beatos pauperes dixit, vos opes postulatis: Beatos mites prædicavit, vos vindictam poscitis: Beatos lugentes asseruit, vos gaudia Mundi quaritis. Hæc meus Filius docuit contemnere, quæ impetrata cupitis. Ita prorsus ingentis est amentia, ea petere, quæ cum habemus iussi sumus excutere.

Sed dixeris: Ego cæleste quid peto, singulare lumen, calentes in DEVM affectus, mellitos de DEO sensus, divinum amorem, voluntatis meæ cum divinâ conformitatem. Sed neque hæc impetro; vacuus remaneo & siccus.

Ostendam quid erroris hîc lateat. Est qui doliolum generosiore vino, aut oleo, aut liquore alio velit implere. Illud itaque prius experitur, num aquam infusam contineat: ubi vas illud rimarum plenum perscrutari observat: O meum doliolum, inquit, nec vinum, nec oleum, sed nec acetum tibi committam, dum assulæ sic jungantur, ut quod infusum est, non diffuat. Ita DEVS nobiscum agit, qui, Ambrosio teste, priusquam dona infundat cælestia, temporalem prosperitatem concedit; si verò diffuere contingat, cælestia non infundit. Liberalis DEVS impertitur victum, valetudinem, favores

humanos, honores exoptatos, in multis successus prosperos. Hoc omne aqua est, quam DEVS infundit experiundis nobis. Quòd si minoribus his DEI donis incuriosè ac segniter utamur, pecuniam prodigè dissipemus, honoribus inflemur, favoribus extollamur, cibum potumque intemperantiùs sumamus: Ohe! vas istud perfluit; aquam non continet, ergo nec vinum infundetur; caducis abutitur, ergo caelestia non impetrabit:

Christi ad Nicodemum reprehensio est: Si terrena dixi vobis, & non creditis: quomodo si dixero vobis caelestia, credetis? a Scipsum quivis objurgatione haud falsà feriet, si dicat: Circumspice qualis sis; cum litigatur non es ultimus; cum luditur, non es pigerrimus; cum potatur, non es tardissimus; inter ambitiosos non infimus; inter detractores minimè taciturnus; inter deceptores non indoctissimus; inter ebrios non postremus; inter iracundos & invidos non minimus; cum juratur & pejeratur, tu certè facundissimus es; cum in templo garritur, tu planè primus es; cum orandum & jejunandum, hìc profectò ultimus es; cum vigilandum, hìc omnium infirmissimus es; cum pauperibus quid erogandum, hìc pauperrimus es omnium. Ohe! dolium istud non continet aquam: homo iste praesentibus rectè uti nescit, hinc malè futura quærit. Utrinque miser, nec praesentia
sentia

sentia servaturus, nec lætaturus futuris.
Cælum sincere non amat, cui nondum
sordet terra.

CAPUT VII.

*Memoria celi quibus modis quotidie sit in-
stauranda?*

DE beatâ vitâ insigniter prorsus
Philosophus Cordubensis dixit:
Vivere omnes beatè volunt: sed
ad pervidendum quid sit, quod beatam
vitam efficiat, caligant; Adeoque non est
facile consequi beatam vitam. Propo-
nendum est itaque primùm, quid sit
quod petamus: tunc circumspiciendum
est, quâ contendere illò celerrimè possi-
mus. Quamdiu quidem passim vaga-
mur, non ducem secuti, sed fremitum &
clamorem dissonum in diversa vocan-
tium, vita brevis inter errores conteri-
tur. Decernatur itaque & quò tenda-
mus, & quâ: non sine perito aliquo, cui
explorata sint ea, in quæ procedimus.

Quoniam quidem non eadem hîc,
quæ in ceteris peregrinationibus condi-
tio est; in illis comprehensus aliquis li-
mes, & interrogati incolæ non patiun-
tur errare: At hîc tritissima quæque via
& celeberrima maximè decipit. *Quid
posset magis Christianum dici?* Nihil ergo
magis præstaudum est, quàm ne peco-
rum ritu sequamur antecedentium gre-
gem

gem pergentes non quâ eundum est, sed quâ itur. *a* Quid verius? Trita planè ac spatiosa via est quæ ducit ad interitum, arcta quæ ad vitam, ad cælum

Ovum initio sub oculos dedimus, per quod explicavimus compendio, quid illud Beatitudinis sit, quod petimus. Ulteriùs progressi diximus ad beatitudinem consequendam plurimum facere, beatitudinis memoriam quam ideò quotidie instaurari oporteat. Nunc porrò eundum, & quibus modis memoria beatitudinis instauranda sit, explicandum.

§. 1.

Christus conviva super mensam, præceptiones nobilissimas in nuptiis ac convivii servandas salubriter instillans: Cum vocatus fueris, inquit, vade, recumbe in novissimo loco, ut cum venerit, qui te invitavit, dicat tibi, Amice ascende superiùs. *b* Quod docuit, hoc & ipse servavit: Nam cœpit IESVS facere & docere. *c* Docuit in loco novissimo recumbendum, & recubuit in novissimo. Si Tertulliano *d* credimus, de Christo vaticinatus est illud Amos: Qui ædificat ascensionem suam in cælo. *e* Ascensionem hanc non aliter ædificavit Christus quam descensione. Christi vitam omnem inspicere,

&
a Seneca l. de beatâ Vitâ c. 1. *b* Luc. c. 14. v. 10. *c* Act. 1. v. 1. *d* Tertull. l. 4. contra Marcionem. *e* Amos c. 9. v. 6.

& fateberis cæli Dominum in loco infimo accubuisse. Merito tandem honorificum illud à Patre audit: *Ascende superius.*

Et nos quoque ad exemplum Domini Ascensiones nostras ædificemus in cælo. Hoc autem rectissimè fiet jugi beatitudinis memoriâ, quæ innovanda est hac potissimum triplici ratione. *Descensu Tartari, Contemptu terræ, Aspectu Cæli.* Explico singula.

Primum est, *Descensus Tartari.* Hic præeuntem habemus Christum. Cum cælestis Pater Filium in Orbem hunc inferiorem mitteret, hoc ei præceptionis dedit: *Vade fili, & recumbe in novissimo loco.* *a* Ad nutum Patris exactissimè id factum. Quod Lucas attestatus: Et quidem filius hominis, inquit, secundum quod definitum est, vadit. Eo certè animo ut recumbat in novissimo loco. Nam primo in Orbem ingressu non erat ei locus in diversorio. *b* Ita inter pecudes hospitatus recubuit in novissimo loco. Hic eum Angeli, hic pastores, hic salutârunt magi. Exactâ pueritiâ jam populum docturus, in solitudinem prius secessit, ubi quadraginta diebus ac noctibus jejunium perseverabat, eratque, quod Marcus asserit, cum bestiis. *c* Recubuit prorsus in novissimo loco.

Passus est insuper non solum tentari se à Satana, quod obstupescendum, sed

a Luc. c. 22. v. 22.

G 2

etiam

b Luc. c. 2. v. 7. c Marc. c. 1. v. 13.

etiam per aërem vehi, in montis jugo statui, ad templi fastigium perducī. Et consummatā omni tentatione, diabolus recessit ab illo usque ad tempus. *a* Tanquam rediturus, suasque vires denuò exploraturus in Christo. Et quis locus præ isto magis esse novissimus possit? Idem DEI Filius ex Orbe hoc abiturus, in trabem suffigi se permisit, latronum medium. Verissimè secundum quod definitum est recubuit in novissimo loco. Quod Isaias luculenter affirmans: Vidi-
mus eum, inquit, & non erat aspectus: & desideravimus eum, despectum & novissimum virorum. *b* En, DEI Filius inter pecudes nascitur, à Diabolo tentandus invaditur, inter latrones moritur.

Hinc post reditum in vitam ab universo cælo acclamatum: *Amice ascende superius.* Ecce homo, Qui ædificavit in cælo Ascensionem suam. Sanè non aliter quàm descensu hunc ascensum ædificavit. Apertè Paulus: Quod autem ascendit, quid est, inquit, nisi quia & descendit primùm in inferiores partes terræ? Qui descendit, ipse est & qui ascendit super omnes cælos. *c* Quis in Orbe locus profundior inferis? Eò Dominus IESVS descensionem priùs fecit, quàm cælum conscendit.

Cogitas Christiane ascendere in cælum? Descende priùs in Tartarum. Hebræi regis dictum sequere: Descendant
a Luc. c. 4. v. 13. in
b Isai. c. 53. v. 3. *c* Ephes. c. 4. v. 9. & 10.

in infernum viventes. *a* Longè satius est, ut eò demigremus vivi, sed redituri, quàm ut eò ablegemur mortui, inde nunquam emerfuri. Descende igitur & æterni carceris latibula & caveas perlustra. Inspice quibus illic suppliciiis arrogantia, quibus luxuria & invidia, quibus alia vitiorum monstra puniantur. Mansiones illic sunt & æternæ, sed mansiones cruciatuum & tormentorum, mansiones diabolorum & hominum damnatorum. His lustratis evade ad superos, *Amice ascende superius*, & perlustra cælum: æternitatem illam beatissimam confer cum ærumnosissimâ alterâ: vide disparem prorsus æternitatis domum, & dispares inquilinos. Sic longè faciliùs ascensiones tuas ædificabis in cælo: ita recentem ac validam beatitudinis memoriâ conservabis.

Ajunt è profundo puteo aciem oculorum velut per tubum adeò firmiter in cælum extendi, ut ipsas stellas ipso etiam meridie possit cernere: Haud aliter mens humana in cælum tantò sublimius ascendet, quantò profundius in Tartarum se submiserit. Recumbat priùs in novissimo loco, tum demum audiet: *Amice ascende superius*.

§. 2.

Alterum, quo jugem beatitudinis memoriâ reficemus, est, *Contemptus Terra*
a Psalm. 34, v. 16. G 3 San-

Sanctus Ignatius Lojola, frequenter humili scabello sedens, & rorantibus oculis cælum identidem suspiciens: Heu, dicebat, quàm sordet terra, cùm cælum aspicio! Notum illud religiosissimum praeceptum. Dimitte omnia, & inuenies omnia. *a* Relinque cupidinem, & reperies requiem. Cave rebus perituris inhæreas, ne capiaris & cum iis pereas. Quàm verè ac significanter è Divi Francisci familiâ Theologus dixit: Si tibi DEVS hanc beatitudinem non ultra mediæ etiam horæ spatium largiretur, mille Mundos huic similes deberes spernere; eò plenius DEO fruiturus, quò magis ex animo hujus brevis vitæ quisquillas & utilitates contempseris. *b* Et nos (ô infana cæcitas!) nec vilissimam terræ particulam audemus sat fortiter contemnere. Ecquid demum est voluptas omnis, & omnis thesaurus terræ? Titivillitium, scarabæi umbra, fumus, vanitas, nihil est.

Narrat Homerus comites Vlyssis dulcibus è Loto fructibus gustatis turpiter oblitos redire in patriam. Hinc verbi veteris origo: Lotum gustavit, Lotophagos rectè dixeris eos, qui terræ sordibus inescati patriæ cælestis turpissimè obliviscuntur; pro nihilo habent, terram desiderabilem. *c* Cui terra sapit, cælum defi-

a Thom. de Kempis l. 3. de Imit. Christ. c. 32.

b Didacus Stella de Mundi Contemptu l. 3.

c 100. Psalm. 105. v. 24.

desipit: cui sapit calum, ei profectò terra desipit.

Pisces marini gaudent maris falsugine, aquis dulcibus necantur: ita plurimi amarissimis Mundi voluptatibus oblectantur, mel cæli fastidiunt. Ambrosius de naturis rerum differens, *a* ait Corallium in aquis herbam esse, cùm ex aquis in aërem transfertur in lapidem durescere. Utinam terrigenæ illi, qui inter cœnosæ oblectationis undas adeò mollescunt; ut etiam ad calamitatis umbram impatientes sint, utinam velut alga caput attollant cælo, & auræ sese inferant ætheræ, in nobile profectò corallium durescerent, ad omnia perferenda robusti.

Qui ascensiones suas in cælo ædificat, prius terram calcat. Nos quidem ascensiones ædificamus, sed heu non in cælo. Omne nostrum struere, apposito verbo

Græci ἀεροφορεῖν *b* nominant. Fundamentum deest his talibus structuris. Hominis avari aut ambitiosi mentem inspicere, videbis quot ii ascensiones moliantur. Est qui cogitet: Quo demum modo hoc munus, dignitatem istam, hos titulos obtinebo? His obtentis progrediar paulatim ad altiora, Ascendam superius. Ubi & istud obtinuero, tum denique phylacteria mea dilatabo & magnificabo fimbrias: *c* multi qui olim vix ca-

a Ambr. l. 5. Exam. c. 11. G 4 put

b Im luffe vatter, c Matth. c. 23. v. 5.

put aperire dignati, jam mihi & genua cogentur flectere. *a* Iam verò liberos sic vestiam, filios in Italiam aut Gallias mitam, filias cum amplâ dote matrimonio jungam: In rem meam connitar, ut domos & prædia emam, ne censu aliis impar inter pedarios tantum numerer Senatores. Mille talia concinnamus in pectore. En architectos qui ædificant ascensiones suas in terrâ, in aëre. Hoc ædificii genus, ô boni, struendum est in cælo; non in terrâ, non in aëre; aut ruinam prius cernetis, quàm structuram.

Apostoli è Christo jam jam in cælum ascensuro quæsierunt: Domine, si in tempore hoc restitues regnum Israël? *b* O viri quid istuc quæritis? Tam præclara & multa de cælo audiistis, & adhuc de terrâ & terreno regno interrogatis? Quid ad vos hæc peritura & infima? Non recordamini quis vobis in cœnâ supremâ dixerit: Iam non dicâ vos servos: Vos autem dixi amicos, *c* Igitur, ô amici ascendite superius: Cogitationes ac desideria in altum erigite: mittite terram, exquirite cælum. Non humilietur in pulvere anima vestra, non conglutinetur in terrâ venter vester. *d*

Sunt Geographi qui Orbem Orbisque partes spectandas in tabulis proponunt: Sunt & Astrologi qui cæli leges, siderum

a Sie werden mir wol müssen gnadherren. *b* Act. 1. v. 6. *c* Ioan. 15. v. 14.

d Psalm. 43. v. 25.

rum meatus, orbésque cælestes è ligno aut metallo fabrefactos in sphærâ repræsentant. Fuit harunce rerum imperitior quispiam & albæ mentis homo, qui Geographum primò accessit & petiit, per Orbem sese compendio duceret, docerétque varias regiones in chartâ nôsse.

Nec minùs è tabulâ pictos ediscere Mundos.

Mox ille hominem ad ingentem tabulam suaviter trahens, ostendit fermocinante manu hîc Asiam, novam illic Americam, istic Africam & Europam: ita flumina, maria, provincias, regna plurima commonstravit. Sed jam instructus à Geographo Astronomiæ Doctorem adiit & rogavit, cælestium Orbium compositionem sibi explicaret: quis eorum numerus, quis ordo, quis motus; qui eccentrici, qui plani, qui solidi sint Orbes. Astrologus cœpit versare sphæram & ostendere, quinam eccentrici, qui plani, qui solidi dicantur; quæ circulorum volumina vel orbiculata parallela, vel obliqua decussata, quæ axium sint vertigines, Sphæræ medio, cingebatur terra vix nucem æquans; ita simul etiam cæli terræque distantiam explicavit. Hîc auditor admirabundus. Quid hoc rerum est, obsecro? exclamat. Prior ille geographiæ professor, in extensâ telâ terræ globum esse maximum monstravit; Tu verò doctissime Domine, terram vix nuci magnitudine pares exhibes. Cui credam? Adstitit amicorum aliquis qui in aurem

insufurrans: Ne mireris, inquit, nam ille Geographus, iste Astrologus est; diversa tractant studia; rem suam uterque curat. In rem nostram hæc faciunt.

Diabolus Geographus est peritissimus. Et ecce artis specimen. In monte Christo monstraturus quàm ingens esset terra, ostendit ei omnia regna Mundi & gloriam eorum, & dixit: Hæc omnia tibi dabo. *a* En obsecro, Geographum prorsus egregium, qui omnia terræ bona ut ingentia, ut maxima repræsentat: vitam mortalem pretiosissimam, ideóque charissimam, umbram honoris speciosissimam, pecuniam rerum omnium potentissimam, beatitudinem ipsam esse demonstrat. Hinc illud Mundi sanctissimum dogma:

— *quærenda pecunia primum est,*
Virtus post numos. — *b*

Hæc Greographi ex orco fallacia est, sic ille terram magnificat. At verò Christus veræ astrologiæ doctor peritissimus: loquens de regno DEI, *c* terram à suis omnibus contemnendam docet, & ascensiones ædificandas in cælo. Hinc illæ cohortationes assiduæ: Si mundus vos odit, scitote, quia me priorem vobis odio habuit. *d* Nolite diligere mundum, neque ea quæ in mundo sunt. *e* Ergo non contemplantibus nobis, quæ videntur,

a *Matth. c. 4. v. 8. & 9.*

b *Horat. l. 1. epist. 1. ad Mecænat.*

c *Act. c. 1. v. 3.* *d* *Ioan. c. 15. v. 18.*

e *1. Ioan. c. 2. v. 15.*

tur, sed quæ non videntur, a iter ingre-
diendum sublime. Verissimè dixit Sene-
ca: Nemo alius est DEO dignus quàm
qui opes contempserit. b Expedita ad
cælum via est, Contemptus terræ.

*Aude hospes contemnere opes, & te quo-
que dignum*

Finge DEO.

§. 3.

Tertium quo memoria beatitudinis
restauranda, *Aspectus cali.* Domum vel
foris tantum aspicere & non amare diffi-
cile. Christus in cælum abiturus suos
omnes præsentés esse voluit. Videntibus
illis, ait Lucas, elevatus est. c Cum or-
bem nascendo ingrederetur, silentio &
noctu, ignotus occultusque venit; cælum
ascensurus, centum & viginti spectato-
res, homines ex omni numero selectis-
simos ad hoc spectaculi excivit.

Regum fasti memorant Ionatham
juvenem regium fame compulsus è fa-
vo mellis aliquid immersâ virgâ libâsse,
& mox ejus oculos esse illuminatos. d
Tobias cæcus oculorum usum reparavit
non melle, sed felle. e En collyrium splan-
nè dissimillimum, sed eundem prorsus
effectum. Ionathas & Tobias nitidos

E 2

vege-

a 2. Corinth. c. 4. v. 18. b Seneca epist. 18.

c Act. c. 1. v. 9. d 1. Reg. c. 14. v. 27.

e Tob. c. 11. v. 14. f Aug. enarr. in ps.

vegetosque reddiderunt suos oculos, ille mellis, hic fellis beneficio.

Dominicum illud in nos quadrat: Modicum lumen in vobis est. *a* Sicut oculi nocturnæ ad solem, ita nostri ad divina & cælestia caligant. Hic minimè lynces sumus; heu lolio vititamus; *b* tam ægris & affectis oculis cælum languidissimè penetramus. Ergo collyrium admittendum. Sed num mellis an fellis malumus? Citiùs melle ac suaviùs sanabimur. Quocirca mel placet. Hæc quidem dicimus, sed sæpe alia omnia facimus. Edissero quod dixi.

Susplicere cælum, & intimo pectore beatitudinem suspirare, mel est omni melle suavius; gravia & aspera pati, fel est omni felle amarius. En visus interioris medicinam duplicem: utra placet? Quando nos igitur tam rarò tamque oscitanter & perfunctoriè cælum cogitamus, mel reverà spernimus. O curvæ in terras animæ, & cælestium inanes! Subinde horulâ unicâ, aut parte horulæ mel istud oculis posset allini saluberrimè. Hoc scilicet faciendum. Cogitationes aliæ omnes curæque tantisper seponendæ, ut tantò attentius ac suaviùs sola cogitari possit beatitudo. Ipse sibi quisque dicat: En hoc, & hoc, & hoc etiam promissum est tibi; chirographum Christi penes te habes: Expectat te immensum voluptatis mare: æternum ab omni malo

a Ioan. c. 12. v. 35.

secu-

b Lolium vitiat, & obtundit oculos.

securus; æternum undequaque beatissimus eris; si tamen velis esse. Hac solâ lege assumêris, *si nolis servire vitis.*

En cælum sideribus distinctum quàm etiam extrinsecus formosum sit! Quin eò manibus pedibûsque perreptas? Age, tolera, & labora ut bonus miles; brevî vinctus. Num tu à carne tuâ, ab appetentiâ tuâ, à fallacissimis illecebris patieris te vinci? Si libet insanire, quæso cum ratione insanias, ne æternum pereas. Cælum suspice & esto frugi.

En talis homo aquilinos & lynceos sibi oculos conciliat melle, hoc est aspectu cæli; uti Ionathæ, sic & illius illuminabuntur. Sed plerunque nolumus perungi hoc melle. Ad omnes nugas vacamus, hîc solum nil superest temporis; omnia alia solertissimè curamus, cælum in postremis curis habemus. vix illud unquam seriò & cum curâ consideramus. Ita hoc melle fanari nolumus.

Idcirco DEVS felle nobis medicinam facit, plagis nos erudit. Quâ quidem ratione, *illuminamur*; sed lentior est, & acerbior hic medendi modus. Iacob Patriarcha quantis quàmque diuturnis calamitatibus pressus est? Cùm duo filii Simeon & Levi civitatem Salem cædibus vacuassent. Turbâstis me, inquit, & odiosum fecistis me habitatoribus terræ hujus. *a* Amisso Ioseph filio, noluit consolationem

tionem admittere, sed illud in continuo
luctu ingeminabat: Descendam ad fi-
lium meum lugens in infernum, *a* Hunc
luctum viginti tribus annis perseveravit.
En quomodo fel istud oculos Iacob hor-
rendum ufferit. Ubi verò Angelum hu-
manâ specie velatum vidit: Vidi Domi-
num facie ad faciem, inquit, & salva fa-
cta est anima mea. *b* En quàm celeriter,
obsecro, cælesti hoc melle persanatus, &
illuminatus sit; salva facta est anima il-
lius. Nil ultrâ petiit, votorum summam
attigit, optime illi fuit, mel calig-
stavit.

Hoc melle Christus Apostolos curavit.
Viderunt illum abeuntem in cælum. Hoc
vidisse plus illis profuit, quàm conciones
plurimas audivisse. Attollamus quotidie
oculos supra hanc caliginem, in quâ vo-
lutamur, & suspiciamus cælum. Non
fuerat operæ pretium nasci, nisi admire-
remur ad contemplanda hæc alta. Quid
enim erat, cur in numero viventium me
positum esse gauderem? An ut corpus
hoc fluidum ac perituum cibo potuque
farcirem, diligens ejus minister? Non est
vita tanti, ut eam amemus, nisi animum
assiduè erigamus in cælum. O quàm con-
tempta, quàm ærumnosa res est homo,
nisi se supra humana erexerit!

Non aberrabit à cælo, cui cælum sem-
per in oculis, æternitas est in pectore.
Turonensis Præsul Martinus Sanctissi-
ma,

a Genes. c. 37. v. 35. *b* Gen. c. 32. v. 30.

ma, quam egit, vitæ initium & progressum dedit continuo cæli aspectu. Hinc & cæli suspex nominatus est.

Sanctissimi quique viri cælum assidue suspiciebant, velut patriam peregrini & exules; velut portum, naufragi metuentes; velut coronam & præmium cum hostibus decertantes. Hæc illis contemplatio, in laboribus quies, & mœroribus solamen, in pugnâ robur, in adversis subsidium fuit.

Isaias vates digitum cælo intendens hortatur & clamat: Levate in excelsum oculos vestros, & videte quis creavit hæc. Sol unicus toto aquæ terræque globo centies sexagesies septies major est. Quid de reliquâ cæli vastissimâ planitie dicendum? O illa Senecæ verissima! Sursum ingentia spatia sunt, in quorum possessionem animus admittitur. Hoc sciamus, omnia hîc angusta esse. Quapropter eò mittendus est animus, ubi æternitatis immensi campi pateant.

Ejus rei Ecclesiæ preces sæpius monent. Quales sunt illæ: Sic transeamus per bona temporalia, ut non amittamus æterna. Et istę: Concede quæsumus omnipotens Deus, ut qui hodiernâ die Unigenitum tuum Redemptorem nostrum ad cælos ascendisse credimus, ipsi quoque mente in cælestibus habitemus, *b*

Christi
a *Isai. c. 40. v. 26.* b *Dominic. III. post Pentecost. & die Ascensionis Domini.*

Christus ipse quoties eò præiit, cum actionum suarum pænè omnium hoc voluerit esse principium, ut sublevaris oculis in cælum cum Patre loqueretur. O imitemur, & cælum quàm creberrimè missis illuc oculis salutemus. Aspectus cæli, laxat animum ac præparat ad cognitionem celestium, aptumque efficit, qui in consortium DEI veniat. Hoc habet animus argumentum dignitatis suæ, si illum divina delectant; si non ut alienis interest, sed ut suis.

C A P I T U L U M . V I I I .

Cælum propriè Beatorum sedem ac mansionem dici. Vbi aliquid de Mundi fallacijs.

CONDUCTVRVS ædes, primò eas inspicit: si placeant; id singulariter exquirat, num in iis stabilem possit sedem figere. Permolestum est singulis annis cum suâ supellectile huc illuc vagari. Habitatio si quæ placeat, tantò est gratior, quantò stabilior. Atqui toto terrarum Orbe, quod nostra nos Religio docet, nusquam is locus est, quo trita cantilena illa non occinatur? Exi hospes, exi; jam satis est, exi. Quò igitur tandem eundum?

Christus extollens manum ad sidera: In domo Patris mei, ait, mansiones multæ sunt. *a* Mansiones in terrâ quæri possunt, inveniri non possunt.

a Ioan. 6. 14. v. 2.

sunt.

sunt. Nulla hîc quies, nusquam mansio. Vaticinatus olim Moses: Introduces eos, inquit, & plantabis in monte hæreditatis tuæ: firmissimo habitaculo tuo quod operatus es, Domine; Sanctuarium tuum, Domine, quod firmaverunt manus tuæ. ^a Licet nos chalybe strueremus domos; non tamen firmum forent habitaculum. Inquilinos singulos mors extrahit; & subinde plures uno tractu. Demum & ipsa domus corrui. Adeò nihil adamantinas mortis manus effugit. Ab Adamo quot centena millia, quot mille myriades seu milliones hominum ad hanc usque horam mortui? Nulli hætenus Regum aut Cæsarum de suo Palatio licuit dicere, Hæc requies mea in sæculum sæculi, hîc habitabo, quoniam elegi eam. ^b Simile quid non nemo somniavit, sed demum patuit fuisse somnium.

Ludovicus XI. Galliæ Rex ætate inclinate Medicis auri montes promisit, aut donavit. Deinde sanctos viros è silvis eduxit, quibus vitam suam non emendandam, sed propagandam commendavit. Tali spe interim & metu, ut in arce munita & fenestris ipsis atque omni aditu clathris ferreis obstructo, sese includeret. O bone Rex! hîc nusquam est mansio; migrandum est.

In domo Patris, in cælo mansiones & quidem multæ sunt. Hîc stabilis firmaque sedes, hîc Beatorum quies, hîc canti-

H

lena

^a Exod. c. 15. v. 17. ^b Psalm. 131. v. 14.

lena illa, *Exi hospes*, in omnem æternitatem proscripta est; quod hoc capite ita exequemur, ut simul etiam detegamus Mundi fallacias, qui omni Euripo instabilius, mansionem nihilominus & quietem mentitur, ut incautos suis fluctibus involvat. Qui mundi perfidiam inquietissimam probe noverit, mansiones illas æternas flagrantissimè desiderabit.

6. I.

Tarsensis-Paulus non solum dixit: Non habemus hic manentem civitatem: Sed & illud insuper adjunxit, ut res exactè caperetur: Præterit enim figura hujus mundi. *a* Elapsos centum annos sequuntur alii; sæculum aliud ex alio nascitur, annus extrudit annum. Nos annum sæcularem millesimum sexcentesium vidimus: Transivit hic annus, & post illum aliquot & triginta anni. Ubi proximus sæcularis annus millesimus septingentesimus illuxerit, ubi quæso nos erimus? Præterit figura Mundi, præterit.

Monachii, ubi hæc scribo, die quo ritu anniversario sacrum ferculum obit mœnia singulis olim septenniis, aut crebrius tam priscae quam novæ legis historias celsa pegmata (figuras vocant) repræsentarunt. *b* Hæc sacrâ & solenni pompâ imago imaginem impellit, ab insequente pegmate pegma prius excluditur. Ita hæc *a* 1. Cor. c. 7, v. 31.

b Iam annis octodecim omissum.

præf.

praefigurationes omnes *transseunt*. posterior priorem urget, altera cedit alteri, praetereunt tamen omnes, nulla vel diem unum in viâ manet. Huic pompæ *a* similima est vita nostra. Spectamus tempus? Ver hiemem excludit, veri dat finem ætas, æstati autumnus, autumnum fugat hiems. Ætatem nostram attendimus? Infantiam claudit pueritia, pueritiam juvenus, juventutem virilis ætas, hanc senectus excipit, senectutem inter se morbi & mors dividunt. Pari modo voluptatem expellit aut moeror aut alia voluptas, alter alterius clausula est: Omnes praetereunt, brevissime sunt omnes. Iobus id asserens: Gaudium, inquit, hypocritæ ad instar puncti. *b* Huic assentitur vatum maximus: Vidi, ait, impium superexaltatum & elevatum sicut cedros Libani, & transivi, & ecce non erat. *c* Quò formosissimus hic apex descendit? Quò solent omnia. Præterit, evanuit.

Nihil stabile aut firmum esse voluit ille rerum arbiter præter seipsum. Omnia ista quæ suspicis, quæ miraris, vicibus suis aut pereunt, aut certè mutantur. Solem illum vides? deficit. Lunam? laborat, & tabescit. Sidera? Labuntur & cadunt. Viderunt astrologi annis superioribus in celo ipso nasci aliquid posse & mori. Quod si ad interitum mutationemque magna illa corpora & nostro

H 2

sensu

a Der gross Umbgang.

b Job c. 20. v. 5. c. Psal. 36. v. 35. & 36.

senſu æterna, deſtinata ſunt, quis uſam terræ ſtabilitatē promittat? Unus ſub Tiberio terramotus duodecim celebres Aſiæ urbes evertit: Totidem Campaniæ oppida alius ſub Constantino: Et unum aliquod Attilæ bellum, plus centenas. Quod terre partibus, quod urbibus, hoc & ſingulis hominibus fatum imminet. Attolle, & circumfer mecum oculos, & vide rerum humanarum alternas vices, & ut in Oceano, æſtus. Tu ſurge, tu cade: tu impera, tu ſervi: tu occūtare, tu emerge. Nulla hic quies, nuſquam manſio. In cælo manſiones, in cælo felicitas quietis æternæ. ^a Vera germanaque patria eſt cælum; eo aſpiremus.

§. 2.

Diabolus Servatorem tentaturus, oſtendit illi omnia regna Orbis terræ in momento temporis. ^b Obſerva Chriſtiane: Hæc tantum oſtendi ſolent ſpectanda, non dari poſſidenda. Tu forſan te poſſeſſorem credis, & domos, prædia, villas, hortos, latifundia jaſtas, eorūque te Dominum ſcribis? ſpectator & diſpenſator es. Et hoc quàm diu? Nam audi: *In momento temporis*. Hæc enim præterquam quòd tantum oſtendi ſoleant, brevifſimo etiam tempore oſtenduntur. Interrogemus eos qui totum penè Orbem ſubege-
runt

^a Hæc lib. 2. c. ult. fuſius declarabimus.

^b Matth. c. 4. v. 9. & Luc. c. 4. v. 5.

runt armis: Auguste Cæsar, Rex Alexander, ubi vestra sunt regna? Ostensa sunt: tantum vobis, & quidem momento. Baruch vates Hebræus similiter interrogans: Ubi sunt, inquit, Principes gentium, & qui dominantur super bestias quæ sunt super terram? Exterminati sunt & ad inferos descenderunt, & alii loco eorum exurrexerunt. *a* Nulla hæc quies, nusquam mansio.

Favet Mundus & arridet? Hoc autem quamdiu? Mundum noto illi opilioni Melibæo simillimum dixerim, qui pecori suo valedicens cecinit:

*Ite mea quondam felix pecus, ite capella,
Non ego vos posthac viridi projectus in antro
Dumosâ pendere procul de rupe videbo.
Carmina nulla canam. — b*

Ita Mundus: Ite mei alumnuli, ite: Satisfutum est: Ad finem ventum est. c. Jam seriò res agetur, Nil amplius suaviorum carminum à me audietis. Canam; sed aliis, non vobis: ridebo; non vobis, aut vestro commodo, sed irrisurus vos. Ite, & alibi quietem quærite, apud me nunquam inventuri. Hæc Mundi derisio, hæc illius postrema est lavatio. *d*

Mundum opilioni composuisse honestum nimis elogium. Si verum spectemus, carnifex est mundus. Anni sunt complurculi, cum in vicinâ civitate vir magni nominis ob peculatum patibulo

H 3.

addi-

a Baruch c. 3. v. 16. & seqq. *b* Virg. ecloga. 1.

c Es ist aus. *d* Das ist der lausguss.

addictus, publicè ductus est. Iamque ferale hoc theatrum averso ascensu occupandum erat, jam in fatalibus scalis stabat reus, cum carnifex blando imperio: Domine, inquit, unum adhuc gradum superemus. *a* Ascendit ille Dominus, & pependit. Ita mundus innumeros per funestos scalarum gradus eduxit, educitque in altum, ut lapsu graviore ruant: illaqueatos sceleribus in auras extrudit velut patibularium. Nunquid non plures ejusmodi nos ipsi novimus? Nec opus Amanum, Eutropium, Bellisarium, Rufinum magna nomina, nota Mundi ludibria huc sistere. Sat fuerit unicum nominasse.

Plautianus Antonini Caesaris socer opulentissimus simul & potentissimus filiae dotem dedit quæ reginis quinquaginta suffecerit. Et populo Imperator minus erat formidini quam Plautianus. Vox omnium erat, cælum prius ruiturum, quam socero Imperator incommodatum iret. Sed vices, ut fit, verterunt. Nam Plautianum structæ cædis insimulatum, ut Herodianus credit, *b* Antoninus gener in Palatio Romæ occidit. Nec satis vitam ademisse Patri, filius Plautus & Plautilla filia in Insulam Lyparim exulare iussi, paullo post necari. Plautiani nomen insuper ex omnibus monumentis actibus erasum. *c* I nunc, & quietem aut

man-

a Herr/nach ein stäffelin. *b* Negat Dio.

c Dio Cassius in Severo. Baron. ad Ann. 206.

mansionem in Mundo ambi. Optimè Philo: Nihil est, igitur, inquit, in humanis rebus ac negotiis præter umbram auramque levissimam, sine morâ prætervolantem, *a* Nulla mansio:

6. 3.

Opilioni aut Carnifici Mundum contulisse nimis etiamnum honorificum est. Mundus vafra & crudelis bestia est, nec habebunt requiem die ac nocte qui adoraverint hanc bestiam, & imaginem ejus. *b* Cùm Absalon in patrem rebellis; prælio infelicitè commissio ex acie diffugeret mulo vehens abjectâ galeâ capillo volante subter quercum transire conatus est. Sed arbor injectis manibus lictoris instar fugitivum crinibus prehensens ita vinxit ac tenuit, ut subitus suum dominum elaberetur mulus, Absalon cæli terræque medius penderet. *c* Mundus est mulus: quisquis equitem agis, cave hoc jumentum crudele & vafrum. Videris tibi commodè sedere, suaviter vehi, feliciter progredi? Expecta sis, & tu tuam invenies quercum, quâ pendeas. Ne fide mulo, humanis favoribus ne crede. Arbore quâ non putaveris, subito hærebis, & pendebis vivum funus. Excusso te prætervolabit mulus, humani fa-

H 4 vores

a Philol. Quod Deus sit immutabilis. mihi pag. 248. b Apoc. c. 14. v. 11. c 2. Reg. v. 18. v. 9. & seqq.

vores te destituent: te terra ejectionem respiciet, exclusum te non admittet caelum.

Et en ejus rei nobile paradigma. Iudas Iscariotes rebellis in magistrum discipulus, mulum quo veheretur, quæsit, Pontificum favores ambiit, pecuniam recepit. O breve nimis gaudium! Nam & hic suam reperit quercum, quâ hæsit, elabente mulo. Cum enim argentum rejiceret, iridentes Pharisei responderunt: Tu videris. Tute hoc intrivisti, tibi omne exedendum est. Quid ad nos? Tu videris. Ita mortalium miserrimus furiosâ poenitentiam præceptus in desperationis quercum impiegit, & elisit animam.

Hoc & Mundus aliquandiu blandus & mulcens respondet: Quid ad me? tu videris. Sed clamat in arcto alumnus Mundi, & opem poscit: Nec tamen aliud audit, quàm istud: Tu videris: Quid hæc ad Mundum? Exede quod intrivisti. Conscientiam tu tuam neglexisti, favores Mundi quæsiisti, DEVM offendisti, caelum perdidisti; Tu jam videris. Iam pende, jam palpita, jam infelicem animam effla: nemo juvat. Exi hospes, exi. Nulla hic quies, nusquam mansio, nusquam nisi in cælo, quod ipse tibi occlusisti.

Ptolemæus Rex Ægypti potentissimus, ut Machabæorum res gestæ memorant, intravit Antiochiam, & imposuit duo diademata capiti suo, Ægypti & Asiæ. a Quietem cogitaverat Ptolemæus
a 1. Mach. c. 11. v. 18. &

& mansionem; sed totâ Ægypto, Asiâ totâ non reperit. Nam audi quid sacer historicus subjungat. Et Rex Ptolemæus mortuus est in die tertiâ: & qui erant in munitionibus, perierunt ab his qui erant intra castra. *a* Nulla hîc quies, nusquam mansio.

Rex Medorum Arphaxad subjugaverat multas gentes imperio suo, quod sacrę paginæ testantur, & ipse ædificavit civitatem potentissimam Ecbatanis. Ex lapidibus quadratis & sectis fecit muros ejus in altitudinem cubitorum septuaginta, & in latitudinē cubitorum triginta, turre verò ejus posuit in altitudinem cubitorum centum. *b* Firmissima civitas (quis neget?) in omnes hostium insultus. Nec defuit tantę potentię superbia. Siquidem Rex Arphaxad gloriabatur quasi potens in potentiâ exercitûs sui, & in gloriâ quadrigarum suarum. *c* O mi superbe rex! brevî detumescet hæc animi elatio, & mansio, quam struxisti, ad aliū transibit. Ita evēnit. Nam Nabuchodonosor Rex Assyriorum pugnavit contra Arphaxad, & obtinuit eum in campo magno. Sic uno die, horâ unicâ tam firmę mansionis ædificator periit, & mansionem alius occupavit. Nulla hîc quies, nusquam mansio.

Propheta Ionas sub textili suâ silvulâ, sub viridi tentoriolo suo lætabatur plurimum. Quietem illi ac mansionem præ-
a *Ibid.* v. 18. H 5 mittebat

b *Iudith* c. 1, v. 1. & 2. c. *Ibid.* v. 4. & v. 5.

mittebat saltem æstivam, umbra amoenissima. Hic sedere, hic habitare, hic quiescere lubebat. Et letatus est Ionas super hederâ lætitiâ magnâ. ^a Falleris, mi Iona, falleris. Nullâ hic quies, nusquam mansio. Cras istud certius credes. Et paravit DEVS vermem ascensu diluculi in crastinum: & percussit hederam, & exaruit. ^b Dic jam, ô Iona, mansio tua ubi est? Vermiculus unicus, & hederam & umbram; simul etiam quietem ac mansionem, & dietam, ^c & amœnitatem omnem abstulit. In domo Patris mansiones multæ: extra eam nullæ. In cælo Beatorum sedes, in cælo quies est: ubi vis alibi standunt & luctandum, ubi vis inquires & innumere turbæ. Cælum quietis beatissimæ domicilium: quicquid turbæ aut timoris est, exclusit in omne ævum.

§. 4.

Hoc loco forsitan rogemus: cur DEVS ad inspicendum cælum non saltem rimulam pandit? Hic in tenebris agimus, nec aliam cæli notitiâ quàm auribus accipimus. Quid testimonii datur oculis? omnes ordine, pro suâ quemque horulâ citat, morimur; Et nemo revertitur, ^d qui referat & testetur quid in Orbe meliori viderit. Cælum DEVS venale proponit, & emi vult. Atqui mercator non solum

^a Iona c. 4. v. 6. ^b Ibid. v. 7. ^c Iustitiae. ^d Sapient. c. 2. v. 5.

Laudat venales, quas vult extrudere merces. a

Sed eas insuper spectandas offert, emptorem alioqui nullum habiturus. At vero DEVS omnem cæli voluptatem ingenti studio celat.

Sed in promptu causâ est: Hoc fieri fidei ac spei gratiâ. Beati qui non viderunt & crediderunt. *b* Quod videmus non credimus. Apertissimè Paulus: Spes, inquit, quæ videtur non est spes: Nam quod videt quis, quid sperat? Spe salvi facti sumus. *c* Hinc plura ejuscemodi DEVS contextit velo, ut tantò fides esset firmitior, quantò ab oculorum fallaciis remotior.

Deinde, si vel per rimam cælum inspicere liceret, non putem cibum, non somnum capere luberet; vix humanam amplius vitam ageremus: Vigilare solùm & perpetuum laborare, & quàm plurimum pati in votis foret cæli desiderio. Vigiliis, crediderim, & laboribus, ac jeuniis morbum contraheremus; *d* extingueremus Vitam nimio æstu gloriæ. Adcoque nimium esset calcar ad appetendum cæli præmium, cælum inspexisse. Atqui verò nostræ potestatis non est vitam abrumperè: vigilandum & expectandum dum auctor vitæ veniat dicatque: Jam veni,
jama

a Horat. l. 2. epist. 2. ad Florum, initio.

b Ioan. c. 20. v. 29. c Rom. c. 8. v. 24.

d Wurden uns zu tod fasten/bis zu tod arbeiten.

jam tempus est. Cælum autem longè melius emerebimur, si alter alteri, quàm si quisque sibi soli seruiat & proficit.

Sed dicta panè correcturus ajo tertio: Non rimam tantùm aperit DEVS inspiciendo cælo, sed & januam. Inspicite, gustate & videte, quoniam suavis est Dominus. *a* Quicquid in Orbe hoc inferiore pulchritudinis & amœnitatis est, quicquid dulcedinis ac voluptatis, id rima, id ostiolum in cælum, id cæli gustulus est.

Atque hîc duo quædam singularissimè observanda sunt, quæ ad omnem vitæ pietatem plurimùm conduxerint.

Primum est, Omne quod quis patitur, non alio animo quàm velut scintillam ex Orco accipere, ita simul ratiocinando: Si scintillula hæc avernalis unica sic urit, ô DEVS, quid illud tormentorum erit in illis ignibus totum jacere, & æternùm uri? Hæc omnis afflictio mea tanquam strictura est ab inferis emergens, *b* momentaneum & leve, & tamen ita me cruciat: quantum, eheu, cruciabit ipsum æternitatis incendium? Est qui dicat: Tu illud quod quisque patitur stricturas & scintillas vocites? Ego certè hinc atque hinc, super subterque premor angustiis, undique afflictus, miser sum undique, in incendio luctor.

Crede mihi, mi homo, si DEVS alterum tantum ærumnis tuis adjiciat, nia *a* Psalm. 33. v. 9.

b Ein höllfüncklein.

hilominus.

hilominus strictura tantum & scintilla est quicquid pateris, ad æternos ignes collatum. Ab inferis clamat purpuratus epulo, Crucior in hæc flammâ. Damnata capita flammâs sentiunt, nos solum scintillas ab iis flammis. Quapropter æquo animo toleremus, quicquid tolerandum venit: afflictiones etiam gravissimæ non nisi scintillulæ sunt ab illo æternitatis incendio. Hoc primum est.

Alterum: Quicquid in Orbe hoc oculis placet, quicquid gulæ vel auribus suave est, quicquid licitam voluptatem spirat, non aliter accipere, quàm unicam mellis guttulam, è cælo, vel saccari cælestis miculam, sic simul etiam ratiocinando: O bone DEVS, ô mi amantissime Conditor, si hæc amœnitatis micula, si hæc guttula cælestis melliginis, ita cor afficit ut subsultet, quid amici tui voluptatis haurient in cælo æternum beati, æternum beatitudinis securi? quos non stillâ solum ætherei roris asperges, sed melleo voluptatum mari perfundes & immerges: quàm illis, inquam, bene erit, cum nihil voluptatis deerit, cum omni genere oblectationum affluent? Nos in cælo jam agere nobis videmur, cum voluptatis guttam lambimus. Interim mors à tergo inserpit, velut lavernio, quod non nescimus, interim nos mille vellicant miseria. Et tamen beatos nos credimus, cum vel inter lacrimas mellis aliquid libamus. Quanta igitur vitæ suavitas erit

in cælo, ubi melleum illud beatitudinis
mare nunquam deficiet, nullis turbabi-
tur Euripis, nec unicam ejus guttulam
æternitas tota exsiccaverit?

Hæc duo omnia vitæ mala & miseras,
velut Tartari scintillas, omniæque vitæ
commoda & delitias, tanquam ætheri
mellis guttulas interpretari; Hæc duo, in-
quam, ad omnem vitæ sanctimoniam, &
ad insignem in virtute profectum in-
credibili erunt adjumento, si probè ca-
pianthur, & jugiter exerceantur; sic enim
omnia in nostrum trahemus emolu-
mentum. Atque hoc est, quod à beato
Paulo discimus. Quando invisibilia Dei
per ea quæ facta sunt conspiciuntur.
Verbo dixerim? Si quid, ô Christiani, vi-
detis aut sentitis mali, Orcum inspicite.
Si quid amœni & grati, inspicite cælum,
apertæ sunt rimæ, patet ostium.

§. 5.

Si igitur quietem & mansionem que-
rimus, oculos velut exploratores quavis
die sæpius in cælum emittamus. Roma-
nus sapiens affirmat, eam Aegypto ferti-
litatem ab exundante Nilo provenire, ut
ab agricolis non cælum sed pronâ cupi-
ditate spectetur tellus; Nemo aratorum,
inquit, cælum adspicit. Siquidem Nilus
ante exortum caniculæ mediis ætibus
augetur. Hunc nobilissimum annum
a Rom. c. 1. v. 20. natura

natura extulit ante oculos humani generis, & ita disposuit, ut eo tempore inundaret Ægyptum, quo maximè uita fervoribus terra undam altius traheret, tantum hausura, quantum siccitati annuæ sufficere possit. *a* Atque hinc Ægyptii non cælum, sed Nilum aspiciunt; nec pluvias è nubibus expectant, sed è flumine.

Annæi verbis dixerim: Nemo amatorum Mundi, aspicit cælum, aut semisomni tantum oculo. Cælum agrorum horum est Mundus; ab hoc beatas auri pluvias, ab hoc favores & honores, ab hoc amœnitates & delicias expectant. O miseros agricolas! Et en vivam unius ex his effigiem ab ævo priori sumptam & litteris consignatam.

Vir domo gentèque nobilis, *b* sed moribus & vitâ pecudî similior quàm homini. Hic in convivio jam vino calefcens, ac linguâ volubili & in petulantiam solutâ ausus dicere: si mihi DEVS facultates meas ac voluptates eâ lege transcriberet, ut in annos mille meo arbitratu liceret iis frui, ego mehercule suum DEO cælum non inviderem. Cantarem liberè: Cælum cæli Domino, terram autem dedit filiis hominum. *c* Vita mihi

a Senec. lib. 4. nat. quest. c. 2. init.

b Don Seckhendorff. nomini parcimus. Familia nobilissima, cui sicut aliis familiis degener aliquis nil inurit nota.

c Psalm. 113, v. 16.

mihi voluptuaria ad mille annos exten-
sa pro cælo foret.^a

O Agricolum & scrospascum! imò ô
porcum aut scrofam! Hæccine oris Chri-
stiani? Nullus diabolorum tam vili cæ-
lum æstimat, quod infrâ demonstrabi-
mus. Impius ille homo, quo nemo facile
rusticior idololatriæ Ægyptiis deterior,
Nilum suum aspexit, non cælum.

O Christiani, non Nilum hunc, non
Mundum, sed cælum suspiciamus; inde
nobis imbres optatissimi, inde voluptatis
omnigenæ beatitudo est. Nos quando-
que vix ultra rusticanam impietatem il-
lam sapimus, gratiam humanam & lon-
giorem vitam tam anxie ambimus, per-
inde si salutis cardo in eâ vertatur: gra-
tiam divinam quærimus, sed supinè & in
transitu; humanâ perditâ irreparabilem
jacturam stultè credimus. O homines ru-
sticissimos! ô verè fatuos! Tam non fi-
dendum vitæ quàm gratiæ, utraque tam
fallax quàm incerta est. Nemo fidat vitæ:

Labitur occultè fallitque volatilis ætas,

Et nihil est annis velocius. —

Nemo fidat gratiæ. Quanti

Plora vèrè suis non respondere favorem

Speratum meritis. — b

Nihil inanius, sed nec fallacius quid-
quam humanâ gratiâ. Qui tibi jam vi-
dentur favere, illud sub vitæ finem occi-
nent:

^a *Luther. in colloq. mensarum c. 4. Von der
welt und ihrer art. edit. Francofurt. p. 57.*
^b *Horat. l. 2. epist. 1. ad August. init.*

nent : Tu videris : Quare non Nilum, sed cælum vel centum oculis, toto vultu, pectore intimo suspiciamus ? Lustrate Orbem, nulla hîc quies, nulla mansio. In domo Patris cælestis mansiones multæ, quies æterna.

CAPUT IX.

Quo pretio Cælum Beatorum sedes comparanda?

HÆBRÆORVM vates Isaias, regis stirpis, in aulâ educatus, vir eloquens & styli nitidi, annis ante Christum octingentis vaticinatus, horrendum sui vaticinii supplicium tulit. Nam cùm regem impium Manassén, omnémque illius aulam paullò liberius perstrinxisset, in carcerem, inde ad mortem raptus, ferrâ & quidem ligneam dissecus est; initio lanienæ hujus à capite per medium hominem facto. Horribile prorsus tormentum, & vel ipsis spectatoribus oculis triste.

Hoc tamen Isaias, licèt annum ageret centesimum vigesimum sextum, incredibili constantiâ pertulit, non minùs morte quàm vitâ clarissimus.

Vir iste sanctissimus cælum, & quidem etiamnum obseratū reverà magno emit; sanguine per tantos cruciatus fuso gloriam cælestem obtinuit. Cælum esse venale gaudemus, sed quis illud emat rã carè?

Vitam pro cælo prodigere, & non invitum mori in magno ducimus; sanguinem etiam fundere, hoc durum. Cur quæso DEVS naturâ non opulentissimus solum, sed & liberalissimus, cælum à se vult emi, & quidem pretio tam grandi? Liberalitatis proprium est gratis dare. Hic duo ista veniunt explicanda: Primò, num cælum emendum? Dein, quo genere monetæ? De utroque nunc pauca.

6. I.

Natura corruptior nos tales genuit, ut liberalitatem potiùs alienam, quàm nostram amemus. Malumus gratis accipere, quàm dare. Hinc illæ argumentationes nostræ: Si quis ea omnia, quæ ab exordio ad finem vitæ passurus, sub uno aspectu posita videret, nunquam hilarescere posset, imò vivere recusaret tam duris legibus. Quorsum autem ista? Quid sibi vult tam longus arumnarum ordo, quid formidanda hæc calamitatum series nisi cælum expectat? spem cæli tolle, & nemo sponte miser esse cupiet. Pro cælo laboramus, pro cælo patimur. Longè tamen gratius foret hoc præmium, si gratis daretur. Triplex ad hæc responsum est.

Primum: Cælum DEVS planè gratis dat. Crumenam auro plenam cum in viâ invenis, etsi manu attollis, tamen aurum gratis accipis. Domum occupas, sed domus

mūs Domino affem. rependis, tu certe gratis habitas. *a* Cælo te Dēvs recipit, quid rependis? Collige omnia quę recte fecisti unquam, aut placidē tulisti ad illam mansionem collata, vix affem unum constituent. Quā igitur fronte cælum à te emptum jactabis? Tace; gratis accepisti.

Deinde: Omnia promerita nostra, vim suam omnem à Dēi gratiā habent. Aufer gratiam, & promeritum nullum erit. Rectissimē dixit Augustinus: Quod est meritum hominis ante gratiam, quo merito percipiat gratiam? cū omne bonum meritum nostrum, in nobis non faciat nisi gratia: & cū Dēvs coronat merita nostra, nihil aliud coronet nisi dona sua. *b* Cū ergo gratia gratis detur, gratis etiam & cælum dabitur, nonandum nisi propter gratiam.

Tertium: Cælum Dēvs omnino gratis dare tam sui quam nostri causā non potest. Sui causā: Nam impiis ac rebellibus, imò cælum averfantibus, cælum vi ingerere non potest. Iustus ipse ac sanctus est: ergo capitalibus ac professis hostibus, & nolentibus beari, quā aequitate aut necessitate Beatitudinem obtrudet? Cū ergo invitis cælum non det, dabit obedientibus & volentibus, qui hoc ipso cælum emunt dum obediunt, dum cælo

I 2

asseri.

a Ist gschenckht / ist gfounden vmb das gelt. *b* August. tom. 2. epist. 105. Sixto presbyt. contra Pelagianos, mihi pag. 177.

asserit serio volunt. Nostri causâ non penitus gratis dandum est cælum, nam beatitudo nobis tam suavis non accideret, nisi prius fel gustaremus. Post laborem dulcis est quies, post famem grata refectio, post bellum jucunda pax. Non coronabitur, nisi qui legitime certaverit. 4 Donatio parùm honorifica est, ubi nulla donandi causa est.

Abrahamum **DEVS** ad ingentem gloriam evecturus, promisit ex ejus posteris nasciturum **DEI** filium. Ut autem Abrahamus tantâ gratiâ nō indignus censetur, filium jussit immolari. O Domine, quàm nihil das gratis? Imò verò, dixerit **DEVS**, gratuitum hoc donum offero, sed simul causam donandi quæro. Cùm igitur Abrahamus in has dandi & accipiendi leges consensisset, suum etiam filium mactare paratissimus, mox **DEVS**: Per memetipsum juravi, ait, quia fecisti hanc rem, & non pepercisti filio tuo unigenito propter me; benedicam tibi, & benedicentur in semine tuo omnes gentes terræ. *b* Signatè ait: Quia fecisti hanc rem, ideò à meâ liberalitate consecutus es hoc munus. Ita **DEVS** longè promptior donare, quàm nos accipere, obedientibus dabit æternitatis præmium: vult tamen & omni jure id vult, ut felicitatem tantam cupiant, ambiant, petant, apprehendant, eâ se non indignos exhibeant, ad eam se non invitos ostendant.

a 2. *Timoth. c. 2. v. 5.*

b *Genes. c. 22. v. 16. & seqq.*

dant, Hinc illa Pauli ad Timotheum vociferatio: Apprehende vitam æternam. *a* Et unâ hortatur, idem aliis inculcet, ut thesaurizent sibi fundamentum bonum in futurum, ut apprehendant vitam æternam. *b* En ergo donum, tu apprehende. Nec tamen desinet esse gratuitum, cùm fuerit à te apprehensum. Quo modo, inquis, quâ manu apprehendam? Iam dicemus.

§. 2.

Ajunt eos olim milites quos Soli dictos scripserant, cùm sacramentum dicerent, coronam à mucrone gladii pendentem accepisse. Quo quidem ritu significabant victoriæ & coronæ laudem, non aliter quàm ferri cuspidē obtinendam. Si quæras, quâ ratione gloria cælestis sit acquirenda? Beatus Paulus, non aliud, quàm quod modò diximus respondet: Apprehende vitam æternam: Porrigit DEVS beatitudinis coronam, sed à mucronato ferro pendulam. Vis illam? Apprehende. Etsi manum ferri cuspidē non nihil lædas, non refert, modò coronam auferas.

Beato Paulo res certa est: Si sustinebimus & conregnabimus. *c* Si mortui sumus cum Christo, credimus, quia simul etiam vivemus cum Christo. *d* Christus

I 3. verif-

a 1. Tim. c. 6. v. 12. *b* Ibid. v. 19.

c 2. Tim. c. 2: v. 12. *d* Rom. c. 6. v. 8.

verissimus regni hæres & summi regis filius, hoc tributum tamen & vestigal nihilominus pependit Patri: Quoniam sic scriptum est, & sic oportebat Christum pati. *a* Eadem membrorum lex est, quæ capitis fuit. Quod beatus Leo expendens: Certa, inquit, atque secunda est expectatio: promissæ beatitudinis, ubi est participatio Dominicæ passionis. *b* Gloriæ coronam nobis comparamus fortiter agendo, & constanter sustinendo.

Isaias vates, cujus antè facta mentio, ad rem nostram accommodatè: Et eris, inquit, corona gloriæ in manu Domini, & diadema regni in manu Dei tui. *c* Corona è gemmis & auro dum imperfecta in aurificis manu est, malleos, ignem, ictus crebrò repetitos subit, dum perficiatur & in regium ascendat verticem. Si coronæ huic sentire & loqui concessum, has ejus querelas audiremus: Væ mihi miseræ, quoties per ignem trahor, quot ictibus diverberor, quot malleis & malleolis contundor; malim in quamvis arcam abjici tanquam indigna sole, quàm ista perpeti, tot percussionebus conquassari. Hæc in aurifabri officinâ diceret, longè aliter alibi locutura. Nam ubi in caput regium jam ascendit, & auro gemmisque collucens irradiat, venustum tot oculis spectaculum, vocibus mutatis hæc diceret: Non me poenitet, sub malleis ingemuisse, incudem tolerasse, in ignibus

a Luc. c. 24. v. 46.

fudasse.

b Leo serm. 9. de Quadrages. *c* Isai. c. 62. v. 3.

sudâsse. Nunc summo sum honore, in sublimi sto, regem orno, aureos & gemmeos ignes jacio, velut sidus effulgeo, omnes unâ cum rege me adorant. Beatam me, ô tērque quaterque beatam! En regiē coronē planē dispares voces: aliter in aurificinâ, aliter loquitur in domo Palatinâ. Ibi querelas & planctus fundit, hīc ingentes jubilatus edit.

Eadem omnium proborum hominum conditio est, quē regiē coronē. Cuilibet illorum singillatim dixit Isaïas: Eris corona gloriæ in manu Domini. Nondum es, sed eris, cū ē manu aurificis, in manum regis perveneris. Adhuc in officinâ es inter malleos, ignes & instrumenta ferrea. Adhuc poliendum est opus & omni artificio elaborandum. Tuum est jam pati & sustinere. Ubi opus hoc fuerit perfectum, ē tabernâ in regiâ transibit, a percussibus tam crebris ad honores maximos. Nihilominus hominem bonē mentis, dum in hac officinâ est, dicentem audias: Vē misero mihi, quā me paupertas urit, quā morbus me lancinat, quā malē me tractat ignominia, quā me mei hostes exagitant? erumnis plurimis deformatus, miserē perditus sum.^a

Sed heus bone, memineris te in aurificinâ etiamnum esse, in manibus bractearii; b hīc aliud non expectes, quā unctiones, percussus & innumera verbera.

I 4

Certē

^aEin gschlagner mensch steckt im ellend
biss über d'ohren. ^bDes goldschlagers.

Certè aurum malleatum & laminatum aliter non fit. Ubi absolutum fuerit hoc opus, eris corona gloriæ in manu Domini, & diadema regni in manu Dei tui. Aliter loqueris in cælo; jam suprà dices: Bene laboribus meis, ^a bene meis hostibus & vexatoribus, bene paupertati & morbo, bene contumeliis & maledictis, bene pessimis linguis, bene omnibus afflictionibus & calamitatibus meis. Absque his fuisset, huc forsitan non pervenissem. Bene igitur Deo Optimo Maximo, qui me per malleos & ignes transire voluit in domum honoris æterni.

En iterum sermones dispares auri, dum in camino uritur, & cùm in folio locatum honoratur. Ita vivimus, ita transimus à miseriis ad delitias, modò non præcipitemus, & priùs esse beati quàm miseri velimus: Sic apprehenditur æterna vita. Sed ista confirmamus.

§. 3.

Cælestis sponsus conjugem futuram suavissimè invitans: Veni, ait, de Libano sponsa, veni, coronaberis de capite Amannâ, de vertice Sanir & Hermon, de cubilibus leonum, de montibus pardorum. ^b Num sponsus è cælo tam pauper est, ut nec hortulum quidem habeat, è quo flores in sertum componendos colligat? Num

^a Gebenedepte sep all mein arbeit.

^b Cantic. c. 4, v. 8.

Nam in montes abeundum, ubi pardi & leones stabulantur? Quis inde rosas aut violas petat, ut corollam texat? En, quibus involucris arcana divina cōtegantur? En, quos flores hic sponsus amet, & unde illos colligi velit. Preces fundere, noxas deflere, in ediam tolerare, stipem erogare, somnium frangere, indormire asseri, à corpore se abstrahere, genium fraudare, cupiditatibus & sibimet acriter imperare, conari Christianas leges integrè servare, sunt veluti flores, è quibus corona plectitur, sed hi flores non in pratis publicis, non in viridariis amœnis, sed in ferarum collibus crescunt: Veni, coronaberis, ait sponsus, sed de montibus pardorum, de cubilibus leonum: Cum dæmonibus, cum pardis, cum leonibus istis dies noctesque luctandum est. Has feras aut vincere oportet, aut cælum perdere.

Corona priscis erat quam ipsi *Cylistam* nominârunt. Hæc non è rosis, aut ficis, sed ex aculeatis rosarum ramulis, & asperis ficorum foliis neſtebatur. *a* Hoc sertum vitæ nostræ congruit, quæ longè ornatior & sanctior est, si non ficus & rosas, non voluptates & delitias, sed aspera sectetur, & in Christi gratiam amplectatur adversa. Gaudet patientia duris. Erramus toto cælo, si cælum obtinendum credimus quietâ, molli, & delicatâ vitâ.

I 5

Vio-

a Antonius Ricciardus in comment. Synbol. rom. l. mihi pag. 163.

Violenti rapiunt illud. *Non est è terrâ
mollis ad astra via.* Illuc per spinas itur.
E paradiso in paradysum nemo transiit:
in cælum nullus nisi bene contusus, &
saucius pervenit. Omnes qui volunt piè
vivere, in Christo IESU persecutionem
patientur. *a* Quoniam per multas tribu-
lationes oportet nos intrare in regnum
DEI. *b* Quid dici potest clarius?

Credamus itaque Christo, & omnibus
Christi amicis monstrantibus tutissi-
mum iter & clamantibus: Hàc itur ad
astra, hàc secundùm frugalitatem, hàc
secundùm temperantiam, hàc secundùm
fortitudinem & patientiam: non illac
secundùm voluptatem & luxum, secun-
dùm desidiam & lasciviam. Religiosissi-
mi scriptoris verba novimus: Non est
alia via ad vitam, nisi via sanctæ Crucis,
& quotidianæ mortificationis. *c*

Cantabat olim Rex Sion: Quàm dile-
cta tabernacula tua Domine virtutum:
Beati qui habitant in domo tuâ Domi-
ne, in sæcula sæculorum laudabunt te. *d*
Carminis hujus titulus est: In finem pro
torcularibus filiis Core. Cassiodorus in-
terpres: Core, inquit, mōs est Calvarie, ubi
Christus crucifixus. Psalmus igitur scri-
ptus est filiis Core, hoc est Christi cruci-
fixi filiis, ut eum cantent, sed non in vi-
neis sub umbrâ, nec in tricliniis ad po-
cula; sed ad torcularia, ubi labor & opus
fer-

a 2. Tim. c. 3. v. 12. & *b* Actor. c. 14. v. 21.

c Imit. Christi l. 2. c. 12. d Ps. 83, v. 1. & 5.

feruet, ubi sudor & industria in pretio est, ubi uvę calcantur & exprimuntur, nondum bibuntur: nisi placeat libare vinum turbidum, & fæcibus plenum. Nunc igitur dum pro torcularibus sudandum, nostros interim labores hoc carmine solemur: Beati qui habitant in domo tuâ Domine, in sæcula sæculorum laudabunt te. Quid est, inquit Augustinus, quod desiderat, quod concupiscit? Hic positus, illa meditatur, positus inter tentationes, positus inter pressuras, positus in torcularibus, suspirans in superna promissa: quasi quid ibi acturus, jam præmeditatur gaudia futura. « Differamus tantisper sitim, dum vinum illud bibamus novum in regno Dei. ^b

Christus Dominus de cælesti melle guttulam suis instillaturus, duxit eos in montem excelsum seorsum. Labore hinc opus fuit & sudore, dum in Taboreæ rupis cacumen evaderet. Talis ad cælum via est; per ardua & abrupta difficultatum ascensus patet in montem amœnitatis æternæ.

Hinc Ioannes de innumerabili turbâ exlitum interrogatus: Hi qui amicti sunt stolis albis, qui sunt, & unde venerunt? Cūque Apostolus id ignorare se dixisset, respondit ille ipse qui interrogarat: Hi sunt qui venerunt de tribulatione magnâ, c Quibus verbis ad illam quidem pri-

a *August. tom. 8. in Psal. 83. mihi pag. 375.*

b *Matth. c. 26. v. 29, c Apoc. c. 7. v. 13. & 14.*

primam quæstionem, Qui sunt hi? nihil responsum est; ad alteram verò: Unde venerint, significanter dictum est, Venisse eos de tribulatione magnâ. Ratio responsi in promptu est. Non enim attendit DEVS, quis ille hominum, qui cælum emeretur, num dives an pauper, servus an liber, eruditus an rudis, formosus an deformis, disertus an elinguis, rex an opilio sit, modò à sordibus purus sit, modò de tribulatione magnâ venerit, modò patientiam à se non excusserit. Hic apprehendit vitam æternam. Romani veteres, quod sacri codices testantur, pænè omnia Orbis regna, locum omnem possederunt consilio suo & patientiâ. Possidere vis cælum? si consilio non possis, certè poteris patientiâ.

a 1. Mach. c. 8. v. 3.

C A P I T U L U M X.

Cur Cælum tam frigide desideremus? Hic languens desiderii flamma excitatur.

PETRVS Damianus commemorat Abbatem ceterà virum religiosum, paulò tamen immoderatiùs appetiisse certos pisces. Negarunt famuli acquiri posse id piscium genus. Fuit ex his qui unicum toto foro à se visum affirmaret, eum tamen utique florenis aliquot indicari. Hunc ipsum emi voluit Abbas quantivis esset pretii. Emptus a *Italæ Lampreta.* piscis,

piscis, coctus, appositus est. Priusquam tamen antistes manum admoveret huic ferculo, ad ostium cœnobii mendicus quantâ potuit importunitate petiit, ex apposis cibis aliquid sibi deferri. Hic Abbati radius de cœlo illucens optimis cogitationibus animum implevit: Ergone ego, aiebat ipse secum, piscem tam pretiosum solus glutiam? num hoc boni exempli? An non sermonem Urbi dabimus? An non in ore omnium decantata ero fabula? Quid si gulosam hanc cupiditatem substringerem? Quid si genium hoc ferculo fraudarem? Urgeor exemplo sanctissimi regis, qui aquam è Bethlemiticâ cisternâ haustam effudit, & Domino eam obtulit: Huc me impellit fames mendici ad portam præstolantis. Quin audes aliquid animæ, & oblectatiunculam brevem subducis gulæ? Nulla obsonii jactura est; fruetur eo pauper; tibi lucrum accedet ingens. Quid diu mecum litigo? sic fiat. Et mox ne longior esset deliberatio, conversus ad famulum: Heus, inquit, hunc piscem tolle, unâ cum disco, & pauperi eum defer. Ut iussit, factum. Vix istud edulii mendicus acceperat, & sese cum illo plurimis inspectantibus in auras libravit, ut ostenderet qualis sub personâ latuisset mendicus. Atque hoc sui domandi specimen prorsus illustrissimum fuit, nam quanto appetentia major & effrenatior, tantò etiam pugna difficilior, inde autem tan-

tò

tò illustrior secuta est victoria.

Hæc una res inter Christianos summi est artificii summæque prudentiæ, ea omnia quæ nobis pretiosa & chara, maturè præmittere ad cælum, ubi fenore millesimo aucta recipiemus, quicquid hîc DEI causâ sapienter placuit negligere. Cur verò tam ægrè id persuaderi possumus? Cur cælum tam frigide desideramus? Cur rariùs cogitamus patriam? Cur tam languide tamque modicis itineribus a Hierosolymam caelestem tendimus? Causas hîc dabo.

§. I.

Inter omnia desiderabilia, nihil est in Orbe hoc desiderabilius cælo. Vita nostra peregrinatio est, cum diu ambulaveris, denique redeundum. Vita nostra navigatio est, cum diu navigaveris, denique appellendum. Quis unquam tempestatibus maris jactatus non desideravit portum? Mare navigamus vastum, scopulosum, piratis plenum, ventis adversis, exiguo lembo, portitore imperito & sapè remis, malo, velisque laceris aut fractis, & portum tamen non desideramus. Cui peregrino nullum patriæ desiderium est?

*Nescio quâ natale solum dulcedine cunctos
Ducit, & immemores non sinit esse
sui. b*

a Thuen klaine raisen.

b Ovid. l. I. de Ponto el. 4.

Ipsas

Ipfas etiam bestias hoc desiderium ferit. Silvas suas & natales latebras amant. Assueta leones antra petunt. Et arbores transplantatæ solum suæ originis malent. Quin & saxa properant ad suum centrum. Etiam flumina ad suos fontes & ad mare recurrunt. Solus homo quamvis peregrinus, quamvis in exilio pessimè habitus, vix tamen patriam desiderat. Animus inquilinus terræ, oriundus è cælo, cælum tamen rarissimè ferius cogitat. Grande hoc vitium est humanæ mentis, & copiosis lacrimis dignissimum.

Hebræus populus nullius pænè frontis, & ferreæ cervicis plurima in DEVM peccaverat, mitissimus tamen DEVS plurima dissimulans, illud singulariter conquestus: Et pro nihilo, inquit, habuerunt terram desiderabilem. Diximus inter omnia desiderabilia, nihil desiderabilius esse cælo. Hinc jure in nos divina sævit indignatio, ardentius à nobis terræ sordes, quàm cæli delitias, desiderari.

Augustus Imperator cùm observâset Romæ ad eò apud exteros quosdam legatos in delitiis esse catellos Meliteos, ut eos gestarent & suaviarentur, joco quæsit: Num etiam apud eos feminae eniterentur liberos, quando illi tantum amoris impenderent canibus? In hunc pænè modum è Christianis quæri posset, num sperarent cælum, quando tam ardentè inhiarent terram? Sed quid, oro, causa est,

est, rem omnium desiderabilissimam tam remissè desiderari?

f. 2.

Causa prima est, quæ ignaviam nostram nonnihil velet. Quemadmodum infans, qui nascitur & educatur in obscuro carcere, liberioris auræ dulcedinem penitus ignorat, ita nos eheu in hoc terræ carcere nati & educati summas beatorum delitias non desideramus, quia ignoramus. Ignoti nulla cupido. Effet hoc sanè quo culpam purgaremus; sed è cælo venit Christus Dei Filius, qui sermone non uno cælestia nobis gaudia explicavit. In cælo fuit Paulus Apostolus Christi discipulus, qui liberè pronuntiavit eam esse beatitudinem cæli, ut nec simile quid unquam visum, nec auditum, sed nec cogitatum sit: nec cum cælesti gloriâ quidquam conferri possè. Idem Prophetæ, idem & Apostoli ceteri sunt testati. Cur his testibus, eorûmque oculis non credimus? Excusâ igitur rejectâque primâ causâ, videamus alteram.

Secunda causa: Cælum rarò cogitamus, rariùs de cælo loquimur: Quia igitur beatitudinem nec primoribus quidem labris degustamus, ideò nec appetimus. Cùm falco *a* ad ardearû venationem

a Genus accipitris, aliis Grodius. Stofsky falckh.

nem eruditus, *a* hostem suum, ipsam ardeam est affecutus, & ut victor hostilem sanguinem libavit, ægrè retrahitur à venatore, qui ardeâ ereptâ, falconis oculos pileolo *b* tegit, & hunc prædonem suum ad perticam ligat. Hic falco plurimum luctari, vincula rostro vellere, conari abrumperè, unguibus pileolum trahere, cum velle exire, alas librare, volatum meditari, miserè huc illuc se torquere, vinculum retineri nolle. Quid avem hanc tam inquietam facit, ad avolandum quid impellit? Gustatus sanguis ardeæ: frui cupit, quod astringescari coepit.

Videte mihi Paulum falconi simillimum. Permittitur volare & gustare beatitudinem; rapitur in paradysum; redit in terram, caput obtunditur; velatur oculi, ad concionandum manus velatur, ad perticam alligatur. Hic multi a paradiso divertunt. Illic audit arcana, quæ non licebat homini loqui, & vidit divina quæ verbis non poterat effari. Iam igitur avis nobilissima, pugnat & luctatur, oculorum velum vult amotum, alas parat, redire cupit: Hinc illæ voces: Cupio dissolvi & esse cum Christo. *d* Unde hic labor, unde inquires & lucta hæc? Vidit & gustavit beatitudinem. Hinc ille suis vinculis indignatur, volare tentat, mor-

K

tem

a Zur Raigerbaiss abgericht.

b Mit der hauben oder falckenkäplin.

c 2. Cor. c. 12. v. 4. *d* Philip. c. 1. v. 23.

tem optat, tenebras oculis ademptas cupit, cupit dissolvi & esse cum Christo. Imò si mille mortes subeundæ forent, vel mille mortibus promptissimè se obijceret, modò sursum ire, modò ad DEVM liceret pervenire.

Quod in nobis ejuscemodi desiderium non ardeat, in causâ est magnam partem socordia nostra: Beatitudinem rarissimè meditamur, & non nisi raptim & perfunctoriè: non ponderamus, animum in eam non defigimus. Atque hinc vix ullus beatitudinis gustus est. Nimirum æstimare non possumus vinum, cujus censuram non fecimus. a

Iordanus è Divi Dominici familiâ vix magnus interrogavit hominem à caco-dæmone infessum: Quid perpeti non recusaret, ut DEVM intueri possiet? Ad quæ invisus hospes respondens: si ego solus, inquit, omnium sociorum meorum penis ac suppliciis par essem, non eas detractarem usque ad supremi judicii diem perferre, modò demum liceret intueri DEVM. Expavit vehementissimè ad has voces Iordanus, & iterum: Dic, ait, pulchritudinem Conditoris nostri, cujus rei pulchritudini comparandam censes? Cui malus genius: Stultè, inquit, quæsisisti. Sed quia id scire aves, compendio dicam: Si pulchritudo omnium florum, metallorum, geminarum, siderum, ani-

malium,

a Wer ein Wein will schätzen, muss ihn
vor versuehen.

nunquam inducit fortuna foris quā domi beatior. Audias non neminem blandiente fortunā dicentem: Mihi bene est; quid ultrā velim? Ita sedilia visco peruncta occupamus, hinc illis adhærescimus non sine ingenti detrimento.

Antisthenes Philosophus paucos, ut fertur, auditores numerabat, quando eos, quod ipse fatebatur, argenteā virgā repellebat. Nam grande satis exigebat minerval. ^a Enimverò vulgus magis amat pecuniam quā sapientiam:

Scire volunt omnes, mercedem solvere nemo. li

Facilis est Deus cælestem infundere sapientiam, & ingens cæli desiderium inflammare, modò affectum retrahamus à terrā. Nos verò terram brevī amittendam malumus amore prosequi, quā cæli desiderio accendi. Ita terram perdimus, & cælum non obtinemus. Suarum quisque voluptatum catenis stringitur & detinetur.

Hercules adolescens ut prisci fingunt, dubius quod iter vitæ ingrederetur, duas mulieres sibi dissimillimas adiit, virtutem & vitium: Auditurus quid super eā re suaderent: Hæc quidem delitiis innutrita, & ad omnem elegantiam compta, sed præter voluptatum illecebras vix quidquam habuit promittere: altera pallore, rugis, macie decorā venerabilis magis quā deformis laborem

im-

impensissimè laudavit, eo autem peracto immortalitatis consortium est pollicita. Has ubi adolescens intentius considerasset, spretis virii blandimentis, virtutis iter licet arduum præmii fiduciâ decrevit sequi. Adeò multum promovet amorem ac cultum virtutis, notitia & desiderium beatitudinis. Incipe cælum seriò desiderare, & nulla tibi displicebit virtus.

Ruffinus Aquileiensis memorat ad Abbatem Achillam venisse juvenem religiosum, qui contra seipsum questus diceret: Mi Pater, quid faciam? Cùm in cellâ sedeo, supra modum me desidia & tadium infestant: quid jubes fieri? Cui senex: Hoc, inquit, inde provenit, fili, quia tormenta quæ timemus, & requiem quam speramus, nondum vidisti. Si hæc sedulò cogitata gustasses, etiam si cella tua ebulliret vermibus usque ad collum tuum, tu nihilominus vermium medius perdurares sine omni tadio & desidiâ. a Vero verius oraculum. Hinc querulis illis assiduè istud occinendum, *Nondum vidistis requiem*. Quid enim est quod vos adeò fatigat? Num nimii labores? Num paupertatis sorores, fames & sitis? Num injuriæ & contemptus? Num mortis præcursores morbi?

O Phrygiæ! ô molles & ignavi, *Nondum vidistis requiem*. Cælum non cogitatis, ideo nec desideratis; majori autem

K 3

desi-

desiderio appeteretis cælum, si minore terram. Quàm verè religiosus scriptor: O si tibi hac saperent, inquit, & profundè ad cor transirent, quomodo auderes vel semel conqueri? Nonne pro vitâ æternâ, cuncta laboriosa sunt toleranda? ^a Finge tibi & ante oculos animùmque propone quicquid tibi jucundissimum, pulcherri- mum, suavissimum, gratissimum in veste, victu, auditu, visu, in omni vitâ videtur, simulque animo comprehende; hæc om- nia cælum centies uberiora dabit & me- liora: quin igitur famem eò differi- mus?

Dux sunt artes nobilissimæ, & quæ aliquid è cælo trahant, Pictura & Musi- ca; ingens ab utrâque delectatio est. Sed quid ea omnis, ad illam cæli picturam & Musicam? Pictura cæli res creatas om- nes & creatorem ipsum exhibebit, spe- ctaculum æternum & infinitæ volupta- tis, ut infrâ copiosius demonstrabitur. Musica cælestis mel aurium, sic dicam, mellitissimum omnem modulorum hîc auditorum suavitatem sopiet, & extin- guet. Vale terra cum omni tuâ Musicâ, quæ ad cælestem illam pastoritium me- los, aut bubulcorum concentus est. Quid ergo hîc reculis vilissimis affixi detine- mur? Quin beatitudinem toto affectuum exercitu invadimus, & rapimus?

Reverà nostram ipsi cogimur igna- viam mirari. In ceteris tam alacres su-
mus

^a *Thom. de Kempis l. 3. de imit. Christi c. 47.*

mus & industrii, ut subinde voluptatis aliquid aut commodi votis ardentissimis expectamus: cum lucifaciendum est cælum, oscitamus & dormimus. Ubi quæso desideria nostra, ubi noster conatus? Illud longè verissimum sapius inculcandum vel nauscantibus: Pro modicâ præbendâ longa via curritur; pro æternâ vitâ à multis vix pes semel à terrâ levatur. Vile pretium quæritur, pro uno numismate interdum turpiter litigatur; pro vanâ re & parvâ promissione, die noctûque fatigari non timetur? Sed proh dolor! pro bono incommutabili, pro præmio inæstimabili, pro summo honore & gloriâ interminabili, vel ad modicum (notetur hoc) fatigari pigritatur. *a* Ex tripode dictum.

Canis venaticus nare acer dum nullâ sentit feræ vestigia lentus est, & vinculo quovis ducitur, at ubi vestigia odoratus & captat naribus auras, jam omnia vincula abrumperè, huc illuc currere, indagare, nusquam quiescere, dum feram investiget. Nos tales sumus: dum cælestem gloriam non odoramur desideriis ac meditationibus, lentissimè agimus, & vel filo vinciri sustinemus: Cum verò beatitudinis odorem, cogitando & indagando percipimus, mox vincula nexûsque abrumpimus, properamus, currimus, volamus. Qui etiâ annû res terræ amat, is profectò bonorum æternorum ignorantia laborat.

K 4

la-

a *Thom. de Kemp. l. 3. Imit. Christi. c. 3.*

Iacob Patriarcha dum sub dio dormiret, scalas vidit, quarum pes hærebat terræ, caput se nubibus inferebat. Visum sanè admirandum. Nam his scalis Angeli descensum & ascensum iterarunt. Hoc spectaculum tam amœnum in domo paternâ Iacobo nunquam fuisset obiectum: sed ubi jam peregrè fuit in loco deserto, sub Iove puro, ubi terram pro lectulo, saxum pro pulvino habuit, à domesticis turbis semotus, hæc cæli negotia suavissimè spectavit.

Ex te, mi Christiane, quæro, num cælum attentè cogitare, & verò etiam ardentè desiderare cupias? Ita, inquis, cupio. Quòd si serius es, à rebus fugacibus ac perituris, quantum potes, avelere:

Non bene conveniunt nec in unâ sede morantur

Cæli ac terræ, fluxarum rerum & æternarum amor. Quantò excitatior est tuus affectus ad terrena, tantò erit segnior ad caelestia.

Cùm Hebræus populus jam captivus, unâ cum vate suo Ezechiele Babylonem migrâisset, hoc contigit. Ezechieli DEVS futuri templi restorationem ostensurus, quod ipse Propheta testatur, In visionibus adduxit illum in terram Israel. Ita corpore remansit vates in Babylone, animus illius in Hierusalem perductus est. Ita nimirum qui caelestem Hierusalem contemplari cupit, licèt corpore

a *Ezech. c.40.v.2.*

hanc

hanc Mundi Babyloniam habitet, mente nihilominus ac spiritu quotidie quavis horâ, turbis Babylonicis desertis, in cælum evolare potest. Hoc planè modo innumeri in turbis extra turbas erant, quia cæli desiderio frequentissimè in cælum ascendebant.

§. 4.

Hierosolymæus Rex David ingenti beatitudinis desiderio flagrâs clamabat: Quemadmodum desiderat cervus ad fontes aquarum, ita desiderat anima mea ad te DEVS. Sitivit anima mea ad DEVM fontem *a* vivum: Quando veniam & apparebo ante faciem DEI? *b* Domine dilexi decorem domûs tuæ, & locum habitationis gloriæ tuæ. *c* Quàm dilecta tabernacula tua, Domine virtutum, concupiscit & deficit anima mea in atria Domini. *d* Quis ægrè ferat has optimi regis vociferationes? Videndi DEI cupiditate ardebat, & languebat amore.

Antiochus Regis Seleuci filius, amore sed vetito correptus, memior quàm improbis facibus arderet, deforme pectoris vulnus, piâ dissimulatione contegebat. Itaque diversi affectus, iisdem visceribus ac medullis inclusi, summa cupiditas & maxima verecundia ad ultimam tabem juvenis corpus redegerunt. Iacebat Antio-

K 5

chus

a *Al. fortem.* *b* *Psalms. 41, v. 1. & 2.*

c *Psalms. 25, v. 8.* *d* *Psalms. 83, v. 3.*

chus in lectulo moribundo similis; Seleucus pater mœrore prostratus obitum filii lamentabatur, ingemiscebant necessarii, totius palatii funebri magis quam regius erat vultus. Sed hanc tristitiæ nubem Leptini Mathematici, vel (ut alii malunt) Herasistrati medici providentia discussit. Hic Antiocho ægrotanti assidens, ut eum ad introitum reginæ Stratonices rubore perfundi, & spiritu increbescere, eaque ingrediente pallere, & excitatiorem anhelitum subinde recuperare animadvertit, curiosiore observatione ad ipsam veritatem penetravit; siquidem reginâ intrante, & rursus abeunte, brachium adolescentis dissimulanter apprehendendo, modò vegetiore, modò languidiore pulsu venarû, compertit cujus invaletudinis æger esset. ^a Amore sed inconcesso læguebat. Notitia morbi pars maxima sanitatis.

Ægrotum hîc monstro, qui solo langueat amore, sed honestissimo. Divinus Paulus formosissimæ Reginæ caelestis gloriæ cupiditate exæstuans, ut æger ardentissimâ feбри correptus clamat: Infelix ego homo, quis me liberabit de corpore mortis hujus? ^b Diversi affectus, quod de Antiocho diximus, in castissimo Pauli pectore calebant, & certabant; amor propriæ beatitudinis ad calum rapiebat, amor alienæ salutis, è terrâ non dimittebat. Hinc illa vox ægrotantis:

Coar-

^a Valerius l. 5. c. 7. ^b Rom. c. 7. v. 24.

Coarctor è duobus, desiderium habens dissolvi, & esse cum Christo, multò magis melius: permanere autem in carne necessarium propter vos. *a*

Daniel vir desideriorum, in aulâ regis Babylonici, curarum medius, cùm templum Hierosolymæum corpore adire non posset, animo sic adiit. Conclave suum ingressus, fenestris Hierusalem versùs apertis, ter in die flectebat genua, & adorabat, confitebaturque coram Deo suo. *b*

Et nos, cheu, in Babyloniâ degimus, in perturbatione vitæ, & magnâ rerum omnium confusione, procul, ah procul ab illâ civitate sanctâ. Sed Daniele mimitati aperiamus contemplationis nostræ fenestras, & de die sæpius cælestem Hierusalem intimis affectibus salutemus: abeat illuc frequenter animus, quò nondum corpori concessum: animo, quò libet, ire licet. *c*

Dædalus, ut in fabulis est, artifex omniscius, & fabræ artis ingenio celeberrimus, cùm à Minoë rege labyrintho velut carcere clauderetur, sibi & Icaro filio alas conficiens

—— Terras licet, inquit, & undas
Obstruat, at cælum certè patet, ibimus illac.
Omnia possideat, non possidet æthera Mi-
nos. *d*

Ita

a Philip. c. 1. v. 24. *b* Dan. c. 6. v. 10.

c Ovid. l. Trist.

d Virgil. l. 6. *Æneid.*

Ovid. l. 7. *Metamorph.*

Ita cùm terrâ marique negaretur effugium, fugam sibi per aërem tentandam duxit, commisitque se calo. Nos non doctas a fabulas secuti, hoc iter ad cælum facere quotidie possumus, alas & viam invenire facillimum. Animo, quò libet, ire licet: cælum certè patet. Quin ergo terram deferimus, quin evolamus ex hoc labyrintho, quin affectus omnes à terræ fordibus in cælum transferimus? Hanc viam nemo nobis obstruxerit; aperta est omnibus. Volemus: Et videte quanti prævolent.

§. 5.

Augustinus quoties hoc iter ad cælum non affectavit tantum, sed peregit? Quoties inexplibili cupiditate ad alta raptus volabat, & cantabat? Hinc voces illæ: O Vita quâ præparavit DEVS iis qui diligunt illum, vita vitalis, vita beata, vita secura, vita tranquilla, vita pulchra, vita munda, vita casta, vita sancta, vita ignara mortis, nescia tristitiæ, vita sine labe, sine dolore, sine anxietate, sine in corruptione, sine perturbatione, sine varietate, & mutatione, vita totius elegantiae & dignitatis plenissima; ubi est amor perfectus, & timor nullus, ubi dies æternus, ubi DEVS facie ad faciem cernitur, &c. O vita, amore tui languero. E

a Aut, indoctas, 2. Petr. c. 1. v. 16.

b August. l. Meditat. c. 22.

En alium amoris morbo ægrotantem. Mille talia scripsit dixitque Augustinus, quibus inexhaustum cæli desiderium nobis patefecit, in seipso auxit. Sileant fabulæ. Augustinus verè Dædalus itinere jam assueto, quoties libuit, ad cælum evolavit, neque solus. Mater Augustini Monica diu collocuta cum filio de cælesti regno; qualis nimirum futura esset ea vita, cujus ideam non tantum non oculis, nec auribus, sed nec cogitationibus possemus effingere; demum subjunxit: Quantum ad me attinet, fili, nullâ re amplius delector in hac vitâ. Quid hîc facio? Ad vitam propero meliorem.^a Vox homine Christiano dignissima. Ille cælum verè desiderat, quem nihil terrenæ voluptatis amplius delectat. Verè dixit Augustinus: Odit valde patriam, qui putat sibi bene esse cum peregrinatur.^b

Ita Ursinus Presbyter integritate vitæ & præcipuè castimoniâ insignis, sub vitæ finem, inhærens cælo, lætus exclamavit & gratias iis egit, quos ad se venisse solus cernebat. Et cum quærerent, qui lætulo assidebant, quinam ii essent quorum adventu tantoperè lætaretur? Nunquid non videtis, inquit, beatos Apostolos Petrum & Paulum hîc adesse, & evocare me? Mox ad eos versus: Venio, venio, aio, ecce venio. Hanc opti-

^a August. l. 9. Confess. c. 10. & 11.

^b Idem tom. 8, in Psal. 93. mihi pag. 426.

optimam vitæ clausulam adjecit, & obiit.

Ægidius è divi Francisci familiâ vir festivæ sanctitatis, cum quinque Religiosis viris Provincialibus in occursum tenderet, repente beatitudinis æstu abreptus, oculis in cælum sublatis, & diductis brachiis velut fidibus usus coepit canere: O mi frater, ædifica mihi castrum quod faxis & ferramentis careat; ô mi charissime frater, ædifica mihi civitatem quæ careat calce & lapidibus. a

Hæc illa sine lateribus & ferro nobilissima civitas cælum est, quò amici Dei quotidianis eunt desideriis.

Sequamur præeuntes, imitemur ad alta prævolutantes. Variè nos invitat DEVS, & sapissimè ipsis etiam ærumnis urget, & impellit properare in patriam. Quin pro se quisque iisdem illis vocibus vocanti se sistit: Venio, venio, mi DEVS, venio, & tantò promptiùs, quantò propiùs ad te vocas. Innumeros ad cælum traxit calamitas, quos voluptas ad orbem misisset. Quemadmodum diluvii fluctus Noëmi Arcam extulerunt in sublime, sic adversa mentem electorum elevat ad cælum. Ut vires fax inclinata resumit, sic bonæ mentis homo cum deprimitur, elevatur. Et ut palmæ quò plus gravantur & calcantur, tantò altiùs assurgunt, ita probi quò magis exagitantur

a *Chronicon S. Francisci parte 2. l. 7.* tur
c. 14. miki pag. 257.

-tuli & proteruntur, tantò magis animum
cælo attollunt. Ardens cæli desiderium
perrumpit omnia.

Hoc rotos Martyrum exercitus sic ani-
mavit, ut immanissima quævis tormenta
promptissimè simul & fortissimè perfer-
rent. Ex innumeris vel solos quadraginta
illos Athletas generosissimos aspici-
te, qui ad Armeniæ oppidum Sebasten
acerbissima supplicia exhauferunt, cæli
desiderio incredibiliter inflammati. In
carcerem horribilem sæpius contrude-
bantur; at illi gaudebant: ora saxi con-
rundebantur; ridebant: mediâ hieme
summo frigore, sub dio nudi pernoctare
jubebantur, non resistebant; tepesfacta
balnea, si Diis facerent, offerebantur;
præter unum omnes respuebant; rogi
illis & ignes proponebantur, non horre-
bant: crura demum omnibus frange-
bantur; constantissimè perferebant. Vox
una omnium erat: Hoc stadium quadra-
ginta ingressi sumus, pro te, Domine Ie-
su certaturi; liceat totidem coronas ob-
tinere. Armata preces. Nam etsi unus
defecerit, mox tamen è custodum nu-
mero successit alius, qui ubi ab Angelis
triginta novè coronas viderat deferri: Et
ego, aiebat, meo quoque sanguine qua-
dragesimam emerebor. Dixit & fecit. Ita
omnes beatitudinis desiderium rapie-
bat, ut sævissimos etiam cruciatus reni-
denti ore sustinerent, tanquam ad nu-
ptias ituri. Eamus & nos, & moriamur
cum

cum illis. Via brevis est, sed ad vitam ducit quæ erit æterna.

6. 6.

Hinc videndum est, inquit Augustinus, hinc considerandum, quemadmodum amanda sit æterna vita, quando sic amatur misera ista & quandoque finienda vita: Considerate, quantum amanda sit vita, ubi nunquam finias vitam. Ecce quæ pateris in miserâ istâ, quam diligis, vitâ, & putas te semper victurum, & nunquam moriturum? Discite ergo, fratres, quærere æternam vitam, ubi ista non tolerabitis, sed in æternum cum Deo regnabitis.

De his diebus quos agimus, ait Apostolus, quoniam dies mali sunt. ^a Ecce quàm malos dies, & nemo vult finire ipsos malos dies, multùmque hinc rogant homines Deum ut diu vivant. Quid est autem diu vivere, nisi diu torqueri? Quid est aliud, diu vivere, quàm malos dies malis diebus addere? Cum crescunt pueri, quasi accedunt illis dies, & nesciunt, quia minuuntur; & ipsa est falsa computatio. Crescentibus enim decedunt dies potius quàm accedunt. Constitue alicui homini nato, verbi gratiâ, octoginta annos: quicquid vivit, de summâ minuit. Et inepti homines gratulantur plurimis natalitiis, tam suis, quàm filiorum suorum.

^a Ephef. c. 5, v. 16.

⓪

O virum prudentem ! Si tibi vinum minuatur in utre, tristaris : dies perdis, & gaudes ? Mali ergo sunt dies, & eo peiores quia diliguntur. Sic blanditur hic Mundus, ut nemo velit finire ærumnosam vitam. Verā enim vita & beata hæc est, cum resurgemus, & cum Christo regnabimus. Vita itaque non est nisi beata : Et vita beata esse non potest, nisi æterna, ubi sunt dies boni : nec multi, sed unus. Dies ille nescit ortum, nescit occasum : Illi diei non succedit crastinus, quia non præcedit eum hesternus. Hunc diem, & hanc vitam in promissis habemus. Alicujus ergo operis merces est. Si mercedem amamus, in opere non deficiamus. *a* Iam vos, inquit Gregorius, delectat locus celsitudinis, prius via exerceat laboris. *b*

Ergo (quod hoc capite sumpsimus exponendum) nihil æquè desiderandum est dum vivimus, atque immortalis vita, cum panè nil minùs desideremus. Enimverò valde repugnant calum ardentèr desiderare, & raro cogitare. Ibi autem cogitationes de cælo raræ sunt, ubi perpetuas sibi curas terra vindicat. De quâ mentionem injiciens Augustinus : Hic nidus est, inquit, & hinc peregrinatio, & hinc suspitium, & hinc tritura, & hinc pressura, quia & hinc torcular. Quid est au-

L. tem

a August. tom. 10. Serm. 17. de verbis Domini, mihi pag. 31.

b Gregor. hom. 27. in Evang. ante med.

tem quod concupiscimus? quò it, quò tendit desiderium nostrum? quò nos rapit? *a* O Augustine, erubescimus, quod res est fateri. Desideria nostra nos trahunt, rapiuntque ad gloriam sed fluxam, ad divitias sed perituras; ad delitias, sed breves & fœdas. Sunt qui negent & pernegent id se facere, dum faciunt: Alii confitentes rei sunt, sed quod hodiè detestantur, cras repetunt.

Filii hominum usquequò gravi corde! Severinus Boëthius literalissimus Martyr, ad desideranda cœlestia manu ducit aureo hoc metro:

*Vnica gens hominum celsum levat aliis
cacumen,*

*Atque levis recto stat corpore, despicitque
terras.*

*Hæc nisi terrenus malè desipis, admonet
figura*

*Qui recto calum vultu petis, exerisque
frontem,*

*In sublime feras animum quoque, ne gra-
vata pessum*

*Inferior fidat mens, corpore celsius le-
vato. *b**

Quin ergo terræ sordes averfati, cælum toto pectore anhelamus? Hoc uno scilicet probi improbi que luculenter differunt, quòd probis vita mortalis in patientiâ, æterna in voto est: Improbi longam quidem vitam, sed brevem patientiam

a August. tom. 8. in Psal. 83. mihi pag. 375.

b Boëth. l. 5. metro 5. in fine.

tiam cogitant; ita brevem vitam cito-
finiunt, nunquam incipiunt æternam,
æternâ morte morituri.

Ita Prædestinationis divinæ non fallax-
signum, cæli desiderium. Ignis qui to-
tum jam lignum corripuit, à ligno qui-
dem non recedit, à quo pabulum habet,
nihilominus sursum ad suam regionem
tendit. Igni non absimiles sunt ad beati-
tudinem destinati, suam corpori vitam
defendunt, corpore tamen implicati ge-
munt, dum assidue mansiones æternas
expetunt.

Rex Macedo Alexander, auditâ Indiæ
opulentiâ, plurimum auri, & terræ pur-
puratis suis amicis prædam fecit, quam
inter illos liberalissimè distribuit. Miran-
ti hoc Ephæstioni dixit: Ne mirare; Auri-
feraciora regna ferro quærimus, nec fidu-
cia deest, ea brevî obtinenda. Parva da-
mus, speramus maxima. Ita homines cæ-
lo assignandi, omnem terræ opulentiam
minimi faciunt, & calcant cæli deside-
rio. Quâ in re satis ostendunt se cælo-
natos.

Iulius Cæsar memorat Helvetios com-
pertâ Galliæ fertilitate, sic illius exarsisse
desiderio, ut sedes suas non reliquerint
solum, sed etiam exusserint, urbésque
mœnibus nudaverint; ne spes esset cui-
quam revertendi. Sic signa in Gallias in-
tulerunt. a Quos divina præsentio ac
præscriptio elegit ad vitam, ii tanto

L 2

desi-

a Cæs. l. i. de bello Gall.

desideriorum impetu feruntur in cælum, ut honoris & opum non affectu tantum, sed & usu quantum fieri potest, seipso spolient: Longè meliora possessori post mortem. Atque hoc consilii Augustinus suggerens: Non vis, inquit, ut habeat finem possessio tua? Vitam æternam desidera. *a* Hoc est verè vivere, vitam in contemplatione DEI, & custodiâ sui exigere.

6. 7.

Beatus Ignatius Lojola tanto videndi DEI desiderio ardebat, ut quoties moriendi necessitas in mentem veniret, gaudiis perfusus lacrimas non teneret. Neque idèd solùm quò summum sibi bonum fruendum citiùs obveniret, sed ut gloriam Christi tantopere amati coràm intueretur. Ita comparati sunt amici Christi, manus illorum hyacinthis plene sunt. *b* Hyacinthus cælum colore refert, quem illi & oculis & manibus ferunt. Quicquid enim agunt, cælum identidem respiciunt; eò cogitationes, eò sermones, eò actiones & labores omnes dirigunt. Manus illorum plenæ sunt hyacinthis. Cur nostræ ab his gemmis tam vacuæ, cur cælum non desideramus?

Summa loci amœnitas est. Omnia regum palatia caulæ sunt & stabula cælo

com-

a August. in Psalm. 90. mihi pag. 416.

b Cantic. c. 5, v. 14.

comparata . Domus & urbes ex auro & geminis finge, ad cælum niduli erunt, & hirundinum domicilia tandem ruitura: domus beatorum stabit in omne ævum. Cur illam non desideramus?

Porrò quot illic beati homines, tot soles, imò sole multò pulchriores DEO simillimi, omnes triumphali diademate redimiti, reges verissimi. Illorum minimus major est cunctis Regibus. Singuli beatorum singulos nominatim nòrunt, cum singulis quando placuerit, familiarissimè agere ac colloqui possunt. Summus omnium & mutuus ac reciprocus amor est. Unus omnium labor laudare conditorem & omni voluptate sine ullâ intermissione frui. Cur hæc non desideramus?

Sua cuiusvis sensuum singularis erit oblectatio. Infinitam videndi voluptatem oculi, Musicæ suavitatem aures, odoris fragrantiam nares, cupediarum delicias gustatus, incredibilem totius corporis beatitatem tactus percipiet. Corpora omnium non tantum immortalia & inviolabilia, à morbis omnibus eximia, sed insuper ita splendida, ita velocia erunt & subtilia, ut splendore solem & sidera, velocitate ventos & fulmina, subtilitate solares radios sint superatura. Quin hæc non animo desideramus?

Et quantum erit gaudii, tot evasisse mala, tot superasse pericula, tot laqueos effugisse, jamque beatitudinis æternæ vi-

vere securum; non errare, non labi, non decipi, non peccare, divinis favoribus non amplius excidere posse? Interim sub se inferorum incendia beati, & infinitam impiorum colluviem flammis involutam, & instar lignorum struis ardentem videbunt, & gaudebunt se iis incendiis ereptos, ab iis aeternum securos. Felicitatem suam cum illorum extremis & aeternis suppliciis comparabunt. Ita duplici nomine & sibi gratulabuntur, & Deo gratias agent. Nam infiniti beneficii loco habebunt interminatum malum, quod periculosissimè impendebat, devitasse, & aeternis voluptatibus cumulatissimè jam abundare. Et quomodo tandem hanc vitam non desideramus?

Sed ita plerique comparati sumus, ut ubicumque nobis bene est, inde avellamur ægrius. Hinc nonnunquam oblivionem patriæ inducit fortuna foris quàm domi beatior. Ergo animum celo attolamus. Nihil beatitudinis habet exilium, si patriam illam seriò cogitemus.

Quicquid autem de calo commemoremus, unicum illud omnia complectitur, DEVM videre. Quid in DEO visuri simus, explicatè & cum curâ dicemus libro sequenti. Interea nos ipsos interrogemus: *Videre DEVM*, qualis erit voluptas? Summam censeremus esse delectationem simul omnium creaturarum rerum amœnitate frui. Sed addamus aularium. Creet D E V S alios decem Mundos,

dos, creet Mundos viginti, aut centum alios, & ex iis voluptas omnis ad unum hominem derivetur, res infiniti gaudii censetur. Hac omni voluptate longè major erit *Videre DEVM*, ostendetur vobis omne bonum. *a* Licet igitur voluptatem è centum Mundis percipiendam *DEI* causâ deferamus, nihil facimus jacturæ. In cælo hæc omnia longè cumulatius habebimus. *Videre DEVM* est quasi fieri *DEVM*. Aristotelis scitum est: Ex cognoscente & cognito fit unum. Quod hic longè verissimum. Nam ex beato cognoscente, & *DEO* cognito per inseparabilem amorem sanè fit unum. *b*

Quemadmodum verò suiipsius intuitu *DEVS* ab omni ævo semper fuit, & est, eritque beatissimus; hoc enim *DEVM* infinito complet gaudio, seipsum perfectissimè videre ac nôsse: ita Beatos in tot millies iterumque millies millena millium annorum, in omne ævum latitiâ perfundet inexplicabili, aspicere *DEVM*, & cognoscere. Hic æterna semper novitas, & nova semper æternitas erit: Quia enim videbimus *DEVM*, *DEVM* etiam amabimus, & nos amabit *DEVS* intimè; *DEO* perfectissimè fruemur.

Hinc liberè proclamo: Quicquid hætenus de cælo diximus, quicquid dicturi sumus, planè somnium est & umbra cali. Beatitudinem suis coloribus depin-

a Exod. c. 33. v. 19. **L. 4** gere,
b Prasertim, cum *DEVS* simul objectum sit
 & species, ut Theologi loquuntur.

gere, illam sat ponderosis verbis describere quis Angelorum possit? Quid igitur nos homunculi de cælo balbutimus, verius somniamus quàm edisserimus. Psalmum centesimum vicesimumquintum Hieronymus ex Hebræo verbis eisdem sic reddit: Cùm converteret Dominus captivitatem Sion, facti sumus sicut somniantes. Cùm Israël's populus primò audisset decretum sibi reditum in patriam, præ gaudio vix fidem dictis habuit; nec enim id sibi videbatur audire, sed somnare.

Captivi nos sumus, paullò pòst è carcere in paradisum, è vinculis ad diadema & solium, ab ærumnis ad immensum gaudium, à morte ad immortalem vitam educendi. Quicquid hîc verborum congeramus, minus est, quàm res ipsa postulet. Cùm de cælo sermo est, omnis dicendi copia somnium est, silentio cognatum. Hoc unum restat nobis dicere: *Videbimus DEVM.* Quod rectè Augustinus, ineffabilitatem visionis nominans: Visuri sumus, inquit, visionem quandam, visionem præcellentem omnes terrenas pulchritudines argenti, auri, gemmarum, &c. pulchritudinem Angelorum superantem; quia ex ipso pulchro pulchra sunt omnia. Visio DOMINI tantæ pulchritudinis visio est, & tanto amore dignissima, ut sine hac quibuslibet aliis bonis præditum atque abundantem, non dubitet Plotinus infelicissimum

num dicere .a Desideremus & amemus:
flagitemus, si sponsa sumus.

Hæc strictim de cæli gaudiis præmit-
tenda videbantur, ut aures animusque
ad sequentia pararentur. Hastenus velut
in vestibulo cæli egimus. Nunc protolla-
mus pedem; ingrediamur penetralia; li-
bro posteriore de quindecim distinctis
cæli gaudiis loquemur. Age jam, Lector,
teipsum tibi excute; pelle tædium. Non
de tribus capellis, nec de inferis, sed de
cælo nobis sermo est. Quicquid aurium,
quicquid attentionis habes, huc impen-
de. Ad fabulas niſtare potes: Arcana cæli
vigilantem postulant auditorem. Quod
Christus sæpiſſimè, idem hîc monemus:
Qui habet aures audiendi, audiat. b

a *August. tom. 5. l. 10. de civit. c. 16. mihi
pag. 113. Idem tom. in Psalm. 90. mihi
pag. 416.*

b *Marci c. 4. v. 9. & 23, alibi sæpius.*

LIBER SECVNDVS.

DE CAELO.

ADMONITIVNCVLA

LECTORI.

CÆLI Vestibulum, Lector, transivimus: In ipsa nunc adyta penetremus. Innumera, infinitæ sunt cæli voluptates. Nos memoria faciliùs juvanda & voluntati citiùs inflammanda, quindecim Beatorum gaudia numeramus, ea ordine explicaturi. Hoc autem præmonemus: semisomnes oculi aut aures languide tam seria ad animum maiâ fide transmittent. Hic idem, quod olim in excubiis, proclamo: Mars vigila.

CAPITULUM

Primum in calo gaudium, voluptas oculorum.

AVGVSTINO teste, a celeberrima olim quæstio inter Peripateticos, Academicos, Stoicos, Epicureos, ceteramque Philosophorum turbam agitabatur: Quid sit Beatitudo, & in quo illa consistat? Tot ferè sententiæ, quot capita.

M. Varro diversissimas opiniones illas colligens numeravit ducentas octoginta octo. Fingamus unam è tot sententiis veritati congruam fuisse: Ergo ceteræ omnes aberrarunt à vero. Hem quantæ tenebræ! Christiana sacra ita nos instruunt, ut pueri, mulierculæ, homines pagani loquente digito cælum monstrent; & vel tacendo dicant, illic esse Beatitudinem, ubi Dæus se spectandum exhibet.

Lactantius *b* luculenter ostendit tot illos Philosophos errasse omnes. Nos oraculis divinis habemus fidem, & Beatitudinem eam speramus, quam illa nobis pollicitatione minimè fallaci promittunt. Ut ergo Beatitudinis immensa gaudia ordine explicemus, ordiamur ab

ocu-

a August. l. 19. de civit. c. 1. b Lactant. l. 3. divinar. institut. c. 7. & 8.

oculis Beatorum . Oculus celerrimus ac nobilissimus est exteriorum sensuum . Quanta porro sit oculorum voluptas in caelo, nunc differemus.

§. 1.

Ut cæli gaudia tantò rectius perpendamus, aviculas imitemur necesse est. Alaudas scimus cantillando altius atque altius per auras ascendere . Volemus & nos, & simul cantemus. Ab humanis & naturalibus ascendamus ad cælestia. Duo habet humana forma, colorem scitum, & proportionem seu symmetriam debitam: ubi hæc duo, lac scilicet minio mixtum, & elegans partium compositio conveniunt, amœnùm spirat forma, trahit, invitat, & omnium se spectantium amorem elicit . Hinc forma priscis tam eleganter, quàm verè *Tacita tyrannis* dicebatur . Incredibile dictu est quàm hæc una res potenter ad amandum non tam alliciat, quàm panè cogat, planè Tyrannis, sed mura, sed nimium imperiosa. Hinc Helenæ forma veterum chartis adeò celebrata est, ut fuerint qui dicerent, dignam esse decennali bello.^a

E sacris codicibus constat, quàm duram servitutem Iacob servierit pro decorâ Rachele, idque septennio; cùmque spe cecidisset ducendæ domum virginis servituti

^a Vide mi Lector quæ in aternitatis consist.
6. §. 3. dicamus, de Iacobo & Rachele.

vituti septennium alterum adiecit. *a* Matris obitum grandi luctu deflevit Isaac: at visâ Rebeccâ, eam animo hilaritatem concepit, ut dolorem qui ex morte matris ejus acciderat temperaret? *b* Tacita tyrannis, forma. Quis eximium decus Oris, & in niveo mistum candore ruborem aspicit, & tyrannidem istam non sentit? Inditha elegantia singulare specimen, quàm ea omnium oculos in se rapuit? Assyrii ad hoc formæ miraculum attoniti, Considerabant faciem ejus, & erat in oculis eorum stupor, quoniam pulchritudinem ejus mirabantur nimis. *c* Holofernes ipse Dux Assyriorum, vix viduam illam vidit, & captum se sensit. Hæc talia utique probè capimus. Nunc igitur paullò majora canamus. Cum alaudulis ascendamus ad altiora ratiocinatione cuius promptissimâ.

Si unicus hominis forma sic oculos animumque invadit, occupat, trahit, vincit, ignem tam amœnum elicit: & hæc quidem hominis cadaverosi morituri forma est, nec, ut res humanæ sunt, ad omnem perfectionem venusta. Quantum igitur placebit forma longè venustissima, tot centenorum millium, tot millionum formosissimorum hominum in illâ cælitum arce? In cælo nemo non formosissimus. Omnes illic Narcisci & Adonides, omnes Helenæ & Lucretiæ.

Hic

a Genes. c. 31. v. 41. *b* Genes. c. 24. sine.

c Judith c. 10. v. 14.

Hic tria nobis observanda sedulo.
Primum est: Beati omnes è propinquo
se se invicem videbunt. Hac mortalis
oculi miseria est, ut ille quò remotius
quid à se cernit, eò minùs cernat. Hinc
hominem ad milliare vel unicum distan-
tem non videt, solo aciei defectu. Longè
aliud erit in cælo. Ibi unus omnes tan-
quam sibi proximos & velut in speculo
conjunctissimos intuebitur. Nam obje-
ctum, ut in scholis loquuntur, immédia-
tè ager in sensum etiam distantem. Et
sunt qui dicant hominis beati corpus, ab
alio pariter beato homine ad quancum-
que distantiam videri.

Alterum est: Date mihi hominem qui
in Orbe hoc nostro credatur formosissi-
mus: De hoc verissimè dixero, potest
DEVS decies, potest centies, potest mil-
lies formosiores creare, augendo pul-
chritudinem in infinitum. In cælo bea-
torum hominum forma tam erit intensa,
ut sicut capularis tulliens anus ad He-
lenam, sic Helenæ omnes ad Beatorum
infimum conferri neutiquam possint.
Ite Helenæ, ite; ite bustuaria larvæ; ve-
stra omnis elegantia sordet, cum formas
cælitum contemplamur. Æsopos odi,
cum Democles & Spurias aspicio: cada-
vera non amplector, cum meis se bra-
chiis infundunt Angeli.

Terrium est: DEVS ideò tantam re-
rum pulchrarum copiam in hoc Orbe
spectandam proposuit, ut esset cæli gu-
stulus.

stulus qui traheret ad conditorem pulchris omnibus infinitè pulchriorem. At nos insani res conditas deperimus amore præcipiti, & spernimus conditorem; sectamur rivulos neglecto fonte. O mortales! Suavius ex ipso fonte petuntur aquæ.

Si tanta in rebus creatis est pulchritudo & suavitas, in Creatore quantum esse censebimus?

§. 2.

Voluptas oculorum tunc maxima est, cum obtinent quod & diu, & valde cupierunt, aut cum intueri licet quod multò pulcherrimum judicatur. Apollonius Thyanæus quantum itineris fecit, quot regiones peragravit, ut in Æthiopiâ Solis mensam videret? Betsamitæ quantâ lætitiâ exultabant, cum daretur occasio videndæ Arcæ? Israëlité quantis perfundebantur gaudiis, viso juvene Salomone jam coronato? Nam ut Regum fasti testantur, Ascendit populus canentium tibiis & lætantium gaudio magno, & insonuit terra à clamore eorum.^a Tres illi ex Oriente dynastæ, viso iterum quod amiserant, fidere, gavisi sunt gaudio magno valde. Zachæus Christo paupere ac mortali viso plurimum lætatus est. Petrus in Taborcâ rupe, cum stilla solùm Beatitudinis in eum deflueret, quantam animo voluptatem cepit? Ioannes Bapti-

sta Christum visurus, quanto gessit desiderio? Ipsæ etiam aviculæ quam ad solis exortum latè concinunt?

Quantum igitur liquidissime voluptatis erit divinum Christi vultum, tot Angelorum, tot hominum formosissimorum fideream venustatem contueri? Verissime dixit Augustinus: O anima, si quotidie oporteret nos tormenta perferre, si ipsam gehennam longo tempore tolerare, ut Christum in gloriâ videre possemus, nonne dignum esset pati hoc omne? *a*

Theologi pulchritudinis sex gradus discernunt; in summo DEVM collocant, cujus pulchritudo inæstimabilis, infinita. Huic proxima est Angelorum & cælitum aliorum pulchritudo. Neque verò ætior cogitari aut esse potest similitudo, quàm quæ inter DEVM est & animum beatum.

Nunc secum quisque in hunc modum ratiocinetur: si tot milliones hominum formosissimorum, tot mille milliones Angelorum mihi proximi, næcis oculis semper inlucuri fiat, hoc solum purissime voluptatis quantum erit? Nec illud nescio, quod quantò quis alteri est charior, tantò ejus forma sit delectabilior. Omnes autem illi longè charissimi mihi erunt. Dico igitur, si hoc unicum in cælo, idque perpetuum foret gaudium, sat voluptatis cælum haberet, ideòque laboribus quibusvis esset emendum.

a. August. in Man.

Sed

Sed dicas : Si ejuscemodi quindecim sint gaudia, quis hominum est, qui par futurus sit huic tanto gaudiorum ponderi ferendo ? ipsâ obruetur & exstinguetur lætitiâ. Non vana hæc argumentatio est: Mortalium nullus hanc gaudiorum molem sustineret. Idcirco lumine gloriæ opus erit: de quo nos suo loco.

Daniel vates, & Ioannes Apostolus, viderunt Angelos eâ maiestate radiantibus, ut mox humi corruerint adoraturi. Daniel, seipso teste, etiam *emarcuit*, nec quidquam virium habuit. *a* Et tamen hi duo nativam Angeli pulchritudinem non viderunt, sed formam ex aëre momento assumptam; hæc autem ab illâ tantum differt, quantum corpus à spiritu. Quò autem hæc exactius capiamus, gradum faciamus ad ulteriора.

Iosephus scriptor Hebræus Moysen etiamnum infantem, ait, tam præcellentis fuisse formæ, ut obvii quique constiterint in contemplatione tam amœni vultus, ab eoque vix avelli potuerint. De Moysi jam viri coruscante facie sacræ paginæ loquuntur : Eâ enim refulgebat maiestate, ut non intenderent filii Israël in faciem ejus. *b* Stephanus inter purpuratos Athletas signifer, quàm amabili formâ enituisse censendus est ? Nam viderunt faciem ejus tanquam faciem Angelî. Atqui omnes in calo Beati erunt sicut Angeli DEI.

M Ca-

a Daniel. c. 10. v. 8. *b* 2. Cor. c. 3, v. 13.

Cameracensis Proëpiscopus eruditio-
nis notæ Theologus commemorans: Mi-
hi, ait, Cisterciensis Ordinis Antistita in
Flandriæ cœnobio, cui nomen Reclina-
torium, recensuit dignissimum relatu
istud: Unam, aiebat, è mei cœnobii so-
roribus, quæ una omnium sanctissima
habebatur, quæsiui, cam demum in odei
angulo hærentem reperi altâ meditatio-
ne defixam. Cùmque velum ab ejus ore
dimoverem, tantum à vultu jubar emi-
cabat, ut panè relapsa retro corruerim
impar huic fulgori aspiciendo.^a

Ecquid aliud hæc talia nisi scintillæ
sunt è cælo? Quod affirmans Christus:
Tunc justî fulgebunt, inquit, sicut Sol in
regno Patris eorum. Mox addit: Qui ha-
ber aures audiendi audiat.^b

Neque verò hic tantus splendor inimi-
cus aut molestus erit oculis. Cogitate
obsecro, tot soles toties multiplicatos,
soles imò innumeros, quorum quilibet
amœnissimum diffundet lumen, quo
Beatorum oculi non tantum non fatiga-
buntur unquam, sed recreabuntur in
omnes æternitates. Et hanc luminis
amœnitatem tam in se quàm in aliis
beatorum quivis videbit. Arbitratur
Augustinus beatos Martyres, eâ corpo-
ris parte plus fulgoris exhibituros, quâ
plus supplicii tulerunt. Quantum ergo
luminis spargent Philippus in Cruce.

Ste-

^aThom. Cantiprat. l. 2 de mirac. sui ævi c. 54.

^bMatth. c. 13. v. 43.

Stephanus in terrâ lapidatus, Bartholomæus pelle spoliatus, Thomas telis confossus, Iacobus intercisis membratim sectus, innumeri alii toto corpore lacerati?

6. 3.

Quanta igitur Oculorum erit voluptas, tot Beatorum ordines, tam firmis oculis, tam distinctè cernere? Magna est profectò, sed nonnihil formidanda voluptas, instructissimum ab alto exercitum prospicere: quid voluptatis sentietur in cælo, cum in omnium oculis erunt Novem Angelorum ordines? Ab his Patriarcharum, Prophetarum, Apostolorum, Martyrum tam copiosi exercitus. Tot inde sanctissimi Reges, Imperatores, Pontifices; tot Sacri Doctores, Sacerdotes, Confessores; tot centena millia religiosorum hominum; tot virginum ac viduarum myriades. Dein spectandam se dabit turba magna, quam dinumerare nemo poterit: Unius omnes & oris, & cordis, & amoris. Quantum habebit oblectationis cernere tam immensum palatium, tam amplam civitatem ex auro & gemmis solidissime structam? Quicquid jam oculos nostros subterfugit, tunc eosdem suavissimè, nec sine fame saturabit: elementa omnia, eorumque admirandam magnitudinem, cælorum Orbes, illorumque obstupescendam.

immensitatem cernemus : & quicquid oculos incurret , novum nitorem præferet.

Quid quæso in Orbe hoc nostro amoenius habemus , & quod magis ad alta trahat , quàm innubi ac sereno die ex edito patentissimum undequaque campum obire oculis , & toto haurire aspectu jucundissimam illam varietatem silvarum , pratorum , aquarum , arcium , hortorum , segetum , camporum , vivariorum ? Sed quantillum hoc terræ spatium est ad immensa cæli æquora collatum ? Est tamen & hoc cæli gustulus ; & ut Boëthius loquitur , pulcherrimi operis pulchra portio ; *a* sed nihil hæc ad illam voluptatem , quæ Christum DEVM humano schemate velatum , quæ beatissimam Christi Matrem dabit spectandam. Iob velut eminus hæc conspiciens : Scio , inquit , quod Redemptor meus vivit , & in carne meâ videbo DEVM meum . Quem visurus sum ego ipse , & oculi mei conspecturi sunt , & non alius. Reposita est hæc spes mea in sinu meo. *b* Et hinc tam patiens , tam animosus , tam hilari excelsoque animo fuit inter vermes , & in fimo tanquam in thalamo ludibundus cecinit. Iobum oculi solabantur DEVM visuri.

Sed hîc ultra progredi verborum vetat inopia , quæ nobis sæpius intercludet dicendi

a Roët. l. 2. de cons. Philosoph. metro 4. præstā 5. *b* Iob c. 19. v. 25.

cendi viam. Verùm hoc agamus: Fingat quisque sibi & pro arbitrio imaginetur quàm potest maximam oculorum voluptatem, quicquid unquam per omnem vitam amœni vidit & pulchri, in unam velut massam colliquet, & visus voluptates in cælo infinitis partibus majores deprehendet. Quisquis sub ærumnarum mole jam fatiscis, Tunc videbis & affues, & mirabitur & dilatabitur cor tuum. *a* Illuc animos erigite, quos jam ærumnæ deprimunt: Videbitis, & gaudebit cor vestrum. *b* Non sit alia cæli voluptas, satis hæc satis, abundè satis labores nostros pensaret. Et nos tam lenti ac somnolenti, velut ad paupertinam cœnulam vocari, testudineo gradu non imus sed repimus, & sæpe torpore victi subsistimus in viâ. Quin Hebræorum voces nos impellunt: Ascendamus & possideamus terram, quoniam poterimus obtinere eam. *c*

Duo germani fratres, quod Ruffinus Aquileiensis memorat, Abbas Pæmen, & Abbas Anub eremum habitârunt. Ad hos mater, visura filios venit. Sed repulsa aliquoties, & nec ad conspectum quidem admissa est. Illa non imprudenter in viâ statuit operiri filios dum ad templum progredierentur. Neque dubitavit pium hunc astum optimè cessurum. At illi quamprimùm feminam viderunt,

M 3

mox

a Isai. c. 60. v. 5. & *b* c. 66, v. 14.

c Num. c. 13. v. 31.

mox celeri fugâ in suas sese latebras receperunt, obferatâ januâ . At anus optima repulsæ impatiens plorabat ad januam. Huc progressus Pæmen : Quem hîc, inquit, clamorem edis mulier ? desine molesta esse. Illa, filii voce agnitâ, jam contentius vociferari cœpit: An non ego vestra sum mater? filios meos videre cupio Sed num, ait Pæmen, in hoc vel Orbe altero videre nos cupis ? In isto, ait mater. Cui denuò Pæmen filius : si jam contineas te , & hanc oculorum appetentiam refrenes, loco meliore nos indubiè videbis . Persuasâ demum his filii promissis mater : si ait, in cælo vos visurâ sim , patior hanc oculis meis injuriam fieri, & filiorum conspectum negari. Ita filiis non visis abiit. *a*

Hîc ego animi Puritatem monstro. Beati Augustini monitum est : Vis esse beatus? esto immaculatus . Illud enim omnes, hoc pauci volunt, sine quo non pervenitur ad illud quod omnes volût. *b* Quanta sunt quæ per oculos velut ostiola duo, subeunt eor, illudque turbant, inquinant, depravant, jugulant? Hic omnibus & singulis illud certissimò promitti potest, si D. i causâ vos continere, vestrisque oculis, quod noxium, subducere non cunctemini, voluptatem in cælo millecuplò majorem obtinebitis . Hanc igitur oculorum noctem longè utilissimam,

a Ruffinus l. 3. n. 154. Pelagius libell. 4. n. 33.

b August. in Psalm. 118.

mam, non inviti admittite; sequetur æterna dies.

Chrysostomus loquente digito ad cælum oculos nostros erigens: Suspiciamus, inquit, in cælum, quando nulla se interponit nubes, & clara est omnis ejus corona: deinde ad pulchritudinem aspectus ejus considerandum aliquantulum temporis perdurantes, intelligamus quoniam & solum habebimus, non quidem tale, quale nunc est, sed tantò melius effectum, quantò luteis testis aureum est melius. *a*

Quicquid in hoc Orbe pulchri est, vilis umbra & nox est merissima ad illas oculorum voluptates perpetuas. Ah, cælum, quæso, suspicite: Hæc est illa Sion formosa, hæc illa Hierusalem beata, centenniali non bello, sed martyrio dignissima. Videbitis, & gaudebit cor vestrum.

a Chrysost. tom. 4. in epist. ad Hebr. c. 4.

CAPUT II.

Secundum in celo gaudium, Voluptas lingua, & gustatus.

OMNIS olim Hebræorum felicitas rebus caducis stabat: fertiles agri, fecundæ vineæ; penora, cellæ, promptuaria, horrea plena, proles copiosa, quies ab hoste secura, cælum erat Iudæorum. Eorundem contrà infelicitas omnis à fluxis itidem rebus æstimaba-

tur, agri steriles, infecundæ vineæ, malignæ segetes, caritas annonæ, publicæ fames, morborum sævities, bellorum turbelæ, suprema Iudæis maledictio censebatur. DEVS nimirum suorum sese ingeniis attemperavit. Iudæi homines crassi, serviles, asperi, rudes, ferrei, rerum cælestium magnam partem ignari, hoc capiebant quod videbant & tangebant. His longè rudiores idololatræ hoc saltem observare, & vel ipsis oculis suis credere poterant, Hebræorum DEVM in suos perquàm liberalem esse ac beneficum, ea largissimè præbendo quæ ad vitam sustentandam faciunt.

At ubi Christus æterna DEI sapientia in hunc Orbem demigravit, non ubi rem terram, sed dives cælum monstravit. Hinc illa in Christi concionibus toties repetita: Simile est regnum cælorum denario, margaritæ, thesauro, nuptiis, cœnæ magnæ, &c. Nunc ergo iterum paullò majora canamus, nec jam ampliùs terræ glebas, sed cæli delicias suspiciamus. Rerum creaturarum nulli mens nostra se affigi patiatur: Ad altiora nati sumus, quàm ut amorem perituris rebus impendamus.

Clemens Alexandrinus eruditè nos monet, Ut accincti & expediti, & ad vitæ melioris æternitatem parati simus. Christus nos præparat, unumquemque suiipsius penum esse docens. *a* Non ab-

mili

mili sensu Theodoretus: Iudæi, ait, humili-
repebant, nobis monstratur cælum, ut
volemus: Fames, morbi, paupertas, ad
hoc iter alas nobis affigunt, & in altum
extollunt: Iudæi velut conductitia man-
cipia, laboris mercedem postulârunt,
nos ipsum mercedis largitorem posci-
mus. Inter Christianos voluntaria pau-
pertas honori & lucro est; hac arte the-
sauros paramus immortales: Fames, si-
tis, morbus, contemptus, ceteræque mi-
seriæ humanæ ad vitam meliorem præ-
ludia sunt; jejunia & inedia longè gra-
tiores faciunt magnam illam beatorum
cœnam, de quâ nunc agendum est.

Primum cæli gaudium explicavimus,
Voluptatem visus, sequitur Gustatus.
Hic præmonendi sumus, non meras esse
metaphoras, quæ Christus, de cœlesti
epulo, de Beatorum cibo, de vino novo
docuit. Nam & Gustatus verè ac reipsâ
suas in cælo delicias inveniet, quod hoc
capite explicabimus.

§. I.

Si quid est quod humanam mentem
non calefacere solum, sed & accendere
possit cæli desiderio, est illud Hebræi Re-
gis jubilum: Inebriabuntur ab ubertate
domûs tuæ, torrente voluptatis tuæ po-
tabis eos, quoniam apud te est fons vi-
tæ. *a* De cælo facer Poëta hoc pronun-

M 5 tians:

a Psalm. 35, v. 9.

tians : Apud te, inquit, est fons vitæ. Vita hîc ad dimensum datur, & quidem parcissimè. Quibusdam anni viginti aut triginta, aliis quadraginta, quinquaginta vel sexaginta, paucis septuaginta aut octoginta conceduntur. Aliis horula una, dies, hebdomas, aut mensis aut annus unus vivendi spatium est; nonnullis duæ horulæ, duæ trêsvē dieculæ. Mensura vitę heu quàm modica ! Hic non scaturit fons vitæ; rivulus est, & brevî siccandus. Ergo in cælo fons vivendi fluit. Nam Ioanne Apocalyptrico teste, Agnus deducet eos ad vitæ fontes aquarum, *a* & præcipitabit mortem in sempiternum, *b* Hæc quam vivimus mortalis vita, illa verè vitalis & immortalis est.

Inebriabuntur *b* ubertate domûs tuæ. Voluptas quâ frui nos putamus, vitreis iisque angustissimis libanda vasculis porrigitur. Hæc sitim non sedant, sed accendunt, & quod pejus, subitò rumpit vasculum, jamque omnis periit voluptas. Sape pro unico voluptatulæ linctu centena rependuntur tēdia, unicum hilaritatis poculum mille nauseis pensatur; potus ipse quamvis aliquid suavitatis habeat, turbidus tamen est & insalubris, & pænè guttatim tantum bibitur : In cælo inebriabuntur ab ubertate domûs illius, & torrente voluptatis potabuntur.

Et videte, obsecro, infinitam DEI beneficentiam: Labores & lacrimas adme-

titur

a Apoc. c. 7. v. 17. *b* Isai. c. 25. v. 8.

titur Deus, nec mensuram ingerens odiosam: Potestis, inquit, bibere calicem? Quivis hominum suum habet caliculum ad unguem exactissimè mensuratum. Hebræus vates affirmat: Potum dabis nobis in lacrimis in mensurâ. *a* At verò cæleste præmium sine mēsurâ, infinitum, immensum dabitur. Inebriabuntur ab ubertate beatissimæ domûs.

Ubi bubula vel ovilla caro majoris pretii est, ibi ea familiis ad pondus dividitur, præsertim in religiosis ædibus, in quibus plerunque duæ libræ carniū quinque pransoribus assignantur. In iis verò regionibus ubi pecoris abundè est, non ad libram carnes examinantur; oculi libripendes sunt, qui mensæ res suas lautissimè præbent. Suis alumnis Mundus laboris centumpondium obtrudit, mercedis vix paucas reddit uncias; subinde vix drachmam, octavam partem uncia. More prorsus contrariò Deus, laborem ad mensuram, laboris præmium dat immensum. Inebriabuntur ab ubertate domûs tuæ, & torrente voluptatis tuæ potabis eos.

Inter Israëlīs leges & hæc erat: Fasciculum hyssopi tingite in sanguine, & aspergite ex eo superliminare. *b* Eo laborum aut ærumnarum pondere subinde premimur, ut sanguine sudaturi videamur. Sed ô delicati, Nondum usque ad sanguinem restitistis, *c* vix aspersi aut le-

a Ps. 79. v. 6.

viter

b Exod. c. 12. v. 22. *c* Heb. c. 12, v. 4.

viter tincti estis sanguine. Neque tam rigidus est DEVS, ut purpureum hunc sudorem ab omnibus exposcat. At verò cum suam reddit operi mercedem, abundantissimus remunerator est, Torrente voluptatis amicos potat, Voluptatum plaustra, imò flumina, imò & maria pro guttulis refundit. Inundationem maris quasi lac fugent. *a* Innatabimus profectò voluptatis oceano, idque æternum. Hinc cælū, Voluptatis mare, deliciarum oceanum, beatitudinis abyssum rectissime appellavero.

Augustinus grande quid dicturus, perinde si verba eluctari non possit inops ab eloquio: Audeo, inquit, dicere, fratres mei, etiam de Sanctorum linguis & cordibus, per quæ veritas nobis est annuntiata, nec dici potest, quod annuntiabant, nec cogitari. Res magna est & ineffabilis, & ipsi videbant ex parte, in ænigmate, *b* Plura viderunt quàm dicere potuerunt. Audivit Paulus arcana verba, quæ non licet homini loqui. *c* Licuisset forsan, si potuisset effari, quæ vidisset.

§. 2.

Divinus spiritus non sine causâ per partes & accuratè scribi voluit convivium Regis Assueri, convivium sanè

a Deut. c. 33. v. 19.

ma-

b August. in Psalm. 55. Græcè ἀπρόρητα ineffabilia, *c* 2. Cor. c. 12. v. 4.

magnificentissimum. Assuerus centum & viginti septem Provinciarum Dominus tertio Imperii sui anno, convivium longè nobilissimum struxit, ad quod Persarum & Medorum Principes ac Præsides & Magistratus evocavit, ut nemini non constaret quàm potens rex esset Assuerus. Convivii tempus centum octoginta dies, dimidius annus. Res ab Orbe inaudita. Post regale ac prolixum hoc epulum, omnes omnino incolas Susan regiae civitatis, maximos, minimos natu ad alterum ab illo convivium vocavit, nemine penitus excluso. Amoenissimus convivii locus in paradisum formatus regio cultu nitebat. Ex omni parte tentoria pendebant aërei coloris columnis marmoreis fulta, byssinis ac purpureis funibus sustentata: Sub his lectuli argentei & aurei, pavimentum Pario & Smaragdino lapide constratum erat. Cibi exquisitissimi aliis atque aliis vasis inferebantur: vinum magnificentia regiam dignum, abundans, & præcipuum aureis fundebatur poculis. Hic cuiuslibet liberrimum edere, bibere, quantum saperet. Ab his ad paullo altiora ratiocinemur.

Si DEVS cum nostrum aliquo sic pactus fuisset: Annis triginta mihi fideliter servi, pro iis ego tibi non septem dierum, non anni dimidii, sed mille annorum convivium dabo; nec deerit quicquid apparatus, ferculorum, potus, musicae, quic-

quicquid voluptatis omnigenæ ad regium convivium spectaverit: Si hoc, inquam, solum promississet, an non dignissimum huic tali domino ac promissori quàm accuratissimè servire, nihil laboris in ejus gratiam suscipiendi recusare? Si quidem labor omnis, omnéque servitium, illis mille annorum voluptatibus abundantissimè pensaretur. At videte promissum infinitè amplius, minimè fallax, promissum certissimum de totius æternitatis immensâ voluptate. Et nos velut somniantes agimus lentissimè, & plerumque inter postremas curas numeramus cælum. Infania nimis cæca, & cæcitas insanißima, hæc perfunctoriè cogitare, divinis promissis minùs fidere, præsentia non spernere, futura oscitanter appetere.

*Pro superi, quantum mortalia pectora cæca
Noctis habent!*

Quid enim Assueri Regis epulum, ad septenos dies, ad dimidium annum, ad annos mille productum, cum totius æternitatis voluptatibus collatum? Hilare momentum, umbræ merissimæ. Ad astra digitum intendit Christus, & eò nos invitans: Ecce, ait, prandium meum paravi, tauri mei & altilia occisa sunt, & omnia parata, venite ad nuptias, æternas illas nunquam finiendas. In supremâ coenâ valedicens suis: Non bibam amodò, inquit, de hoc genimine vitis, usque in diem illum, cùm illud bibam.

a *Matth. c. 22. v. 4.*

vobiscum novum in regno Patris mei. *a* Illic profectò verissimum propinabitur nectar caeleste Creticum, sine satietate ad omnem satietatē bibendum. Et promissa confirmans Dominus: Ego, inquit, dispono vobis, ut edatis & bibatis super mensam meam in regno meo. *b* Beatus qui manducabit panem in regno Dei! *c* Et beati servi illi quos invenerit vigilantes, Amen dico vobis, quòd præcinget se & faciet illos discumbere, & transiens ministrabit illis. *d* Quos & humanissimè hortabitur ad fruendas delitias his ipsis verbis: Comedite amici, & bibite, & inebriamini charissimi. *e*

Dum Marianus & Iacobus Martyres attinerentur carcere, visus est Iacobo in quiete Agapius Martyr convivio accumbens lautissimo. Dūque eodem Marianus cum socio deduceretur, occurrit illis puer, quem constabat ante triduum cum matre pro Christo jugulatum. Hic corollā roseā redimitus, & palmam viridissimam manu præferens: Quò properatis, inquit, viri? Gaudete & exultate, cras enim nobiscum & ipsi coenabitis. Ita factum; Nam altero die Martyres morte obitā ad epulum caeleste transierunt. *f*

Non sine arcano sensu toties tamque luculentè caelestis epuli admonemur.
Sed

a Matth. c. 26. v. 29, *b* Luc. c. 22. v. 29.

c Luc. c. 14. v. 15. *d* Luc. c. 12. v. 37.

e Cantic. c. 5. v. 1. *f* Surinus Tom. 2. in vitâ SS. Mariani, & Iacobi.

Sed nunquid ambrosia illic & nectar propinabitur? Num edentes & bibentes in cælo spectabimur? Istud jam explicatissimè tradendum.

§. 3.

In liquido est, panem, vinum, carnes, similisque mensarum delicias in cælo non apponendas: nihilominus suâ Gustatus oblectatione minimè fraudabitur. Docent namque Theologi sensus exteriores omnes, suâ quemque singulari voluptate perfundendos. Et Gustatus quidem hæc erit. Inhærentem Deus qualitatem, & ut ipsi loquuntur, sapidissimum atque suavissimum humorem, in Gustatus organo creabit, qui sensum hunc tantâ permulcèbit suavitate, ac si regio præsens convivio, cibis vinceretur exquisitissimis, ac delicatissimis. Qui quidem liquor suavissimus linguam, palatum, & omnia Beatorum interiora sic imbuet, ac si ad perpetuum epulum inter voluptates summas accumberent.

Neque hîc quidquam est minus decori, quod felicissime Beatorum statui non conveniat. Christus à morte redivivus, cibum non tantùm gustavit, sed verè sumpsit & comedit, cibique saporem percepit. *b* Deinde omnes damnatorum

homi-

a Franciscus Suarez tom. 2. in 3. partem B. Thoma, disput. 47 sect. 6. *b* Sine materiali tamen, ut in Scholiis loquuntur, alteratione,

hominum sensus exteriores cruciabuntur, gustatus singulariter fame sitique torquebitur; omnes igitur & Beatorum exteriores sensus suis singuli voluptatibus demulcebuntur. Addo: Gustatus in hac vitâ plurimum fert supplicii à jeuniis, abstinentiâ, suisque odio, imò nulla hominis pugna crebrior, quàm cum hac sui parte: bis quotidie luctandum est, ne nimium cibi os rapiat ad ingerendum. Quando igitur assidua & quotidiana hîc pugna est, nobilior destinata victoriæ corona est. Singularem gustus voluptatē percipiet in cælo, quisquis hîc sui victor severiore gulam imperio potuit coërcere. Ille sui potens, suique dominus est, qui edendo ac bibendo limites non excedere, appetentiam frangere, & jam parte cœnæ, jam omni cœnâ genium didicit fraudare. Huic cæli Falernum, huic panis Dominicus a Beatorum sapiet. Edet ac bibet super mensam Domini sui. O millies beatum, qui manducabit panem in regno DEI! b

Ut hanc gustatûs singularissimam voluptatem quodammodo prælibemus, singat quisque sibi quas poterit summas ferculorum delicias; quicquid unquam amicam gulæ hausit: quicquid autem ejuscemodi oblectationis finxerit, id cælestis mensa exhibebit, ah longè auctius, longèque suavius, non mille solum annis sed æternitate totâ fruendum.

N

Si

a Herrenbrot. b Luc. c. 14. v. 15.

Si Manna ferculum cælo dejectum, tam admirandæ fuit virtutis, ut quicquid quis delicati edulii appetiisset, in hoc uno ferculo repererit, quid de ambrosiâ & de delitiis cælestibus dicendum? Sapientia testatur: Angelorum escâ nutriti populum tuum, & paratum panem de cælo præstitisti illis sine labore, omne delectamentum in se habentem, & omnis saporis suavitatem. *a* Itâne DEVS rebelles tam lautè pascit? quibus ergo cupediis amicos suos, suos filios saginabit? Inebriabuntur ab ubertate domûs beatissimæ: Torrente voluptatis suæ potabit eos.

Quæ igitur nostra nunc insania est, tantopere in cibum potumque æstuarè, gulæ nihil negare velle, eruditum ad omnes cupedias palatum non refrenare, temperantiam odisse, jejunia & abstinentiam horrere, inediam omnem fugere? O insani mortales, nihil deliciarum aut cupediarum perdimus, etsi delitiis & cupediis omnibus abstineamus. Ea omnia quæ DEUS in causâ nobis ipsi jam negamus, obstupefciendo fenore in cælo recipiemus longè meliora. Cur ergo famem ad coenam illam magnam non differimus? Cur locum placentis in mensâ cælesti apponendis non servamus? quid cibo potumque nos farcimus? Philippus Macedo à familiari quopiam invitatus, suos moneri iussit, servarent locum placentæ: Ego rectè monuerim: servate locum
a *Sapient. c. 16. v. 20.* cum

cum Nectari & Ambrosiæ: Enimverò quid magni præstaremus, etsi quotidie solo pane & aquâ victitaremus; ad cœnam magnam vocati sumus, ad epulum nunquam desitutum, ad æternum non Assueri, sed summi regis convivium. Torrente voluptatis potabimur.

Olim petrae aquas, mella montes ad satietatem dederunt, alia & meliora dabit cælum ad usque felicitatis ebrietatem. Sint admiranda flumina, quæ aurum vehant, quæ oblivionem inducant, quæ ingenium acuant, quæ stupidum reddant, quæ oves albas, nigras, rufas efficiant, quæ faces extinctas accendant, accensas extinguant, quæ cum maris æstu crescant & decrescant, quæ ligna lapidescere faciant: *a* Ubi flumen quod hilaritatem afferat, quod voluptate perfundat, quod cibi potûsque delicias vehat?

Quisque nunc suus sit Ecclesiastes, illudque Moïsis affigat animo: Epulaberis in omnibus bonis, quæ Dominus DEVS tuus dederit tibi. *b* Leve quid tolera vel exiguo tempore: impera gulæ, indomitas cupiditates subtringe, abstinentiam quam potes maximam exerce: In viâ sumus ad epulum cæleste. Epulabimur in omnibus bonis, quæ Dominus DEVS dederit nobis: Torrente potabimur voluptatis æternæ.

a Plin. lib. 2. nat. hist. c. 103.

b Deut. c. 26, v. 11.

C A P V T III.

Tertium in Cælo gaudium, Voluptas Odoratûs.

ANAXAGORAS è veteri lyceo Philosophus tam auro quàm avorum imaginibus dives fuerat; scientiam tamen pecuniæ, & latifundiis eruditionem longè prætulit: nummis carere maluit, quàm libris. Eam ob causam neglectis domi prædiis discendi causâ peregrinatus est. Cùmque interrogaretur, cur rem suam, cur & patriam non curaret? Ille digitum in æthera intendens: Imò verò, inquit, hanc ego patriam quàm maximè curo. Cùmque ampliùs rogaretur, cur se natum putaret? Ut cælum, inquit, contempler.

Hæc dixerit idololatra, quid nos, obsecro, Christiani tot annorum sacris concionibus eruditi? Quamvis si hoc ipsum interrogemur cur nos esse natos censeamus? Paullò liberalius responsum rectè hoc dabimus: Ut cælum nunc contemplemur, & eo brevè fruamur. Ad cælum porrò studiosius contemplandum, tam exteriorum omnium quàm interiorum sensuum vis intendenda est. Notum illud Aristotelis: Nihil est in intellectu, quod non fuerit in sensu. Quid in cælo Gaudiorum sensus exteriores

sint

sint habituri, differere cœpimus. De Visu ac Gustatu dictum, sequitur Odoratus, cuius voluptates inter beatos jam explicabimus.

§. I.

Latiensis Abbas Ludovicus Blosius, de celi amœnitate differens : Melodia, inquit, sapor, odor sunt in DEO modo quodam indicibili, superessentiali, verissimo atque perfectissimo. Planè quicquid dulcoris, excellentiæ, amabilitatis & perfectionis in creaturis sparsim ac finitè invenitur, hoc in DEO collectim, simplicissimè, & cum infinitâ plenitudine est. *a*

E Theologiæ adytis hoc pronuntiatum est : Nam ex illo divinitatis mari torrens voluptatis in os, oculos, aures, ceterosque Beatorum sensus influit. Et hanc ab odore præstantissimo decerptam voluptatem prisci Patres & Theologi Beatis assignant Franciscus Suarez : Ipsa etiam Beatorum corpora, inquit, imò & locus ipse suavissimum odorem spargent. *b* Hæc perfectio illum Beatorum statum maximè decet. Nam contrà damnatorum corpora erunt foetidissima ; quemadmodum & diabolorum, cùm hospitium deferunt, usitatissima symbola est, horribilis factor. At verò Beatorum corpora,

N 3 om-

a Blos monil. spirit. c. 14. & ult. fine.

b Suar. in 3. part. D. Thom. disp. 47. sect. 6.

omniâque corporum viscera non aëre aut malignis humoribus, sed optimis ac odoriferis qualitatibus erunt plena, ex hoc enim ad laudes Numinis & amorem suavius provocabuntur. Atque hoc Beatitudinis congruum erit auctarium. Christus certe jam redivivus à Cruce, odores hausit: nam hoc objectum, ut Theologi loquuntur, corpori glorioso proportionatum est, & mutare potest olfactum, sine alteratione materiali. Assertionis nostræ fundum habemus; rem explicamus.

Plutarcho teste, Alexandri è Macedoniâ Regis non solum os, sed & totum corpus gratissimum odorem spiravit. Hinc & sudor ejus fragrans ac medicus fuit. Miram hanc fragrantiam interiores ejus tunicæ quoque retinuerunt. In causâ forsan fervidum & igneum regis temperamentum fuit. Nam calidas regiones aromatum & odoriferæ mercis feraces esse novimus. Ergone mortales tam suaviter oleant in hoc carcere, & beatis cælitibus in paradiso hæc odoris amœnitas desit? Mittamus Alexandrum. De plurimis Divorum constat, eorum corpora aut mox à morte, aut quod mirius, post aliquot annorum spatia, reaseratis tumulis, cinnamomum & balsamum oboluisse. Eorum hæc catalogum texere, non est animi: in specimen sint hæc paulula.

Beati Hilarionis corpus, Hieronymo teste,

teste, *a* post decimum à sepulturâ mentem incorruptum prorsus ac tabis expers, vivôque simillimum, eo insuper odore imbutum fuit, tamquam id ars pollinctoria balsamo recens condiisset. De beato illo mendico servulo Gregorius Magnus hoc quinnino testimonium fert: Sanctâ illâ animâ exeunte, tanta illic fragrantia odoris aspersa est, ut omnes qui aderant, inæstimabili suavitate replerentur. Amita Gregorii Tarsilla, jejuniis & precibus ad sublime sanctitatis fastigium pervenit. Hæc funeri vicina, compluribus fatalem lectulum stipantibus, subitò: Recedite, aiebat, recedite, IESVS venit. Nec ab hoc adventore oculos deinde vel minimum deflexit, & in hunc obtutum fixissima migravit è vitâ. Beatam hanc mortem, Gregorio teste, locus subitò fragrans, tam nobili ac exotico thure redoluit, ut hæc odoris suavitas, auctorem suavitatis eò venisse ostenderet. *b*

Beatus Hieronymus, cùm jam fato concessisset, corpus exanime splendorem insolitum præ se ferens, odorem suavissimum halabat. Beata Ediltrudis regii sanguinis virgo, cùm ab obitu sedecim annis sepulchrum mortua habitasset, eodem aperto spiranti similis reperta est. Inusitatum vitæ colorem in vultu, odor suavissimus mirificè commendavit. *c*

a Hieron. in ejus vitâ.

N 4

Si-

b Gregor. l. 4. dialog. c. 14. & c. 16.

c Beda l. 4. hist. Anglic. c. 12.

Simeon Stylites, quod perdius & pernox
staret, vermibus scaterere vivus coeperat,
mortuus officinam aromaticam repræ-
sentabat. Turonensis Præsul Martinus,
oculis à morte jam clausis, ita radiabat
vultu, fragrabat corpore, ut ad immorta-
litate transisse cuivis facile fidem face-
ret. *a* Mercurius Martyr Cæsareæ capite
plexus splendorem & odorem post mor-
tem sparsit. Idem de compluribus divi-
aliis, Thomâ Aquinate, Francisco de
Paulâ, Bennone Misnensi Pontifice, Phi-
lippo Nerio, &c. Res gestæ illorum asse-
runt. Imò & vivi etiamnum, è squalidissi-
mo carcere producti Martyres eum non-
numquam odorem sparserunt, ut ido-
lolatæ unguentis delibutos crede-
rent. *b*

§. 2.

Quid ergo futurum censebimus in re-
gione vivorum, si talia fiant in terrâ mor-
tuum? Num aromatum & unguento-
rum odor deerit in cælesti viridario, &
abundabit in hoc absinthii deserto? Ec-
clesia testandæ Paschalis lætitiæ canit:
Sancti tui domine florebunt sicut lilium
Alleluia; & sicut odor balsami erunt ante
te Alleluia. Tunc reverà, quod Isaias va-
ticipinatur: Exultabit solitudo, & florebit
quasi lilium. *c*

Anno

a Sulpitius in ejus vitâ. *b* Caesar Baron.
tem. 2. Anno 179. c. Isai. c. 35. v. 1.

Anno à nascente Domino trecentesimo secundo, Dorothea virgo Christianis sacris eximiè imbuta, cùm tormenta varia virili constantiâ superâisset, quod Eusebius commemorat, a denique ad gladium damnata est. Illa feralem sententiam ore renidenti admittens: Nunc, inquit, in viâ sum ad sponsi mei paradisum. Audiit hæc Theophilus vir eruditus, sed idololatra, qui Virginis dictum irridens: Quæso te, inquit, ô bona Virgo, cùm ad sponsi paradisum veneris, inde mihi aliquot rosas submitte. Cui promptè Dorothea: Accipies, inquit, quos petis flores: Tu modò agnosce Christum Orbis Servatorem. Ita ducta est, & capite plexa.

Mox puer ex astris ipsis formosior astris,
Theophilo se stitit, & odoriferas rosas, quas petierat, unâ cum formosissimis pomis à Dorotheâ missas obtulit. Theophilus ad verna hæc dona attonitus vix oculis suis fidem habuit. Quid faceret? Rem è joco natam vidit, & undique convictum se sensit. Ita Christum cælestis paradisi Dominum liberrimè professus, Sapritio Præsidi sistitur. Theophilus blanditiis & minis variè exagitatus, equuleo tortus, demum caput porrigere jussus securi feriendum, omnia constantissimè pertulit:

*Itaq; Deo fruitur. Quid posthac Numen
avarum*

Dicimus: En etiam vendidit astra joco.
a Euseb. Eccles. hist. l. 8. c. 6. N 5 Cæ.

Cælum paradisus est inexpugnabilis; in cælo ver æternum, quod nulla unquam fugabit hiems. Odorum amœnitas in cælo, cinnamum & crocum omniâque aromata, balsamum & nardum, omniâque unguenta, lilia & rosas, omnesque hortorum delicias, omniâque florum oblectamenta longè superat.

Isaacus jam grandævus & nocte oculorum pressus, cùm vestes Esau, quas Jacob matris hortatu induerat, odoratu, tactûque explorâisset, statim, quod sacer codex loquitur, ut sensit vestimentorum illius fragrantiam, benedicens illi ait: Ecce odor filii mei, sicut odor agri pleni cui benedixit Dominus. *a* Optimus agrorum odor, cùm frumentum flores induit; formosissima est arborû amœnitas, cùm floribus triumphant. Ego digitum intendendo ætheri, & cum Patriarchâ clamo: Ecce odor filiorum DEI, sicut odor Paradisi, cui benedixit Dominus.

6. 3.

In Orbe hoc nostro varius nos fætor cruciat; sæpe quo non putamus loco mephitis spirat; è stabulis, harris, cloacis multiplex narium crux emergit; hircorum & porcorum vicinia sæpe infestant: accedit superbix fætor, *b* avaritiæ sordes, luxuriæ cænum omnibus cloacis graveolentius. Hæc sunt quæ teterrimas exha-

a Gen. c. 27. v. 27.

. lant

b Die stinckend Hoffart.

lant auras. Hic igitur patientiam monstro sectandam, dum veros paradisi odores hauriamus. Patientia nobis necessaria est, ut voluntatem DEI facientes, reportemus promissionē. *a* Ad patientiam vel his etiam exemplis animabimur.

Superiori ævo Matrona fuit Catholica, cui Catharinæ nomen, quæ vitam Religionis impendit. *b* Huic cum mors sua monstraretur, duo scilicet ingentia saxa quibus elidenda erat anima. His illa visis in generosissimam vocem erumpens: Quam hæc, agebat, non longa sunt saxa, tam brevis est ad cælum via. Post horas pauculas, iuvante DEO, suprâ ero, solem ac stellas pedibus calcatura. Quicquid mihi reliquum fuisset vitæ, nec quidem horula, nec punctulum fuisset ad immensam æternitatem. Cur ergo & pati, & mori recusemus? Dixit, constanter passa, sanctè ac feliciter mortua: jamque, quod de Theophilo diximus, DEO fruitur, & Paradisum habitat immortalis.

Vincentius supra omnium pænè martyrum supplicia inauditam Daciani carnificinam tolerans, cum in catastâ penderet, undique lacerato corpore, per ludibrium à Daciano interrogatus est: Qui haberet, & ubi esse sibi videretur? Cui Vincentius: In alto sum, inquit, unde te despiciam. Minitanti acerbiora, dixit: Hoc cupio, quò altiùs evehar in cælo. Cumque ardentes faces, ferrei pectines,

angulæ

a Hebr. c. 10. v. 36. *b* In Angliâ.

ungulæ ac candentes forcipes admove-
rentur : Sciatis, inquit Vincentius, acer-
bissimum hunc lusum Christianis non
ingratū esse, ob inexplicabilia cæli gau-
dia. Eandem vocem usurpans Mennas
Ægyptius Martyr : Secate, inquit, urite,
lacerate : Mennam à Christo non aver-
tetis. Tormenta omnia cæli gaudiis infe-
riora sunt.

Anno à Virginis partu trecentesimo
quadragésimo quarto, sub Persarū Rege
Saborio Jonas & Barachisus fortissimi
Martyres infanda passi sunt. Jonas acer-
rimè flagellatus spinis, & pede tractus
uno ad glaciem hieme perfrigidâ, sic
pernoctavit sub dio. Manè per ludibrium
interrogatus quî dormiisset, animosè
respondit : Nunquam omni vitâ melius.
Qui segetem amat, frumentum serit, &
labores suos pluviis, nivibus, ventis,
omnibus cæli injuriis exponit; atq; hæc
omnia spe messis. Nos jam seminamus,
ut Beatitudinis æternæ segetem paremus.
Christiani athletæ dicta irrisus excepit,
& tormentū multò acerbissimum; nam
omnes ejus digiti sunt præcisi, quos in
terrâ spargentes: Digitos tuos, inquit,
jam seminamus, tu expecta sis dum eos
denuò metas. At ille animi erectus :
Aderit dies, inquit, cū illos non sine
amplo fenore recipiam. Demum pice li-
quarâ mersus, omniâque illius ossa inter
cochleam contusa sunt. Ita finiit, & ad
paradisum transit.

Bara-

Barachisio herois istius socio, candentes globi sub axillas admoti, fusile plumbum naribus & palpebris, liquata piori infusa, totum corpus spinis concisum, omnia demum ossa confracta sunt cochleâ. Sub hæc tormenta Martyris voces fuerunt: Ingeniosa esse solet crudelitas in supplicia; scitis plura? tentate plura; cælorum regnum his omnibus dignissimum est.

O verè dignissimum! Idcirco cum Augustino vociferamur: Domine hîc ure, hîc seca, hîc lacera, modò in æternum parcas: omnium in nos odium despuget, ab omnibus exclusissimi simus, modò tua nos domus recipiat. In exilio esse miserum nil est insoliti. Nos exules sumus, nec esse miseri detrectamus, modò nos patria, modò paradysus non excludat.

Præceptum est olim Israëlis populo: Sex diebus colligite: in die autem septimo Sabbathum est Domini: idcirco non invenietur.^a Nunc laborandi & colligendi tempus est; brevî dies æternitatis illucescet, æterno perfruemur Sabbatho.

^aExod. c. 16. v. 26.

CAPUT IV.

*Quartum in calo Gaudium, Voluptas.
Factus.*

Cvni ab Alarico Gothorum rege vastaretur urbs Roma, Hipponensis
Pon-

Pontifex Augustinus occasionem ac causam sumpsit scribendi illud, quod ipsemet opus grande vocat: Ita libros viginti duos de Civitate DEI conscripsit.

Annaeus Seneca jam senex ad Gallionem fratrem de beatâ vitâ librum edidit, ubi monita & sensus aurei, prorsus digni, quos Christiana volumina velut sui partem agnoscant & venerentur. Nec a libi dissimilis sibi Annaeus; cujus verba hæc sunt: Beata vita bonum in se perfectum habet, inexuperabile: quod si est, perfectè beata est. Nunquid dubitas, quin beata vita summum bonum sit? Ergo si summum bonum habet, summè beata est. Quemadmodum Summum adjectionem non recipit, ita nec beata quidem vita, quæ sine summo bono nō est.

E Theologiæ meditullio istud pronuntiatum est; nam Theologorum Antistes Thomas ab Aquino, hoc beatitudini proprium censet, adjectionem non posse recipere: cum vita beata perfectè beata sit, nec ullo modo majus præmium possit Beatis dari, quàm DEVS ipse, & jugis aspectus DEI.

Exorſi sumus de hac beatitudinis perfectione loqui: De Visûs, Gustatûs, & Odoratûs exteriore sensu diximus, proximum est de Tactu jam differere.

§. I.

Quemadmodum apud inferos inter exteriorum sensuum tormenta summum est,
a Senec. epist. 85. med.

est, Ignis aternus, qui Tactum cruciat infandis modis: Ita in cælo non minima Voluptas percipietur Tactu. Theologorum calculi hîc conveniunt, usum Tactus etiam in calitum domo futurum; cum Christus à suo funere redivivus de se dixerit. Palpate & videte, quia spiritus carnem & ossa non habet, sicut me videtis habere. *a* Neque hîc sordium quidquam aut impuri miscebitur: Maxima Tactus voluptas erit, sed purissima. Ita nos Servator docuit: In Resurrectione neque nubent, neque nubentur, sed sunt sicut Angeli DEI in cælo. Ita & iste Tangendi sensus suis fruatur delitiis.

Inter has sanitatē perfectissimam numeramus, quæ omni mortis morbiq̃ue metu sit libera. Istud arcani explicatissimè commonstrans Paulus: Seminatur, inquit, in corruptione, surget in incorruptione, seminatur in ignobilitate, surget in gloriâ: seminatur in infirmitate, surget in virtute: Seminatur corpus animale, surget corpus spirituale. *b* Porro illud appellat Paulus corpus spirituale, non quòd ossibus & carne careat, sed quòd spiritui tam exactè sit subiectum, ut ubicunque voluerit esse spiritus, eò citra omnem laborem celerrimè ac pænè momento moveatur & corpus; seu sursum, sive deorsum sit eundum. Huic tali corpori nulla montium moles obstabit, vel mille ferreos parietes velocissimè

a. Luc. c. 24. v. 39.

transire

b. 1. Cor. c. 15. v. 42. & seqq.

transire poterit sine ullo penitus obstaculo. Corpora nostra etiamnum mortuobnoxia innato deprimuntur pondere. Hinc quando moliendus ascensus, multum laborant, lassantur, sudant: At corpori beato huc illuc, deorsum sursum ferri longè facillimum erit; instar sagittæ, quò volet, suavissimè pervolabit. Non hic equis, non quadrigis, nec alis opus. Cogitemus, obsecro, & velut in rem præsentem veniamus: Si quis nostrum hoc rerum statu, decimâ horulæ parte ad solem subvolare posset, quantum inde voluptatis hauriret? Anaxagoras certè hoc expectiit unicè, soli proximus stare, eumque contingere, etiamsi mox moriendū foret. Atqui revera, hoc omnium Beatorum corporibus proprium erit, quocunque lubuerit volatu admirabili, suavissimo perferri. Sed de hoc amplius infrà.

Tangendi sensus, dum hîc agimus, præ sensibus ceteris sua habet supplicia. Famæ, sitis, gelu, æstus, verbera, plagæ, vulnera, dolores, morbi, similésque miseriæ omnes tangendi sensum exercent & cruciant; quæ si patientius tolerarit, tantò copiosius ab iis omnibus jam liber gaudebit.

Quantum pecuniæ opulentus quispiam impenderet, si liceret per omnem vitam à dolore dentium, oculorū, capitis, stomachi, à pleuritide, calculo, podagrâ, ceterisq̃ ejuscemodi malis immunem agere. In cælo erimus, nō à morte solum,

sed

sed ab omni doloris aut morbi umbrâ.
Mors ultrâ non erit, neque luctus, neque
clamor, neque dolor erit ultrâ, quia pri-
ma adierunt. 2

Quod si quas alias Tactûs voluptates
hic percipiamus, Deus utique longe no-
biliore hoc ipso in genere suis præstabit.
Quis enim insanus adeo ut somniet pe-
cora pastui nata plus haurire voluptatis,
quàm homines Deo amicissimi sine præ-
cepturi? caducas voluptates æternæ tanto
superant discrimine ac intervallo, quan-
tum est inter corpus & animum, naturâ
& gratiam, bestiam & Archangelum,
tempus & æternitatem, rem conditam
& conditorem.

§. 2.

Gregorius Magnus Isaacum hominem
rectæ virtutis laudat, quod triduo inter
preces Spoleti in æde sacrâ pernoctâset;
& patientissimè tulisset, cum eum ædi-
ficus tauri insolitæ pietatis impatiens
colaphis cæsum eiecisset. Hic ipse Isaac
urbis fugitans solitudinem habitavit va-
ticiniis & miraculis clarus. Nec defue-
rant, qui viri exemplo ducti æternæ vitæ
desiderio inflammabantur. Illud tamen
labeclæ viro integerrimo inhærere vide-
batur: subinde insolente latus fuerat.
Ejus rei causam indagemus: Gregorius
hanc assignat: Plerumque contingit, ut
quibus majora bona Deus præstat, iis
O. minora

2. Apoc. c. 21. v. 4.

minora quædam non tribuat, ut hi tales seipsos semper accusent & reprehendant, dum esse perfecti cupiunt & nequeunt. Deinde vult DEVS, ut ubi tam crebra lucta est & pugna, frequentior quoque sit victoria, & inde amplius vincientis præmium. Tertiò, ne talibus unquam desit submittendi sese occasio, dum expendunt vanos ac irritos esse conatus hominum sine præsentissimâ ope divinâ. Putant humaniorum literarum scholastici, se versus scribere, & carmina pangere, quamvis magister thema subjiciat, verba suggerat, malè rotundatos versus corrigat, O boni, quantilla hîc discipulorum pars est? quid hi suum dicent? Vos scilicet & Virgilius carmina venusta scribitis. Tales sunt omnes labores nostri: minima pars illorum nostra. DEVS est, qui operatur in nobis & velle, & perficere. ⁴ Absque DEO non tantum non perficere quidquam, sed nec velle possumus. Quarta denique tam insolescentis latitiæ causa erat in Isaaco, voluptatis æternæ præmeditatio. Fieri non potest ut mens sincerâ cælum cogitatione percurrat, & non plurimum hilarescat. Illas cæli delicias velut contingere ac prægustare occulti, sed magni gaudii est; quod eò excrefcit subinde, ut in totum hominem sese diffundat.

Hebræus Rex David, varias calamitates lamentatus: Miserere mei Domine, ait: quoniam tribulor, quoniam defecit
3 Philip. c. 2. v. 13.

in dolore vita mea, & anni mei in gemitibus: Oblivioni datus sum tanquam mortuus à corde: Factus sum tanquam vas perditum. *a* Subitò velut resumptis viribus respirans: Ego autè in te speravi, Domine: Illustra faciem tuam super servum tuum: Domine non confundar, quoniam invocavi te: Quàm magna multitudo dulcedinis tuæ quam abscondisti timentibus te. Tua domus, ô Domine, amœnitatibus undequaque offertissima est; cælum omne melleum & saccareum est, quacunque gustetur parte, suavissimum est.

Sed manna hoc absconditum non sapit nisi seriò illud gustantibus. Plurima hic later dulcedo; sed abscondisti eam, ô Deus timentibus te. Non exhilarant mentè cæli gaudia, nisi attentè cogitata.

Distum è Rhetorum scholis depromptum est. Omnis Similitudo claudicat: Rem exemplo monstramus. Inferorum ignis quo tactus præcipuè torquetur, si succenso clibano, si fornaci calcariæ, si officinæ vitriariæ, si bullienti salis mari, *b* si ætææ laxa & ignes jaculanti confertur, similitudo erit qualiseumq;: sed heu! quàm claudicans! Siquidem noster ignis ad Avernale illû pictus est ignis. Deinde quamvis sal coqui cœptum, dies noctesq; in extensissimâ sartagine ferveat, subinde tamen ferias agit hic focus; inferorum

© 2. sup-

a Psal. 30. v. 10. 11. 13. 14. b Bach; bnd
Kathofen/Glafs; ütten/Saltzpsaum.

supplicia totis sæculis nec momento interquiescunt. Ita similitudo multum claudicat. Idem panè ad rem propositam asserendū : Omnis tangendi usus in hoc Orbe claudicat. Nō raro ægroti ajunt nescire se quā præcipuè parte dolor sæviat, cū sæviat ubique, omnia esse læsa, malè affecta omnia ; quaquà tangis, offendis. Deinde, non solum fragile est quicquid hīc tangi potest, sed & fallaciosum est : nam plerumq; acum aut hamū abditum tegit, qui tangentem invadit. Ita Tactus errore creberrimo fallitur, amicum existimans quod hostile demum experitur. Exempli gratiā : Dentes pruriunt & salivā natant, manūsq; velut tardas increpant, cū aut cerasa duracina, ^a aut ficus molliissimas, aut optimas placentas, aut dulciarias nebulas ^b appetunt, sed latet sub his scorpionis aculeus, suum dentes hostem sentient. Nam hæc frixa & dulcia licet mollia plurimum obesse solent dentibus. Sic Tactus non sine damno ubique panè decipitur, & læditur.

Longè aliud in cælo erit: Quicquid illic tangi poterit, gratissimam ad Tactum proportionem exhibebit. Totum cujuscunque beati corpus, simmetriā decantissimā, temperie nobilissimā, sanitate perfectissimā gaudebit. Erit in eo temperamenti præstantissimi sensus intimus. Nam Beati suavissimè sentient quàm ex toto valentes & sani sint, ab invaletudine omni securissimi æternū.

^a Weixlen, ^b Süß schleckhwerckh.

§. 3.

Ad bellum miserat heroïs spartana filium, sed claudicantem: cùmque eum ad aliquantulum viæ deduceret, acriter horrata: Fili, ait, singulis gradibus fac virtutis memineris. Non enim militiam proficisceris ut fugias, sed ut collato pedes: Aut vincendum igitur, aut moriendum.

O Christiani, ad omnem tangendi usum, mementote Christianæ virtutis, mementote cæli. Cùm aliquid in corpore urit, dolet, pungit, cruciatus est, mementote Beatitudinis, ubi nihil amplius punget, dolebit, uret, cruciabit, ubi molestiæ nihil esse poterit. Nunc in prælio sumus, non ut fugiamus, sed ut stemus. Aut vincendum, aut moriendum.

Istud tunc maximè versandum animo, cùm cacadæmon Tactum pellicit ad potum vetitum tangendum. Quandocunque igitur veterator Stygius suadet & invitat, ut tangamus quod illicitum, inhonestum, prohibitum, hoc illi & nobis occinamus, Aut vincendum, aut moriendum. Rem vetitam tangere, mortis est, prurientem tactum coërcere, victoriæ est. Aut ergo morere, aut vince.

Hic animi puritatem instillo. Si purus sit animus, facile continebit manum ne limites transiliat, & tangat non tangenda.

da. Huic rei altius & tenacius capiendæ, duo hæc documenta suggero.

1. *Botros immaturos ne carpe.* 2. *Ma-
num petulantem in sinum mitte.* Botros,
inquam, ne carpe immaturos. Inter Il-
raëlis plebem proverbium olim iactaba-
tur: *Patres comederunt uvam acerbam, &
dentes filiorum obstupuerunt.* a Gregorio
uvæ acerbæ, voluptates sunt hujus vitæ.
Nam quisquis, ait, præsentis vitæ dele-
ctationibus satiari desiderat, fructus an-
te tempus comedere festinat. Eam ob
causam Philo disertissimus oblectamen-
ta vetita, furta delectationum vitæ futu-
ræ nominat.

Cùm ergo præsens oculos voluptas al-
licit, blanditur, trahit, suadetque: tange,
carpe, fruire: Cùm cibus quia vetitus,
non comedendus; cùm potus quia ni-
mius, non admittendus; cùm pecunia
quia aliena, non attrahenda; cùm femi-
na non aspicienda, multò minùs tan-
genda, cùm aliud quippiam nociturum
oculis ac manibus se offert, uvam im-
maturam cogita, & cave tangas. Hic aut
vincendum, aut moriendum. Amore
beatitudinis differ obsecro hanc Tactus
voluptatem, in beatitudinis domum.
Illic licebit botros maturos carpere. Om-
nis voluptas amore Numinis contempta,
millecuplo redibit fœnore.

Ursi nimiùm appetentes mellis præ-
dantur alvearia, sed tuber ac saucium re-
ferunt caput ab apibus laxis compun-
a Hierem. c. 31. v. 29.

Am:

Etum : ita nos prematurâ manu rapimus voluptatem, sed furta nostrâ conscientia vulneribus puniuntur. Cave tangas illicita tactui. Si appetis botros, carpe, sed maturos; cælestes præliba delicias.

Alterum est : *Petulantem manum in sinum mitte*, cum Mose forsan extrahes leprosam. Cum nobis videmur nescio quanta pro Deo ausi, cum nosmet circumspicimus velut atlantes grandibus promeritis adorandos, strictius seipsum quisque hunc in modum examinet : Dic enim verò maxime Atlas, quos pro cælo labores subis? qualem te poenitentia permittis? quàm arduæ sunt actiones tuæ? quantum inedia ac famis toleras? quid somno demis? quot nocturnis horis vigilas? quantum noctis non ad pocula, nec ad fritillum a sed inter preces exigis? quàm severè carnem maceras? quantis rigoribus petulantiam corporis coërces? quantum lacrimarum fundis, non ob amissam pecuniam, sed ob cælum nondum acquisitum? Dic denique quantus tui victor es, quàm tibi ipse imperiosus? sic manum mitte in sinum, leprosam, planè puto, extracturus.

Descende in teipsum & apparebit, quàm parùm labores pro cælo, quàm frigidus, quàm nullus sit tuus pro illo sudor.

Age igitur; Executias tandem tibi tes sudoribus paratur cælum. Nullus hîc

O 4 torpori

a Abacus vel alveolus testis, Bratspil.

torpori locus est. Cælum in oculis, in animo sit. Interroga, inquit Augustinus, ultima & intima sua si capere possint gaudium de tantâ Beatitudine. *a* Anhelas eò? sepone noxia, botros ne carpe immaturos, nocituram rejice voluptatem. Certissima via est ad æternas voluptates; despiciere caducas.

a Aug. Manual. c. penult.

CAPUT V.

*Quintum in celo Gaudium, Voluptas
Aurium.*

MENTIONEM injicit Augustinus in libris de Trinitate hominis joculatoris & mimi, qui in medium theatri progressus; Audite cives, inquiebat, proximis ludis omnium vestrum cogitationes aperiam. Proximâ igitur ludorum instauratione, maximo studio ingens hominum frequentia convenère, se quisque ex adversum quàm proximè collocavit. Toto theatro jam facto ingens stipatio, & vox omnium fuit:

*Quid dignum tanto feret hic promissor
hiatu? b*

Adfuit demum histrio;

Conticuère omnes intentiq; ora tenebant. c
At ille iterum: Dicam, inquit, quid quisque

b Horat. de arte Poëtica post init.

c Virgil. lib. 2. Æneid. initio.

que vestrum cogitet velique: Vili omnes vultis emere, & vendere carò. Ingens obortus risus, dicti veritatem commendavit. Negat Augustinus è toto id verum esse, &: Novi virum, ait, cui venalis, liber delatus, pretio quàm par erat, longè inferiore. Ille, ut animi erat sinceri, cum venditorem mercis suæ ignarum cerne-
ret, plus pecuniæ dedit, quàm poscebatur. Noluit certè tam vili emere Nec defuerunt alii qui frumentum grandi emerint pretio, & vili vendiderint.

Ennius fortassis veriùs pronuntiàrit: Omnes mortales sese laudari exoptant. Quamvis nec hoc usquequaque verum sit. Sunt enim quibus sui odium & despicientia omni elogio potior est. Hi sibi ipsis displicent, & gratias agunt cum contemptui sunt: hoc enim sibi deberi ex æquo censent.

Quòd si mimus ille atque Ennius dixissent: O cives omnes beati esse vultis, miseri esse non vultis: Rem certè dixissent. Quicquid aliud quisquam, an Augustinus, latenter velit, ab hâc voluntate non recedit. Omnes beati esse cupimus, omnes, omnes. Qualis speranda sit beatitudo, exponere cœpimus, ad quintum cæli gaudium progressi, quod Auditui obtinget. Suas ceteris sensibus voluptates assignavimus; suam habebunt & Aures, idque singulariter è cælesti Musicâ, de quâ nunc differendum.

§. II.

Non ignotus nostro ævo Theologus: Non est dubitandum, inquit, quin sensus quoque externi suas functiones & congruas delectationes post Resurrectionem habituri sint. & Beati utique videbunt, audient, odorabuntur, gustabunt, tangent & tangi poterunt; & quidem perfectius multò, jam semper victuri, quàm dum viverent, morituri: nec deerunt quæ visui, quæ auditu, quæ odoratu, tactu, gustatu sint dignissima. Quod si protoplastus parens in paradiso nondum morti addictus his talibus fruebatur delitiis, cur iis jam beati careant?

Apud inferos damnati nullo non sensu torquebuntur: horribiles ac monstrosæ formæ oculos; ululatus, clamor, rugitus aures; mephitis motæ camarinæ torquebit nares; fellea fercula sulphurea pocula, fames ac sitis palatum, ignis universum corpus cruciabit. Par est ut corpus, quod delitiis vagis deliquit, suppliciis id diversis luat. Non minùs æquum est, ut corpus variis rigoribus maceratum, suis donetur præmiis. Ideò membra omnia, & omnes quasi articuli suâ fruuntur beatitudine. Hinc oculos elegantiarum omnium mare, nares suavissimorum odorum campus, saporis exquisitissimi nectar & ambrosia, fauces, omnia

corporis

a Leonard. Lessius l. 3. de Summo Bono c. 8.

corporis membra, sanitas perquam jucundissima, tot mille Orpheorum Musica permulcebit aures. Quam gemina erit voluptas: à colloquiis & à Musicâ. Colloqui amœnum quid habet: quò autem chariores sunt ii quibuscum loquimur, eò suavius est colloquium. In cælo longè charissimi erunt quos mutuis oblectabit sermo. Nec opus illic diductis semper labiis vibrare linguam, satis est velle hoc alium scire, quod illi quis patefactum cupit. Quamvis etiam more nostro locuturi sint cælites. Quemadmodum Christus post obitam mortem jam paradisi inquilinus verissimè nostro ritu locutus est. Præter mutuum inter cælites sermonem erit & Musica.

Inter hæc inferiora nil, putem, similius est, magisque cognatum cælo, quam Musica. Narrat interpretes cælestium arcanorum Ioannes; Factum esse silentium in cælo, quasi mediâ horâ. *a* Ergo prius non fiebatur: quis autem clamoris inconditi tumultum affingat cælo? Hebraus vates: Exultabunt Sancti in gloriâ, inquit, exultationes Dei in gutture eorum. *b* Quâ tandem ratione? Habentes singuli citharas, cantabant canticum novum. Et vidi, ait Ioannes, & audiivi vocem angelorum multorum, & erat numerus eorum millia millium dicentium voce magnâ: Dignus est agnus, qui occisus est, accipere virtutem & divinitatem,

a Apoc. c. 8, v. 1. *b* Ps. 149. v. 5.

tatem, &c. Et vocem quam audiui, sicut citharædorum citharisantium in citharis suis. Et nemo poterat dicere canticum, nisi illa centum quadraginta quatuor millia. *a* Subjungit: Posthæc audiui quasi vocem turbarum multarum in calo dicentium Alleluya, & iterum dixerunt Alleluya. *b* Cui accedens Tobias: Ex lapide candido, inquit, & mundo omnes plateæ ejus sternentur, & per vicos ejus Alleluya cantabitur. *c* Musicam in calo vocalem fore, dubitandum non est. Exultationes in gutture eorum, non in animo solum. Habebit suas & auditus delicias, longè suavissimam, cum Boëthio loquor, carminis mulcedinem.

In Orbe nostro, septem testudinum harmonia, Sirenum creditur esse concordia. *d* Infantes sumus, quos superi jure rideant. Quid enim verò septem testudinum suavitas ad cæli concentum sit?

Fingamus, oro, Musicam quam possumus modestissimam, *e* conclavi clausam. Sint non plures vicenis Angelis: Eorum sex fidibus utantur, & chelin tractent, sex absâ voce canant, sex itidem citharædos fagant, duo ludant organis. Canendi carminis verba suppeditebit. aut Psalmus septuagesimus: Repleatur os meum laude tuâ: Gaudebunt labia mea

a Apoc. c. 5. & c. 14. *b* Et c. 19. v. 1.

c Tob. c. 13. fine.

d Ist nichts bber siben lautten.

e Die stil Music. *f* Lauttenschlager.

mea dum cantavero tibi; aut Psalmus centesimus duodecimus: Sit nomen Domini benedictum. Hi viginti omninò Musici è cælo inconcinnè & averfis Musis canere non didicerunt; chromatis uti, & omnibus elegantiss cantum pingere optimè sciunt: Concinant ergo & vocem fidibus jungant. Talis certè symphonia hæc erit, ut affirmatissimè dici possit, à nullo Regum, nec ab Imperatorum ullo unquam similes auditos esse phonascos. Sed progrediamur posito isthoc Musicæ simulacro,

§. 2.

Fingamus quinquaginta, fingamus centum Angelos, & vocibus & fidibus concinere. Quantum suavissimæ voluptatis aures animûmque raptum adverteret? sed hæc ipsâ præstantiorem fingamus, de quâ etiam si dici possit, Nec auris audivit; addi tamen non poterit, Nec in cor hominis ascendit. hæc enim talia cogitare possumus & fingere. At verò de illâ cælesti omnium & Angelorum & hominum harmoniâ planissimè affirmandum: Nec auris audivit, nec in cor hominis ascendit.

Quòd si illam dumtaxat viginti Angelorum Musicam amans Musicæ audiret, in has utique voces prorumperet: Domine IESU, si mihi sint centum aures, si totus sim auris, perdius & pernox hos a Colorum, cantores

cantores audiam, nec satiabor audiendo: non cibus, non somnus ab hoc animum melle me aveller. Et tamen hæc sensus unici voluptas foret: si jam Odoratûs delinimenta, si gratissimorum aspectus, selectissimorum gustatus, charissimorum societas & colloquia, si ut verbo dicam, accedat cælum, quantum liquidissimæ voluptatis id erit flumen?

Hic observandum sedulo, quod & cælestia gaudia mirificè commendabit, & animum desiderio eorum plurimum inflammabit. In exemplum sumamus Musicam. In hæc non omnis venustas aut suavitas simul audiri potest. Iam dulces cantûs flexiones, jam rotundatæ clausulæ, paullò post iterum suaves moduli, jam chroma nobile & auditur, quædam hinc illinc miscentur, quæ non adeo grata sunt auribus. Hinc sæpe cantûs medium suavitatem habet, quâ caruit initium: hinc sæpe finis cantûs dulcedinem instillat, quam nec initium habuit, nec medium. Ita guttatim ac particulatim haurimus auribus voluptatem. At verò in cælo gaudia omnia omnis voluptas simul, & omnibus momentis percipitur, quæ primo ingressu cæli percepta est. Torrente voluptatis tuæ potabis eos. Sed luculentius rem oculis subjicio.

In conviviiis olim tam Hispanico veteri,

a-*Jetzt ein gutes Gätzlein / dar ein zierlicher bund / trefflichs Cläussem / schön liebliche coloratur, &c.*

teri, quàm Germanico ritu non plura simul fercula ponebantur. Sed ablato primo succedebat alterum, alteri tertium, tertio quartum, sic & cetera sequebantur. Sic uno tempore ex uno solum cibo percipiebatur oblectatio. Iam verò cum epulamur more Gallico, simul omnia fercula, aut plurima eorum pars apponitur, ita panem simul plura possunt delibari.

In hoc Orbe, Hispanico ac Germanico ritu prandemus: Hodie fortasse læti sumus, quid lux ferat crastina, quid sequens hebdomas, quid proximus mensis minetur, ignoramus. In cælo non sic gradatim beatitudine fruemur, omnes cæli voluptates quolibet momento percipiunt Beati, æternum eas sic percepturi. Quod, si exactius cogitetur, incredibiliter beatitudinis bona commendat.

Theologi concinnè dicunt: Amor & gaudium faciunt Musicum. Fit non rarò ut Amatorculus aliquis delirus mediam noctem vel mediâ hieme fidium cantu domum celebret, & tota personet vicinitas. ^a Ab hoc insano Musicam frigoris patientem extorquet amor quantumvis impurus. Ad limen non cantaret tamdiu, nisi amaret. Ita & gaudium provocat ad cantum. Pharaone illiusque exercitu in undis sepulto, Tunc cecinit Moses & filii Israël: Cantemus Domino,

no,
^a Mann macht auff/ und hosiert/ das
 die gantz Nachparschaft hört.

no, gloriosè enim magnificatus est. *a*

Quoties David & amorem & gaudium testatus in cantum prorupit? Cantate Domino canticum novum, cantate Domino omnis terra. Cantate Domino, & benedicite nomini ejus. *b* Hæc ei cantica persuasit amor. Beati cælites cum & amore ardeant, & gaudiis cumulatissimi sint, non mirum si cantent. Amor & gaudium faciunt Musicos. Augustinus futuri spe lætissimus: Felix ego, inquit, & verè in perpetuum felix, si post resolutionem hujus corpusculi audire meruero illa cantica cælestis melodix. Fortunatus ego nimiumque beatus, si & ego ipse meruero cantare ea, & assistere Regi meo, Deo meo, Duci meo, & cernere eum in gloriâ suâ. *c*

§. 3.

Harmonia minùs quàm duas voces non admittit; vox unica concentum non facit. At in cælo Sanctorum quilibet singularem constituit symphoniam: perinde uti artificiosa sunt horologia, quæ Musicis vocibus instructa totum decantant carmen. Hic unicum est horologium, sed voces diversæ; sic unicus beatorum hominum symphoniam & concentum potest edere. Quale igitur jubilum erit in cælo à tot myriadibus cantorum?

a Exod. c. 15. v. 2: *b* Ps. 95. v. 1. & 2.
c Aug. c. 25. Meditat.

rum? Nostra Musica paupertate grandi laborat, solis quatuor constat vocibus. & Musica cælestis ditissima est, voces habet innumeras. Nos præstantissimam laudaturi Musicam, Orpheorum harmoniam, Sirenum concordiam appellamus; sed quid hæc, ad calitum concentus? Nos velut nosocomii ruffientes senes & anus latrante stomacho inamœnum canimus, si cum aulædis cælestibus conferamur. Illi ad mensam offertissimam cantant, amore & gaudio undequaque perfusi: nos velut cicadæ stridulis querimoniis fatigamus cælum; Illi canunt, nos gemimus.

Franciscus Affisias suo fato jam vicinus, vix ossibus hærebat, & magnis urgebatur doloribus. His mitigandis unum aliquem è sociis (Pacificus is audiebat, poetarum olim non infimus) rogabat, chelyn adferret ad instituendum concentum: & unà rationem addidit, cur id fieri vellet. Cui Pacificus: Hanc tibi gratiam, mi Pater, gratificari minime recusarem, sed vereor, ne aliis finis offendiculo. Ergo, ait Franciscus, omitte exequi quod dixi. At liberalissimus DEVS in suorum vota, non passus est fidicinem hinc deesse. Ergo Angelus in subsidium venit, & quamvis unico per chelyn ductu, ita fidibus cecinit, ut æger Franciscus jam in meliorem Orbem se delatum

P — crede-

a Tertz / quint / octau / bund das fundament.

crederet. *a* Hóccine potuit vel unus Angelus, vel unico chelys contactu? Quid erunt mille tales fidicines, quid tot millena millia excellentissimorum ejusmodi cantorum in cælo? Torrente voluptatis tuæ potabis eos. Hanc è cælo Musicam complures sanctorum hominum jam tumultu proximi velut eminus audierunt. Hinc illis promptissimum fuit huic Orbi valedicere, & omnem cogitationem transferre in paradysum.

Ecce Nicolaus Tolentinus sex mensibus ante obitum suavissimos Angelorum concentus singulis noctibus audivit. Quo illum desiderio cælestis vitæ arsisse credimus, ad quam tam suaviter, & à tot Orpheis invitabatur? *b* Beatum Martinum Sulpitius commemorat hymnis cælestibus honoratum; beatum Servulum Gregorius: de aliis alii. Talem DEVS promissidem suis prælibandam solet submittere: hâc illos gustatione ad cælum initiat.

Hic ostendo conformitatem humanæ voluntatis cum divinâ. Non est in Orbe symphonia suavior, quàm hoc bicinium, DEI & hominis consentientium, idem volentium, atque ita simul canentium per intimam voluntatum conjunctionem. Hominis est contentâ hâc voce altum

a Chronicon Fratrum Minorum pars 1. l. 2. c. 62. mihi pag. 535. S. Bona vent. in Vita S. Francisci c. 5.

b Surius die 10. Sept. in ejus Vita c. 11.

tum & acutum scansim insonare: Ego Domino meo & Deo meo; Ego dilecto meo, & ille mihi: possumus alter alteri cedere; alter alterius dicta capit, mutuo nosmet amore complectimur; ambo idem volumus, idemque nolumus; Domini mei voluntas mea est, & meam meus Dominus transfudit in suam: idem canimus.

Hæc nobis cantiuncula est discenda. Et sciamus nos nunquam in discendo hoc cantu sic profecturos, quin plura dicere, melius proficere, suavius canere, nostram cum divinâ voluntate arctius conjungere possimus. Ideo cantate Domino canticum novum; Cantate Domino omnis terra: Cantate, ero, cantate: Quod Deus voluerit, volo: Sicut mandavit mihi Pater, sic facio. Hoc canticum Christus è cælo tulit. Hoc canticum ad modulorum fines, ad supremum habitum est producendum. *a* Pessimè cecinit, qui ante finem canere desiit.

Psalmi quadregesimi quarti hæc est inscriptio: Canticum pro dilecto, In finem iis, qui commutabuntur. Paulus rem maximam dicturus: Ecce, inquit, mysterium vobis dico: omnes quidem resurgemus, sed non omnes immutabimur. *b* Vultis immutari, vultis ad suavissimam cæli Musicam extolli? Cantate canticum pro dilecto, In finem, Cantate:

P 2

Fiat

a Mann muss da aufhalten.

b 1. Cor. c. 15. v. 51.

Fiat voluntas tua sicut in celo & in terrâ. Hic ego cum Isaiâ vociferor, & hortor singulos: Bene cane, frequenta canticum, ut memoria tui sit. *a* Non turbent hoc tuum canticum latratus canum, non mugitus bouum, non rugitus leonum, non fremitus equorum, non ululatus luporum. Non te hominum rixantium aut vituperantium voces impediant, non obtrestantium, non iracundorum, non lascivorum, non obmurmurantium clamor terreat.

Sunt qui nihil minùs velint, quàm quod vult DEVS: sed nec humanæ nõrunt suam subungere voluntatem. Hi non canunt, sed rudunt cum onagris. Quisquis caelestem amas Musicam, Bene cane, Fiat voluntas tua: frequenta hoc canticum: Non sicut ego, sed sicut tu vis. Cane canticum pro dilecto, idque in finem, ut memoria tui sit in celo.

21s.c. 23.v. 16.

CAPITULUM VI.

Sextum in Celo Gaudium, Voluptas è quatuor corporis gloriosi dotibus.

NEMO non assentietur priscis Patribus, qui paradysum primas Orbis delicias celo conferunt. Inter complures paradysi arbores una fuit *Lignum vite*. Præter salientes fontium aquas, nobilissima quatuor flumina fuerunt, quibus hæc deinde nomina sunt

sunt indita, Ganges, Nilus, Euphrates, Tigris. In Paradiso cælesti *Lignum vite* Servator Orbis est Dominus IESVS, æterna Sapientia, Rex Regum, à quo in nos omne promeritum, omnis favor & gratia, æterna vita derivatur: cetera huius paradisi arbores sunt alii cælites. Porro sacrâ paginâ teste, Fluvius egrediebatur de loco voluptatis ad irrigandum paradysum, qui inde dividitur in quatuor capita. ^a Cum quatuor his fluminibus, quaternas beatorum corporum dotes licebit comparare. Theologorum omnium vox una est, Ex animo cuiusvis Beati, in corpus redundaturam ingentem gloriam. Hæc verò quatuor illas excellentissimas conditiones continet, quas dotes appellare consuevimus.

Harum prima est *Immortalitas*, quam alii *Impassibilitatem* vocant: hæc corpus gloriosum ab omni penitus corruptione servat integerrimum. Altera est *Subtilitas*, quâ gloriosum corpus dotatum quavis corpora penetrare potest. Tertia *Agilitas*, quæ corpori tribuit facultatem quoquoersum celerrimè se movendi. Quarta est *Charitas*, lumen corporis admirabile, quod splendori solis adeò non cedit, ut illud etiam superet. Hæc illa sunt quatuor flumina è Beatitudine velut è paradiso profluentia, & nunquam defectura. De his ordine nunc agendum.

P 3 § 1. Hæ,

§. I.

Hæ, quas diximus gloriosi corporis conditiones, *Dotes* nuncupantur ob communem, quem cum dote habent significatum. Jurisconsulti duplicem statuunt dotem *Profectitiam* & *Adventitiam*: illam parentes, istam alii largiuntur. Ritu veteri dos sponsæ dabatur die nuptiali, cum in ades sponsi primum inferret pedem. Non aliter sanè ad ipsum celi ingressum Christus animarum sponsus hanc suis elargitur quadruplicem dotem, quam rectè *adventitiam* vocabimus.

Dos prima corporis *Immortalitas*. Beatus Paulus simul omnes quatuor dotes complexus: Seminatur, inquit, in corruptione, surget in incorruptione: seminatur in ignobilitate, surget in gloriâ: feminatur in infirmitate, surget in virtute: feminatur corpus animale, surget corpus spirituale. Dum corpus mortale gerimus, in corruptione seminamus: Verùm ut idem Apostolus loquitur: Oportet mortale hoc induere Immortalitatem. Ita corpus redibit ad vitam, incorruptionis & immortalitatis munere affectum. Atque hæc beatorum hominum Immortalitas undequaque perfectissima erit. Nam & corpora damnatorum erunt immortalia: sed (heu!) sic illa semper vivent, ut semper moriantur, ad ater-

nam Ianienam velut perpetim renascentia. At verò corpora beatorum non ferro, non igne, non aquis, non veneno, re nullà lædi poterunt. Hinc illa vel mediis inferorum flammis illæsa, vel mari medio tuta, vel inter mille curulium tormentorum globos secura, vel medio serpentum acervo salva, ut quæ nec pati possunt ampliùs nec mori. Hanc corporis beatissimam Immortalitatem vaticinatus Ioannes: Mors, inquit, ultrà non erit, neque luctus, neque clamor, neque dolor erit ultrà; quia prima abierunt. Quisquis eximius est à morte, ab omni mortis comitatu, ab omni morborum & dolorum agmine nec vel minimùm lædi potest. Mortis imperium Plutonis regno conclusum est: Ad superos mors nulla penetrabit.

Visus est sibi Archimedes id artis reperisse, quàm totum commoveret Orbem terrarum, si vel passum unicum à terrà liberum haberet. Promissum audax. Cras credam, hodie non. At verò beati cælitest hoc poterunt, quibus omnis terrarum Orbis ut pila erit, quàm datatim luditur. Samsonem ad hos gigantes infantulum dicemus. Philosophorum scitum est: Omnis passio fit per actionem agentis in passum: At corpus gloriosum à nullo quidquam pati poterit, soli animo quem vestit subjectum; rebus aliis omnibus superius, omnibus fortius, inviolabile

labile, invictum. Beati corporis forma non deflorescet, robur non deficiet, sanitas non mutabit, vita non elanguescet, semper vivacissima. Gratulatus sibi Rex David de futuro hoc statu: Cor meum, inquit, & caro mea exultaverunt in Deum vivum. ^a Ætas Beatorum floridissima, nulli obnoxia senio, virili, sic dicam, juventâ gaudens, ætatis Christi æmula. Paulus id asserens: Donec, ait, occurramus omnes in virum perfectum, in mensuram ætatis plenitudinis Christi. ^b Cujusvis beati corpus, eodem teste, Christus configuratum corpori claritatis suæ restituet. ^c Nemo inter beatos luscus, aut cæcus, nemo deformis aut mutilus, nemo debilis, aut claudus, nemo pumilus aut monstrosus, nemo vel minimum defectivus. Neque tamen negat Augustinus eâ quemque staturâ posse resurgere quâ defunctus est, modò absit deformitas.

Dos altera gloriosi corporis est *Subtilitas*. Seminatur corpus animale, inquit Paulus, surget corpus spirituale. Spirituale vocat non quod ossibus & carne careat, non quod aëreum, sed quod spiritui ex integro subjectum sit ad omnem nutum. Quemadmodum verò Christus sepulchrum exiit immoto saxo, illæso signo: quemadmodum ad discipulos januis clausis, & in cælum empyreum orbibus

^a Ps. 83. v. 33. ^b Ephes. c. 4. v. 13.

^c Philip. c. 3. v. 21.

bibus cælestibus non disjunctis penetravit, quamvis & ossibus constaret & carne; ita Beatorum quilibet vel Babylonica vel Ninivetana mœnia, vel omnes montes penetrare poterit. Non ferreus, non vel centum cubitis crassus paries obstare poterit ulli corporum beatorum. Sit terram inter cælumque mons unus, & spatium hoc omne obstruat, momento seu brevissimo tempore gloriosum corpus penetrabit. *a* Radium solarem cogita, vitrum penetrat; vitrum tamen nec dividit nec lædit.

§. 2.

Tertia gloriosi corporis conditio, *Agilitas*. Seminatur in infirmitate, surget in virtute. Admirabile gaudium, sed nobis planè inexploratum, sic volare posse, & quidem tam felicibus alis, ut sive in cælo esse placeat, sive in terrâ, illic momento panè Beatorum quisque sit, ubi esse voluerit. Isaias id prædicens: *Qui sperant in Domino, inquit, mutabunt fortitudinem, assument pennas sicut Aquilæ volabunt.* *b* Placet esse vicinum folio Christi? proximum stare parentibus? cominus contemplari terram medio aëre pendentem? vel sidera in alto suspena? Continuo ibi erit beatorum quivis,

a Angelum è loco ad locum moveri non transito medio, credant qui velint, ego non.

b Is. c. 40. v. 31.

quavis, ubi esse voluerit. Neque hic conmeraria per cælum discursatio somniana. Hæc omnia sine turbis ad nutum exactissimæ rationis fient. Fulgebunt iusti & tanquam scintillæ in arundinetis discurrent. *a* Cùm frutetum aut nemus incendiitur, nihil velocius est scintillis. Sed tarda est earum velocitas, si ad Beatorum volatus conferatur.

Hipponensis Præsul admirabundus. Certè, inquit, ubi volet spiritus, ibi protinus erit & corpus, sicut Angeli. *b* Neque sua tantum, sed & alia quæcunque ingentia corpora celerrimè movere poterunt Beati; velut Angeli, quibus nihil est negotii arbores eradicare, turres deicere, exercitus disflare, fontes durare, amnes in hortum revocare, mare pigrum colligare, turbines & ventos impellere, diem tollere, noctem tenere, stellas evellere, cælum deponere, terram suspendere, *c* manes sublimare, montes diluere, sidera extinguere, tartarum illuminare. Hæc Angelis in facili sunt. Angelus supremum è cælestibus Orbem tam celeri rotatu circumagit, ut nec sensu, nec animo id capiamus. Ejus rei specimen præbuit Angelus qui Abacuc cum messorum delitiis è Iudæa in Babylonem quingentis milliariibus distantem transtulit momento. Beati, Christo teste, erunt

a Sapient. c. 3. v. 7.

b Aug. l. 22. de civit. c. ult.

c Certè partem cali, terra, elementorum.

erunt sicut Angeli DEI. *a*

In Orbe hoc nostro, Corpus quod corrumpitur aggravat animam, & terrena inhabitatio deprimit sensum multa cogitantem. *b* In hac valle omnia suo nutant ruuntque pondere: hinc jam plumbei fumus, futuri aurei si velimus. Nunc motus noster testudineus est, brevī aquilas & sagittas superabimus. Ibunt, inquit Ezechiel, & revertentur instar fulguris. *c*

Quarta gloriosi corporis conditio, *Claritas*. Quot sanctorum hominum, mortales etiamnum, miro splendore radiabant? Quot Christiani Martyres ergastulorum tenebras cælesti die collustrârunt? Quot amici Numinis inter precandum insolitâ luce perfusi sunt? Quoties oculis etiam incredulis fulgor insolitus in hac vitâ oblatuſ?

Ajunt in Parisiensi olim Academiâ virum litteratum ægrotâsse. Cùmque is in morbo, ut fit, amœniore cogitatione tempus fallere institueret, futuram beatitudinem sibi sumpsit considerandam. Hinc hærerere nonnihil & subdubitare cœpit, quâ ratione fieri posset, ut corpus è luto fistile, splendore certaret cum sole? Mox tantus è decumbentis pedibus emerſit splendor, ut oculos avertere coactus Christo ingentes gratias meminereſt

ob

a Matth. *ev.* 22. *v.* 30.

b Sapient. *c.* 9. *v.* 13.

c Ezech. *c.* 1. *v.* 14.

ob tam luculentum beatitudinis futura
testimonium. *a*

Verissimè fulgebunt iusti. *b* Nam cor-
pus seminatur in ignobilitate, surgit in
gloriâ. Quod Hebræus vates Daniel con-
firmans: Qui docti fuerint, ait, fulge-
bunt tanquam splendor firmamenti; &
qui ad iustitiam erudiunt multos, tan-
quam stellæ in perpetuas æternitates.
Nec Paulus aliter: Reformabit corpus
humilitatis nostræ, inquit, configuratum
corpori claritatis suæ. *d* Cui plus beati-
tudinis, plus & splendoris erit, cum ad-
mirabili pulchritudinis excellētiâ, quam
nec macula, nec nequulus ullus, nec ruga,
nec aliud quidquam temerabit, quod
placere non possit. Et quantum dabunt
fulgoris ea corpora, quæ Christi causâ
plagis & verberibus mulctata, vibicibus
& ulceribus turgida, flagris conscissa,
spinis flagellata, malleis aut cochleis
contusa, forcipibus & pectinibus lacera-
ta, largis pateris suum propinabant san-
guinem Crucifixo Domino? Hæc cor-
pora velut encaustæ *e* mirissimi splendo-
ris gemmas ostentabunt. Sed quod mi-
rius est, ajunt corpora Beatorum fore
velut diaphanum vitrum, aut pellucidis-
simum crystallum; ita ut omnis interior
symmetria nervorum, ossium, venarum,

pat-

a Casar Heisterbac. l. 12. mirac. c. 54.

b Sap. c. 3. v. 7. *c* Daniel. c. 12. v. 3.

d Philip. c. 3. v. 21.

e Ein geschmälzte arbeit.

partiumque ceterarum omnium oculis è toto pateat. Verissimè Ioannes : Tunc, inquit , apparebit quid erimus. Nunc corpora nostra velut arbores in brumâ sunt sine frondibus , sine floribus , sine fructibus, sine honore : hæc tamen omnia ver æternitatis explicabit, frondes & flores, & fructus, & honores omnigenos daturum.

Petrus Apostolus in rupe Taboreiâ insolito aspectu raptus , & gaudio subsultans : Bonum est , inquit , nos hîc esse. Mox velut architectus ædificium dictat, jam jam admoturus manum structuræ, ne gaudii tam insperati amoenitas evanescat. Non enim sciebat , ait Marcus, quid diceret. *a* Hîc Augustinus : Si unica, inquit, mellis guttula è paradiso , sic omnem vanitatis sitim extinxit, quid faciet inexhaustum Voluptatis pelagus ? Si unicus gloriæ divinæ radius sic mentem affecit , quid sperandum est gaudii post superatam hanc mœroris vallem , cum ipsum sese divinitatis jubar in cælicolas omnes largissimè diffundet ?

6. 3.

Hoc loco Patientiam ostendo & quidem utrâque manu. Hîc extra cælum Mors imperat , hîc morbi Mortis famuli, hîc ingens miseriorum agmen, & longissima calamitatum series in regno suo

a Marc. c. 9. v. 6.

sunt,

sunt, domi suæ sunt. Quocunque aciem
 flectamus, Mortis plena sunt omnia. Ni-
 hil hîc uspiam tam vitale, aut firmum,
 quod Morti non pēdat tributum: Omnes
 Mortis stipendiarii sumus. Sed Patien-
 tia, obsecro, Patientia, Patientia. Brevi
 meliora. Levius fit Patientiâ quicquid
 corrigere est nefas. Levi momento hæc
 omnis vita vertitur. Brevi dies aderit,
 qui detracto sacco, immortalitatis pur-
 purâ nos vestiet. Tantisper non indi-
 gnemur tam miseræ vesti; quamdiu Deo
 visum, feramus saccum. Tolerando fit
 levior. Hîc quidem nostra corpora tam
 nō subtilia sunt, ut ea vel paries ligneus,
 vel asser unicus impediat, & progressum
 sistat. Pecudes, pisces, aves multò no-
 bis beatiore, quibus mira velocitas, aut
 etiam volatus est concessus. Aves per
 aërem liberrimè commeant, idque cele-
 ritate mirâ; pisces per aquam ad instar
 jaculi feruntur. Hæc cernimus, sed asse-
 qui nequimus: nihil minus corpori quàm
 volare licet, animo licet.

Quod Dædalum dixisse jam suprà me-
 moravimus, id etiam Christiana genero-
 sitas dicat, ita loquatur cælestium ama-
 tor: Etsi omnes mihi domus pessulum
 objiciant, etsi undique sim exclusissi-
 mus, Terras licet & undas obstruant;
 At cælum certè patet, ibimus illuc, ibi-
 mus, ibimus. Hoc iter nemo mihi clau-
 serit, hunc mihi volatum nemo prohi-
 buerit. *Omnia possideat, non possidet*
 athera

æthera Mundus. Ibimus in cælum, ibimus.

Rudolphus II. Imperator angustæ memoriæ, unicam hanc voculam: AD-SIT, pro symbolo sibi delegit. Vox illa scutis, vestibus, signis, tapetibus, vexillis, parietibus, muris hærebat fixa. Quinque solum litterulæ hunc omnino sensum repræsentabant: *Adjuvante DEO superabo imperatorem Turcarum.* Laudanda in Imperatore fiducia; ingenium, & excelsus animus imitandus. Ita quisquis Christiani sanguinis est, hoc imperatorium sibi symbolum vindicet, cùmque res suas senserit vel turbatissimas, hoc identidem ipse sibi occentet, Adsit, Adsit, Adsit. Quid trepidas fugitive, quid formidolose miles expallescis? ADSIT. Euge dic, *Adjuvante DEO superabo inferorum tyrannum*, Adjuvante DEO superabo innumera turbamenta, iniquissima tempora, infinitas tentationes. Dic iterum, dic centies, dic millies, adjuvante DEO superabo ipsum Tartarum, & omnes tartareos exercitus. Et hanc ego victoriam paravero amore cæli; ita me DEVS adjuvet. Cælum certè patet, ibimus illuc.

Quid hîc ampliùs moramur? Subtilitas corporum nostrorum aut agilitas hîc nulla est: Non tantum non volamus; vix repimus. Cùm maximè festinamus, testudines sumus. Multis sæpe annis ædificamus, & struimus, sed in aëre: De-

mum

mum structura omnis evanescit. O plumbeos homines! Quin ergo mentem liberam expeditus, quin animo aptamus alas, & sequimur prævolantem, Et en regium ducem, qui tanquam alis sibimet jam affixis: Volabo, inquit, & requiescam. *a* Volemus, & requiescamus. Hic extra cælum in tenebris nascimur, vivimus, morimur. Omnis Mundi gloria, favillæ ac fumus: Omnis caro fœnum, & omnis gloria ejus tanquam flos fœni. *b* Heu quantis ignorantia tenebris premimur, quàm altâ nocte mergimur! Sed & hic nostra duret Patientia: Dies æternitatis affulgebit brevî, æternâ cingemur luce.

Mardocheus dum velut columbula à milvo capta sub unguibus Amani trepidabat, jejuniis se maceravit, vacavit precibus, pro veste cinerem & saccum, pro lectulo pavementum habuit. Hoste capitali sublato, purpurâ & torque conspicuus, jamque proximus regi, tantò effe cœpit beatior, quantò antè fuerat calamitosior. Calamitas virtutis thalamus, calamitas divini favoris nuntius; calamitas beatitudinis prodromus est: A calamitate spes & desiderium cæli nascitur: calamitas cælum ipsum referat. Quantumvis ergo calamitosissimi, volemus & requiescamus, prævolantem sequamur regem.

Hic ipse rex, etiamnum pastoritius juvenis cum in Goliathum solus pugnet, *a* Ps. 54, v. 7. *b* Is. c. 40, v. 6. ret,

ret, peram sagulumque rusticum a pro-
loricâ habuit. Post pugnam & victoriam,
regis Jonathæ vestibus indutus est. Ita
& nos etiamnû in arenâ versamur, nunc
luctæ tempus est, & pugnæ: Vincendum
jam, aut moriendum. Victoriâ obtentâ
immortalitatis cycladè ornabimur. Arca
fœderis dum per desertum exulat, corio
velatur, in templo reposita auro tegitur.
Nos itidem jam sacco tegimur: sed pa-
tientia, paulò post immortalis gloriæ ve-
ste donabimur.

a Ein bauckütttele.

CAPUT VII.

*Septimum in celo gaudium, Voluptas Intel-
lectus, Voluntatis, & Memoria.*

SCalas, sed sanè brevissimas cælo ad-
movit divus Anselmus, & ad ascen-
sum invitavit. Trium duntaxat ra-
diorum sunt scalæ istæ. Tribus modis,
ait Anselmus, sentitur DEVS, Intellectu,
amore, usu. Ita tribus omnino passibus
ad DEVM faciliè pervenitur. In quantum
quis DEVM intelligit, sapiens est; in
quantum diligit, justus est; in quantum
DEO utitur, beatus est. Hoc ait: Huma-
nus animus Intellectum, Voluntatem,
Memoriam in se continet. In triplex ga-
zophylacium istud etiam si mille terra-
rum Orbis, etsi mille Mundos ingesse-
ris, non tamen impleveris: inane adhuc

Q

&

& vacuum est ararium hoc triplex. Ne expleri ullo modo poterit, dum Deus ipse, summum bonum, seipso illud impleverit. Vox Hebraei vatis est: Satiabitur cum apparuerit gloria tua. Interim nullus hic Satietas.

In caelo beati omnes tam intellectu, quam voluntate, ac memoriâ Deum intemè complectentur. Ita triplex illud arami gazophylacium implebitur. Quantum verò gaudiorum tam Voluntas & Memoria, quam Intellectus beatorum in caelo sit percepturus, nunc exequenda dicere.

§. I.

Intellectus in caelo gaudium erit ineffabile, aspectus divinus seu clara Divisio. Joannes id attestatus: Hæc est, inquit, vita æterna, ut cognoscant te solus Deus verum, & quem misisti Jesum Christum. Intellectus in Deo rerum omnium conditarum varietatem percipiet. Dum hic agimus, terram, animantia, terræ germina, fontes, maria, Sole & Lunam ceteraque sidera intuemur oculis: Intellectus tamen cæcitat, enim è rebus creatis ullam perfectè caput. Ita proprietates, vires, & principiorum differentias ignoramus. Et quod homini minùs notum, quam humana animus? Albus an ater, formosus an deformis sit? Undique tenebræ & ignorantia Ioan. c. 17. v. 3.

tia. Hinc cæcorum more parietes palpa-
mus, & non rarò graviter impingimus.
Exiguum prorsus est quicquid ratioci-
niis nostris assequimur.

At illic Beatorum infimus plura sciet
& exactiùs intelliget, quàm vel primus
incola Paradisi Adamus, vel Salomon
sapientissimus, vel Propheta sanctissimi
sciverint ac intellexerint. Quod Plato,
quod Platonis discipulus Aristoteles
nunquam cogitatione percepit, quod
nullus eruditissimorum invenit, quod
Cicero, quod Demosthenes eloquio ex-
ponere nequit, id quivis cælitum intel-
lectu penetrabit, id oculis spectabit.

Archimedes, Vitruvio teste, in labro
aquæ pleno sedebat, nec tamen artis suæ
reconditam commentationē ab animo
dimittebat. Unum aliquid præcipuè dies
noctēsque assiduus agitabat curis; quā
ratione dimensionem coronæ reperiret,
ne scilicet deciperetur ab aurifice. Hinc
ille seu lavaret, seu legeret, seu cœnaret,
sive aliud quid faceret, cogitationibus
profundismersus, hoc unum nōsse nite-
batur, quantum vel corona, vel crater
inauratus præter argentum haberet auri.
Ubi hoc in labri aquis reperit, gaudio
subsiliens *εὐρηκα* clamabat, *εὐρηκα*.

Sed hem quantilla hoc scientiæ pars est,
quod Archimedi tam grande videbatur.
Illic in calo, ubi rerum planè omnium
naturas ac proprietates, ubi abditissi-
morum

inorum mysteriorum arcana prospiciemus, vociferari poterimus, *Invenimus. Invenimus.*

Sciendi desiderium jam quidem insatiable, illic in domo Mansionum multatū saturabitur plenissime. Cognoscant Beati altissima hæc mysteria, quo tandem modo cælestis Pater ab omni ætate generarit Filium, quo Sanctus Spiritus ab utroque processerit. Hæc nobis jam nebula sunt, & nox merissima. Mente complectentur superi perfectiones Numinis immensas; mysteria Christi hominem induentis, nascentis, morientis arcanum Eucharistiæ, admiranda gratiæ & naturæ opera, secretissima & obscurissima profunda prorsus Dei judicia circa electissimum, qui licet homines essent improbi, tamen optimum quemque peccatissime vexarunt. Quâ in re David plurimum conatus: Existimabam, inquit, cognoscerem hoc: labor est antè: donec intrem in Sanctuarium Dei. & Non capio, non assequor; hoc ergo sciendum differo. Videbunt insuper Beati divina circa se providentiæ mirissima secreta, idque minutatim intelligent: quibus sese impulsibus vocarit DEVS, quibus duxerit auxiliis, quantis ornavit gratiis, quàm variis ad salutem perduxerit incrementis: videbunt pericula in quibus luctati, cernent beneficia quibus adjuti, agnoscent monita, quibus instructi, laudabunt verbera quibus castigati, prædicabunt.

a Ps. 72, v. 16. & 17.

cabunt munera quibus affecti. Istæ hæc
beatis omnia erunt apertissima. Verè
tunc erimus sicut Dii, scientes bonum
& malum. Per Isaiam Deus promittit.
Dabo tibi thesauros absconditos, & ar-
cana secretorum. *a* Et hæc Intellectus
erunt gaudia.

§. 2.

Voluntas porrò duobus maximè gau-
debit, *Amore & Iustitiâ*: Omnium Bea-
torum Amor, tam in Deum quàm in se
mutuò ardentissimus, inextinctus est.
Amor hic verè mei cali, & non aptum
tantum, sed centesimæ aut millesimæ
decoctionis saccarum est. Id Amori quod
amat, & bonum & pulchrum videtur.
Hinc parentes Amore decepti suos libe-
ros, & formosos, & dociles, & moratos
putant: Sed errant sapissime: Nimirum,
Amor talia eis specilla præfigit. Qui in
calo erunt, omnes & formosissimi &
sapientissimi erunt. Hos unus omnes,
omnesque unum amabunt; his omnibus
præsens erit, quod amor maximè deside-
rat. Amare & Amati præsentiam cupere,
conjunctissima sunt. Cum ergo Amoris
propria sedes sit Voluntas, sic ea in calo
implebitur, ut inexplicabiles inde vo-
luptates sit perceptura: Præsertim cum
hic amor sit indissolubilis, lacrimarum
& litium expers, illud moestissimum

VALE nunquam auditurus.

Q 3

Nec

Nec Amore solum, sed & Iustitia
gaudebit Voluntas: Nam Beati cum se
viderint ab omni sorde purissimos, ius-
tos, sanctos; Deo, Angelis, caritibus sibi
ipsis amabiles, immensum gaudebunt.
Si famulus honestior omnes actiones
suas suo Domino mirifice probari sciat,
quod rarissimum, gaudio subsultat, &
præ thesauris id æstimat. Atqui sciunt
Beati se Divinis oculis ex toto placere,
quod illis summo est gaudio. Etenim
Iustitia, quam Patriæ vocant, multò per-
fectior est quàm Viæ. Illa etiam Adam
primæva, illi alteri collata, lanea aut li-
nea vestis videri potest, hæc verò aurea
sine nævo, sine rugâ est. Qui in celo
sunt, toti pulchri sunt, & macula non est
in eis, & nec minima peccati labecula.
Quales nos nunquam sumus. Illa Patriæ
Iustitia omnes pænè virtutes complecti-
tur: Religionem; DEVM enim bono-
rum omnium fontem venerantur omnes
calites: Submissionem; Se nihil ex se fi-
tentur esse; omnia divinis tribuunt fa-
voribus: Obedientiam; Divinis nutibus
nemo illic non subjectissimus; vox una
omnium, Ita Pater, quia sic placitum fuit
ante te, Ita Pater: & Gratum animarum
oblivio illinc exulat, ubi perpetua bene-
ficiorum memoria regnat. Spes & Fides
in celo non habitant: quod enim spera-
runt, quod crediderunt, hoc vident, hoc
possident.

Duo erant germani fratres mercatoris
a Matth. c. II. v. 26. fili,

filii, quod Palladius narrat, & alteri nomen Isaias, alteri Præsius: hi mortuo parente, præter latifundia præsentem monetam quinque millia florenorum inter se partiti sunt, idque mirabili consensu. Dein cogitationibus injectis sanctioribus: Quilénam, ajunt, vitæ genus eligimus, quo pecunias elocamus? Parentem induere, merces & Mercurium sequi, res anceps & periculosa; maria oberrare, Africum metuere, ad Indos currere, medijs in undis hiemare, Thynam, Ægyptiam, Syram mercem convehere negotium laboris plenum, & sæpe subdoli quæstus est. Quoties inter pecuniarias causas venalis exponitur conscientia? Omnia si perdamus, animam curare meminimus. Quid nobis nummi, si deficit virtus? parentis bona expendemus honestissimè, si ipsi boni simus. Hoc sciamus, uos à pecuniâ tam faciliè quàm suaviter seducendos, ni præveniamus blandissimam hanc seductricem. Pessimè res agitur, ubi pecunia imperat. Quin ergo Domini sumus, & jubemus servire pecuniam? Aliter perimus. Pecunia vel semel in dominam eversa & potita sceptro, contumacissimè regnum quod nacta est, tuebitur. Nostræ igitur pecuniæ mancipia sumus? An libertas placet? Quid cunctamur in re liquidâ? Revera terrâ odimus, si cælum anhelamus. Quin ergo religionem amplectimur? Res aspera est. Sed initio, sed inassuetis. Paupertatem a Palladius c. 15. & 16. Q 4 quam

quam alii tantopere fugiunt, ultrò ambire, amarum est & difficile. Amarum, sed non diu; difficile, sed pulchrum, sed honestum, sed animo saluberrimum.

Num ignoramus quàm arcta sit divitiis cum virtutis cognatio? Num illud horribilissimum tonitru nunquam audivimus? Facilius est camelum per foramen acūs transire, quàm divitem intrare in regnum Dei. Quin ergo malumus egenam tranquillitatem in portu, quàm opulentum naufragium in mari: Quin uterque religionem amplectimur?

Utrique consilium placuit, sed modo dispari. Præsius, quidquid bonorum habuit, id cœnobiis, templis, carceribus, Xenodochiis impendit: ipse sibi laborem sumpsit, quo victum pararet facilem ac quotidianum. Isaias verò domum ædificavit, socios adscivit, hospites suscepit, ægros curavit, egenos juvit, advenis mesam instruxit. Ita religiosæ liberalitatis & hospitalitatis munera exercuit.

Utroque fratre mortuo dissidium inter utrumque sectatores natum, quales si futuri sint in cælo, qui vitam quidem religiosam, sed plane disparem egerint in terrâ. Illi Pæcium, Isaiam isti præferabant. Interrogatus est super eâ re Pambobo, qui ad questionem: Uterque, ait, iustus & perfectus est apud Deum. Ille quidem Abraham functus est partibus,

susci-

a Matth. cap. 19. v. 24. Marci cap. 10. v. 25.
Luc. cap. 18. v. 25.

suscipiendo hospites; hic Eliæ, frequen-
tando preces. Negabant partes id fieri
posse, neque enim æquale præmium pro-
meritis tam inæqualibus solere reddi.
Præsius, ajebant isti, Evangelio paruit,
sua omnia vendidit, quicquid habuit in
pauperes erogavit. Isaias, dicebant isti,
sua quidem retinuit, sed ut diu haberet
quod hospitibus, quod ægrotis, quod
pauperibus, quod peregrinis impertire-
tur. Quibus iterum Pambo: Quid litiga-
tis? inquit, ambo sunt apud Dominum,
Num verò placet expectare, dum DEVS
aliud de fratrum istorum obitu manife-
stum faciat? Non displicuit mora. Post
aliquot dies redeunt audituri novum
Pambonis judicium: Quibus ille denuò:
Vidi, ait, utrumque stantem apud Domi-
num in paradiso: uterque justus est. Per-
inde si diceret: Erit quidem præmiorum
in cælo inæqualitas, eam tamen nos in-
dagare non possumus. Labor est ante
nos; donec intremus in Sanctuarium.
D. 1. a Hoc sciamus non uno tramite ad
illam Cælitum Justitiam, de quâ loqui-
mur, perveniri. Atque hæc Justitia sin-
gulare Voluntatis erit gaudium.

6. 3.

Nec suum Memoriam deerit. Memoria,
dum hic agimus, diverso recreatur gau-
dio, sed plerunque inani & volatilo.
Elapsæ

a Psalm. 72. v. 16.

Elapsæ recordamur juventæ, ac dicimus: Heu quàm mihi bene erat, dum genua virent, & sanguis ebulliret, à curis liber vivebam genio. Est alius qui dicat, memini me aurâ navigare secundissimâ, memini me felicem, in cælo esse. Audias & has voces: Beatus olim vixi, digito cælum attingi, fortunæ pullus, ad summa votorum conscendi. Hæc memoria sunt gaudia, sed plerumque mœrore mixta. Sic Jobus præteritorum memor: Quis mihi tribuat, inquit, ut sim juxta mentes pristinos, sicut fui in diebus adolescentiæ meæ. *a*

In cælo Beatorum quilibet omnem vitam suam sub uno aspectu positam, unicâ velut pagellâ comprehensâ aspiciet. In hac rerum serie luculentem cernet per quas iërit ambages, quoties in tenebris inpergerit, quoties Deo servitium negârit & officium debitû renuntiârît; Deus verò servulum nequam denudè in gratiam receperit. Ita suavissimè præteritorum omnium memor, non invitatus fatebitur: Quanta mi Deus, in me unum contulisti beneficia, & in animum meum liberalissimus & in corpus? quantis objectus periculis? ea tamen evasi te duce. Quoties letali sarcinâ pressus inferorum fluvio spatiabar proximus, heu levi & unico mortis impulsu in aquas flammeas præcipitandus, te duce, mi Deus, evasi. Ex his omnibus eripuisti me, benignissime Domine,

a Job. c. 29, v. 2. 4.

. Miriss.

Mirissimum hoc gaudium erit, & fons gaudiorum. Memoriam dulcissimę hujus memorię in nobis frequenter reficit omnium panē concionū solennis clausula: Largiatur nobis Deus beatitudinem ac vitam æternam. Aut ultima sacri Symboli verba: Et expecto resurrectionem mortuorum, & vitam venturi seculi. Amen.

Sed & illud Memorię accedet: Omnia ab Orbe condito gesta, omnes omnium tam gentium, quàm sæculorum historias Memoria Beatorum complectetur. Summa rerum varietas & copia hęc nihil turbabit, aut impediet. Nunc magna pars hilaritatis censetur novos rumores ex Italiâ, Galliâ, Hispaniâ aut aliunde ex Orbis angulo audire, cū non nesciamus hos nuntios majorem partem confictos, nihilominus mendaciis pasci non injucundum est. Quantum igitur rerum omnium memoria in cælo Voluptatis adferet, cū omnium sæculorum series sub unum se aspectum repræsentabit, cū ex omnibus obstupefcentia Dei providentia elucescet explicatissimè. Nunc variè divinā Providentiam si non damnamus erroris, profectò tacitè arguimus oblivionis, aut conniventię. Est cū illa nobis nimium in pœnas lenta, subinde nimium præcipitans videtur; nimis subinde mitem, aliàs sævum nimis censemus Deum. Tunc aquisissimā semper Numinis lancē fuisse perspiciemus:

tunc

tunc omnium oculis patebit, Altitudo
divitiarum sapientiæ & scientiæ DEI. *a*
Tunc videbimus cur permiserit DEVS
gentem humanam labi, eamque à lapsu
revocârit: cur Angelos præcipitari siverit,
eosque ab hoc præcipitio nunquam re-
ducturus sit: Cur Judæos pervicacissimos
& ferreæ cervicis homines in populum
elegerit: cur optinere quosque hominum
plus aliis affligi & cruciari non vetnerit.
Omnia quæ nunc latent, tunc in apertis-
simo erunt.

J. 4.

Hic ego Patientiam monstro quæ ge-
neroso aggressu & constanti Fortitudine
gaudet. Sionis rex David: Inclinaui, ait,
cor meum ad faciendas justificationes
tuas in aternũ propter retributionem. *b*
Cor meum, ô DEVS, instar libræ est, quæ
duas habet lances, in quarum unam si
præmium aeternum, illas voluptates im-
mensas, illa Intellectus, Voluntatis ac
Memoriæ gaudia componam, lanx alte-
ra, quæ vitæ hujus ærumnas continet,
velut pauculis plumulis injectis subfilit:
Inclino Cor meum, ô DEVS, inclino ad
faciendas justificationes tuas in aternũ,
sed propter retributionem. Præmiorum
magnitudini cedo, vincor suavissimè: fu-
turæ voluptatis immensitas eò me adigit,
a Rom. c. 11. v. 33. ut
b Ps. 118. v. 112. Hieronymus legit: Propter
aeternam retributionem.

ut ad omnia perferenda sim paratissimus; licet innumeris tibi seculis servire jubear, En, Domine servum me habes ad omnes nutus excipiendos promptissimum. Inclinavi cor meum, ut quicquid tibi placuerit, perficiam: quantumvis longissimo tempore tuus esse servus debeam, non recuso, modò tandem post multa secula promissa præmia percipiā.

Servire gratis naturā horremus omnes: Cum verò nobilissima merces in oculis est, hinc celeres manus, hinc prompti pedes, hinc labor & obsequium in expedito sunt. Ideò hic ipse, quem dixi, pastoritius Juvenis David, cum audisset Philistæum gigantem, omnibus esse terrori, nec ullum reperiri, qui pedem cum illo conferre auderet, sagaciter quasivit: Quid dabitur viro qui percusserit Philistæum hunc? *a* Responderunt passim omnes: Virum, qui percusserit eum, ditabit rex divitiis magnis, & filiam suam dabit ei. Hæc tanta merces victori sponsa Jesseum juvenem animavit; hæc illi manus pedesque ad pugnam expedit, hæc pugnare, hæc vincere docuit. Percussit David Philistæum, divitiis ditatus est magnis, & filiam regis conjugem duxit.

Vita hominis, Jobo teste, militia est. *b* Hanc Philistæus ab Orco nunquam finit esse tranquillam: Cum hoc gigante ab inferis quotidie, imò in horas panē singulas luctandum & pugnandum est.

Nos

Nos hîc non immeritò quærimus : Quid dabitur viro , qui percussit Philistæum hunc? Omnes ex alto calites respondent: Virum, qui percussit eum , dabit rex divitiis magnis, & filiam suam dabit ei. Victor omnibus thesauris cælestibus potietur, omnibus cæli voluptatibus perfructur, beatus tæque quaterque sexcenties millies beatus tam animo quàm corpore , tam exterioribus sensibus, quàm Intellectu, Voluntate ac Memoria, intus ac foris beatissimus. Rex Regum supremus Filiam suam dabit ei, Vitam immortalem, æternam, bonis omnibus cumulatissimam vitam. Hæc illa Regis filia; dos filix, bonorum omnium quæ optari, & plurium quàm optari possint, affluentia.

Atque hanc ob causam proclamat Petrus : Fratres sobrii estote, & vigilate; quia adversarius vester diabolus, tanquam Leo rugiens circuit, quærens quem devoret: cui resistite fortes in fide. *a* Philistæus gigas ille orcinianus ferocissimis oculis circulatur, si quem ignavum & segnem reperiatur. Ergo alacriter, ergo patienter & fortiter, ergo impavidè & constanter labores & adversa omnia perferamus. Cælum his omnibus dignum, dignissimum est.

Inclinet quisque cor suum ad faciendas justificationes in æternum propter retributionem. Divitiæ magnæ, Regis filia, præmium æternum dabitur viro qui
a 1. Pet. c. 5. v. 8. per-

percusserit Philistæum hunc. Ergo toleranter, ergo strenuè, ergo perseveranter. Vel maximus labor, nullus est labor, si spectetur magnitudo præmii. Quod pro æternâ vitâ agitur, inquit Gregorius, etiam post mortem servatur; & tunc apparere incipit, cum laborum carnalium fructus coeperit non videri. *a*

a Greg. hom. 27. in Evang.

CAPUT VIII.

*Octavum in calo gaudium, Voluptas &
Beatitudinis Loco.*

Terrarum partes perinde ut homines suis quæque privilegiis gaudent. A lupis Anglia, à leonibus Germania, à serpentibus, & omni plebe venenatâ immunis est Creta insula: Sic aliæ Orbis plagæ alias ignorant noxias feras. His ipsis tamen commodis sua sunt annexa incommoda. Locus in quem omnium frugum ubertas confluxerit, à quo bestia omnes maligniores exulent, nondum hactenus inventus est, nec amplius, putem, quærendus est extra cælum. Cælum illa regio est beatissima, à quâ venenum omne proscriptû, unde omnis ferarum immanitas eliminata, in quam omnium voluptatum beatitas velut flumen derivata; quicquid amœnum, quicquid pulchrum & beatum est, ibi est.

Loci amœnitate raptus succlamat rex
David :

David: Gloriosa dicta sunt de te civitas DEI. Fundamenta ejus in montibus sanctis. a Urbi Hierosolymorum sane non conveniunt ex æquo, quæ de illâ Beatorum civitate pronuntiantur. Et nemo miretur regem Hebræum sic abruptè sacrum hoc carmen ordinî. Illius civitatis mira vidit mirissima. Ecquis ordinem dicendi aut scribendi servet, cùm infinita, innumera, immensa sint quæ dicenda, quæ scribenda sunt? Artificiosissimus Architectus civitatis hujus conditor est: Ipse fundavit eam Altissimus, neminem in opere tanto socium adhibuit: Latantium omnium habitatio est in te. In hac civitate nemo pauper, nemo mœstus, nemo ægrotus, nemo contemptus, nemo vel minimum afflictus. Hic communis eaque summa civium omnium est lætitia. Habitatio est latantium omnium, de quâ nunc agendum.

Descripsimus Hominem Beatum, seu Beati Hominis corpus & animum, & futuras tam corporis, quàm animi voluptates. Hoc primum venit secundo libro describendum. Alterum est, Beatorum domum & concordiam domesticorum exponere, quod hîc exequemur. Quâ in re tria potissimum consideranda; Primum, Beatissimæ domûs illius altitudo & situs; alterum, Magnitudo & amplitudo; Tertium amœnitas & Pulchritudo. De his nunc differendum.

§. I.

. 6. 1.

Cum beatus Fulgentius veterem Romam vidisset adeò laxam & amplam, tot insignibus altisque ædificiis adeò venustam, in has voces cum ingenti admiratione prorupit: Quàm speciosa erit cælestis Hierusalem, si sic fulget Roma terrestris? Si in hoc sæculo datur tanti honoris dignitas diligentibus vanitatem, qualis præstabitur Sanctis diligentibus veritatem? *a*

Romæ nihilominus non solum regum turres, & illustria palatia, sed & tuguria & viles erant domunculæ: nec omne quod Romæ fuit, adeò rarum & exquisitum fuit, ut alibi reperiendū non fuerit. In cælo mera sunt palatia & augustissimæ domus; nulla illic humilior casa, nullum Diogenis dolium: in cælo est quod nusquam est.

Primum consideratu dignissimum in domo Beatorum est Altitudo & situs. Incredibile prorsus videri potest, quod Astronomis certum est. Rem compendio dicam. Christophorus Clavius eruditissimus Matheseos professor è scriptis notus affirmat infimum Lunæ cælum à terrâ distare milliaribus Italicis 1:0630. Sunt quinquaginta quinque millia centum octoginta tria milliaria Germanica, cum tertiâ milliaris parte. Solis seu quartum.

R

tum.

a Surinus tom. 1. in vitâ S. Fulgent.

tum cælum abesse ait à terrâ 401391 sunt miliarium Germanicorū nonaginta millia & sexaginta quatuor millia, trecenta sexaginta unum. Porro firmamentum sive octavum siderum fixorum Orbem asserit à terrâ remotum miliaribus Romanis 161884943. sunt miliaria Germanica trigiesies octies mille nonaginta tria millia & quingenta miliaria. *a* Atque hinc Astrologi jubet Plato quiescere; neque enim ultra octavam cæli sphaeram metiendo progredi. *b*

Ad hoc igitur tam excelsum palatium non pertingit ulla noxia venenata ferre.

a A terrâ ad Lunam miliaria Germanica 55483 $\frac{2}{3}$. à terrâ ad Solem miliaria Germanica 964361. à terrâ ad Firmamentum miliaria Germanica 38893500. Cornelius Lapidus in suo Pentateucho ait à terrâ ad Lunam quatuor millionibus miliaribus seu quadrages centenis millibus miliaribus Solem vero à terrâ distare asserit octoginta millionibus miliarium cum dimidio. *a* dicit: Quemadmodum terra distat à concavitate firmamenti octoginta millionibus miliaribus sic concavum firmamenti a convexo à octoginta itidem millionibus miliaribus Eandem hanc sententiam dicitur Augustinus petiit in Baruch. pag. 373. & in Apostolorum Acta pag. 58.

b Clavius in sphaeram Ioannis de Sacrobosco c. 1.

non cō infalubris aura, non grandines,
 illuc, non procellæ, non turbines, non
 fulgur, non tonitru, non tempestates ul-
 læ ascendunt, nil noctis aut tenebrarum
 admitti potest in civitatem hanc verè il-
 lustrissimam & cellissimam. Hic omniū
 Astrologorum vox est altitudinem cali-
 prorsus incredibilem esse, quam nec sen-
 sus, nec intellectus satis comprehendant.
 Hinc Baruch attonitus exclamat: O
 Israël, quàm magna est domus Dei, &
 ingens locus possessionis ejus! Magnus
 est, & non habet finem; excelsus, & im-
 mensus. *a* Hæc celestis arcis est altitudo.

6- 24

Magnitudinem & amplitudinē Chri-
 stus explicans: In domo Patris mei, ait,
 mansiones multæ sunt. *b* Magna prorsus
 & incredibiliter ampla sit necesse est hæc
 domus, quæ citatissimo Solis cursui in-
 mensum præe spatium præbuit. Ajunt
 Mathematices & Astronomiæ peritissi-
 mi, Solem horâ unicâ percurrere ducen-
 ta sexaginta millia milliaria Germanica;
 quorum quodlibet duas requirat horas. *c*

Hinc Ratio deducit ista. 1. Nemo octo
 millibus annorum ad cælum empyreum
 perveniret, etiã si quotidie octingenta
 milliaria conficeret in hoc ad cælum iti-
 nere.

R 2

nere.

a Baruch. c. 3. v. 24. *b* Ioan. c. 14. v. 2.

c Certissimum videtur meo in Mathematici-
 cæ Doceptori P. Ioanni Lancio.

nere. 2. Quòd si molare saxum ab octavâ siderum spherâ deiceretur ante nonagesimum secundum annum non attingeret terram; etsi singulis horis ducenta miliaria (nec enim plura posset) cadendo pervolaret. 3. Quòd si verò cælum inter cælites DEVS partiri institueret, quavis cuilibet Beatorum grandius terrarum Orbe spatium assignaret, nihilominus superesset, quod in plurimos eadem proportionem dividi posset. 4. Terra cælo collata punctulum est, sed quod ferro & igne inter tot gentes dividitur: unica maris guttula est, sed quæ tot bellorum & incendiorum cladibus exponitur. Nos iniquâ æstimatione terram punctulum unum & guttulam appellamus, cum stella quælibet vel infimæ solùm magnitudinis (nam eas in sex magnitudinum differentias distinguunt) omnem terræ magnitudinem decies & octies completatur: at verò Stella primæ summæque magnitudinis universam terræ molem centies & septies excedat. Jam verò præ quantum cæli spatium à stellis vacuum est! Non absurde dixit Diogenes, Cælum esse spheram volubilem, & tectum immensum. Sunt qui empyrei cæli magnitudinem miliaribus 10314085710 definiant, latitudinem verò 360000000 miliaribus metiantur. ^a Theologi ejus cæli amplitudinem immensam constituent, maluntque eam admirari quam metiri.

^a Id certò sciri nequit.

Est Theologorum non nemo qui dicat: Si DEVS è singulis arenæ granulis quæ littus Marinum stipant, singulos crearet Orbes terrarum, innumeri certè ac infiniti esse dicerentur, ii tamen immensa cæli spatia non implerent. *a* Magna est domus DEI & ingens locus possessionis ejus. Magnus est & non habet finem, excelsus & immensus.

Ite jam mortales, ite cosmophili, & neglecto cælo pro terræ glebulâ digladiari magnificum putate. Ite insani, & ambite domos & prædia, villas, civitates, regna, & hoc punctum in infinita puncta discerpite. Nimirum punctuli tantilli amore cælum spernitis, in gratiam momenti beatissimam æternitatem negligitis. De fractæ acûs apice, de asini umbrâ bellum movetis, & cælum perditis. Sapientior hâc in re Tullius: Quid potest, inquit, ei magnum videri in rebus humanis, cui æternitas omnis, totiûsque mundi nota sit magnitudo? Ipsa terra ita mihi parva visa est, ut me imperii nostri, quo quasi punctum ejus attingimus, pœniteret. *b* Religiosè Ptolemæus: Ille, inquit, inter homines altior est Mundo, qui non curat in cuius manu sit Mundus. *c*

Sapientissimè Seneca: Punctum est, inquit, in quo navigatis, in quo bellatis,

R 3 in

a Ioan. Gailer in suo peregrino, mihi pa. 223.

b Cic. in somnio Scipionis. *c* Ptolem. in præfatione Almagesti.

in quo regna disponitis. Hoc est illa punctum quod inter tot gentes ferro & igni dividitur. O quàm ridiculi sumus mortalium termini ! Cùm te in illa vasta magna sustuleris , videbis exercitus sine rectis ire vexillis, & licebit dicere, Iterum campis agmen : Formicarum ibi discursus est in angustulo laborantium. Quid illis & nobis interest nisi exigua mensura corpusculi ? Sursum ingens spatia sunt, in quorum possessionem ammus admittitur. Cùm illa tetigit, alitum crescit; ac velut vinculis liberatus, in originem redit. Tunc contemnit domicilii prioris angustias. ^a Ergo Seneca ter punctum est. Verè & Christiane. Sed & verinus Boëthius Senecâ sublimius incedens, & ex hoc puncto punctum subtrahens : Omnem, inquit, terræ ambitum sicuti astrologicis demonstrationibus accipiti, ad cæli spatium, puncti continere rationem : id est, ut si ad cælestis globi magnitudinem conferatur, nihil spatii prorsus habere iudicetur. Hoc tam exiguae terrarum portioni, si quantum maria, paludes, loca inhospita, bestiarum regna occupant, cogitatione subtracteris, vix angustissima inhabitant hominibus area relinquetur. In hoc igitur minimo puncti quodam puncto cum septi, atque conclusi, de pervulgata famâ, de proferendo nomine cogitantes

^a Sen. l. 1. natural. quest. in prefat. b Boëtius l. 2, de consolat. Philos. metro 6. proia 7.

In terrâ undique sunt angustiae, sola
 DEI Domus magna est, & ingens locus
 possessionis ejus. Beati qui habitant in
 domo tuâ Domine, in sæcula sæculorum
 laudabunt te. *a* Atque hæc summa Ar-
 cis amplitudo est, Sitûs ea est ratio, ut
 cælum Beatorum, quod Empyreum, sit
 omnium supremum. Verè fundamenta
 ejus in montibus sanctis, *b* Summo sub-
 jectum est cælum, quod primum mobile
 appellant: Huic crystallinum; crystallino,
 Orbis siderum seu firmamentum. Post
 hoc septem Planetarum Orbes volvun-
 tur. A Lunæ ultimo sphaera Ignis suum
 explicat imperium: post ignem Aër,
 ejusque distinctæ tres regiones, suprema
 calida, media frigida, mixta infima. Aë-
 rem elementum aquæ sequitur, cui ad-
 juncta est terra, terræ gremio gehenna
 delitescit. Hic hostis terrâ regitur, & nos
 dominus? Ergo supremum in Orbe lo-
 cum, eumque à carcere damnatorum re-
 motissimum obtinet cælestis regia. Heu
 quàm dispares Æternitatis domus!
 Chaos immensum inter hanc & illam in-
 terjectum est. Felicitatis arcem jure me-
 ritissimo Christus Regnum calorum sæ-
 pius appellat: nam omnia Orbis regna
 complectitur: sed Domus ideò nuncu-
 patur, quia totum hoc regnum, quan-
 tum quantum est, tam concordēs alit in-
 quillinos, tantâ fruitur pace, tam undiq;
 ornata & nitida est, ac si domus sit uni-

R 4

-ca.

a Psalm, 83. v. 5. *b* Psalm, 85. v. 1.

ca. Itaque situ altissima, magnitudine amplissima, ornatu amœnissima; quarto loco considerandum sumpsimus,

§. 3.

Amœnitatem ac pulchritudinem divinæ domûs Ioannes velut arrepto carbone ab extincto foculo effingens: Ipsa inquit, civitas aurum mundum, simile vitro mundo. Et fundamenta muri civitatis omni lapide pretioso ornata. *a* Et duodecim portæ, duodecim margaritæ per singulas: & singulæ portæ erant ex singulis margaritis, & platea civitatis aurum mundum, tanquam vitrum perlucidum. *b* Dixit quod dicere potuit: Neque enim minus, sed nec amplius quid poterit enuntiare. Auro & geminis æstimationi humanæ nil pretiosius. Hæc, inquit, carbone deformavit: Suis rem coloris effulgentem cernet, qui domum ipsam habitaverit. Ioannes addit: Et Templum non vidi in eâ, Dominus enim Deus omnipotens templum illius est & Agnus. Et civitas non eget Sole neque Luna: luceant in eâ: Nam Claritas Dei illuminabit eam, & lucerna eius est Agnus.

Hic quæstiuncula per transfennam solingerit: Si Sol illic & Luna non sint, num & ær non erit? Ajunt Theologi non

a Hymnus sacer: Platea & muri ejus, Ex auro purissimo. Portæ nitent margaritis.

b Apoc. c. 21. v. 18. & seqq. c. *ibid.*

non defuturum *Corpus spirabile*, auram
 caelestem, quam attrahere possint Beati.
 Cetera loci ornamenta nos noctis ac ter-
 ræ inquilinos latent. Ecquid miramur?
 DEVS ipse architectus hanc diætam &
 amœnitatis domum sibi suisque amicis
 condidit, unde tenebræ & omne noctis
 imperium, unde hiems & sævum gelu,
 unde tremores terræ ac tempestates lon-
 gissimè arcerentur: ubi nullus hostis, mo-
 lestiarū nihil, nihil litium aut turbarum,
 tædiolum nullum, ubi vel nomina mor-
 borum, & mortis exclusissima. Ibi frue-
 mur gaudio sine tristitiâ, luce sine tene-
 bris, sanitate sine morbo, securitate sine
 periculo, satietate sine fastidio, jucundi-
 tate sine interruptione, voluptate sine
 dolore, societate sine suspitione, gloriâ
 sine invidiâ, copiâ sine defectu, vitâ sine
 morte, bonis omnibus sine fine. Ibi pul-
 chritudo non defluit, ibi hilaritas non
 deficit, ibi nullus auditur gemitus, nul-
 lus sentitur mœror, ibi gaudia luctu non
 miscentur. Isaia vaticinium est: Auferet
 Dominus DEVS lacrimam ab omni
 facie. a

Humana desideria, ad triplex præcipuè
 bonum excurrunt. Expetimus id quod
 decet, quod delectat, quod expedit.
 Sunt quos voluptatis oblectatio sic ra-
 pit, ut nec honestatem ii curent, nec
 utilitatem. Sunt qui quæstum & utili-
 tatem sic appetant, ut honestum dissimu-
 lent & jucundum. Porro alii tam volu-
 ptatis

ptatis quàm utilitatis negligentiores honorem solum avidissimè sectantur. In Cælo hæc tria conjunctissima sunt, Summa Utilitas, summa Gloria, summa Voluptas. Quicquid expedit, quicquid decet, quicquid delectat in cælo est, ubi bonorum omnium summa, ubi summum bonum est; in quo omne atile, omne honestum, omne omnino delectabile est.

Campi olim Damasceni & Paradisus in terrâ ad Superiorem illum, velut hortus paganus erat ad regium.

Gloriabatur Augustus Imperator, quod è Româ Lateritiâ fecisset marmoream. Sile, mi Cæsar, & hunc honorem cede alteri. Christus Servator Orbis nostra singulorum lutea tuguriola in domos non marmoreas, sed aureas transformabit. Scimus enim, quoniam si terrestris domus nostra hujus habitationis dissolvatur, quod ædificationem ex Deo habemus, domum non manufactam, æternam in cælis. Illic profectò fatebimur amplissima Regum palatia, hirundinum nidos, columbarum caveas, Diogenis dolium fuisse. Nam quantum est discrimen inter lutum & aurum, inter silices & uniones, inter solem & facem, tantum est & longè majus inter omnem terræ ornatum & cælum.

Si quis regum centum annorum à morte inducias sibi polliceri posset, an non is formosam sibi domum strueret?
a 2, Cap. c. 5. v. 1.

Et Deus architectorum omnium magister suarumque æternitati felicissime non struxerit domum multò quàm ornatissimam? Opera manuum ejus sunt cæli. *a*

Non desunt Theologi, qui sentiant & censeant in cælo vere domos nobilissimas, amœnissima ædificia, & palatia esse magnificentissima; non ad propulsandas aëris molestias, sed ad augendum civitatis illius beatissimæ decorem. Nunquid enim, ajunt, beati erunt in cælo, velut oves in agro? Nunquid empyreæ sedis loca plurima lugebunt vacua? Crediderim ergo, inquit eruditus Scriptor, & ampla & admirabilia palatia, aliaque ædificia, fortè etiam prata, nemoræque, amœnitatis summa materiam incorruptæ supra gemmas pretiosæ in cælo esse; quæ Beatorum oculos ipsâ varietate oblectet, & illam civitatem beatissimam exornent. Habebunt certè mansiones Beati, ut è verbis Domini constat; cur non palatia, alia aliis superiora, quibus non concludantur (erunt enim perlucida) sed alii ab aliis separentur & pro dignitate distinguantur, prout rex cæli pollicitus dixit: In domo Patris mei mansiones multæ sunt.

Hujus

a Ps. 101. v. 26.

b Sebastianus Barradius tom. 3. Commentar. in concord. Evang. l. 10. c. 3. mihi pag. 617. Favet huic Sententia beatus Anselmus l. Similitud. c. 44. Sotus in 4. dist. 49. qu. 4. art. 7. Cajetan. part. 3. quest. 57. art. 5.

Hujus olim opinionis fuit Eborensis Academia primarius Theologus Ferdinandus Peresius, vir sapientiâ & virtute præclarus.

§. 4.

Hoc igitur DEI domicilium, divini artificii specimen, omnigenæ voluptatis sedes, immortalitatis beatissimæ paradisus est; ubi bonorum omnium affluxus & abundantia, ubi omnis mali exilium est. Iure meritissimo admirabundus proclamatur David: Quam dilecta tabernacula tua Domine virtutum, concupiscit & deficit anima mea in atria Domini. *a* Tempus eò migrandi vix præstolari-queo; moræ impatiens sum; panè animo linquor, cum cogito illam mihi destinatam esse sedem, me tamen etiamnum exulem inter feras degere. Domine dilexi decorem domûs tuæ, & locum habitationis gloriæ tuæ. *b* Idcirco summè deprecor te, Ne perdas cum impiis animam meam. Hoc unum à te impetrem, domo tuâ non excludar cum hostibus tuis: Cetera omnia quantumvis molesta & acerba, & vel centum annorum exilium libens tolerabo, modò demum tui domicilii sim inquilinus. Atque hinc licet intelligere, quam vera sint quæ sanctissimis quibusque viris de æternâ felicitate quomodocunque sunt patefacta.

Fran-

a Ps. 83. v. 1.

b Ps. 25. v. 8.

Franciscus Assisias oculorum dolore dies noctesque sic urebatur, ut omnis eum somnus destituerit. Augendo huic malo cacadæmon ægrotantis cubiculum muribus implevit, qui assiduo stridore ac discursu nunquam non molesti essent. At vir Sanctus, quicquid molestiarum & doloris senserat, noxarum supplicium interpretatus, in divinas laudes effundi, amplissimas Deo gratias meminisse, atque in has omnino voces cœpit erumpere: Domine IESU, plura & acerbiora sum meritis: Tu verò bone pastor, concede mihi oviculæ tuæ, ut in nullâ tribulatione, angustia vel dolore à te recedam. Hic vox ad precantis aures allabi visa: Francisce, si terra merum sit aurum, si flumina & maria merum sint balsamum, si montium ac rupium saxa ingemmas abeant, ingentem utique thesaurum diceres: Sed hoc ipso alius tanto major sit thesaurus, quantò aurum melius est luto, balsamum aquâ, silice, gemmâ, atque hic alter thesaurus in morbi tui præmium tibi detur, num eo contentus fores? Gaude igitur Francisce, hic æternæ vitæ thesaurus est, hic ipsissimus est tibi quem promitti sæpius audis. Ad hunc thesaurum morbi & dolores certissimi duces sunt. *a*

Res certa: Nonne hæc oportuit pati Christum, & ITA intrare in gloriam suam?

a Chronicon Fratrum Minor, part. 1. c. 60. mihi pag. 219.

suam? *a* Non melior membrorum quàm capitis est conditio, Quoniam per multas tribulationes oportet nos intrare in regnum DEI. *b* Et quid deum est omnis humana miseria futuræ Beatitudini collata? Aquæ guttula ad ingens optimi vini plaustrum, imò ad totam vineam comparata.

Hoc jam agamus: Quisque omne id quod vel agit vel patitur in acervum trahat, audiatque Christi alloquentis vocem: Æternæ felicitatis domus te expectat, thesaurum capies omni auro, gemmis omnibus pretiosiores, si quod tibi ferendum dedi, submisit ac patienter tuleris. Hæc via est ad vitam; sic itur ad astra, Hic paucula nobis observanda Humilitati ac Patientiæ non discendæ tantum, sed & exercendæ.

6. 5.

I. Expeditum ad cælum iter habet qui scit cedere, & necessitati parere. *c* Optime Annæus dixit: Unum est levamentum malorum ingentium, pati & necessitatibus suis obsequi. *d* Ut scilicet quod necessarium faciendum est, sponte facias aut patiaris. Eiusdem animi Epictetus: Necessitati, ait, qui se probe accommodat, sapit. Et si angustissime hic habitandum sit,

a Luc. c. 24. v. 26. *b* Act. c. 14. v. 23.

c Sich duckhen und schnuuckhen.

d Seneca l. 3. de ira c. 16.

fit, sat laxa est cœlestis domus; etsi contemni ac deseri contingat, Gaudete & exultate quoniam merces vestra copiosa est in cœlis. Ibimus illac, ibimus in Domum Domini, ibimus.

II. Triplex nobis à Deo præstitutus est locus: Uterus maternus, Orbis inferior, & Cælum seu superior Orbis. Matris Uterum habitamus ignari nos vivere: Inde in hunc Orbem migramus, necdum sortis nostræ sat gnari; sed experimur demum in carcere nos esse, cum totus Orbis in angusto nobis est. *a* Ergo ad locum tertium properemus. Respice Sion, clamat Isaias, civitatem solennitatis nostræ: Oculi tui videbunt Hierusalem, habitationem opulentam, tabernaculum quod nequaquam transferri poterit: nec auferentur clavi ejus in sempiternum, & omnes funiculi ejus non rumpentur; quia solummodo ibi magnificatus est Dominus noster. *b* Festinemus ergo ingredi in illam requiem.

III. Nemo dejecti sit animi, nemo cælum oderit, cum terram senserit minus faventem. Nihil ad cælum impeditenti, imò adjumenti plurimum est, contemni, deseri, excludi, non posse emergere, imi subselli virum & esse & vocari: Veniet, ne dubitemus, veniet qui dicat: Amice, ascende superius; Tunc erit tibi gloria
coram

a Ist uns die gantz welt zu'eng.

b Is. c. 33. v. 20. & 21.

c Hebr. c. 4. v. 11.

coram simul discumbentibus; & coram
universis cœlitibus. Festinemus ergo in-
gredi in illam requiem.

IV. Si omnia Hispaniarum & Gallia-
rum regna, vix sunt terræ glebula, quid
nostræ domus, quid agri, quid magnifici
nominis latifundia erunt, ad illud Bea-
torum regnum? Et tamen pro terræ gle-
bulâ decertamus acerrimè: hoc terræ
punctum gladiis & bombardis dividi-
mus. Festinemus ergo ingredi in illam
requiem.

V. Si quis igitur æternæ voluptatis
domiciliûm paullo attentius contemple-
tur, an non suis ille oculis, an non suis
ille membris omnibus concionabitur?
Eia, mei oculi, quid hæc infima tam cu-
riosè intueamini? nihil hîc pulchri est, si
pulchritudinem cogitemus cœlestium:
quicquid hîc vago volatu queritis, va-
num est, & ipsa vanitas; illic millies a-
mœniora cernetis. Idcirco velum vobis
injici nē recusate; vos claudi jam utilis-
simum, ut ad cælum mentis erigantur
oculi. O lingua mea, ô meæ aures, ô
manus, ô membra mea omnia, quid hîc
vano labore ambitis brevî eripienda? Va-
nitas Vanitatum, & omnia vanitas: quid
hîc curiosa, quid mollia & formosa se-
desmini? peritura sunt hæc omnia; nihil
sub sole perennat. Jam labor vobis pla-
ceat, sequetur quies; jam vobis sapiat je-
junium, succedet cœleste convivium;
Jam spinas animosè calcate, fragrantissi-
a Luc. c. 14. v. 10.

mi rosarum imbres in celo vos excipient. Tunc animus noster habebit quod gratuletur sibi, cum emissus his tenebris, in quibus volutatur, non tenui visu clara perspexerit, sed totum diem admiserit, & redditus celo suo fuerit, cum receperit locum ab Orbe condito sibi destinatum. Sursum vocant illum initia sua. Erit autem illic etiam antequam hâc custodiâ exsolvatur, cum vitia disjecerit, purusque ac levis in cogitationes divinas emicuerit. Hoc nos oportet agere; in hoc ire impetu toto. Festinemus ergo ingredi in illam requiem.

CAPUT IX.

Nonum in celo Gaudium, Voluptas è Beatorum Societate, & concordia.

IN Æternitatis parte alterâ, Novemplex Inferorum tormentum statuimus. Tormentum primum, Tenebræ, quibus in tertiâ hac parte oculorum delitias opposuimus. Secundum, Fletus & stridor dentium damnatos cruciat; contrâ Musices inaudita suavitas Beatos recreat. Tertium, fames ac sitis in Tartaro: Gustatûs voluptas, cœna magna in celo est. Tormentum quartum horribilis foetor: Huic adversatur in celo Odoratûs oblectatio. Quintum æternas flammæ, Tangendi voluptas in celo excludit. Sextum lanienam conscientia

S. non

non sentit triplex animi gaudium, quod Intellectus, quod Voluntas & Memoria percipiet. Septimum Damnatorum carceri respondet Paradisus cælitum, de quo priori capite locuti. Restat ut etiam de Beatorum longè suavissimâ Societate differamus.

Phocion inter Athenienses vir maximus, cum suam domum cuperet promulgari venalem, illud singulariter addi voluit: *Et vicinos habet bonos*. Cælum nobis venale ponitur. Domus hæc tam cominoda, tam ampla, tam amoëna non immeritò laudatur, nec unquam satis laudari potest. Non minimum istius domus encomium est: *Et vicinos habet optimos*. Ubi melior, mi DEVS, esse potest vicinia, quàm in cælo, ubi tot centena millia unius voluntatis & amoris, sensûs & animi unius, velut unum Cor, & anima una est omnium? *a* Atque de hæc suavissimâ Societate ac concordia nunc pluribus agemus.

§. I.

Hebræus vates Isaias bonis omnibus gratissimum ferens nuntium: Dicite iusto, inquit, QVONIAM BENE. *b* Si iusto tam bene est, dum in luctu est, dum innumeris etiamnum malis conficitur, quâto illi melius erit, cum extra omnem luctum erit, cum nil ampliùs mali subire poterit.

a Aſtor. c. 4. v. 32. *b* Is. c. 3. v. 10.

poterit? Hic altum vociferari licebit: Dicite iustis Quoniam bene, quoniam optimè, quoniam plus quàm optimè. Verè mirabilis est Deus in Sanctis suis. Admirabundus Rex David: Deus, inquit, in loco sancto suo, Deus qui inhabitare facit unius moris in domo. *a* Beati cælités non solùm eodem velut colore vestis insigniuntur, *b* sed eandem induti voluntatem, perinde ut fratres & sorores, imò ut homo unicus cōsensione & concordia vivunt summā. Et ecce quàm bonum, & quàm jucundum habitare fratres in unum. Quoniam illic mandavit Dominus benedictionem, & vitam usq; in sæculum. *c*

Homo gregarium & sociale animal coetibus gaudet & frequentia sui similitum. Hinc tot tamque variae Societates & congregationes. Sed earum nulla unquam sine partibus & dissidio fuit, nisi unica hæc cælestis Societas, quæ corporibus propè infinitis unicum gaudet inesse animum.

Verissimè dixit Cordubensis Philosophus: Nullius boni sine socio jucunda possessio est. *d* Quod ipsa, crediderim, testetur experientia. Homo unus sed solus palatio regio claudatur, rebus omnibus abundet, ad omnem vitæ amœnitatem nil desit, nisi socius homo, vel Angelus. Sic clausus demum diceret: Aut

S 2

hinc

a Ps. 67. v. 7.*b* Gleiche Liberep.*c* Ps. 132. v. 1. & 3. *d* Seneca ep. 6. media,

hinc dimittite me , aut admittite socios. Sine socio injucunda est rerum omnium possessio. Ideò Architas Tarentinus distabat: Si quis cælum conscenderet, siderum ortus & obitus, naturamque universi contemplaturus; si redux in terram neminem reperiret , cui quæ vidisset exponeret, voluptate frueretur non magnâ. Profectò Paulus in cælum evectus, quantum licuit cæleste hoc iter exposuit. DEVS ipse nullo egens , Societatem tamen affectare se simulans: Delitiæ meæ, inquit, esse cum filiis hominum.^a Noluit solus habitare cælum ; Angelos & homines in Societatem adscivit . Voluit possessionem cæli sine sociis esse injucundam. Societas jucunditatem parit & gaudium.

Et videte obsecro illam multò beatissimam Societatem in cælo. Hujus caput est Christus Servator Orbis; à Christo est beatissima Mater Christi ; ab hâc novem Angelorum ordines. Ab his Patriarchæ, Prophetæ , Apostoli , Reges ; Inde tot myriades purpurati exercitûs, sanctorum Martyrum : Inde Confessores , Sacerdotes , Religiosi , Virgines , Viduæ. Post hæc, ait Ioannes , vidi turbam magnam, quam dinumerare nemo poterat ex omnibus gentibus, & tribubus , & populis. & linguis, stantes ante thronum , amictus stolis albis & palmæ in manibus eorum. De Angelorum numero dissertans Da-

niel.

niel : Millia millium , inquit , ministrabant ei , & decies millies centena millia assistebant ei. *a* Angelorum quivis formosior est , quàm fuerit , aut futurus sit mortalium formosissimus. Beata Brigitta cœlesti magisterio didicit , eum esse Angelorum numerum , ut si DEVS unicuique hominum ab Adamo ad usque ultimum assignâset in tutelam decem Angelos , nequaquam omnes ad hoc officii genus adhiberentur. *b* Nos cum Iobo dicimus : Nunquid est numerus militum ejus ? *c* Innumerabiles sunt.

Hieronymus ineundo Martyrum qualicumque numero sic calculum ponit : Si quolibet anni unius die *d* quinq; millia Martyrum veneratione solenni prosequeretur Ecclesia , non ad omnes hic venerationis ordo pertingeret. Taceo tot centena millia , tot milliones ex utroque sexu religiosorum hominum : Taceo turbam illam magnam nemini numerabilem. Hi tamen omnes ad innumeram damnatorum multitudinem collati , à Christo nuncupantur PAUCI.

Porro in hac suavissimâ Beatorum Societate nec umbra vel invidiola minimæ serpet , licet impar sit futura Beatorum gloria. O Societatem beatissimam , in quâ multitudo tanta sine confusione , magnitudo sine ambitione , varietas sine

S 3 con-

a Dan. c. 7. v. 10. *b* De numero Angelorum vide Horologium meum , Horâ 4. Noctis. *Confid.* 1. *c* Iob c. 25. v. 3. *d* Sunt dies 365.

contentione, inæqualitas sine discordiâ, charitas sine imminutione; nulla hîc æmulatio, nulla dissensio, nulla altercatio, perturbatio nulla. Hæc mala nobis hîc omnem felicitatem corrumpunt, & inferos supra terram adducunt. Alter altero videri vult doctior, nobilior, ditior, potentior, sapientior: hinc mille invidiarum formæ; hinc innumeræ furiarum noxæ; hinc sinceri aut tranquilli nihil est. In cælo disparitas quidem est præmiorum, uti priùs fuerat meritum; nulla tamen malevolentia, simultas, aut invidentia nulla est. Explicamus.

§. 2.

Pater decem filios staturâ impares prorsus, serico & holoserico vestit. Minimus natus non invidet ætate primo, quod thoracem ampliorem, quod pallium longius, quod caligas habeat laxiores; veste suâ quilibet contentissimus est, cum cuilibet accommodata & certo commensura ad corpus habilis sit. Eadem pænè ratio est regii convivii. Assident convivæ mixti imparis ætatis, juvenes, senes: Bitias aliquis octo aut decem Cretici sextarios, puer nobilissimus in eadem mensâ vix unum perhaurit: Nulla hîc invidia; quantum sapit & satis est, cuivis esse ac bibere permissum. Sic in cælo diversa sunt præmia, consensio tamen omnium est summa. Quemadmodum dolia complura

plura minùs magisq;uè capacia fluvio
mersa jacent, omnia quidem plena sunt,
sed inæqualiter, prout his illa sunt ca-
paciora. Plures ac diversas habet fides
cithara, & tamen suavis harmonia oritur
ab inæquali fidium concentu. Hæc Au-
gustinus considerans: Habebunt, inquit,
etiam tunc Sancti differentias suas con-
sonantes: Sicut concentus fit suavissimus
ex diversis quidem, sed non adversis fo-
nis. *a*

Idem in humano corpore videre est;
officium oculi non ambit digitus, non
invidet pes manibus, nec labris genua:
Lux oculi ad omnium labores vigilat, ad
oculi vigilias membra omnia subserviūt;
ita uni beato homini omnium Beato-
rum gloria singulare gaudium commu-
nicabit, ut participi. Siquidem bonum
unius est omnium, & bonum omnium
est unius. Unus de omnibus singulisq;
dixerit: Hic est alter ego. Ita omnes non
tam lætantur suâ, quàm alienâ felicitate.
Et quod magis admirandum, omnes se
mutuò nôrunt suavissimè, tamque fami-
liariter inter se agunt, perinde si semper
fidissimi fuissent amici. Et verò etiam
eâdem omnes fruuntur mensâ, & ex eâ-
dem velut paropside pascuntur; ex eo-
dem omnes hauriunt fonte. *D E V S* omni-
bus, & omnes conjunctissimi sunt *D E O*,
qui illis est omnia. Atque hîc illud Philo-
sophorum verissimum est: Quæ sunt ea-
dem uni tertio, sunt eadem inter se.

Ioannes Domini amor allatam cælo vocem audiit: Mors ultra non erit, neque luctus, neque clamor. *a* Cur clamor arceatur cælo? Hic omnia mœstis personant clamoribus. Debiliorem premit robustior: clamant qui premuntur, clamant qui verberantur, qui fortunis exuuntur, qui honoribus spoliuntur clamant. Sic Hebræi ab Ægyptiis iniquè pressi clamabant. Ubique plurimus clamor est: At illic sedebit populus in pulchritudine pacis, & in tabernaculis fiduciæ, & in requie opulentâ. *b* *Sedebit:* Hic nusquam quieta sessio, imò ipsum sedere nos fatigat. Quoties vel ad iucundissimum spectaculum sessitando lassescimus? Quid nostra omnis vita, nisi statio continua, excubiæ perpetuæ, nec ante mortem finiendæ? Hic standum, & pugnandum est. Ibi quies succedet atque sessio, & quidem *In pulchritudine Pacis.* Pulchrum est quod perfectum est: Pax illic pulcherri-
ma erit, quia perfectissima, & bonis omnibus abundans, idque *In tabernaculis fiducia.* Cùm vastissimas solitudines peragraret gens Hebræa, tentoriis ac tabernaculis pro domibus est usa, sed erant tabernacula sollicitudinis, ac timoris: in terras uberes via vi ac ferro aperienda, metuendus hostis, res armis gerenda fuit. In cælo nullum periculum, nullus hostis, hostile nihil, nullæ insidiæ, inimicitia nullæ, securitas & fiducia un-
dique

a Apoc. c. 21. v. 4. *b* Is. c. 32, v. 18.

dique tutissima, idque etiam *In requie opulentâ*: non enim solum possident quod optârunt, & plus quàm optârunt, sed etiam plus quàm optare potuerunt; unus possidet quod possident omnes. Requies opulentissima, Societas suavissima, vicini optimi. Dicite justis, quoniam bene, quoniam optimè. Rem hâc admirandam probiùs observate.

§. 3.

Invenit DEVS artificium admirabile, quo unicus homo beatus gaudia multorum millenorum millium faceret sua, atque ita singuli centies millies essent beati. Amor sui ipsius angustissimus est, eò refluit continuo unde fluxit: Amor alterius amanti bona transcribit illius quem amat. Amor sincerus & purus cum reciprocus est, merum mel, saccharum est merissimum, gustulus cæli est, quo nihil suavius. Bernardus arcanae hujus dulcedinis non ignarus: O charitas, inquit, quæ neminem expolians omnia rapis. Dilige proximum, & omne bonum ejus tuum est; rapuisti tibi & alium non expoliasti. En igitur artificium singulare, quo fit ut unus omnium beatorum gaudiis fruatur. Ego exempli gratiâ, DEVUM aliter intueri non possum, quàm ut unus homo; atqui jam amor efficit, ut ego unus & solus sim omnis homo, dum aliorum, dum universorum gaudia per
amorem

amorem facio mea. A simili patebunt dicta. Ad balsami fontem confisto, sed non nisi hydriolam quæ vix quadrantem vini capiat, ad manus habeo. Hic voti mei est, ô si prægrandes cados & amphoras, ô si capacissimas metretas huic fonti liceat supponere! Aut, ô si amicorum meorum fidissimi cum ingentibus doliis firmisque plaustris hic sint, dolia implere, plaustra iis onerare fas esset! Sic omne quod exciperem balsamum, foret meum. Equis me tandem esset ditior?

Hæc omnino Beatitudinis est ratio. Beatorum vel minimus ad balsami fontem, ad infiniti Boni scaturiginem consistit, in manibus illi vas est unicum, & non maximum, nam unus homo est. At sunt tot centena millia, tot myriades Sanctorum, hi unici illius hominis integerrimi adsunt amici, qui balsamum suis quidem amphoris, sed hujus bono excipiunt; omnes illum ardentissimè amant, & ille omnes.

Cuilibet Beatorum fixissimè inhæret cogitatio hæc dulcissima: DEVS me intime amat, & ego DEVM totus; hi omnes me, hos ego omnes amo, æternum amandus, æternum amaturus. Hoc millesimæ decoctionis saccarum, hoc infinitæ dulcedinis mel est. Hoc mille balsami centumpondiis longissimè præferendum. Hoc autem minùs capimus, putem, minùsque credimus, quàm inferiorum reos lixari, concerpi, assari. His enim similia specta-

ſpectavimus; illa non patent oculis. Sed amores Societatis æternæ ſuaviſſimos uberius explico.

Horologium affabrè factum & pretioſum, piſturam nobilem & artiſcioſam ego quidem amare poſſum, ſed non illa me: Amor eſt iſte, ſed non reciprocus. Canem fideliffimum aut equum amo generoſiſſimum; mortuis meas etiam lacrimas impendo, nam & illi in ſuam Dominum ut potuerunt, amârunt. Hic quidem reciprocus eſt amor, ſed proxiſus inæqualiter reciprocus. Hominem denique amo, & ille me. Hic ignis eſt mutui, hic amor reciprocus, & hoc ipſo ceteris amoribus omnibus præcellentior. Nunc animum erigamus ad alta. Si tot centena millia, ſi tot milliones Beatorum, ſi tot Angelos, ſi Domini Matrem, ſi Chriſtum Dominum, in terrâ præ omnibus amatum tunc unicè, medullitus, intimè totòque pectore peramem, neque aliter ab illis omnibus amari me ſciam: Et omnes illi quos amo nil indecori, nil foedi, nil mali habeant, formâ venuſtiſſimi, virtutibus ornatiffimi ſint: ô quantum hic amoris reciproci, ô quantum ignis mutui, flammarum quantum eſt! Et en omnes illæ tot flammæ in meo colliguntur pectore, inde in omnes diffundendæ.

Neque hoc inane ſomnium aut commentum eſt: ita ſeſe res habet. Et hic illud Theologorum uſurpem: Cognitio
foris

foris stat, Amor intrat. Cognitio DEVM intuetur, Amor amplectitur DEVM, & immergit se in hunc mellis Oceanum. Intrat Amor. Hinc verè Lætiensis Abbas Blosius: Omnia, inquit, gaudia & oblectationes quæ in hoc mundo percipiuntur, in comparatione perennium voluptatum, quæ in cælo ex visione DEI, ac Societate Sanctorum habentur, sunt velut una aquæ guttula cum toto Oceano collata. *a*

Dicta omnia excellentissimè confirmans Augustinus: Tantum, inquit, unusquisque gaudebit de Beatitudine alterius, quantum de suo ineffabili gaudio, & quot socios habebit, tot gaudia habebit. Quicquid expedit, & quicquid delectat, ibi est; omnes divitiæ, omnis requies, omne solatium. Quid enim ibi deesse potest, ubi DEVS est, cui nihil deest? Omnes ibi cognoscunt DEVM sine errore, vident sine fine, laudant sine fatigatione, amant sine fastidio. Et in hac dilectione requiescunt pleni DEO; adherentes semper Beatitudini sunt beati, contemplantes semper æternitatem sunt æterni. *b*

Tale scilicet voluptatis mare beatissima hæc Societas propinat, ut si unicus in cælo annus daretur exigendus, tamen propter hunc annum unicum universa vitæ præsentis oblectamenta promptissi-

a Blos. Monil. spirit. c. 14. seu ult. post mediū.

b Aug. tom. 3. l. de spiritu & animā.

mè spernenda essent. Quod vates regius affirmatissimè pronuntians : Quoniam melior est, inquit, dies una in atriis tuis super millia. ^e Et nos insaniissimè cæci sermonem regium sic invertimus : Quoniam mille anni in atriis tuis meliores non sunt super unam apud nos dieculam. Heu miseri, ter miseri & nimis quàm insani ! Ut pauculos dies suaviùs ducamus, æternitatem perdimus felicissimam : Exiguo tempore nolumus esse miseri, ut æternùm simus : Hilarem momenti insaniam voluptatibus æternis præferimus. Hoc stultorum mercari est, regnum pomo vendere.

Et videte mihi mercatorem summè fatuum qui Germaniam pererrat ; & aurum, argentum, margaritas, aromata sibi comparat, lucri gratiâ in Indias devehenda. Quis hominem stultissimum non largiter irrideat ? qui merces ibi colligit, ubi earum magna est inopia, ibi venditurus, ubi earundem copia ingens est. Non minùs fatuè agit qui dum vivit in terrâ sterili, in valle absinthii voluptates congerit ut negotiator, perinde ac si eas habiturus in cælo, ubi voluptatum & longè meliorum summa est copia. Utinam scaperent, & intelligerent, ac novissima providerent. ^b Non quærendum est, quid, aut quantum patiamur, sed quàm bene, & ob quantum præmium.

CA-

C A P V T X.

Decimum in calo Gaudium, Voluptas ex omnium Deliciarum affluentia.

OMNIVM Ægyptiarum mulierum formosissima habebatur olim Rhodope. Hæc ætatis amoeniore tempore in hortum suum secesserat, ut animi gratiâ lavaret. Pedisequa custodiendas vestes acceperat: Sed laxatâ nonnihil hæc custodiâ ex improvîso advolavit Aquila, & Rhodopes calceum unum rapuit, asportavitque in regiam urbem Memphim, ubi rex Psammetichus sub puro Iove sui copiam fecit, & litigantium causas cognovit. Hic Aquila raptum ex horto calceum in regis sinum excussit. Quâ in re Psammetichus duopræcipuè mirabatur. Primum, quid hoc sibi vellet avis regia, tam insolitam prædam in id loci dejiciendo. Alterum, artificiosam calcei concinnitatem non sine magnâ pariter admiratione spectavit. Accessit humanæ gentis vitium curiositas, quæ studiosissimè indagari voluit, cuiusnam esset hic calceus? Inventa tandem Rhodope, & Memphim perducta, cum regiis oculis mirè placuisset, in regium thalamum denupsit. *a*

Eâ in homines DEVS benevolentia fertur, ut res creatas in eorum velut gremium

a Strabo lib. 17. Alian. l. 13. Var. hist. c. 33.

mium infundat. Et quamvis vermiculus solùm, aut foliolum, aut flosculus obiciatur oculis, mirari tamen & fateri cogimur; mi DEVS, qualis hîc colorum varietas, quanta odoris suavitas, quàm venusta partium distributio! Artifices omnes vel junctis operis nil tale fecerint. Quòd si DEVS ita se spectandum præbeat in exilio, quid fiet in patriâ? Hæc terræ donat, quid cælo non reservavit? Si talis est forma cæli exterior, interior qualis erit?

Si quis palatium ingressus, stabulum, culinam, famulorum hypocausta videat auro illusa, quid de regio conclavi sentiendum judicabit? Si inimicis DEVS, & in carcere tantum oblectationis exhibet, quid in suâ regiâ non exhibebit filiis? Hinc Augustinus optimè ratiocinatus: Si tanta, inquit, facis nobis in carcere, quid ages in palatio? Si tanta solatia in hæc die lacrimarum; quanta conferes in die nuptiarum? Nam ex his minimis tua magna, & ex his visibilibus tua invisibilia comprehendimus. *a*

Cùm de Inferorum tormentis differemus, octavum supplicium statuimus, Desperationem undequaque desperatissimam. Nam quocunque vel oculus vel cogitatio eat, ubique meros luctus, moerores, cruciatus, dolores; malorum ac tormentorum ubique plurimum cernit, omnia undique oppressulata, & obserata, nullus uspiam exitus, fuga omnis inter-

a Aug. c. 21. Soliloq. clusissima,

clausissima, ubique *Præsentia omnis mali est*. Aliter in cælo vivitur; quocunque vel oculi vel animus excurrant, in patentissime voluptatum campo sunt, ubique *Præsentia omnis boni*, & *Absentia omnis mali est*. Cælum undique & undique cælum: a Deliciarum omnium affluentia, *Præsentia omnis boni*, de qua nunc pluribus agendum.

§. I.

Nihil est in hoc terrarum Orbe, quod non suum habeat hostem, & plerunque vicinum. Nihil pulchrius, nobilius nihil virtute, illius tamen capitalis hostis Virtutum nunquam non ad laus hæret.

Semper odoriferis proxima spina rosis.
Sic sapientia Fatuitatem, sanitas Morbum, vita Mortem habet proximam. Suum quæque hostem patiuntur. Nihil hic ex toto sinceri aut puri est, mixta omnia & corrupta. Tenebræ luci, amarum dulci, bonum malo insidiatur. Aurum terræ & saxis clauditur, gemmæ in conchis & sordibus delitescunt, rosæ veribus cinguntur, taticum obsidetur lilio. Idem in moralibus. Abundat quis honoribus, sed non abundat nummis; fulget titulis, sed paupertate laborat. Alius quidem dives est, sed in honore ac pretio non est: Hic sapiens est, sed pusillanimis; hic magnanimus, sed imprudens. Iste valetudinis est robusta, sed fa-

a *Virg. l. 3. Æneid.*

mz

ma parum præclara : Ille quidem eruditus , sed semper egrotus : hic sanus quidem , sed indoctus. Militiæ Dux Naaman opulentus , sed leprosus : Rex Alexander potentissimus , Orbis Monarcha invictus , sed hoc quam diu ? intra duodecim annorum angustias tota hæc stetit felicitas. Talia sunt omnia Mundi bona , misera , caduca , & amaritudinibus innumeris mixta. Tandem extrema gaudii luctus occupat : imò lætitiā omnem mœror aliquis interturbat. Et adhuc amamus Mundum ; adhuc nauseamus cælum ?

Extra cælum nulla sine amarore voluptas. Cibus sapiat ? fames necesse est præcedat. Edis quantū cupis ? Fastidium tibi ipse paris. Minus quam cupias edis ? appetitus irascitur , & reclamationat. Potus recreet ? prius sitis maceret. Bibis quantum lubet ? cuperes mediam partem rejectam. Sitim decipis ? Venter furit , & queritur. Quies placeat ? Labor & fatigatio præeat. Ita nunquam non desit aliquid. Æstate nimium calemus , nimium frigemus hieme , & æstivi soles nos vexant , & brumales. Dormis , quantum genius præscribit ? excedis limites , & tibi nocet. Somnus immodicus , somnus injucundus. Parci ac brevis somni es , ut tempus studiis assignes ? caput gravedinem excusabit , obmurmurabit stomachus ob cœnam indigestam. Semper erit quod vellicet ; nunquam deerunt morsus , aut moriunculae. Ite per omnia ter-

rarum gaudia, & quicquid in rerum naturâ volupe est, ubique dulcis & amari, luctus & gaudii mixturam reperietis. Nihil hîc puri & sinceri; confusa omnia. Cur igitur regionem non quærimus benigniorem, cur terras nō aspiramus beatiores? Ulteriùs tendendum est: itineris metam nondum contigimus. In monte Taboreio Petrus ardens postulat: Faciamus hîc tria tabernacula. Qualis hæc Beatitudo est Petre, ubi extemporaneum fruendum est tugurium? Talis omnino est universa Mundi felicitas: fulcimentis eget jam jam ruitura.

In cælo merum meracum vinum ponitur his aquis non adulteratum, fons illic voluptatum limpidissimus fluit. Platoni beatus est, cui nihil boni deest. Cælestis beatitudo sola talis est. Ita olim pollicetur DEVS: Ego ostendam tibi omne bonum. *a* Stabit pollicitis DEVS; ostendet nobis omne bonum. Hanc talem beatitudinem commonstrans Bernardus: Beatitudo est, inquit, ubi nihil sit quod nolis, & ubi totum sit, quod velis. Quod infra cælum averfamur, quod nolumus & horremus, in cælo sanè non est: non fames illic, non sitis, non gelu, vel æstus cruciat. Nihil laboris, nihil fatigationis, mœroris aut timoris in cælo nihil est: Curæ omnes, paupertas omnis, adversa penitus omnia procul à cælo abarcentur. Mors & omne morborum agmen æternum cælo proscriptum est. Imò inde *a* Exod. c. 33. v. 19. malo

malorum omnium maximum, in omne ævum eliminatum est. Tota illic æternitas nec minimum peccati nævulum videbit. Nihil ibi est, quod nolis. Absentia est omnis mali: Totum ibi est, quod velis: Ibi sanitas sine defectu, securitas sine metu, dignitas sine timore, serenitas sine nube, scientia sine ignorantia, festivitas sine mœstitia: Abundantia sine indigentia, divitiæ sine inopia, Pax sine dissidio, Forma sine vitio, Virtus sine adversatio.

§. 2.

Deus in magnâ hâc universi totius domo tres habet contignationes seu tri-
stega: Cælum, terram, Inferos. Hæc autem inter has contignationes differentia est: In cælo purè purissimè bona omnia, merum putum gaudium: In Inferno purè purissimè mala omnia, purum putum tormentum: In terrâ mixta omnia, gaudia suppliciiis temperata, mel felli affusum est; diei nox, hiems æstati, bono malum, probis improbi insidiantur, mixtim fluunt omnia. Philosophi tres regiones aëris assignant, quæ tribus illis contignationibus possint conferri. In imâ Inferorum regione tantum sunt mortui, seu verius æternum morituri. De quibus Hebræus fidicen: Non mortui, ait, laudabunt te, Domine, neque omnes qui descendunt in Infernum. 4
a Ps. 113. v. 17. T 2 In

In hac mediâ partim vivi, partim mortui. Eò illud Domini spectat: Dimitte mortuos sepelire mortuos suos. *a* In supremâ tantum vivi. Iusti autem in perpetuum vivent. *b*

Tota pulchra es, ô Patria mea, tota pulchra es, & macula non est in te; absq; eo quod latet intrinsecus. Celat nobis Beatitudinem DEVS. Quòd si mortalium ulli ea fieret gratia, ut ei cælum veluti per rimam vel brevissimo tempore liceret inspicere, & intueri DEVM; talis, putem ego, deinceps gravius nunquam delinqueret, imò laboribus, jejuniis, aliisque corporis rigoribus sibi vitam suaviter adimeret. *c*

Verum, ô Christiani, patefactæ in cælum rimæ, meditationes sunt nostræ; per has rimas cælum inspicendum datur; modò applicemus mentis oculum, modò Beatitudinem illam contemplatione seriâ expendamus. Calefiet animus, imò ardebit hac talia meditando. Hic ego Humilitatem, Patientiam, Puritatem, Charitatem, & veram cum divinâ voluntate Conformitatem ostendo.

Refert è beati Dominici familiâ Ioannes Heroldus *d* sacram virginem, diebus omnino septem, in extremis cum morte luctatam,

a Matth. c. 8. v. 22. *b* Sapient. c. 5. v. 16.

c Wurde sich zu tod arbeiten. *d* Et post hunc è divi Francisci familiâ Humili Segala de arte serviendâ Beatissimæ Virgini pag. 137.1

luctatam, magno adstantium omnium consensu & miseratione. Post luctam denique tam gravem obiisse. Post aliquot ab obitu dies suæ se antistitæ defuncta fuit cum his vocibus: Benignissimus DEVS minimas etiam actiones suo honori factas tam liberaliter remuneratur, ut ego ad corpus, si possim promptissime redeam, & alios septem dies cum morte lucter: nam minimum quid pro DEO agere vel pati, præmium habet maximum, ineffabile, immensum. Dixit, & in auras sese abdidit.

Quid igitur habebit præmii, DEI causâ pati grandia, aggredi ardua? cum ingentibus ærumnis colluctari, periculis sese objicere, laboribus maximis perfungi? Quid ergo feriamur & opporunitates tantas negligimus? Singulis horæ partibus licet ditiores fieri, sublimiores in cælo gloriam promereri. Quid ergo cessamus, & ipsi nostris obstat lucris? Quin cælum, dum licet emimus? Laboribus venditur & patientiâ.

Venetus Patriarcha Laurentius Iustinianus eruditione ac sanctimoniâ clarissimus, dum assiduis cælum gemitibus pulsatur, in has voces erumpit: O si scirent mortales, qualia & quanta sint gaudia electis reposita in cælorum convivio! O si gustarent quæ præparavit DEVS diligentibus se! excuterent prorsus à se omnem torporem. Ita & Beatus Ignatius Religiosæ Societatis Pater sæpius suc-

clamasse dicitur : O utinam, Domine, & utinam te nōssent homines !

§. 3.

Quid ergo nos decipit , quid excæcat, quid absterret, quò minùs votis omnibus & suspiriis assiduis ambiamus cælum ? Dicam paucis.

Ephraimitæ plerunque sumus. De his Oseas vates: Ephraim, inquit, vitula docta diligere trituram. *a* Hebræi boum ungulis terere fruges & excutere messem solebant , quod hodièque asinorum calcibus facit Hispania. Subinde boves ita triturantes os hordeo vel tritico mergebant in laboris solatium. Hinc illa lex: Non alligabis os bovi trituranti. *b* Tantò igitur libentiùs laborem hunc capiebant jumenta , quantò eum fami sentiebant commodiorem. Tribus Ephraim his jumentis vix generosiùs se gessit. Hinc DEVS jure queritur: Ephraim vitula docta diligere trituram. Ephraimitæ ad id non inviti conferebant operam, è quo gulæ solatium aut commodum aliquod sperabant. Modò os implere, modò facere ventrem liceret, laborem non detestabant : non quòd laborem amarent, sed quòd commodum suum avidè sectarentur. Hinc aratro alligari ingratiſſimum , quia nullum hñc gulæ commodum. Tales Ephraimitæ , tales prorsus &

a Os. c. 10. v. 11. *b* I. Cor. c. 9. v. 9.

& nos sumus. Carni & Mundo, insuper
& Diabolo servimus, & multum laboris
ac operæ in hoc servitio consumimus, vi-
tuli docti diligere trituram. Sed nun-
quid laborem non amamus? Non certè;
sed laboris commoda sectamur. Iste qui-
dem dignitates ambit, hic pecuniam
quærit, ille voluptates sitit, alii alia. Ita
præsens commodum spectamus, & ille
sibi ditior videtur, qui copiosior, qui
plura sui laboris percipit emolumenta.
Sed quid est hoc omne nisi buccæ? *a* nisi
brevissimi temporis voluptas exigua?
Sursum corda, ô mortales, sursum, sur-
sum.

*Os homini sublime dedit, calûmque videre
iussit, & erectos ad sidera tollere vul-
tus. b*

Ergo, Quæ sursum sunt quærite, ubi
Christus est in dexterâ DEI sedens; quæ
sursum sunt sapite, non quæ super ter-
ram. *c* Quod & vates, quem dixi, Oseas
monens: Arabit Iudas, ait, confringet
sibi sulcos Iacob. *d* Hi tales arare, sarrire,
occare, non recusant, sed amore vitæ me-
lioris, spe futuri. Et en luculentum inter
improbos probosq; homines discrimen.
Improbi trituram amant, quia volupta-
tem præsentaneam inhiant. Probi arant,
& multis se laboribus fatigant, quia fu-
tura sperant. Quoniam debet in spe, qui
arat, arare. *e*

a *Eni mau! bon. b* Ovid. l. i. Metamorph.

c Coloss. c. 3. v. 1. *d* Os. c. 10. v. 11.

e 1. Cor. c. 9. v. 10.

Non ergo trituram, sed agriculturam amemus, non præsentes, sed futuras voluptates inhiemus. Grave illi non erit trahere aratrum, qui seriò speraverit cælum.

C A P V T X I.

Undecimum in calo Gaudium, Voluptas & perfectissimâ omnium desideriorum satietate.

DVx belli Narses, vir maximi nominis, Bibliopola fuit primitus: Dein Iustiniani Imperatoris famulus à cubiculis. Cùmque in hoc officii genere virtutem, & magnum animum exeruisset, factus est Patritius. Et quia viri Virtus ac masculum pectus magis magisque se prodidit, ad sublimiora conscendit, dum Bellisarii loco, militiæ Imperator est dictus. Decennio rem militarem præclare gessit, præliis & victoriis felix, Gothorum regem panè invitum vicit, ac debellavit. Hic fortuna vertit, prout omnis humana felicitas terminis concluditur angustissimis. Iustinus Imperator novus dicitur, qui velut Pharao ignorabat Ioseph. a Sophia Imperatrix nescio quâ læsa cùm Narsetem ferre non posset, colum ei ac fuscum misit, ut feminam indueret, & filia duceret. Tam infami munere exacerbatus Narses: Ego, inquit, Cæsari ejusque uxori talia
a *Exod. c. 1. v. 8.* dedu-

deducam fila, quę non facilè rupturi sint; telam ordiar non solvendam. Mox optimos Italię fructus, uvas, ficus, mala Hesperia, poma aurea Longobardis misit & amplissimè invitavit, venirent tantum, & terram optimissimam armis suam facerent, se strenuum hęc in re fore adiutorem. Venerunt, præstantissimis terrę frugibus invitati & tracti. Omnium illorum vox erat: Eamus & possideamus terram ejuscemodi fructibus abundantem, quos longè suavius erit recentes carpere.

Haud aliter DEVS Hebręum populum ad terras fertilissimas ferro subigendas accendit; fructus eis nobilissimos proposuit, ut mutuis sese hortatibus impellerent. Eamus & possideamus terram. Ita & Christus humanissimè nobiscum agit; invitat ad cęlestia, fructus optimos proponit; Nam de Beatis pronuntians: Sunt sicut Angeli DEI in cęlo. ^a Nihil voluptatum illis deerit. In cęlo perfectissima satietas erit. Et ut prælibemus hos fructus, maxima creaturarum rerum varietas in conspectu est. Gusta, Viator, gusta:

Quę latent, meliora puta. —

Optatissima erit in cęlo Desideriorum omnium SATIETAS. Et de ista hoc capite differendum.

§. I.

Hierosolymęus rex David velut suam
a Matth. c. 22, v. 30. sola-

solaturus famem : Satiabor, inquit, cum apparuerit gloria tua. *a* Vix capimus tanto Principi hanc vocem excidisse. David Rex opulentissimus ingentia duo regna possederat: In his ille tot numeravit horrea selectissimo tritico stipata, tot prata, tot villas pecude pinguisimâ refertas, tot penora omnigeno ad mensam apparatu plenissima, tot cellas generosissimo vino spumantes : nihilominus tanquam mendiculorum infimus, qui vix semel toto anno est satur, fami suæ ingemiscens. Satiabor, inquit, quia jam vehementer esurio. Eðne mendicitatis rex tantus est redactus, ut famem futurâ solùm satietate soletur? Ita sanè mendicus est, seipso teste: Ego sum pauper, inquit, & dolens. *b* Mendicus sum & pauper. *c* Ego vero egenus sum, & pauper, D E V S adjuva me. *d*

Sed forsân argenteos aureosque montes esuriit? quis hanc gulam satis propitiet? Ah non istud alimenti genus appetiit; argenti & auri satis habuit: nam auri talenta centum millia, & argenti mille millia talentorum struendo templo destinavit. *e* Sunt bis mille octingenti duodecim milliones Hispanicorum ducatorum supra octo millia trecentos septuaginta quinque ducatos. Ergo aurum non esuriit. Sed forsân dignitates ampliores

a Ps. 16, v. 15. *b* Psal. 68. v. 30. *c* Ps. 39. v. 18. *d* Ps. 69. v. 6. *e* 1. Paral. c. 22. v. 14 De his plura, ubi de Davide egerimus.

ampliores & plus quàm regias ambivit? Neque hoc. In apice dignitatis stetit. Toto terrarum Orbe nomen decusque gessit. Sed forsan copiosiores sitiit voluptates? Ah neutiquam. In promptu fuisset, quicquid oculi, quicquid animus deliciarum optasset. Ille nihilominus se mendicum, non dissimulans: Satiabor, inquit, cùm apparuerit gloria tua. Et sperata satietatis causam adjungens: Adimplebis me, ait, lætitiâ cum vultu tuo: delectationes in dexterâ tuâ usque in finem. *a* Hieronymo interprete dixit: Offendes mihi plenitudinem lætitiarum ante vultum tuum.

Dum vivimus, oculos & animos gerimus insatiabiles; quò plus ingeritur, plus appetunt; nulla hîc lætitiâ plenitudo. Lætamur, sed non implemur: in superficie natat hilaritas nostra; mœror in profundo hæret. Delectatiuncularum guttulas libamus, totis pateris propinatur dolor: heu! nimium brevi ludimur fallaciâ. Ideò rex David, sublimi spiritu: Quid mihi est in cælo, ait, & à te quid volui super terram? *b* Domine, aulici mei ministri modò hanc, modò illam animi relaxationem mihi monstrant, ut ad hilaritatem me provocent: At ego nihil usquam reperio quod solidè vel exhilaret vel satiet. Quid mihi est? Hæ cupidiarum minutia ad meam famem non sunt.

Come-

a Psal. 15. *fine.**b* Psal. 72. v. 25.

Comedonis & heluonis instar loquitur, cui hiantes semper fame nil eorum quæ apponuntur, satis est: qui uberiores etiam cœnam accusans: Quid mihi, ait, has buccellas, quid patinarias has nebulas ponitis? ægrotus rusticus plus absumeret: Chamæleon ego non sum, ut vento pascar; haustu non sæpe geminato, paucis bolis hæc omnia glutierim. *a* Cibum largiùs præbete. *b* Ita reverà David: Quid mihi est in calo, & à te quid volui super terram? Cælum ipsum nolim, si tu absis, mi DEVS, tu solus cor plenè satias. Ergo satiabor cùm apparuerit gloria tua.

Itane potentissime Regum tunc primum satiaberis? jam pridem satiata credi potuit omnis tua cupiditas. Cùm etiamnum opilionem ageres, ea tibi concessæ sunt vires, rarissimum munus, ut Urso & Leones velut hædulos discerperes. Nūquid plus virium cupis? Gigantem illum Goliath agminis Hebræi dedecus affectas sternere? Concessum est: stravisti. Num plura vis? In præmium ipsam Regis filiam deposcis. Opilio regiam puellam ducat? Concessum est & hoc; dixisti. Quid ampliùs exis? Victoriæ adversùs Philistæos omnes desideras? Nec istud negatum est. Vicisti omnes. Necdum satur es? Cuperem, inquis, non solum unctus & pictus esse Rex sine Regno: sed verus; Sceptrum & diadema & regnum

a Drey schüble auff ein kraut.

b Schlagt besser auff die schüssel.

regnum ubi sunt? En ad votum adsunt; Rex esto, & Monarcha Orbis ex pastorculo, è juvene pagano. Num optes plura, meliora? Tandem satiatus sis necesse est. Sed negat, & ulterius vociferatur: Nondum, o Domine, nondum est satiatum cor meum: Magnum adhuc in eo inane sentio: Quicquid hactenus ingessi, exauit & evanuit, perinde si hydriolam aquâ plenam in accensum clibanum effundas; vi caloris mox omne absorbetur: Pectus meum adhuc vacuum & esuriens: nec illud, credo, satiare, si centum, si mille regna ingererem. Nulla hic satietas: Satiabor cum apparuerit gloria tua.

§. 2.

Filius Davidis Salomon in omni deliciarum ac voluptatum genere satietatem quæsit, si ullus mortalium. Confitemur habemus reum. Suam ipse gulosis-
simam esuriem scripto evulgans: Omnia, inquit, quæ desideraverunt oculi mei, non negavi eis; nec prohibui cor meum, quin omni voluptate frueretur. *a* Quid tandem? Num satiatus est? Ah ne-
quam. Vidi, ait, in omnibus vanitatem, & afflictionem animi, & nihil permanere sub sole. Quod vacuum est, vanum appellamus. Frangis nucem, & nucleo non reperto dicis: Cassa & vacua nux. Fregit Salomon felicitatem Mundi; cum vero nucleum quem quæsi-
a Eccles. c. 2. v. 10 risset,

rislet, dixit: Vanitas Vanitatum; Ohe nux vitiosa & cassa; Vana omnia. Qui tandem vana? Nunquid Salomon argenti & auri gemmarumque plurimum, nunquid voluptates maximas, nunquid opulentissima duo regna in hac nuce non invenit? Quo modo igitur vacua fuit? Dicam, sed prius ex te quaro: Cum ampullam vitream nihil liquoris continentem cernis, an non vacuum dicis? At qui aëre plena est. Si autem ampulla sit parva, parum aëris in eâ est.

Ita Salomon Mundum ut vanum & vacuum meritò infamat, Nam quidquid in Mundo est vanitas & aër est. Vides Absalonis formam? Alexandri potentiam? Cræsi opulentiam? Herculis vires? Ipsius Salomonis gloriam? Parum aëris est: Nux cariosa est: Ampulla vitrea est, & nihil liquoris cõtinet: Evanuerunt illa omnia ut fumus, ut ventus, ut umbræ: Nec horum quidquam sitim famémque animi satiavit. Nulla hîc satietas: Satiabimus cùm apparuerit gloria Domini.

Liceat hîc interserere colloquium, quod religiosissimis duobus viris fuit. Alter sic orsus: Emissarii illi, *a* ait, & perditæ vitæ homines non adeò insanè ac malè ratiocinati: Umbræ transitus est, inquit, tempus nostrum, & non est reversio finis nostri, quoniam consignata est, & nemo revertitur. Venite ergo, & fruamur

a Qui aciem precedunt ad laceffendum hostē.
Der verlornen hauff.

fruemur bonis quæ sunt , & utamur creaturâ tanquam in juventute celeriter. *a* Hoc dicunt : Adeûe dum socii & nostrum è vitâ discessum hilarioribus celebremus cœnis, *b* hodiernâ vel crastinâ morituri: Omnes enim morimur, ut cernitis, & à morte quis revertitur? Metam properamus ad unam; omnes gremio telluris condimur; hæc fossa sorbet Orbem: Eò imus omnes, & nemo redit. Eia ergo, socii, eia agite, dum virent genua, dum dies est, dum licet, profectiorem hanc longissimam festivioribus sanciamus poculis. Voluptas omnis deferenda est: ergo voluptati paullo solenniùs valedicamus. *c*

Quid hoc adeò mali? ait religiosus vir iste. Mox subjungens alter: Optimè profectò, inquit, perditissimo gregi patrocinaris. Quòd si eorum proba sit ratiocinatio, non minus hæc erit. Dicamus ergo: Cras epulis selectissimis abundabimus, assis & laxis, mensam Solis accumbeamus. Venite igitur, & hodie dum licet, satis peponum, satis fungorum, satis fursurum edamus: Hâc cœnâ hospitium hodiernum terminemus, cras lautius immigraturi. Qualis hic, obsecro, syllogismus est, epicherema quale? Simillimum faciunt, qui rebus humanis valedicturi, iis priùs se nequiter immergunt, tanquam hâc ratione promptius

migra-

a Sapient. c. 2. v. 5 & 6. *b* Wir wollen uns setzen. *c* Es ist doch in die letz.

migraturi ad cælum. Cur quæso polentaceis quisquiliis, cur hordei facibus, cur porcorum siliquis, cur paleis & fufuribus *a* sese impleant, qui ad Coenam Magnam festinant? Cras lautissimè cœnaturi, cur hodie cum canibus & porcis prandeant? O fatuitas inaudita! Verè fascinatiō nugacitatis obscurat, bona, & inconstantia concupiscentiæ transvertit sensum. *b* Et videte, rogo, humanam stultitiam. Furfures & nostri frumenti siliquæ cum delicatissimis dapibus *a* quiori jure conferuntur, quàm omnes voluptates nostræ, cum cælestibus ac divinis.

§. 3.

Quomodo cogitationem in cælum intendere oporteat, juverit hîc vel pinguiori Minervâ tradidisse. Fingat quis voluptatem quam potest electissimam, summam. Hanc è tribus velut arcis licebit eruere; ex honorum, opum, & oblectationum omnigenarum arcâ. *c* Tuus ergo sit, mi Christiane, terrarum Orbis cum omnibus thesauris; auro & gemmis perinde ut saxis abundes: Omnia deinde animi bona te ornent; nemo sit qui te non honoret, laudet, amplexetur & foveat; optima ubique fama te comitetur:

Rerum

a Mit treber / spreter / sackhkleien / millerstaub. *b* Sapient. c. 4. v. 12.

c Ehrenkast / gelthast / und lustkasten.

Rerum insuper scientiam habeas quantam cupis maximam; vires & virtutes omnium herbarum, arborum, gemmarum, animalium exactissimè nôris, & ab hyssopo usque ad cedrum cum Salomone disseras; Philosophiam ac Theologiam omnem calleas; sis denique mortaliū non ditissimus solū, sed & sapientissimus: His addimus omnifarias voluptates ad votum & supra votum, Asfueri convivium, amicos & sodales gratissimos, Musicam qualem nullus unquam Imperatorum habuit, & quicquid demum corpori suave est.

Ubi hanc talem voluptatis ideam struxeris, ubi collegeris quicquid unquam tuis se oculis pulchrum, auribus suave, palato dulce, ceteris sensibus gratum objecerit, cogita obsecro. Atqui familia vidit oculus, audivit auris. Philosophorum scita non nescimus: Nihil est in intellectu, quod non fuerit in sensu. Hæc intellectus facilè capit, quæ per sensus eò transeunt capienda. Ergo quæcunque fingimus aut optamus, visa sunt, aut certè videri possunt; quæ expectamus in cælo, nemo vidit unquam. Et quamvis invisa hæc forent & inaudita, tamen in cor hominis ascenderunt; alioqui neque tu, neque alius quisquam hæc cogitationi suæ subjiceret.

Habemus itaque voluptatem: nunc illam durabilem faciamus. Duret ergo, quam finximus, voluptas annis quinquaginta,

quaginta, duret centum, mille annis daret, ita quidem ut eadem semper sit sanitas, constans hilaritas, sine omni cura, sine ullo metu turbanda vel amittenda voluptatis: quid si tribus quatuorve, quid si quinque, aut decem millibus annorum duret eodem hilaritatis tenore? Tunc demum qui decem millibus annorum sic beatus esset, fateri cogeretur. Etsi centies, etsi millies acerbam pro Christo mortem subiissem, jam tamen abundè satis recepissem præmii ultra omne promeritum. Sed progrediamur altius.

Ubi mens hisce cogitationibus incaluerit, rectissimè subjungentur ista: Voluptas hæc omnis vel ad decem millia annorum extensa, si cælo conferatur, imaginaria prorsus est, fumus & umbra, & nihilum est. Verissima voluptas & summa in cælo est, quam nec oculus vidit, nec auris audivit, nec in cor hominis ascendit, quæ præparavit DEVS iis qui diligunt illum: nobis autem revelavit per spiritum suum. *a* Hoc Pauli Tarfensis dictum aliquot annorum centuriis præveniens Isaias: A sæculo, inquit, non audierunt, neque auribus perceperunt: Oculus non vidit, Deus absque te, quæ præparasti expectantibus te. *b*

Ubi Intellectus hæc cæli gaudia, quæ omnem intellectum, cogitationem omnem excedunt longissimè, nonnihil al-

tius in se admiserit, addat quæ & Voluntatem inflamment, Age sis ergo Voluntas, & promissas tibi voluptates præliba: Non illæ quinquaginta, non centum duntaxat aut mille, non decem millibus, nec decies centenis millibus annorum, sed in æternitates perpetuas durabunt. Age age refractaria plerumque Voluntas, & tantis te gaudiis parat: quātò minùs teipsam sequeris aut amas, tantò meliùs te paras. Optimè de te dixit Augustinus: Voluntas quātò est avidior temporalium bonorum, tantò est inanior æternorum. *a*

9. - 4.

Ergo satiabimur cùm apparuerit gloria Domini. Et hæc satietas nullum adferet tedium, fatigationem ac nauseam nullam: post decies, post centies, post milles annorum millia tam recens & grata erit voluptas cæli, quàm fuit primo omnium quadrante, ad primum cæli ingressum. Apud nos vel suavissimæ voluptates tandem amarescunt & expirant: Ipsum mel tandem, cùm saturi sumus, veluti mures farinam, nauseamus. *b* At verò inter Beatos, ut divus Gregorius loquitur, satiati desiderabimus, & desiderantes satiabimur. Satietas & fames aliqui hostes conjungi non possunt;

V 2

hæc

a Aug. l. de Patientiâ c. 23. *b* Wann die mauss bol / so ist's hönig bitter.

hac illam expellit. In cælo hæc duo conjunctissima tam suaviter & amicè conveniunt, ut non modò altera alteram non impediat, sed etiam quamplurimum juvet. Satietaem jucundissima fames, famem perfectissima satietas commendat. Nos verè in esuriali regione jam degimus, mendicorum ollulas & scutellas chartaceas tractamus; ecquid hæc ad animi famem ac sitim? Vitellii & Asoppatinæ, saliares epulæ, Adipales Pontificiæ & Adjiciales cœnæ, Falerni mare animum esurientem non implent. Nulla satietas, aut certè satietas cum nauseâ & fastidio.

In ditiorum ædibus quicquid pauperum tribui seponitur, in unam ollam mittitur. Hinc ei nomen Olla pauperum, a quæ carnes & juscula, pultes & olera, pulpam & ossa recipit congesta confusâ. Nos pauperum ollam lambimus quotidie; dulcia amaris, risus lacrimis, mel felle, gaudia suspiriis mixta sunt: sincerum nihil, nulla satietas. At inter Cælites saturitas perfectissima, & cupiditas jucundissima simul sunt: inquit, ut si Beatorum infimum interrogemus, num voluptatis aliquid excogitari aut optari possit, quod in cælo non sit: Ore omnium responderet: Replemini in bonis domus Domini: nec optari nec excogitari quidquam poterit, quod a domo Domini desit. More suo insignemè Augustinus: Securi ergo, inquit a Der Arme last.

simus, fratres, non nos satiabit nisi laus
 DEI, Amor DEI. Si deficias ab amore,
 deficies à laude. Si autem amor sempi-
 ternus erit, quia illa insatiabilis pulchri-
 tudo erit; noli timere ne non possis sem-
 per laudare, quem semper poteris amare.
 Huic vitæ suspiremus. a

Hinc Franciscus Affligas dolorum me-
 dius dicere ausus est: Tanta est gloria
 quæ me expectat, ut omnis poena me de-
 lectet. Ieiuniis, flagris, cameuniis, car-
 nem frangere, humi cubare, asseri indor-
 mire, vigiliis protrahere, preces prolon-
 gare, irrisui esse, probra & calumnias au-
 dire res in se iniuravissima est, at nihilo
 fecius hæc omnia inter gaudia & lucra
 numerans Franciscus, liberrimè procla-
 mat: Omnis poena me delectat, tanta est
 gloria quæ me expectat. Atque hinc sub
 vitæ finem vir iste sanctissimus, viribus
 exhaustus, macie torridus, & vix ossibus
 hærens, dolores, quibus urebatur, suos
 fratres vocabat. Et fuit cum unus aliquis
 è familiâ suggereret Francisco: Rogaret
 DEVM, ut mitius cum suis ageret. Cui
 vir sanctus: Nisi tuæ, frater, simplicitati
 parcerem, inquit, hoc dictum acrius lue-
 res. Itane DEO nos modum præscribere,
 & extrema quæque meritos blandientem
 manum vis postulare? Mox suo sese le-
 ctulo evolvens, jamque nudâ humo supi-
 nus DEVM omnibus precibus rogare in-
 stitit, augeret poenas, geminaret verbera,

V 3

dupli-

duplicaret dolores, nec parceret misericordissimè saviendo. *a Cum tanta sit gloria qua nos expectat, ut omnis pœna deleat.*

Hic ego Patientiam omnibus cælum aspirantibus commonstro. Videte sedulum opificem; gaudet is laboribus, sudore delectatur, jucundum illi est conductis operibus obrui; non quòd suavia sint ista, sed quòd gratissimum laboris sit luctum.

Quid ergo nos ignavi ac desides laborem horremus, quid pœnas aversemur? Hæc dulcia non sunt, sed dulcis est laborum merces, immensum Patientiæ premium. Cum Francisco vel millies proclamandum: Tanta est gloria quæ nos expectat, ut meritò pœna omnis delectare debeat. Satiabimur cùm apparuerit gloria Domini.

a Chronicon Fratrum Minor. part. I. l. 2. c. 61. mihi pag. 533.

C A P I T U L U M XII.

Duodecimum in cælo Gaudium, Voluptas & gaudiorum omnium securitate.

DEMADES inter Græcos vir magni nominis, multæ experientiæ, nec picturæ ignarus, ad Philippum Macedoniæ regem missus est Athenarum Legatus. Super mensam rex Macedo varia quæsiuit de Athenis, quàm ampla

placitas, num pulchra, num suâ metropoli major? Demades graphidos peritus, a non verbis solum, sed & lineis Athenas in tabulâ sic figuravit, ut Rex urbis potiundæ desiderio incensus dixerit: Ut urbs hæc mea sit, ferro vel auro efficiam. Ita rudis hæc Athenarum adumbratio Philippum movit, ut beatum se regem non putârit, nisi eâ urbe potiretur.

Humanæ genti DEVS Orbem terrarum proposuit spectandum, & in eo adumbrationem, sed rudissimam, Orbis illius melioris & beati. Tanta hîc rerum conditarum varietas in oculis est, ut de inferiore hoc DEI opificio rectè dixerimus: *Sparsit æterna voluptatis umbras.* At quemadmodum Rex Macedo Philippus non urbem Athenarum in chartâ lineatam, sed veram appetiit: ita nos non adumbrationem patriæ, sed patriam appetamus; has rerum creatarum umbras generosè spernamus. Creatâ hîc omnia non nisi lineamenta sunt & rudis imago beatissimæ illius civitatis Hierusalem: eò gemitus & vota tendant. Quòd si aliter non liceat, manu, ferro, vi urbs illa est cõtinentenda. Hæc omnium mens sit, non conquiescere, dum nostra sit urbs illa; in quâ non cives solum, sed & Domini æternum vivamus & imperemus.

Hactenus de diversis cæli gaudiis actum. Enimverò cælestium gaudiorum

V 4

in.

a Des reissens nit buersahren.

in hoc firmamentum est & robur, a ea esse penitus securissima; nullo eventu, nullis sæculis turbanda. Beati omnes loca casuum secunda habitant, Dei gratia excidere nequeunt, quia nec amplius peccare possunt; in portu navigant, non est quod metuant naufragium, in tranquillo & tuto sunt, in libertatem confirmatissimam asserti. Atque de hac tranquillâ Divorum securitate jam disseremus.

6. I.

Severinus Boëthius non à rarâ solum eruditione, sed ab illustri etiam sanctimoniâ æstimandus ea de consolatione Philosophiæ scripsit, quæ cedro & auro sint litteranda. Hic Beatitudinis mentionem injiciens: Omnis, inquit, mortaliū cura diverso quidem calle procedit, sed ad unum tamen Beatitudinis finem nititur pervenire. Id autem est bonum quo quis adepto nihil ulterius desiderare queat: Quod quidem est omnium summum bonorum, cunctaque intra se bona continens: cui si quid abforet, summum esse non posset, quoniam relinqueretur extrinsecus, quod posset optari. Liquet igitur, beatitudinem esse statum bonorum omnium congregatione perfectum. *b*

Hanc Beatitudinis adumbrationem
a Das hunds. Theo-

b Boëth. l. 3. Consol. Philosoph. præf. 2.

Theologi omnes, ut legitimam probam-
que admittunt. Nam reverà STATUS
est nullis fortunæ eventibus subjectus:
Nihil hîc minùs stabile aut inconstans.
Humanæ vanitatis elogium est, Nun-
quam in eodem statu permanere. Homo
simillimus Euripo, jam hilaris, jam tri-
stis, jam opulentus, jam egenus, modò
sanus, modò ægrotus, modò & mortuus.
Nunquam in eodem statu permanet. In
calo aliis vivitur legibus. Nulla illic mu-
tabilitas. Sicut DEVS ab omni ævo bea-
tissimus fuit, sic & beatissimus erit in
omne ævum, & omnes cum eo Beati,
beatitudinis communicatione admi-
randâ.

Hic Status in calo cūctos durabit in annos.
Nos hîc suaviter somniamus varios
status Baronum, Comitum, Marchio-
num, Principum, Ducum, Regum, Im-
peratorum. Risum teneatis amici. Qua-
lis obsecro hic status? Homo quasi flos
egreditur, & conteritur, & fugit velut
umbra. *a* Hodie stamus, cras non in le-
ctulo, sed jam in capulo jacemus. Hoc-
cine stare est? Sed ludamus verbis, & ce-
revisiâ Falerni aut Cretici nomine di-
gnemur. Sit status in vitâ nostrâ. Ubi
jam alterum illud? *Omniū bonorū ag-
gregatione perfectus.* Numinis promissum
est: Ego ostendam omne bonum tibi, *b*
Quicquid bonorum est cælo terrâque, aut
esse potest, eo fruuntur Beati omnes,
quavis,

quamvis, ut dictum, inæqualiter. In terrâ quàm rarus & tenuis est bonorum cumulus! videas virum divitem, sed non sanum; videas sanum, sed non divitem: Alius & dives & sanus est, sed inglorius & inhonorus: Reperias forsan qui & dives, & sanus, & honoratus sit, sed aliud illi deest; vix unquam ex integro latus est; formosissimo pomo similis, cujus medium vermiculus perrodit. Sed inveniemus reor hominem, qui & opulentus, & validus, & eruditus, & cum primis honestus, & nunquam non latissimus sit: Sed hic ipse cùm cogitat tam omnibus, quàm sibi etiam moriendum; Heu! quàm inhorrescit, quàm non beatus est tam tristi nuntio? En obsecro, quis noster hîc Status, quàm non perfectus vel paucissimorum etiam bonorum aggregatione!

Sed eum mihi virum sistite, cui summa, quæ quidem possit, felicitas obtigerit; qualem ajunt fuisse Q. Metellum. Hunc, teste Valerio, plurimis beneficiorum gradibus à primo originis die, ad ultimum usque fati tempus indulgentiâ nunquam cessante, ad summum beatæ vitæ cumulum felicitas perduxit. Nasci enim in Urbe terrarum principe voluit, parentes ei nobilissimos dedit: adjecit animi rarissimas dotes & maximas corporis vires, ut omnibus sufficere laboribus posset. Conjugem ei nobilitate, pudiciâ & fecunditate conspicuam conciliavit.

ciliavit. Decus insuper Consulatus, Imperatoriam potestatem, speciosissimi triumphi prætextum largita est. Fecit ut eodem tempore tres filios Consulares, unum etiam Censorium, duos Triumphales, & quartum Prætorium videret. Concessit ut tres filias nuptui daret, earumque sobolem sinu suo exciperet. Tot partus, tot incunabula, tot viriles togæ, tam multæ nuptiales faces, honorum, imperiorum, omnis denique gratulationis summa abundantia, cum interim nullum funus, nullus gemitus, nulla tristitiæ causa. Hunc vitæ actum consentaneus, & æquè felix excepit finis: Nam Metellus ultimæ senectutis spatio, lenique mortis genere, inter oscula complexusque charissimorum extinctus est. Filii & generi suis humeris defunctum per urbem extulerunt, & rogo imposuerunt.

Hic insulssimè Valerius: Cælum, inquit, contemplare, vix tamen ibi talem statum reperies. ^a Venia danda idololatæ, qui gentilitatis tenebris oppressus, luctum etiam & dolores in cælum admittit. Apage tale cælum, quò vel umbra luctus dolorisve penetraverit. Et quæ, oro, Metelli aut fortunatissimorum quorumcunque hominum omnis felicitas est? Ecce defunctus, ecce finis, ecce præcipitium fortunæ. Demum ruunt omnia, & voragine sepeliuntur profundissimâ.

a Valer. l. 7. c. 1. fine.

dissimâ. Stat beatitudo vera, nunquam ruitura, à nemine sepelienda. Beatitudo status est omnium bonorum aggregatione perfectus. Neque solùm bona omnia Beatitudinis gremio continentur, sed bona semper stabilia, bona undequaque perfecta & summa, bona in omne ævum tutissima ac securissima. Est hîc multiplex cupiditas, sed mala; est varia voluptas, sed falsa, & plerumque fœda. Sint hæc omnia bona; secuta & stabilia esse non possunt. At ibi nullus est metus amittendæ Beatitudinis, ubi tranquillissima gaudiorum omnium est securitas.

§. 2.

Beati omnes jam in tuto extra omnem teli jactura latissimè canunt: Laqueus contritus est, & nos liberati sumus. ^a Dum extra cælum agerent, in metu fuerunt; jam nec timenda, nec timorem ullum metuunt. Quamdiu, inquit Augustinus, vitiis repugnamus, plena pax non est; quia illa quæ resistunt, periculoso debellantur proelio, & illa quæ victa sunt, nondum securo triumphantur otio, sed adhuc sollicito premuntur imperio. ^b Solus æternitatis dies securissimus est; cujus Isaias latissimus nuntius: In illâ die, inquit, præcipitabit Dominus mortem in sempiternum. ^c

Rectè

a Ps. 123. v. 7. b Aug. l. 19. de civit. c. 27. c 1s. c. 25, v. 8.

Rectè mors nulla erit, ubi nullum & peccatum erit. Quòd Beati nec minimam quidem labeculam contrahere possint, inde oritur. Vident Beati DEVM, summum bonum, quod non possunt non amare plusquam bona omnia; & hic amor semper in actu est, nunquam non ardet. Atqui tam perfectus, tam actuetus amor, vel levissimum peccati navulum unà secum non tolerat.

Non bene conveniunt, nec in unà sede morantur

tantus amor, & odii seminarium noxa. Cùm ergo ardentissimè ament, eidem etiam in omnibus placere, & quicquid ei displicet, vitare cupiunt. Hinc à peccatis securitas æterna. Quod nos repetitis toties lapsibus delinquamus, inde est, quia licèt amemus DEVM, amor tamen non semper agit. Subitò in pecuniam, aut in escarias delitias; aut in mulerculam, aut in radium honoris præcípites abripimur, relicto D^o. Quemadmodum felis conspecto mure, aut simia visis nucibus, aut vulpes præsentibus gallinis illico ad delitias suas convolant: ita nos in voluptatem pronissimi, ubi ubi ea conspiciendam se dederit, mox accurrimus, deserto D^o, tanquam in rebus conditis majorem oblectationem, quàm in conditore inventuri. Hæc cæca & præceps ignorantia beatos non inquinat. In D^o bonorum omnium pelago nullam non voluptatem reperiunt. Hinc avertere

tere se nequeunt, sed nec interrompere possunt amabilissimum hunc intuitum. Nam bonum infinitum infinitè trahit, humanâque voluntatem sic implet satiâtque, ut ea non possit extra illud velle aliud, aut amare.

Atque hâc ratione cælites omnes non amplius peccare nôrunt. Quod beatus Petrus attestatus: Regeneravit nos in spem vivam, inquit, in hæreditatem incorruptibilem, & incontaminatam, & immarcescibilem conservatam in calis in vobis. *a* *Hæreditas est incorruptibilis*, quia nec desinere nec perdi potest: *Immarcescibilis*, quia nec deflorescere, nec inimiui potest: *Incontaminata*, quia nihil admittit immundi. Beato Ioanne teste: Non intrabit in eam aliquod coinquinatum aut abominationem faciēs. Omne maledictum non erit amplius. *b* Undiq; & undique secura sunt cæli gaudia.

Hic quicquid opum, quicquid honoris & gaudiorum est, heu nimium quantum *marcescibile* est. Ipsimet fortunæ pulli, & voluptatum avidissimi sectatores id fatentur, hinc mutuus ille hortatus: Coronemus nos rosis, antequam marcescant. *c* Non marcescibile solum, sed contaminatum ac corruptibile est, quidquid extra patriam est. Vitam panem omnem infamamus noxis. Hinc Iobus dicere ausus: Ecce, inquit, inter Sanctos ejus

a 1. Pet. 1. v. 3. *b* Apoc. c. 21. v. 27. & c. 22. v. 3. *c* Sap. c. 2. v. 8.

ejus nemo immutabilis, & cæli non sunt mundi in conspectu ejus. *a* Sanctissimi quique, quos Iobus *calos* nominat suos patiuntur manes, suis lutulantur affectibus & nævis.

Nam vitii nemo sine nascitur: optimus ille est,

Qui minimis urgetur. ——— b

Mortis stipendarii simus omnes. Quotidie Mors in nobis operatur. *c* Quicquid machinemur, hinc nulla securitas; in cælo summa.

§. 3.

Narrant tres amicorum intimos sanguine etiam claros incredibili animorum consensione ac datis dextris, in illud fœderis conspirasse, ut fortunam quamcunque tandem alacritate pari exciperent. Ergo unà fecerunt iter. In eo ad silvam delati, plurimum viæ transmiserunt silentio. Varia nemoris amœnitas cogitationes illorum rapuit præclusâ voce. Nemore jam transmissio unus illorum: Num, inquit, linguam perdidimus socii? Unde tam altum silentium? Cui alter: Tam amœni saltûs opacitas altiùs me ire iussit: in cælo eram. Et ego, inquit alter. Et ego etiam, ait tertius. Hinc natu maximus opportunè: Mihi credite, viri, non temerè hoc factum existimem.

Bonum

a Iob c. 15. v. 15. *b* Horat. l. 1. serm. sat. 3. med. *c* 2. Cor. c. 4. v. 11.

Bonum omen; calum cogitationibus nostris interest. Invitat nos Deus: quin nutus divinos sequimur. Rex cali opulentus sanè Dominus est, & solutionis explicatissimæ, abundat præmiis. *a* Ita sensum tam in aliorum quàm in suum etiam animum sermone non concepto irrepsit ignarus. Hoc dicentis exordium. Cumque attentos haberet socios: Hactenus, inquit, fideli & gnava operâ servimus Mundo: Quid inde nobis est præmii? Quod dare Mundus & Diabolus assolent. *b* Non sapimus tandem piscatores icti? Ego in aulicis obsequiis atatem, valetudinem, pecuniam, utinam non & animam, prodegi. Quantillum est gratiæ quod ambii, id fortè nunquam impetraturus? Nôstis dominicos favores & vinum cariophyllis conditum nocte unicâ expirare. *c* Experiatur qui volet malo suo: Nos experti loquimur. Quid si aggressu unanimi, prout nostra sunt fœdera, excutiamus hoc jugum, & Regi serviamus, cui nemo servit gratis? Incaluit uterque cohortatione socii. Ab hâc varii sermones. Neque prudentiæ videbatur rem arduam tam citò velle.

Denique post multam ventilationem, ne quid in fœdus peccaretur, in eandem ivère sententiam, Mundo nuntium remittere.

a Er bezahlt richtig / vnd wol. *b* Der welt danckh / vnd des teuffels danckh oben drauff. *c* Herren gunst vnd flügels wein riechen vber nacht auß.

mittere, & obsequiis se addicere divinis. Neque tardè faciendum censebant, quod sanctè decrevissent. Ita uno se cœnobio abdunt, & aliquanto tempore præclare se gerunt. Sed, Ecce inter Sanctos eius nemo immutabilis. *a* Duo minores natu paullatim remittere ac intepestere, vitæ austeritatem nimium sentire, & eam accusare, idque invicem fateri, & hinc illinc solatiola mendicare. Ita tertium accedunt mœsti hilarem, frigidi calentem. Ille socios fastidio plenos observans: Optimi fratres, inquit, otium, & quod inde nasci solet tedium, vos perdunt, hinc vita vobis omnis amarescit: Ego, quod Numini tribuo, molestam temporis moram non sentio. Hoc autem ago, ut nunquam non occupatus sim. Mirantur hominem non minus quàm ipsi essent illiteratum tam suaviter cum tempore convenire. Quibus ille religioso joco: Ut verò etiam, inquit, literatum me esse sciatis, meus me magister tres potissimum litteras exactius nōsse docuit, non illas mercatorum; *Pi-* per peperit pecuniam, sed has: *Peccatum, Passio Premium*. Primam vocem agebat atramento, alteram minio, tertiam auro scriptam. Hi mei codices, hæc volumina mea, quæ assiduè lectito. Atque inde literatum me censeatis velim. Hæc porrò lectio, & precandi studium & laborem omnem mihi facilem reddit: quicquid

X

mole-

molestiarum aut rigoris est inter nos hec lectio condit. Hinc Otium mihi non onerosum, hinc nullæ horæ videntur longæ: Hinc jucundum est pati, quod olim meminisse dulce erit. Et ut sciatís quâ ratione has litteras expendam, en paradigma.

I. *Peccatum* atro liquore scriptum. Hic expendo, qualis fuerim cum Mundo servirem; quot quantâque peccata commiserim, quàm graviter DEVM offenderim. Reverà Mundus ludificavit me, & Orcus expectavit me; propè proximè perissem, si viâ coeptâ progressus fuisset. Hæc cogitando, & precationes solitas adiungendo, majorem partem antemeridiani temporis expendo.

II. *Passio Domini* minio exarata. Ad voces has mecum verso quid Dominus IESVS, dum inter homines ageret, pro hominibus & ab ipsis hominibus injuriarum ac cruciatuum tolerârit. Hic vitæ & mortisque Dominicæ mysteria, prout ordine sequuntur, meditanda sumo: Nec ad fundum aut finem unquam devenio. Sic diem ad horam tertiam vespertinam exigo, quo tempore Dominus expiravit in cruce.

III. *Premium cali*, auro litteratum. Hic immensa Beatorum gaudia considero. Res infinita est; quantò enim plus cogito, tantò plura superesse cogitanda invenio. Neque hic ad finem ullum aut fundum perveniri potest. Sic diem ad
 exitum

exitum duco. Et vos, obsecro, hæc verba paucula contemplatione expendenda sumite. Hæc cominentando nunquam exhaurietis. Profuit certè duobus aliis jam tepescentibus hæc audiisse; nec leviter deinceps & ipsi profecerunt. *a*

Hic ego Puritatem animi monstro; Nam eæ, quas exposuimus cogitationes de peccatis, de Domini tormentis, de cæli præmiis, facîle omnes impuras cogitationes excludunt.

Christus ad coenam ultimam suis plurima de cælo instillans: Et gaudium vestrum, inquit, nemo tollet à vobis. *b* Ab omni hoste securi agetis; omnia æternitatis sæcula beatitudini vestræ nihil decerpent: Immensum præmium nemo tollet à vobis. Hic à nobis demum omnia tolluntur: ætas paullatim subtrahit vires corporis, oculorum aciem, memoriæ firmitatem, agendi & laborandi alacritatem. Sic parentes à liberis, liberi à parentibus, sic à cognatis alii cognati, ab amicis amicorum optimi tolluntur & abstrahuntur; sic denique & ipsi tollimur, auferimur, abjicimur. Ergo corpus nostrum ad alta tendat, ubi Gaudium nostrum nemo tollet à nobis; nec ipsi unquam tollendi; ubi status est bonorum omnium aggregatione perfectus. Hæc assidue cogitemus, hæc speremus, hæc votis omnibus desideremus. Invitans ad

X 2

hæc

a Ioannes Major in spec. mihi pag. 110.

b Ioan. c. 16. v. 22.

hæc & animans Isaias: Ipsi videbunt, inquit, gloriam Domini, & decorem Dei nostri. Et redempti à Domino convertentur, & venient in Sion cum laude; & lætitia sempiterna super capita eorum: gaudium & lætitiā obtinebunt, & fugiet dolor & gemitus. *a*

Ibi nulla inopiæ aut morbi mentio; ibi libidines sepultæ, iræ & invidentiæ faces extinctæ; insidiæ cacodæmonum nullæ, nullus paupertatis, nullus ægritudinis, nullus gehennæ metus. Nemo ibi læditur, irascitur nemo, invidet nemo. Malum quod ibi non est, sciri potest; Bonum quod ibi invenitur, exprimi non potest. Ibi quicquid amabitur, aderit, nec desiderabitur quidquam quod non aderit: Ibi erit quicquid voles. In illâ DEI civitate Rex Veritas, lex charitas, dignitas æquitas, par felicitas, Vita æternitas. O gaudium vincens omne gaudium, extra quod non est gaudium!

a Isai. c. 35. v. 2. & 10.

C A P I T U L U M XIII.

Decimum-tertium in calo Gaudium, Voluptas ex Aureolis.

IN Persiâ Magorum regio est (quod Clemens Alexandrinus memorat) ubi tres esse montes referunt in campo spatioso sitos, hoc discrimine. Cum viatores locum transmissuri ad montem primum

primum perveniunt, confusas velut in acie decertantium voces audire sibi videntur. Cum montem medium accedunt, intensiores militum clamores, evidentiores armorum & equorum fremitus percipiunt. Ubi tertium montem adierint, jam alias sibi voces videntur audire, veluti lætum pæana canentium post obtentam victoriam.

Hæc nobis seu fabula, seu fascinatio magica & vitam nostram, & futuros exitum triumphos eximie repræsentat. Nos etiamnum in primo mediocris monte versamur, hîc meri tumultus; bellum canitur, signa strepunt, classicum auditur: *a* in acie stamus & configimus.

Cum ad vitæ finem, tertium contigerimus montem, triste classicum triumphali carmine mutabimus. Audientur lætissimæ voces: Cantemus Domino, gloriosè enim magnificatus est, equum & ascensorem dejecit in mare. *b* Veteri poemate eleganter cecinit Prosper:

----- *Virtutum gaudia vulnus habent. c*

Sine sudore & sanguine non enitescit Virtus. Per labores & pugnas itur ad triumphos, post conflictum sequitur victoria, post bella pax; laborandum & pugnandum. Non coronabitur nisi qui legitimè certaverit. Ambis coronam? ne refuge pugnam. Sunt in cælo singularia

X 3.

quædam

a Feldtschröp bnd lauterlärmen.

b Exod. c. I 5. v. 1. *c* Prosp. epigram. 87.

quædam gaudia, quæ Theologi *Aureolas* vocant, & harum præcipuè tres. Has ita explicabimus, ut simul exponamus impartia esse in cælo præmia, prout impart fuit laborantium conatus.

§. I.

Omnia cæli gaudia Theologi sic distinguunt. Aut enim, ajunt, est gaudium primarium ac principale, *a* aut primarii accessio & auctarium. Illud est visio DEI: istud quo DEVS actiones insigniores remuneratur. Exempli gratiâ: Vir nobilis tres habet filios, & septem castra. Singulis filiis geminum assignat castrum, illi additurus tertium, qui ceteris sese gesserit præclariùs. Ejus generis in cælo sunt *Aureole* singularis excellentiæ, aut illustris victoriæ cum testimonia, tum præmia. Nomen è sacris paginis desumptum est. Mosi olim imperans DEVS: Facies, inquit, coronam interrasilem, altam quatuor digitis, & super illam alteram coronam aureolam. *b* Vox omnium Theologorum est, tres in cælo proponi Aureolas, Martyribus, Virginibus, Doctoribus, destinatas. Martyres commonstrans digito Ioannes: Hi sunt, inquit, qui venerunt de tribulatione magnâ, & laverunt stolas suas, & dealbaverunt eas in sanguine agni, *c* De iisdem Chris-

a Essentiale illi vocant. *b* Exod. c. 25. v. 25.
c Apocal. c. 7. v. 14.

mus ipse : Omnis, inquit, qui confitebitur me coram hominibus, confitebor & ego tui coram Patre meo qui in cælis est. *a*

Virgines idem Ioannes ostendens : Et cantabant, inquit, quasi canticum novum ante sedem, & ante quatuor animalia, & seniores ; & nemo poterat dicere canticum, nisi illa centum quadraginta quatuor millia, &c. Virgines enim sunt. *b* His Isaias DEI vice promittens : Dabo eis, inquit, in domo meâ, & in muris meis locum, & nomen melius à filiis & filiabus : nomen sempiternum dabo eis, quod non peribit. *c*

Doctores sacros designans Daniel : Qui, autem docti fuerint, inquit, fulgebunt quasi splendor firmamenti ; & qui ad iusticiam erudiunt multos quasi stellæ in perpetuas æternitates. *d* De his ipsis Christus pronuntians : Qui fecerit & docuerit, hic magnus vocabitur in regno celorum. *e*

Cur autem non plures tribus assignantur Aureolæ ? Princeps Theologorum Thomas Aquinas *f* Aureolam interpretatur illustriorem coronam insigni victoriâ partam : Atqui triplices potissimum victoriæ sunt, prout triplex hostis est, Mundus, Caro, Diabolus. Mundum triumphat Martyr, Carnem Virgo, Do-

X 4

tor

a Matth. c. 10. v. 32. *b* Apoc. c. 14. v. 3.

c Is. c. 56. v. 5. *d* Dan. c. 12. v. 3.

e Matth. c. 5. v. 19. *f* S. Th. in 4. dist. 49. q. 5.

Etor Diabolum , cui multos hominum celesti subtrahit doctrinâ. Sunt quidem plura celestium gaudiorum additamenta , hæc tamen tria hoc nomine insigniri solent.

Quæras : Hæ tres Aureolæ quid sunt? Theologorum effato , Aureola specialis dignitas & eminentia est, quæ tribuetur illi triplici victoriæ. Vario olim discrimine dabantur victoribus coronæ , Obsidionales, Civicæ, Murales, Navales, Vallares, Ouales, Triumphales. Neq; Deus his ornamentis suos carere vult victores. Quo quidem Christo similiores erunt, in quo Martyrii , Virginitatis & Doctrinæ divinissima refulsit excellentia.

§. 2.

Quod verò inter beatos cælites futurum sit discrimen , ita quidem , ut alius alium superaturus sit gloriæ beatitudine, prout alius alium laboribus ac promeritis superavit, uno omnium Theologorum consensu , & sacræ paginæ testimoniis affirmatissimè docetur. Et en demonstrationes luculentas.

Apud inferos dispar erit supplicium, ergo & dispar præmium apud superos. De dispari supplicio Christus : Dico vobis, inquit, Tyro & Sidoni remissius erit in die iudicii quàm vobis. *a* Si aliis alii gravius puniuntur, jure aliis alii liberalius remunerabuntur. Aequissimus est *a* *Matth. c. II. v. 22.*

DEVS,

DEVS, diversis flagitiis poenas diversas irrogando; nec minùs æquus, diversis promeritis diversa præmia donando.

Deinde Ordines Angelorum in cælo inæquales, sublimioribus inferiores subiecti sunt: Throni, Cherubini, Seraphini DEO viciniore sunt (sic loquar) quàm sint Dominationes, Virtutes, & Potestates. Atqui eadem & hominum illic est ratio, æquales enim Angelis sunt,^a Cùm ergo Lucifer Apostata ex omni Angelorum Ordine secum assecclas præcipitavit, unde in omnibus novem choris desertæ luxerunt spatia, ideò DEVS vacua hæc sedilia erectis eò hominibus decorabit. Horum aliqui in imum, in medium alii, in supremum illi ordinem transcribendi sunt.

Et quemadmodum varia seminis est fecunditas: hoc quidem centesimo, illud sexagesimo, tricesimo istud foenore fructuque gaudet; ita prorsus inæqualis in cælo Beatorum erit remuneratio. Aperitissimè Christus: In domo Patris mei, ait, mansiones multæ sunt,^b Domus una, sed multa conclavia. Beatitudo una, sed gradus in eâ plurimi, celsiores, demissiores, prout mortalium alii aliis agendo & patiendi fuerunt ardentiores. Hinc illa tanta inter ejusdem Domini servos inæqualitas. Commissum eis fuerat argentum in laudabile foenus elocandum: Elocârunt, sed industriâ dissimili. Hinc etiam

X s

dissi-

^a Luc. c. 20, v. 36. ^b Ioan. c. 14, v. 2.

disimilis merces. Primus audit: Euge
serve bone, quia in modico fuisti fidelis,
eris potestatem habens super decem civi-
tates. Alteri dicitur: Et tu esto super
quinque civitates. *a* Ut scilicet labori
dispari dispar pensio respondeat.

Hinc Christus Dominus Zebedæorum
matri pro filiis tam sollicitæ hoc respon-
dit: Sedere ad dexteram meam & fini-
stram, non est meum dare vobis: sed qui-
bus paratum est à Patre meo. *b*

In domo Patris mansiones multæ.
Quomodo, inquit Tertullianus, multæ
mansiones apud Patrem, si non pro va-
rietate meritorum? *c* Cui Gregorius Ma-
gnus accedens: Si dispar, inquit, retribu-
tio in illâ beatitudine non esset, una po-
tius mansio, quàm multæ essent. *d* Quia
in hac vitâ nobis est discretio operum,
erit in illâ proculdubio discretio digni-
tatum: ut quò hîc alius alium merito su-
perat, illic alius alium retributione
transcendat. In eisdem multis mansio-
nibus erit aliquo modo ipsa retributio-
num diversitas concors: quia tanta vis
amoris in illâ pace nos sociat, ut quod in
se quisque non acceperit, hoc se acce-
pisse in alio exultet. *e* Ambrosius in hæ-
resin Ioviniani pugnans multò clarissi-
mè: Agrestis ululatus est, inquit, nullam
virgini-

a Luc. c. 19. v. 17. & 18. *b* Matth. c. 20. v. 23.

c Tertull. in Scorpiaco. *d* Greg. l. 4. dial. c. 35.

e Idem Greg. l. 4. Moral. c. 31. in c. 3. Iob in
illud: Parvus & magnus ibi sunt.

virginitatis gratiam, nullum castitatis ordinem velle reservare, promiscuè omnia velle confundere, diversorum gradus abrogare meritorum, & paupertatem quādam cælestium remunerationum inducere; quasi Christo una sit palma quam tribuit, ac non plurimi abundant tituli præmiorum. *a* Eundem Ioviniani errorem disertissimè confutârunt Augustinus & Hieronymus. *b* Eandem cum prioribus sententiam mordicus tenuerunt Patrum antiquissimi Irenæus, Basilii, Cyprianus, Hilarius, Gregorius Nazianzenus, Cyrillus Alexandrinus, aliique tam Græci quàm Latini Patres. Vox eadem omnium erat: Domus una, mansiones multæ, sedilia distincta, præmia diversa, dispar retributio. Quod ex Isaiâ jam suprâ demonstratum. Dabo eis in domo meâ locum & nomen melius à filiis & filiabus, *c* En, in Domo Domini aliquibus bonus locus, aliis melior assignatur, quibusdam magnum nomen, nonnullis majus conceditur. Iustis & æquis partibus, sed non æquabiliter illic vivitur.

6. 3.

Quid multis opus? Quid inter nos de
hujus-

a Ambros. l. epist. 10. epist. 81. ad Syricium Papam. *b* Aug. serm. 191. de Tempore. Hieron l. 2 contra Iovinianum & in Apologet. ad Pammach. pro libris suis contra Iovinian. *c* Is. c. 56. v. 5.

hujusmodi controversamur? Hic longè quàm luculentissimus & minimè vacillans testis Paulus: Unusquisque, ait, propriam mercedem accipiet, secundum suum laborem. *a* Sed labor est impar, ergo & merces. Atque ut à se dicta confirmet: Qui parè, inquit, seminat, parè & metet. *b* Messiem omnino uberem Beati omnes colligent, sed uberiorem illi, qui semen sparserint liberalius. Denique de hoc eodem multò clarissimam testationem interponens Paulus: Alia, inquit, claritas solis, alia claritas lunæ, & alia claritas stellarum; stella enim à stellâ differt in claritate: sic & Resurrectio Mortuorum. *c* Splendor siderum planè inæqualis est, sic & gloria Beatorum; prout alter altero plura tulit, fecitque. Si præmium grande accipit, qui semel precatur; grandius utique accipiet, qui bis, qui sexies, qui decies precatus fuerit. Et quamvis iste non sæpius illo preces iteret, quia tamen & attentius & ardentius se in preces effundit, copiosius etiam remuneratum se sentiet. Eadem est jejuniorum, eleemosynæ & omnium cum virtute susceptarum actionum ratio. Crebrius jejunium, nobilius præmium; si cetera tamen, ut loquuntur, sint paria. Nam fieri potest, imò nisi fallor fit sæpius, ut quis orationem Dominicam semel duntaxat recitet, sed

tanto

a 1. Cor. c. 3. v. 8. *b* 2. Cor. c. 9. v. 6.

c 1. Cor. c. 19. v. 41.

tanto sensu, eoque animi ardore, ut amplio-
riorem à Deo gratiam emereatur,
quàm qui orationem eandem millies,
quàm qui omnes psalmos pronuntiârit.
Id quod nos antè asseruimus, hoc erat:
Qui Dominicam orationem decies ite-
rat, plus promeretur præmii, quàm qui
eandem sensu ac religione pari, vice ta-
men simplici pronuntiavit.

Sed objicias: Vinitoribus illis, *a* inæ-
qualissimè laborantibus, sub vesperem
tamen denarius idem omnibus in mer-
cedem est datus. Nihilo plus accepit, qui
toto die æstuavit, quàm qui horâ unicâ
laborem salutavit potius quàm subiit.
Hoc dilucidè Augustinus explicans:
Quamvis, ait, meritorum diversitate ful-
gebunt, alius magis, alius minùs; quod
tamen ad vitam æternam pertinet, æ-
qualis erit omnibus. Non enim alteri
erit longior, alteri brevior, quod pariter
sempiternum est, quod non habebit fi-
nem, nec mihi, nec tibi. *b* Simillimè
Hieronymus: Unus, inquit, denarius, non
unum est præmium, sed una vita, & una
de gehennâ liberatio. *c*

6. 4.

Hic obsecro sublimiori paullulùm co-
gitatione hanc præmii diversitatem com-
meditemur in hunc modum: Mercedem,
mi

a Matth. c. 20. *b* August. serm. 59. De ver-
bis Domini, *c* Hieron. l. 2. contra Iovinianũ.

mi DEVS, tuis omnibus persolves sed in-
 æqualem; gaudia tuorum omnium erunt
 maxima, sed tamen disparilia, idq; æter-
 num: scilicet ad acti laboris & promeriti
 rationem. At verò gaudium illud, & di-
 gnitatem cælestem singulis horis, quovis
 quadrante, momentis singulis augere
 possumus ad usque supremum in morte
 halitum. Nos autem rerum nostrarum
 negligentissimi, salutem ac cælo indormi-
 mus, ^a & maiorem ævi partem desidîa
 conterimus: Modò, ut nostræ sunt ratiun-
 culæ, non excludamur cælo. Proh igna-
 viam extremam! Non seipsum quisque
 his talibus extimulet: Tu ignavissime
 amator, tu cessator desidiosissime, nescis
 mereri quod optas. Cuperes sanè altio-
 re gradu in cælo locari, velles in fruendis
 gaudiis non esse infimus: & manum
 semper, quod ajunt, sub pallio habes,
 otio langues inertissimo. Te ipsum cir-
 cumspice quàm pauca pro cælo agas
 agendo plurima, sed vana. In horas sin-
 gulas, si velles, præmium tibi tuum au-
 ctius parares. Nihil paras. Cunctando
 & cessando totos dies, totos annos exi-
 gis. In rebus corporis volas: in rebus ani-
 mi marces, oscitas, jaces. Pro aciculâ
 fractâ bellum moves; cum pro cælo cer-
 tandum, in minimis etiam tricaris: Ad
 nugas, ad epulas, nonnunquam etiam
 ad choreas alacerrimus ades; cum evoca-
 ris ut cælum rapias, solutè prorsus ac ne-
 gligenter

a Wir verschlaffen den himel.

eligenter agis. Ut scias, cælum vim patitur, & violenti rapiunt illud. *a* Tu verò somni plenus cælum scilicet præripies tot egregiis luctatoribus? Excute veteranum dormitator, & vel hominès aulicos intuere. Omnium in aulâ studium est, ascendere, eminere, in alto esse. Nullis parcunt laboribus, omnem movent lapidem, amicos & inimicos in auxilium vocant, & satagunt, & moliantur, ut suave illud audiant: *Amice ascende superius*. Et quanti per argenteas, per aureas scalas ascendunt ad ruinam, tantò graviùs præcipitandi, quantò altiùs ascenderint. Sed esto celeriter ascendant, feliciter emineant. Et hoc quamdiu? Ad summum annis pauculis. Et nos immensum, infinitum, æternum in cælo bonum singulis horis augendum negligimus? Amatores ignavissimi nescimus mereri quod optamus. Leander juvenis nobilissimus ex Abydo Asiæ oppido, amator non ignavus, aliquoties noctu tranavit mare, ut amores suos sequeretur: Nam cùm in Hellesponti littore habitaret, in oppositi littoris civitatem Gæston natando sæpius pervenit, ut suis voluptatibus litaret. Iamque audacior factus cum mari tumido & impacato se commisisset, vi ventorum fluctuùmque jam panè victus clamabat:

Parcite dum propero, mergite dum redeo. b
 Tam alacer & animi plenus erat amor,
 quo

a Matth. c. II. v. 12. *b* Ovid, *epist. Heroid.*

quo mulierculam deperibat. Sed miser in Hellesponto submersus, sic demum suos ignes extinxit.

Intimo pectore nos pudeat, ob nostri in cælum amoris ignaviam. Longè facilliora poscimus, & recusamus.

Alicubi moris est, ^a ut vinitoribus & messoribus, quò alacrius laborent, fidicen seu aulædus adsit, qui agresti Musicâ opus fervere faciat. Nobis DEVS sat tibicinum conduxit, qui labores nostros cantu animarent: tot dedit concionatores, qui ad amorem cæli excitarent. Dicitur, scribitur, clamatur. At nos pigerimi messores falcem languidissime tractamus; citra laborem, sine sudore speramus cælum: Mereri nolumus quod optamus.

Hæc præmiorum in cælo disparitas, hæc horis singulis gloriæ augendæ ratio tot millia hominum in vastas solitudines, in paupertina cœnobia egit; non viles solum animas, sed Principes, Reges, Cæsares, quibus rigidissimum vitæ genus persuasit. E multis compendio paucos nomino. Ex Orientis Imperatoribus vitam religiosam ac severam amplexi sunt Anastasius, Theodosius, duo Michaëles, Isaacius Cœnmenus, omnes Imperatores. Ex Occidentis Cæsaribus Lotharius & Hugo. Ex Regibus in Italiâ Barachisus; In Hispaniâ Bamba, Varemundus, Ramirus; In Angliâ, Sigebertus,

^a In Franconiâ maxime.

tus, Elteredus, Inas, Ceolulphus, omnes Reges; In Armeniâ Rex Ioannes; in Bulgariâ Rex Trebellius; in Germaniâ Rex Carolus, qui Pipino fratri regnum cecit. Hi sanè voluntarii horride atque incultè vixerunt cæli amore. De iis qui detrudebantur in Monasteria inviti, nullus hîc sermo.

Sed illos tot Reges ac Imperatores numero longè superârunt Regina & Imperatrices, quæ posito diademate, & cum eo titulorum ac honorum omnium blandimentis delicatissimam vitam asperrimâ commutârunt. Tot istæ Principes feminæ omni luxu fastidito sortem infimam sunt amplexatæ cæli desiderio; & ut majus inter Beatos præmium obtinerent vilissima Paupertatis imperia non horruerunt. Quot hodièque claro sanguine, antiquâ stirpe, amplissimâ familiâ, illustri summoque loco nati ad abjectissima religiosæ vitæ munia sese demittunt, ut tantò sublimius in cælo solium conscendant, quantò hîc submissus sponte servitium elegerint? Hi omnes profectò nôrunt quemque recipere mercedem secundùm suum laborem, ideò laboris & molestiarum plurimum subire desiderant, quò plus mercedis & cælestium deliciarum obtineant; malunt pauxillo tempore minus habere solatii, ut æternùm plus percipiant gaudii. Paulinum illud jugiter versant animo: Unusquisque propriam mercedem accipiet,

cipiet, secundum suum laborem.

Atque hi omnes, non ignavi amatores sciverunt mereri, quod optarunt. Et nos quid facimus?

Et dubitamus adhuc virtutem extendere factis? a

Hic quisque sibi serio inculcavit: Quicquid hanc horâ, quicquid hanc horæ parte, quicquid hoc die lucelli sacri vel solâ sanctiore cogitatione, vel actione piâ congesserò, id mihi reponitur in cælo, ut eo fruar æternum. Quid igitur cesso? Quid tunicis manus infero? Cur carni meæ, cur meæ pecuniæ sic parco? Cur preces tam inattentas, jejunia tam rara, eleemosynas tam parcas non emendo? Ego planè, ego ille ignavissimus amator cæli sum, nescio mereri quod opto. Sed ægedum exuendi sunt antiqui mores, mutatio in contrarium, in melius facienda est. Appropinquat regnum cælorum. Unusquisque propriam mercedem accipiet, secundum suum laborem.

Eleganter Augustinus: Triumphat Victor Imperator, inquit, & non vicisset nisi pugnasset: Et quantò majus periculum fuit in proelio, tantò majus est gaudium in triumpho. Iactat tempestas navigantes, minaturque naufragium, omnes futurâ morte pallescunt. Tranquillatur cælum & mare, & exultant nimis, quoniam timuerunt nimis. Ubique majus gaudium, molestiâ majori præcedit.

a Virgil. l. 6. Æneid. propius finem.

ditur. *a* Labores magni, magnum præmium; prolixior patientia, merces copiosior.

a August. l. 8. Confess. c. 3. medio.

CAPUT XIV.

Decimum-quartum in calo Gaudium, Voluptas ex aspectu, seu visione DEI.

INDIARVM Fons est aurifer, de quo Photius Constantinopolitanus memorat. Ex fonte hoc aurum hauritur fictilibus. His adhærescens si quid auri est statim concrescit, nec eo potiri licet, nisi fictile frangatur. *a* Vas fictile humanum corpus est, aurum Beatitudo, cujus delitiis non est aliâ ratione frui, nisi mortalitatis compagibus excedamus: fracto fictili, quicquid inerat auri, possidetur.

*Felix, qui potuit boni
Fontem visere lucidum:
Felix, qui potuit gravi
Terra solvere vincula. b*

Nos quidem ægrè adducimur, ut venustum hoc fictile finamus frangi: sed reverà frangendum est; res cogit. Nec aliud divinæ leges permittunt: Non videbit me homo & vivet, *c* Moses tam

Y 2

charus

a Photius, vir eruditionis magna, sed majoris nequitie in l. quem vocat Bibliothecam pag. 68. initio. *b* Boëthius l. 3. de Consol. Philof. metro 12. *c* Exod. c. 33. v. 20.

charus & commendatus D^EO fuerat, ut hoc ab eo testimonii tulerit; Invenisti gratiam coram me, & teipsum novi ex nomine: *a* præ ceteris mihi charus es. Hic notissimus & charissimus D^EO famulus rem unam unicè petens: ostende mihi, ait, facienti; ostende mihi gloriam tuam. Hoc aliquoties impensissimè rogavit. Nihilominus D^EVS id planissimè negans: Faciem meam, inquit, videre non poteris. Non enim videbit me homo, & vivet. *b* Fictile prius, ô Moses, frangendum est, quàm Beatitudinis auro potiaris; mortalitatis saccus prius deponendus est, quàm immortalitatis purpurâ vestiariis. Ut autem nôris te plurimum apud me gratiâ valere, hoc rupis cavo te abdam, ut me transiturum à tergo videas, Faciem autem meam videre non poteris. Ah, quanti D^EVS æstimat se aspici. Visio D^EI, ut eam Theologi vocant, bonum ineffabile, incomprehensibile, bonum immensum, infinitum. Hic ego verissimè dixero:

*Non mihi si linguæ centum sint, orâque
centum, c*

verbis exequi possim, quid voluptatis habeat D^EI visio, nec immeritò Chrysostomi verbis quæsihero: Quousque

*quæ
a Theologi: Novit D^EVS omnia scientiâ visionis, sed non scientiâ approbationis. 2. Tim. 2. v. 19. Novit Dominus qui sunt ejus.*

b Exod. c. 33. ut supra. c Virg. l. 2, Georg. & l. 6. Æneid.

quæ incomprehensibilia sunt, persequor? *a* Quæ hætenus dicenda erant, oratione complecti non licuit, multò minùs licebit ea quæ dicenda restant. Conabor tamen hæc scotem adumbrare, velut si carbone arrepto venustissima imago deformanda sit. Ordinemur igitur dicere quid sit DEVM intueri. Istud jam ceteraque huc spectantia ordine prosequemur.

§. I.

Theologiæ Antistes Thomas Aquinas ingenuè fatetur: Beatitudo creata ex hoc quod est fruitio DEI, non potest fieri melior, sicut non potest aliquid melius esse DEO. *b* Quemadmodum humana Christi natura ad maiorem dignitatem evehi non potuit, quàm quòd unita DEO sit; & sicut Virgo beatissima sublimiùs extolli nequit, quàm quòd DEI Mater electa sit: ita prorsus beatitudo auctior reddi aut excellētior nequit, quæ DEVM aspiciendum, cognoscendum, fruendum proponit. Denique beatus Thomas concludens: Quicquid desiderabile est, ait, in quacunque felicitate vel verâ vel falsâ, id omne eminenter in divinâ felicitate continetur. Hujus autem Beati omnes sunt participes per visionem DEI.

Y 3

Quàm

a Chrys. tom. 5. hom. 6. in c. 4. ad Hebr.

b S. Thom. 1. part. q. 25. art. 6. ad 4. & q. 26. art. 3.

Quàm autem inexplicabilis sit voluptas, DEVM intueri, à simili ac dissimili, ut possumus, explicamus. Refert Ludovicus Blofius beatæ Birgittæ à Christo dictum; Si videres pulchritudinem beatarum animarum, aut sanctorum Angelorum, sicuti sunt, cor tuum præ ingenti gaudio rumperetur.

Eodem teste, Dominus Catharinæ Virgini dixit: Meministi, filia, quòd cum aliquando tibi à sensibus abductæ Diabolum propriâ specie terribilem puncto temporis monstrâssem, tu tibi restituta dixeris: Malo per prunas nudis plantis ambulare usq; ad supremi Iudicii diem, quàm formam adeò terrificam rursus intueri. ^a

Itâne verò tam truculenter deformis est DEI hostis Satanæ, ut suavius videatur ignem tolerare, quàm illum aspicere; quàm immensa, obsecro, voluptas erit, DEVM intueri, omnis formositatis & amoenitatis fontem? Quòd si vel unius beati hominis aut Angeli aspectus cor nimio gaudio suffocet, quale gaudiorum mare affluet, ubi beatus homo cælesti lumine jam roboratus, suum Conditorum Deum ipsum aspiciet? Gertrudis virgo dicere solebat: Si universi homines & Angeli & linguas, & voces, & vires suas omnes jungant, nec unicum tamen verbulum efformare poterunt, quo dignè

^a Blofius Monil. spirit. c. 14. post initium, ubi pag. 102.

dignè cæli voluptatem vel attingant, vel exprimant. Sic est. Hæc reverà solum cogitari, dici aut explicari non possunt.

Hic autem DEI aspectus, quod primo loco ponimus, est primaria, summa, verissima hominis Beatitudo. Ita docent præsci Patres & Theologi omnes. Res certa è divinis oraculis. Quoties hanc beatitudinem anhelans vociferatur David: Ostende faciem tuam & salvi erimus. *a* Apud te est fons vitæ, & in lumine tuo videbimus lumen. *b* Apertè Christus ipse pronuntiavit: Beati mundo corde, quoniam ipsi DEVM videbunt, *c* Subjunxit Ioannes: Hæc est vita æterna, ut cognoscant te solum DEVM verum. *d* Triscorum Patrum omnium loco Augustinus: Visio, inquit, quæ est facie ad faciem, summum præmium promittitur iustis. *e* Atque hoc primum sit.

Alterum est, quærere, quid sit DEI visio? Si vel rudissimo respondendum, dixerim: Non est aliud *visio DEI*, quàm DEVM sibi præsentissimum reipsâ, verè, sine ullo impedimento aut interjectu veli aspicere & cognoscere. Theologi dicunt esse, Comprehensionem seu perfectissimam possessionem ultimi finis, qui est DEVS. Extra cælum non habemus, nisi obscuram DEI effigiem, radi linearum ductu descriptam: Videmus nunc per
X. 4. speculum.

a Psal. 79. fine. *b* Et Psal. 33. v. 10.

c Matth. 6. 5. v. 3. *d* Ioan. 6. 17. v. 3.

e Aug. l. 1. de Trinit. c. 13.

speculum in ænigmate. *a* Ad cuiusvis caput id explico.

Est quis in præaltâ turri, aliôve loco edito, & quidem innubi die, serenissimôque calo. Hinc oculorum acies in amplum Orbem ad aliquot millia undique versum potest excurrere. Quâ in re summa est circumcirca amœnitas. Hic fontes, rivos, flumina; hic domos, arces, castra, oppida; illic prata, segetes, agros, pascua; istuc silvas, montes, nemora subiecta conspicit & mirè delectatur. Atqui hæc minima terræ particula est. Idcirco ille ipse, qui hæc oculis cernit, intellectum, quo pertingere oculi nequeunt, emittit, & primò quidem in medium terræ gremium, in ipsam inferorum abyssum, ubi mortis æternæ imperium contemplatur. Inde per montium cavernas, ubi æris, argenti, aurique vidit incunabula, emergit in apertum. Hic grandem terrarum globum velut pilam in æris medio pendentem considerat: simul animo versat innumeras plantarum, germinum, herbarum, florum, arborum, fructuum formas, tot brutarum animalium, tot hominum differentias. Inde in aquas & maria se immittit, ubi tot millia navium & triremium, tot centena millia omnigenorum piscium miratur.

Iamque terrarum globum ejusque incolas contemplatus, in auras se librat, tres æris regiones pari modo peragrat, dum ad Ignem, elementum quartum &

supremum perveniat. Inde grandius orditur iter per undecim cælos, per planetas & sidera, per lunæ ac solis vias evolat, atque simul incredendam illam & inenarrabilem Orbium cælestium altitudinem ac densitatem obstupescendam mente contrectat. Iam & calorum suspensuram, a eorūque pensilem & assidue mobilem machinam emensus, ad supremum empyreum cælum ad sedem Beatorum transit. Hic plusculum morari cogitat, hic in omnem partem circumspiciens, singulæque lustrans oculis, distinctissimos videt Beatorum ordines, symphoniæ cælestis suavitatem audit, sparsos odores naribus admittit, ambrosiam & nectar gustat. Hic non admirari solum & obstupescere, sed animo pænè deficere cogitur. Uti Regina Saba inenarrabilem Salomonis magnificentiam & gloriam contemplata, non habuit ultra spiritum, dixitque: Verus est sermo quem audiui in terrâ meâ super sermonibus tuis, & sapientiâ tuâ: & non credebam narrantibus mihi, donec ipsa veni, & vidi oculis meis, & probavi quòd media pars mihi nuntiata non fuerit: maior est sapientia & opera tua quàm rumor quem audiui. Beati viri tui, & servi tui hi, qui stant coram te semper, & audiunt sapientiam tuam. *b* In has voces jure multò meliori prorumpit, qui cælum

Y s

cælique

a Cum Seneca loqui liceat. *b* 3. Reg. c. 10. v. 6. & seqq.

cælique voluptates animo ac mente concipit.

§. 2.

Si quis ergo, ut dixi, in loco edito confidens, ea quæ recensui, partim oculis cernat, partim cogitatione depingat, quid has omnes imagines, quid hoc omne seu visum, seu cogitatum esse dicam, nisi rudem ac parvulam DEI effigiem; nam hæc omnia & infinitè plura in DEO videbimus, visuri DEVM ipsum. Atque hic verus DEI aspectus & cognitio tam immensas ingerit voluptates, ut si quis mediis inferorum flammis collocaretur, modò DEVM intueri posset, doloris aut mœroris nihil sentiret; inò verissimè diceret, quod ille in Phalaridis tauro dicturus somniabatur: Quàm mihi hoc suave est, quàm hoc non curo; DEVM video, nihil mali sentio; beatissimus sum, voluptatibus affluo. Hoc nemini mirum videri velim. Græcus interpres Pelagius nobilissimam sui victoriam de homine solitatio commemorans: Senferat, inquit, cor suum ignitis Diaboli sagittis peti. Seipsum igitur hunc in modum allocutus est: Qui cacodæmoni talia suadenti obtemperat, cum cacodæmone torquebitur. Quocirca prius explora, num ignes æternos tolerare possis. Et cum dicto digitum ardenti cereo admovit, doloris tamen acrimoniam

non sensit, ob nimios latentium cupiditatum æstus. *a* Hic fortior ignis impegit in forrem, & invaluit.

Jam nemo mirabitur, puto, quod diximus hominem in concitatissimis flammis medium doloris nihil sensurum si simul aspiciat DEVM. Nam tantâ hic homo gaudii magnitudine perfunderetur, ut ea non tantum omnem doloris acerbicatem sopiret, sed jucunditatem insuper incredibilem afferret menti, tanquam in voluptatis pelagus abreptæ. Atque hinc facile intelligere est, Beatos à divino hoc intuitu, nunquam amplius abducendos, sed nec totâ æternitate unquam abduci posse.

Quæ jam insanissima cæcitas nostra est, nec cruentis lacrimis sat deploranda, quod in Orbe hoc nugas, crepundia, apinas, affanias, folia picta, aciculam fractam, res vilissimas, oblectatiunculas inanissimas, & ipsa planè somnia; pecuniolam, dignitatis fumum, honoris auram, venustiore mulierculam tanti faciamus & pænè adoremus; Bonum summum, infinitum, immensum negligamus? Cæcitas prorsus insanissima, quod hæc ipsi parùm cogitemus, iis qui hæc cogitant aut inculcant, ægrè aut ne vix quidem credamus, promissionibus divinis non fidamus. Est igitur visio DEI, Consecutio & Possessio summi Boni:

Aut,

a Pelagius libell. 5. n. 37. mihi pag. 579. apud Rosyveid.

Aut, Expressa perfectaque similitudo ac imago essentiae divinae, seu Pictura divinitatis.

Similitudinem & imaginem voco: siquidem eam penitissimo pectore ita recipiemus, ut non solum filii DEI, sed verè veluti Dii simus futuri, DEO similibi. Clarissimè Ioannes: Scimus, inquit, quoniam cum apparuerit, similes ei erimus; quoniam videbimus eum sicuti est. *a*

Sciamus itaque, quod sedulò monuerim, ea quæ diximus, quæque dicturumus, non vigilantium somnia, nec vanas esse commentatiunculas. Hanc de Beatitudine dissertationem è sacris paginis & Theologorum consensu liquidam & firmatam proponimus. Illa itaque imago DEI nobis ipsis imprimenda inexhaustus omnigenæ voluptatis Oceanus est, & tantum tamque infinitum bonum, ut quicquid vel laboris jam vel ærumnarum subeamus, id omne vix obolus unicuique ad mille miliones auri censendus sit.

Cacodæmones hoc exactissimè norunt. Lucifer cum desperatissimis suis affeclis, illam quam dixi divinitatis picturam nunquam aspexit. In cælo quidem fuit, cæli gaudia gustavit, sed in viâ ad videndum DEVM corruit; ita DEVM nunquam vidit. Sed cum spiritus sit intelligentissimus, mera imò intelligentia, facillimè assequitur quanti sit videre
a I. Ioan. c. 3. v. 2. DEVM.

DEV. Hinc si ulla spes reditûs esset aut gratiæ, millies iterûmque millies majori pretio quàm nos, cælum emere paratissimus esset. Hanc cæli dulcedinem nos miseri nunquam gustavimus, alioqui istam aliter appetituri.

Inter prisca miracula narratur, Coloniæ in ade divi Petri Diabolum per feminam à se inessam varia garrivisse. Inter cetera interrogatus, me audiente, inquit qui interfuit, *a* quid de suo ad cælum reditu sentiret, quo eum pretio si posset, emeret? Ad hæc invisus hospes: Si à terrâ, inquit, ad nubes columna porrigatur, clavis, muricibus, cultris, novaculis undique præfixa, & ego humano corpore ac membris vestitus dies noctesque per eam sursum deorsum assidue trahendus sim usque ad supremi judicii diem, id prorsus non recusavero, modò in eam quâ excidi, & gratiam & gloriam liceat redire. Hoc utique mendacifigulus genius fateri coactus est. Nec enim ignoramus cacodæmonem jam olim veritatis testem proclamâsse de Christo: Scio qui sis, Sanctus Dei. *b* Deinde multum lucri redit ad Diabolum cùm talia spargit; nec enim nescit, nos quidem hæc audituros, sed quæ sciverimus, minimè

a Casarius Heisterbacensis qui in agro Coloniensi ante quadringentos annos duodecim libros Miraculorum in lucem dedit. Hic l. 5. Mirac. c. 10.

b Marci c. 1, v. 24.

minimè facturos, suo lucro, detrimento nostro non modico.

6. 3.

Hic, obsecro, in id quod diximus, cogitationem acrius intendamus. Cum nostri nobis labores jam nimium difficiles, cum ærumnæ graves nimium videntur, nobis ipsi & quisque sibi objiciamus: En imbellis miles, en Martyr delicate, quam etiam levia recuses tolerare cælo emergendo! Non tibi columna figitur præcutis ferramentis armata, in quâ sursum deorsum raptandus irrequieto cruciatu lacereris. Tu modò hoc verbulum taciturnus digere, hoc radiolum non obmurmurans exhausti, hanc molestiam non impatiens perfer. Non te omnium maximæ quas patiaris, calamitates premunt. En, facile istud perferre poteris, modò velis: poteris, poteris, ne dubita, modò tu tuam non subtrahas refractariam voluntatem. Quid hæres, quid cunctaris hæc pati? de cælo agitur. ^a Cælum, ut scias, sine impendio non emitur. DEVS jam mercatorem agit. Nam Augustino præcone & interprete: Venale est quod habeo, dicit tibi DEVS, eme illud. Quid habes venale? Requiem venalem habeo, eme illam. Pretium ipsius labor est, ^b Rectè Paupertate regnum, dolore gau-

dium,

^a Es kost ia den himel. ^b Aug. in Ps. 93. post med. pag. 432.

dium, vilitate gloria, morte vita, requies emitur labore.

Age, age; labori fructus amplissimè respondēbit. Denario jam emes, quod sit non solum mille denariū, sed mille millionum auri. ^a Vel Diabolum non vides, non audis? Ille novit pretium cælo ponere. Si illud ipsi æquè ac tibi venale foret, nullis sumptibus, impensis nullis parceret: nollet non magno sibi stare tam immensa gaudia. Is enim optimè novit labores omnes longissimè superandos præmii magnitudine.

Quid tu ad hæc emptor fastidiose? Euge serve piger & infidelis, nunquid dum dormis ad cælum blandis manibus es deportandus? Aut forsan suavi per hortos Ambulatiuneulâ eò te perventurum speras? O tam ignarum, quàm ignavum pecus! an non millies audisti: non esse mollem ad astra viam; eundum per senticeta; calcandas spinas; vim pati cælum, & à violentis illud diripi? Eru- besce, quæso, non pluris à te æstimari tam inæstimabile bonum.

Num & beatissimo Paulo non credis, qui cælestium gaudiorum non ignarus, nec cæcus æstimator exclamat: Non sunt condignæ passionēs huius temporis ad futuram gloriam quæ revelabitur in nobis. ^b Omnes actiones nostræ quan- tumvis

^a Du kauffst jetzt bmb ein paar batzen/ das mehr dan tausent mal hundert tausent crouen werth ist. ^b Rom. c. 8. v. 18.

tumvis nobis videantur excellentissime, si cum immortali præmio componantur, minus sunt quàm teruncius ad mille auri talenta compositus : Non sunt condignæ. Cum gloriâ cælesti æquam dignitatem ah neutiquam habent. Quid enim tanti est, pauculis annis servire DEO, humanas misérias pati, quid hoc ad vitam beatissimam & æternam ? Quicquid facias, quicquid perferas, cælum non minus gratuitum est donum. Et quamvis unus idémque sapius mori & tormenta plurimorum suo quævis tempore possit perpeti ; quamvis ut Stephanus saxis obrui, ut Philippus & Andreas in crucem affigi cum Bartholomæo detractâ pelle spoliari, ut Thomas & Sebastianus jaculis configi, ut Laurentius, ut Pamphilus, ut Acindynus, ut Orestes, ut Eustratius, ut plures alii in candenti crate affari sustineat, de eo nihilominus proclamât Paulus : Non sunt condignæ passionés hujus temporis ad futuram gloriam. Et quamvis ille idem & unus homo per centum annos, annis singulis vivus exuratur lentis ignibus ; Imò si solus ipse temporis successu Martyrum omnium cruciatus perferendo exhauriat ; Imò si etiam aliquanto tempore gehennam ipsam toleret, Paulus tamen etiamnum vociferatur : Non sunt condignæ passionés hujus temporis ad futuram

a *Tam in se spectata, quàm etiam charitate prædita.*

ram gloriam. Res certa. Nil certius unquam Phœbi cortina protulit.

Quicquid Machabæi, quicquid Paulus, aut Stephanus, quicquid Laurentius & Vincentius, quicquid Achatius & Mauritius, quicquid alii omnes Martyres passi, leve fuit, momentum fuit, ad illas infiniti temporis æternitates. Lapidés, equulei, sartagine, gladii, secures, laquei, tormenta omnia cælo collata velut bulla, punctum, pluma, sunt levissima. Acerba prorsus & immania pertrulerunt Martyres; latera facibus adusta, membra cœnia ungulis lacerata, viscera ferro protracta, saxis contusa genæ, excisa lingua, dentes excussi, oculi evulsi, omnes manuum ac pedum articuli particulatim præsecti, in potionem liquatum cum pice plumbum, aut mixtum sinapi, calx & acetum est infusum; secti sunt, discerpti, assi, frixi, tosti, membratim mortui sunt. Promptissimè tulerunt omnia, vitæ perennis gratiâ.

Et quanta sine ferro, flammâ & sanguine præsci Anachoretæ promerendo cælo sunt passi? Vastissimas solitudines ingressi, antra & specus habitârunt, procul ab omni humano solatio. Labores illorum graves & continui, mensa parcissima, rigidissima jejunia, orationes frequentissimæ, lacrimæ quotidianæ, vigilia assiduæ, vexationes dæmonum creberrimæ; pro veste fœcus & cilicium, pro lecto saxa & solum, pro Musicâ si-

Z.

lentium.

lentium perpetuum. Eorum res gestas inspicere, & obstupescere. Nihilominus quicquid perpessi sunt, momentaneum illis & leve visum est amore cæli. Paulinum illud etiamnum verissimum: Non sunt condignæ passiones huius temporis ad futuram gloriam.

§. 4.

Anno Christiano trecentesimo decimo sexto Edessæ vir integerrimus Abibus diaconus, à Licinio in equuleum est captus & ungulis laceratus. Jamque membris omnibus foedè discerptis, & defluentibus undique cruoris rivalis, interrogatus est Martyr: Quid hæc sibi profutura crederet? Generosâ voce hoc ipsum respondit: Non sunt condignæ passiones huius temporis ad futuram gloriam quæ revelabitur in nobis.

Quid nos ad ista, & istos? Cum modicum quid fellis gustandum, aut pars Dominicæ crucis portanda est, heu mortuum vultum contrahimus, a & vel exculemur, vel indignamur, & patientiam omnem abjicimus. Ubi amor & desiderium cæli? Augustinus in nos rectissime sic argumentatur:

Si verum vis comparare, & verum dicare, æterna requies æterno labore præteritè emitur. Verum hoc est, sed nolite timere: Misericors est DEVS. Si enim

a Wir rümpffen uns sehr.

beres æternum laborem, nunquam pervenires ad æternam quietem. Ergo ut aliquando pervenias ad id quod emis, non in æternum laborandum est: non quia non valet tanti, sed ut possideatur quod emitur. Decies centena millia annorum in labore quid valent? Decies centena millia annorum habent finem: quod tibi dabo, dicit Dominus, non habebit finem: Qualis Misericordia DEI? Nec dicit; Decies centena millia annorum labora; non dicit, vel mille annos labora; non dicit, quingentos annos labora: cum vivis labora, in paucis annis. Inde jam requies erit, & finem non habebit. Paucos annos laboras, & in ipsis laboribus, non deest consolatio, non desunt gaudia. Sed noli gaudere in sæculo, gaude in Christo. *a*

Si diceret tibi DEVS (Decies centenis millibus annorum labora) magnam tibi gratiam faceret. Nam hi tot anni ad finem decurrent, at tui laboris merces nullum videbit finem. Sed neutiquam tibi DEVS decies centena millia annorum, non decem millia, non mille, sed nec quingentos laboris annos imperat: Hoc tibi dicitur, Annis pauculis labora dum vivis. Quanta hæc gratia? Et tu etiamnum deliberas, num labores?

Si vis sustinere laborem, attende mercedem. Cum autem attenderis, quid sis accepturus, omnia tibi erunt vilia, quæ

Z 2

pateris

a Aug. in Ps. 93. post med. mihi pag. 432.

pateris, nec digna æstimabis pro quibus illud accipias. Nam utique fratres, pro æternâ requie labor æternus subeundus erat. Æternam felicitatem accepturus, æternas passiones sustinere deberes. Sed si æternum sustineres laborem, quando venires ad æternam felicitatem? Sed planè posset esse longa tribulatio pro æternâ felicitate. Etsi mille annorum esset? appende mille annos contra æternitatem. Quid appendis cum infinito quantumcunque finitum? Decem millia annorum, decies centena millia, si dicendum est, & millia millium quæ finem habent, cum æternitate comparari non possunt. Huc accedit quia non solum temporalem voluit laborẽ tuum Deus, sed etiam brevem. Paucorum dierum est tota vita hominis, etiamsi lata duris non miscerentur. Si ergo per totam vitam suam homo in laboribus, & in æternis esset, in doloribus, in tormentis, in carcere, in plagis, in fame & siti omnibus diebus, horis omnibus, per totam vitam suam usque ad ætatem senectutis, pauci dies sunt tota vita hominis: quo labore transacto, veniet regnum æternum, veniet sine fine felicitas, veniet æqualitas Angelorum, veniet hæreditas Christi, veniet coheres Christus. *a*

Cum ergo labor fatigat, cum ærumna premunt, hoc ipsi nobis identidem occurrunt: Non sunt condignæ passionibus huius.

huius temporis ad futuram gloriam. Paulus ipse cur id tam affirmatè dixerit, rationem hanc reddit: Id enim quod in presenti est, momentaneum & leve tribulationis nostræ, supra modum in sublimitate, æternum gloriæ pondus operatur in nobis. *a* Hic pensatorem agit Paulus & libram manu gerit, in cuius alteram lancem, misérias vitæ istius omnes conijcit, in alteram cæleste præmiū componit. Sed quia lanx illa miseriis plena, velut paucis plumulis nihil onerata violentè attollitur, lanx autem ista præmio cælesti grævda subsidit, ita demum Paulus velut libripens *b* pronuntiat: Quod in lance primâ est, leve ac momentaneū instar plumulæ est: quod verò in lance alterâ, æternum gloriæ pondus est, & quindecim *c* pendit auri centumpondia.

Quocirca nemo miretur Paulum in tantis laboribus, in tot periculis, in ærumnis innumeris, in quotidianâ panè moriendi necessitate adeò non defecisse: leve illi ac momentaneum videbatur, quicquid tolerandum erat. Hoc ipsemer ingenuè fatetur: *Propter quod non defecimus.* Non enim condignas censuit passiones huius temporis ad futuram gloriam.

Ad rem insignissimè Augustinus: Verum est, inquit, quod dixit Apostolus: Etenim quod ad præsens est, temporale

Z 3 est,

a 2. Cor. cap. 4. vers. 17. *b* Dagmaister. *c* 15. Centner golds. Nam hic quindecim statumus celi gaudia.

est, & leve tribulationis nostræ, iuxta incredibilem modum, & in incredibilem modum, æternum gloriæ pondus operatur nobis. Ecce quantū pretium damus, quodammodo unam siliquam ad accipiendos thesauros sempiternos. Siliquam laboris ad requiem incredibilem. Gaudes ad tempus, noli ibi fidere: tristis es ad tempus, noli desperare. Non te corrumpat felicitas, & non frangat adversitas. Promisit requiem, patere molestiam. Minatur ignem æternum, contemne dolores temporales. *a*

Ergo non contemplantes quæ videntur, sed quæ non videntur, vultum animūque attollamus cælo. *Videbimus DEVM sicuti est.* Appendamus cum Paulo & labores nostros, & nostra præmia, & gravissimas etiam ærumnas, *leve ac momentaneum* appellabimus. Propter quod non deficiemus, dum æternum illud gloriæ pondus obtineamus.

a Aug. in Ps. 93. post med. mihi pag. 432.

C A P I T U L U M X V.

*Visio DEI, summum omnium gaudiorum
fusiùs explicatur.*

NARRAT Palladius, quâ ratione Macarius Alexandrinus animo in cælum evolare sanctissimè conatus sit. Consilium suscepit Macarius quinque omnino dies, non alias quàm

de DEO rebúsque divinis ac cælestibus cogitationes admittere : atque his impransum, incoenatum, & quantum licuerit insomnem inhærere, nec finire, ut animum his cogitationibus affixū, quidquam inde avellat. Eo animo tugurium occlusit & obseravit, ut quibuscunque demum foris turbantibus, nil responsi daret. Ita Macarius destinationis suæ certus, incepit stare, sibi que ipse dicere : En, ascendimus in cælum ; tu cave prius descendas, quàm tempus præstitutum abierit. Sat illic hominum habes quibuscum loquaris, habes beatos Angelos, habes ipsum DEVM : frui colloquiis divinis, gusta beatorum delitias. Geminos dies noctesque sic perdius & pernox stetit, abreptus cæli dulcedine. Verè conversatio illius in cælis erat. *a*

Cacodæmon religiosissimā hanc contumaciam agerrimè ferens, & turpe sibi iudicans eò vivos homines subvolare, unde ipse præcipitatus esset ad æternam mortem, hoc machinari aggressus est, ut omne tugurium ardere videretur ; ipsam etiam stercem, *b* cui Macarius insistebat, fallax flamma corripuerat, jamque undique vir sanctus se flammis cinctū credidit. Ita territus incoepto destitit. Causam homo religiosissimus addivinans : Deo, inquit, fortassis id permittente, ne mihi hoc reputaretur in superbiam. *c*

a Philip. c. 3. v. 20.

Z 4

Credi-

b Rude textum è juncis. *c* Palladius de Macario Egyptio, & Alexandrin. c. 19. & 20.

Credibilissimum est, cacodæmonem vix quidquam adeò moleste ferre atque cùm cælum suminus meditandum, & nos ipsos veluti in eo collocamus. Hic insanit Diabolus, cùm sciat, se his sedibus pulsum, in quas homines è luto facti, sint evehendi. Non terreamur hâc invidentiâ Diaboli, sed tantò crebrius de cælo cogitare, de cælo loqui lubeat, quântò dæmon molestius obturbat. Id verare non potest vasserrimus alastor. *a* Vellicare nos potest & vexare, impedire aut avocare non potest, si nolimus.

Eam in rem proximo capite de Visione DEI loqui cœpimus, quo duo hæc explicata, quid DEI Visio, & quod primum virtutis præmium sit. Sequuntur plura de hoc eodem DEI aspectu differenda, in quo scilicet hæc visio consistat, quid ad eam necessarium, & quomodo fiat. Hæc ordine sunt exponenda.

Hic in antecessum, mi Lector, moneo, ea quæ dicturi sumus, ne difficilia crede, aut scholis aptiora. Ad cujusvis captum sic illa expressè ac planè conabor sub oculos dare, ut nemo facile futurus sit, cujus intelligentiam effugiant.

6. I.

Tertio loco igitur querendum, DEI aspectus in quo consistat? Beatus Thomas, *b* & cum eo Theologorum schola,

tria

a Plagteuffel. *b* S. Thom. I. 2. q. 4. art. 3.

tria huc requirunt : Cognitionem , Apprehensionem , Fruitionem. Obscurè & barbarè videmur loqui. Res illico patebit. Nam complura quæ de his arcanis scholæ præcipiunt, studio transimus. Quæ de cælo tradimus , non audiri tantum & legi, sed intelligi ac retineri cupimus, cum nihil æquè nobis expediat, quàm futuram Beatitudinem exactissimè animo & cogitatione comprehendere. Dicta facillimè sic capiemus.

Pictura meis oculis objicitur summi artificii elegantissima. Primo intuitu penicilli artificium & venustatem imaginis commendo , quam video esse pulcherriam. Hoc *Visio* est Theologis, seu *Cognitio*. Porro hæc ipsa imago manibus meis committitur , imò donatur mihi, ideò cum eà domum me capeffo. Hoc eruditæ *Apprehensio* est. Denique domi pictæ huic tabulæ assideo , avidus & quietus eam specto, nec spectando satiari queo. Vix ab eà ad prandium aut cœnā divellor, imò dum prandeo , dum cœno, formosissima imago in mente mihi est. Vix igitur cœnam finio , & ad imaginem redeo. Hoc *Fruitio* est. En, tria hæc distincta prorsus sunt, sed in cælo simul ac momento fiunt. Ex his gaudium ingens, & maximus amor nascitur. Gaudeo nimirum hanc picturam mei juris esse , eaque sic ardeo, ut si quis eam mille aut tribus millibus Philippæorum liceretur, mox venalem esse negarem. Adeò me pictura

Z 5 hæc

hæc sibi rapuit; avelli ab eâ non possum. Ita prorsus in calo, à Visione, Apprehensione, & Fruitione amor ardentissimus & gaudium in Beatis summum oritur.

Enimverò triplex hoc præmium tribus virtutibus ad amissim respondet: Fidei Visio; Spei apprehensio, Charitati fruitio; tanquam si Beato dicatur, Vide quod credidisti; apprehende quod sperasti; fruiere quod amasti. Cum autem duplex sit amor, *Amicitia* & *Concupiscentia*. Primus Amicitia non tam sibi quam ei quem amat optima quæque vovet & expetit; alter Concupiscentia sibi benignus est, optat eo frui quod desiderat. Uterq; hic amor cōspecto DEO satiabitur abundantissimè. Beati DEVM sibi præsentissimum habent, cui, quicquid amore amicitia optârint, id ei jam adesse cernent, Sapientiam, Pulchritudinem, Potentiam, & quicquid est perfectionis divinæ. At amor concupiscentia suavissimè saturatebitur iis sese delitiis frui, ut nihil ultra penitus ne quidem optare possit. E duplici hoc amore tale redundabit gaudium, quale profectò non esset, si omnium mortalium delitia, voluptates & gaudia omnia in unam veluti beatitudinis massam colliquarentur. Hic ora & lingua omnium fatiscunt ac deficiunt eloquendo, hic intellectus nimium excurrit. Somnium est quicquid hæc garriamus.

Gratulatus sibi Rex Sion: Concaluit.

cor meum intra me, inquit, & in meditatione meâ exardescet ignis. *a* Iucundissimum calorem, ignes persensit suavissimos & tamen minùs vidit DEVM quàm nostrum quis imaginem ad centum passus: Quanti ergo illic, quàmque suaves Amoris ignes subsilient, ubi *DEI* Visio seu Cognitio clarissima, ubi Apprehensio & Fruitio multò quàm dulcissima erit. Vel infimi Beatorum non poterunt non fateri se millies copiosiori voluptate perfundi, quàm unquam vel optare licuisset: jam oculos, jam aures, jam omnes sensus, jam animum, jam omne animi desiderium plenissimè satiari; & quod solidissimæ voluptatis caput est; se totos æternùm sic satiandos.

Amorem hunc Isaias accenso clibano venustè confert. Explicamus. Cùm hominem formosum quis conspicit, animus spectatoris ardere incipit, tantòque magis accenditur, quantò excellentior est conspecti forma. En, Visio: mox appropinquat Comprehensio & Fruitio. Amanti namque non satis est vidisse; suum id esse, eoque frui expetit, cui jam oculos impendit. Hinc furor & mille insanix, si amor non purus sit. Vide illos vetulos duos ex asse nequissimos nebulones, flagitia hominum, verè trifurciferos: Videbant castissimam Susannam, pulchram nimis: Videbant eam, & exarserunt. *b* O Superi! Quid homo unicus, homo

homo cadaverosus, vermium frater, quid mortualis hæc larva sit ad infinitam DEI pulchritudinem comparata?

Et hæc nostra insignissima est infania, hæc summa DEI injuria, quod has absinthii stillas guttulasque toti mellis Oceano, immenso bono, optimo, maximo præferamus. Hoc in omni peccato letali reperire est, hoc inferos, hoc supplicium æternum meretur, hoc summum læsæ Majestatis crimen est, hominem, humanam formam, rem terræ præ DEO amare, DEO præponere; vas sterquilini amplecti, DEVM infinitæ formositatis miraculum contemptim præterire. Hæc obsecro attentius pensiculemus.

§. 2.

Narrat Cameracensis proepiscopus quod ipse vidit, & audiit, testis oculatus: In Brabantiâ, inquit, honestam & opulentam feminam malus genius insedit. Fuerunt qui rogarent me, ut ad eam re-
viserem. Cessi precibus, & mulierem inveni quietam ac pro sanâ loquentem. Hic ego, veritati occultius explorandæ, quod à religiosissimo viro didiceram, usurpavi, & clam, nemine advertente, illud è Mosis carmine ter pronuntiavi: DEVM qui te genuit dereliquisti, & oblitus es Domini creatoris tui. a Continuo expallescere misera, colli venæ pollicis instar turgere, latitans hostis aperte se
a Deut. c. 32. v. 18. prodere

prodere cœpit. Hic ego diversa percun-
tari, respondere genius, & more suo
mentiri. Tandem ego: Dic, inquam, cœ-
lestis patria num perinde adeo amoena
& pulchra est prout dicitur? Confestim
dæmon: Infinitè pulchrior & amœnior
est: Ulteriùs sciscitandi causam dedit
hæc responsio, ad quam ego iterum: Cu-
perésne illuc, si posses, redire? Vellem, in-
quit, ut possem, tametsi ad ultimum Or-
bis diem omnia quæ quidem excogitari
possunt, supplicia mihi essent perferen-
da. Hic ego audacter: Spondeo, inquam,
& promitto, idque cum meæ salutis pe-
riculo, si mentiar; redibis illuc, tu modò
hæc paucula verba pronunties: *Domine*
Deus meus, peccavi, ignosce mihi. Eja dic,
præibo vocem. At ille obtorto feminae
collo horrendum exclamat: *Domine, Do-*
mine. Hoc sæpius horrificis clamoribus
ingeminans omisit cetera. Sciebam mi-
serum ob inexpugnabilem superbiam
fateri non posse, DEVM esse suum Do-
minum. Post multa tandem hæc paucu-
la subiunxit: *Domine Deus Margarita:*
Hoc nomen feminae fuit. Tunc ego de-
prehensâ hostis nequitia: O omnium in-
felicissime, inquam, Superbia te cælo
præcipitavit, in cælum redire non finit
superbia. Ad quas voces Orcinianus di-
vertitor conticuit, atq; post aliquot dies
hospitium vi occupatum deseruit.

Hic illud observemus sedulò, per omne
inferorum regnum nihil esse, nec esse
posse

posse horribilius, quàm quod æquissimus DEVS tam diabolos quàm omnes damnatos homines adeò gratiâ omni privârit, ut in omnem æternitatem eorum nullus unquam dicere possit, *Miserere mei* DEVS. Hoc omnium Avernaliū suppliciorum extremissimum, hoc damnatæ plebis voraginosum præcipitium; hoc æternæ desperationis barathrum est. Videte, mortales, quid gratia possit divina, & quàm nos à nobis possimus nihil. Videte quantis cælum impendiis emergent ii, qui cælum viderunt: Nos stultissimi rerum æstimatores, quoties vel panis frustillo, vel vili sestertio, a vel turpis oblectatiunculæ contemptu solo mercari cælum possemus, & negligimus. Reverà sic est: nec tegere licet luculentissimam hanc insaniam. Sed porrò ad quartum.

§. 3.

Quarto loco quæritur: Quid adeò nos impediat, dum vivimus, quò minus DEVM videamus? Defectus luminis illius, quòd lumen gloriæ vocant. Impar esset mortalis imbecillitas ad tantum voluptatis pondus ferendum; nimio gaudio extingueretur homo, qui DEVM cerneret sine hoc gloriæ lumine. Hoc verò, ut Theologi loquuntur, est participatio lucis increatæ quâ DEVS videt seipsum. E sacris paginis id luculentum. Divinus Psalter: In lumine tuo, inquit, vi-

a Dmb ein halben batzen. debi.

debimus lumen. *a* Misericordia & Veritas præcedent faciem tuam: beatus populus qui scit jubilationem. Domine in lumine vultus tui ambulabunt. *b* Hoc lumen intelligentiam humanam adeò collustrat, & roborat, ut ea suos oculos in DEVM veluti solem, acie non læsâ possit defigere.

Fit nonnunquâ ut oculi judicent tres Soles à se videri; quod exponens Seneca: Historici, ait, Soles vocant, & binos ternosque apparuisse memoriæ tradunt; Græci parelia vocant, quia accedunt ad aliquam similitudinem Solis. Sunt autem imagines Solis in nube spissâ & vicinâ, in modum speculi. *c* Sic reverà DEVS, velut Sol æterno lumine suo Beatos omnes illuminabit, ut & ipsi radios emissuri tanquam Solis imagines & specula divinitatis purissima.

Sunt Chalcographi, *d* qui tria quatuorve specillorum paria firmandis oculis affigant, sine quibus scalptura æraria tam subtilis nunquam prodiret. Lumen gloriæ Beatis loco centum conspiciolorum est: etenim illud sic eorum firmat aciem, ut infiniti splendoris Solem, non tantum non palpitantibus ac tremulis, sed vegetissimis, inconnivis, latissimis oculis æternum cum voluptate summâ sint aspecturi.

Hoc idem lumen gloriæ, humanam
mentem

a Psal. 35. v. 10. *b* Ps. 88. v. 16. *c* Sen L. I. Nat. quæst. c. 11. *d* Stuyfferstecher.

mentem sic extendit & dilatat, ut illud immensum bonum suavissimè possit capere. Perinde uti lux vitæ hujus efficit, ut oculi duo innumera videre gradatim & particulatim, terrarum Orbem universum complecti possint; sic lumen gloriæ intellectum laxat, & amplificat, habilèque reddit ut DEVM comprehendat, *a* & velut in se includat. Si hujus luminis vel scintilla nobis affulgeret, subito à malis & ignorantibus omnibus immunes ageremus. Verùm id fieri non potest, dum in regione mortis degimus. Priùs mortalitatis sacculus est deponendus. Olim, non erat licitum, indutum sacco aulam Assueri Regis intrare. *b* Multò minus est licitum, intrare aulam DEI, sacco vestitum. Sed ulterius.

Quinto loco quaeritur, Quomodo fiat Visio DEI? In Philosophorum Lyceis res notissima est, nihil videri nisi species visibiles, velut per specilla; nihil intelligi, nisi per species intelligibiles. In exemplum sit istud: Hominein ante me stantem video. Hominis istius forma in oculo meo est, quæ Philosophis species vocatur. Ita quicquid vel oculus, vel intellectus admittit id harum specierum beneficio

a Quantum fas homini. Nam omnes Theologi docent, DEVM à beatis comprehendere non posse. Est de fide. Comprehensio enim significat notitiam aequalem objecto in perfectione. Quo quidem modo solus DEVS seipsum comprehendit. *b* Esth. 6. 4. u. 2.

nescio fit. In cælo nihil negotii habent hæ species, procul inde exulant. Nam DEVS cum cuiusvis Beati animâ per intimam præsentiam sese coniungit & unit. Quemadmodum ignis candenti ferro conjunctissimus & intimus, ferrum quasi merus ignis est, sic Beatus quasi merus DEVS. Significanter dixit Ioannes: Cùm apparuerit, similes ei erimus. *a* Quod Gregorius exponens: Anima in semetipsam, inquit, Auctoris sui inconvertibilem speciem dum respicit, assumit. *b* Cur nolimus hæc capere, cùm facillimè possimus? Cur verò divinos intuitus non tantum æstimemus ante obitum, à simili per spicuum fiet.

Si quis hortum aut pratum omnigenis floribus velut tapete pictum densissimâ nocte transeat, florum varietatem, etsi ei proximus, non æstimabit, quia non videbit altis tenebris impeditus: Ubi verò diluxerit, illam ludentis naturæ picturam uno obtutu cernet, & obstupescet. Ita prorsus, præsentem semper habemus DEVM, sed non cernimus præsentem, altis tenebris oppressi. Vel Aristoteli hoc credamus: In divinis Oculos nostros esse nocturnarum: At ubi gloriæ lumen effulserit, & DEVS sese intimè cum Beati cuiusvis animâ conjunxerit, in eamque divinitatem suam veluti transfuderit, mox gaudium tam inexplicabile, inter-

A a minatum,

a 1. Ioan. c. 3. v. 2. *b* Greg. l. 24. moral. c. 7.
propius finem, mihi pag. 853.

minatum, mox tantū amoris incendium
in Beatorum mentibus existet, tantopere
Beati exardescunt ad id quod nunquam
viderunt, ut eos æternitate totā, nullum
unquam tardium inde sit avulsurum.

§. 4.

Magni ponderis quæstio a inter Theo-
logos hoc loco nascitur: Num DEVS,
qui spiritus est, corporeis oculis videri
possit in cælo? Eam silentio penitus trans-
ire vix sinit susceptum thema; illam ta-
men exactius definire dictionis nostræ
brevitas non permittit. Medio non intu-
ti, reor, ibimus. Patere, mi Lector, hæc
paucula tibi nonnihil videri nubila. Ve-
teres Theologi, non diffitemur, censue-
runt à nemine DEVM aspici corporeis
oculis.

Hic obsecro meminisse libeat, quod in
plurimis fieri animadvertimus, Sæpius
unum dicendi aut scribendi auctorem
centum alii, hos centenos alii mille; uti
cervi ducem cervorum plures, ovem u-
nam aliæ plurimæ sequuntur. Neque ve-
rò in tantā rerum mole ad unguem om-
nia exigi, nec ad aurificis libellam uni-
versa trutinari possunt. Circuli quadra-
turam nec Aristoteles, nec Archimedes,
nec Euclides, summa ingenia, invenire
potuerunt; à nemine tamen unquam
deinceps

a Augustinus loco citando. vocat non par-
vam quæstionem.

deinceps inveniendam asserere non cogimur. Gregorius de Valentiâ ingenuè fassus est eos qui sentirent oculis corporeis DEVM aspici posse, opinionis falsæ minimè damnandos esse. Nec desunt recentiores Theologi qui hanc pro viribus propugnent. Sic illi ratiocinantur: Si corporeus inferiorum ignis potest torquere spiritum, cur corporis oculi non possint videre spiritum? Ignem Avernalem esse corporeum in Theologiâ notū est. Hinc illud Augustini: Torquentur miris, sed veris modis. *a*

Deinde creata omnia Creatori suo ita sunt subjecta, ut non tantum habeant omnigenam facultatem ad patiendum, quod vult Creator, sed etiam ad agendū quodlibet ac producendum, ad quod ea conditor assumit, velut instrumenta; bonus scriba deterrimo etiam calamo optimè pingit. *b* Ita de divinâ Majestate sentire prorsus æquissimum est. Nam in talibus, quod Augustinus affirmat, Ratio facti, est potentia facientis. *c* Quod in Eucharistiâ aliisque ejusmodi arcanis verissimum.

Accedit divini Voluminis auctoritas. Clarissimè Iobus: In carne meâ, inquit, videbo DEVM meum. Quē visurus sum ego ipse, & oculi mei conspecturi sunt, & non alius. *d* En meridianum Solem, *u* *Aug. l. 21. de civit. c. 10.* A a 2 suo *b* Hanc vocant omnimodam obedientialem potentiam activam, *c* *Aug. epist. 3. ad Versianum.* *d* *Iob c. 19. v. 26. & 27.*

suo permittantur verba significatui. Quod si lubeat, verborum interpretem audiamus. Meliorem Augustino nullus postulaverit.

Augustinus ergo ipsissimum istud indagaturus, his omnino verbis interrogat: Utrum etiam corporalibus oculis ibi videatur **DEVS**, hoc in istâ quæstione ver-
samus. Ad quam luculentissimè respon-
det his omnino verbis, quæ optimâ fide
adnumero: Ratiocinatio illa Philoso-
phorû, quâ disputant ita mentis aspectu
intelligibilia videri, & sensu corporis sen-
sibilia, id est, corporalia, ut nec intelli-
gibilia per corpus, nec corporalia per seipsa
mens valeat intueri, si posset nobis esse
certissima, profectò certum esset per o-
culos corporis etiam spiritualis, nullo
modò posse videri **DEVM**. Sed istam ra-
tiationem, & vera ratio, & Propheti-
ca irridet auctoritas. *Quid ad hæc dicitis, o
boni, quicumque contradicitis?* Addit Au-
gustinus: Quod de Prophetâ Eliseo paulò
antè diximus, nōne satis indicat, etiam
spiritu non per corpus, corporalia posse
cerni? Sicut ergo constat videri corpora
spiritu: quid si tanta erit potentia spiri-
tualis corporis, ut corpore videatur &
spiritus? Spiritus enim est **DEVS**. Quam-
obrem fieri potest, valdeque credibile
est, sic nos esse visuros mundana tunc
corpora cæli novi & terræ novæ, ut
DEVM ubique præsentem & universa
etiam corporalia gubernantem, per cor-
pora

pora quæ gestabimus, & quæ conspiciemus, quaquaversum oculos duxerimus, clarissimâ perspicuitate videamus.

Concludit demum Augustinus: Ita quacunque spiritualia *a* illa lumina corporum nostrorum circumferemus, incorporeum DEVM omnia regentē, etiam per corpora contuebimur. *b* Quid dici posset clarius? Unus hic Antistes pro mille testibus est.

Verum animi mei non erat, hîc iudicem agere, aut quidquam hâc in re definire, sed Augustini & aliorum cum illo sentientium mentem aperire. Cum priscis sapere plerumque tutius.

6. 5.

Quæ omnia meritò nos impellant, ut suis quisque oculis quotidie concionetur in hunc ferè modum: O mei oculi, avertite vos ab omnibus, quæ periculosa vobis aut noxia occurrunt. Adhuc enim modicum aliquantulumque, qui venturus est, veniet, & non tardabit. *c* Tunc omnis voluptas saluberrimè jam subtracta fenore millesimo redibit; res creatas omnes in DEO videbitis. Ne quæso in falsas vos oblectationes præcipitate: Differte paullulum cupiditates vestras, &

A a 3 brevi

a Spiritualia vocat, nam & ipsum corpus ab Apostolo spirituale appellatur. *b* Aug tom. 5 l. 22. de Civ. c. 29. mihi pag. 310. columnâ utrâq. *c* Hebr. c. 10. v. 37.

brevi Voluptatis Oceanum in cælo habebitis, in quo suavissimè natabitis æternum. O mei oculi, cavete dum evolatís, ne sicut columbæ seducamini. Sunt præta floribus picta, sunt agri segete copiosâ fertiles; qui invitant vos ut illuc pabulum evoleatis. Attendite, cavete; latet anguis in herbâ; accipiter supernè volitans, in vos collineat. Dulce malum, sed grande incautis imminet. Quid vultis videre, quod non licet habere? Fucata rerum species fallit, humana forma blanditur in mortem. Rex David hoc expertus est; idem mille alii experti sunt. Longè tutius est, penitus non videre noxia, quàm videre cautè. Oculi tunc verè cauti sunt, cùm sanctè clausi sunt.

Elias vates, primus Anachoretarum parens, cui pro domo specus erat, mox ut delicias cælestes summis velut labris gustavit, sensuum fenestras clausit, os, oculos, vultumque totum pallio cooperuit.

Silvanus Abbas, cùm prolixiores preces finiisset, manus oculis opponens, sic eos allocutus est: O mei oculi, diem vobis negari permittite. Claudamus has valvas, quæ vix unquam sine periculo patent. Nihil est in Orbe terrarum, nihil est quod visu dignum sit. Quicquid ostentat terra, modicum, vile; nihil est ad cælum. In cælo magna, pulchra, æterna sunt. Illic abundabimus: Videbimus DEUM.

Hic ego animi puritatem monstro:
Beati

Beati mundo corde, quoniam ipsi Deum videbunt. Puritas animi pretium est ad aeternum hoc spectaculum emendum. Huic Puritati obtinendæ nihil consultius, nec magis necessarium est, quàm omni mortalium voluptati promptissimè valedicere, nam eam illic cum fenore millecuplo recepturi voluptatibus longè maximis cumulabimur.

Hic grande quid dixero. Si tantis cæli gaudiis, non nisi unicâ liceret dieculâ, vel horulâ frui, rectissimè saperemus, si nihilominus complures annos rigidissimæ virtutis disciplinam amplexi asperrimum vitæ genus duceremus, ad unicam illam horulam obtinendam. Illud quod Augustinus in eam rem affirmatissimè dixit, vel millies inculcandum est: Tanta est, inquit, puichritudo, & jucunditas lucis æternæ, ut etiam si non liceret amplius in eâ manere, quàm unius diei morâ, propter hoc solùm innumerabiles anni hujus vitæ pleni delitiis & circumfluentia temporalium bonorum rectè meritòque contemnerentur. Non enim falso aut pravo affectu dictum est: Quoniam melior est dies unus in atriis tuis super millia. ^a O Beati mundo corde, ut per hoc efficiamini consortes naturæ divinæ. ^b

^a Aug. tom. I. l. 3. de libero arbitrio c. 25. & ult. mihi pag. 299. ^b 2. Pet. c. I. v. 4.

C A P V T X V I.

*De DEI Visione plura explicantur: Maxime,
Quid in DEO visuri simus.*

REFERT Isidorus, in Idumæâ fluere fontem, quem Job nominant, quater anno uno colorem variare. Principiò quidem pulverulentus fuit ac turbidus: Dein purpuram induit, ut sanguinolentus censei possit: Tertiò colorem prasinum ac viridem assumit. Denique purus ac limpidus meat. Huic fontis non absimilis est humana vita; maiorem partem limosa & turbida; nonnunquam sanguine infecta, & cruentis fluctibus: Vix quidquam habet gaudii sine luctu, nec mellis aliquid sine felle: Interim subviridis, vitreusque color, spes vitæ melioris non deest, solatur nos secutura felicitas, annos æternos in mente habemus, ita luctum gaudio mutandum non odimus. Succedit tandem pellucidissimi fontis crySTALLUS, *Aqua viva, saliens in vitam æternam. a* Hic crySTALLINUS argenteusque fluvijs sanguinolentum turbidumque rivum extrudit. Fluminis impetus lætificat civitatem DEI. *b*

Eo statim momento quo DEVM aspiciemus, omne miseriarum ac calamitatum agmen evanescet. De hoc beatissimo Numinis aspectu orsi sumus dicere. Explanatum

a Ioan. c. 4. v. 14. b Psal. 45. v. 5.

planatum est 1. Quid sit DEI Visio, 2. Visionem DEI caput esse beatitudinis. 3. In quo DEI visio consistat. 4. Quid nos ab eâ etiamnum excludat. 5. Quomodo ea fiat. Restant explananda sexto loco, Quomodo nos DEI Visio transformet in DEVM. Septimo, Quid denique visuri simus in DEO. De postremis duobus nunc differemus.

6. 1.

Quod igitur sexto loco statuimus, est, Quâ ratione nos DEI Visio in DEVM transformet. Ab æterno illo Miraculo divinæ formositatis, quæ prorsus infinita, inæstimabilis, nihil sanè pulchrius est aut formosius animâ beatâ, quæ DEO tam similis, ut non possit esse cum DEO major similitudo. Sed num hoc satis aut capimus, aut credimus? Certè Theologorum illud exploratæ veritatis censendum, quod illi his verbis enuntiant: Beatitudo est summa & perfectissima communicatio divinitatis, cujus mens beati est capax. Quemadmodum verò vitreus aquæ caliculus, in dolium vinarium infusus, & colorem vini & odorem induit, fitque planè vinum: sic prorsus Beati transformabuntur in DEVM: similes ei erunt, sicuti est. Tanta enim inter Beatos omnes & DEVM erit conjunctio, tanta unio, ut Beati cujusque anima in DEVM, velut in mare immensum se mersura.

A a s Atque

Atque hinc voluptatum omnium affluxus inenarrabilis, æternus.

Nos ipsos, obsecro, non nihil circumspiciamus, dum hîc illi vitæ meliori præludimus. Heu quàm undequaque afflicti, quàm miseriis cooperti, quàm deformati ærumnis & peccatis sumus, quàm perditî videmur! Velut umbræ & larvæ obimus, semimortui ad mortem tendimus. Verùm inter miserrimâ hanc, & illam felicissimam vitam unicum interest momentum, quod nos subito miseriis & noxis omnibus exoneratos, jam sapientiâ ornatos, jam divitiis & gaudiis plenos, jam bonis omnibus cumulatos super omnes reges veluti DEOS DEO simillimos, ad sceptrum & diadema evehet. Hoc DEVS nobis in filio velut in prototypo monstravit. Die Parasceves pendit DEI filius in cruce ut latro, imò ut eorum coryphæus, nam latronum pendit medius, ab omni populo irrisus, spinis opertus, tormentis undique confectus, viribus & sanguine exhaustus, ita & mortuus est, inter mutuas hostium gratulationes & applausus. Post triduum hic ipse in trabe extinctus ad vitam rediit, paullò post vi suâ in aërem se libavit, cælos penetravit, ad Patris confessum summâ gloriâ receptus. Quales hæ vices, quàmque subita mutationes! E cruce in paradisum, è tumultu in cælum. Ita solet DEVS; hic DEI mos est, pauperem honnere subito. *a* Quod enim ostendit in
filio,

filio, id in usu habet, & in nos etiam exercet. Nam quos præscivit & prædestinavit conformes fieri imaginis filii sui. *a* Quapropter non turbemur; obsecro, nec adeo indignemur, etsi jam sputis & probris, etsi calcibus in nos elisis premamur: Momento in dignitatem regiam assurgemus, transformabimur in DEVM Visione DEI.

6. 2.

Septima hîc quæstio est & ultima: Quid igitur in DEO videbimus? Promptum ac facile responsum: OMNIA. Sed hanc vocem, OMNIA, explicatiùs proponamus.

Principiò igitur Beati omnes in DEO videbunt divinam naturam, & omnes DEI perfectiones, Sapientiam, Bonitatem, Potentiam, Immensitatem, Misericordiam, Justitiam, Sanctitatem, Pulchritudinem, Æternitatem, & quicquid Perfectionis tribuendum est divinæ naturæ.

Secundò: Videbunt illud sacrosanctæ Trinitatis altissimum arcanum: quî filius à Patre genitus, Spiritus sanctus ab utroque processerit; quî una divinitas, una sapientia & Omnipotentia, unum sed interminatum ab æterno lumen, tres tamen sint personæ. Ita videbunt Verbum quod humano se corpore vestivit, humanamque naturam ad infinitam dignitatem evexit. Sic omnia Patientis Christi
a Rom. c. 8. v. 29. myste-

myſteria clariffimè intuebuntur. Nos in plurimis jam divinamus, & hallucinamur: illi in luce erunt, & errores ſuos ridebunt. Sic Omnia divini voluminis arcana, interpretationes & explicatus, prædictiones & vaticinia cognofcent. Hæc crediderunt. Eſt autem prima Fidei merces, videre quod credideris. Quod affirmans Auguſtinus: Ibi, ait, videbimus & gaudebit cor noſtrum. Nec expreſſit quid videbimus. Sed quid, niſi DEVM? Et omnia illa quæ nunc non videmus, credentes autem pro modulo capacitatis humanæ, longè minùs quàm ſunt, atque incomparabiliter cogitamus. Hic creditis, ibi videbitis. 4

Tertiò: Videbunt Beati immenſam cæli domum, omnèſque cælites. Altiffimum hoc Numinis palatium tam amœnum & eximiè pulchrum eſt, ut omnes regum turres, & nobiliſſima quæque ædificia præ illo hirundinum niduli & columbaria rectè cenſeantur. Hic Beatorum ſinguli univerſos tam hominum quàm Angelorum Ordines cernent; imò quod obſtupescendum, non confuſam illam hominum & Angelorum multitudinem, ſed omnes ſingillatim tam homines quàm Angelos tanquam ſibi proximos in oculis habebunt. In terrâ ipſum etiam Imperatorem innumerari nec vident, nec norunt. Alia in cælo ratio eſt,

meliori-

a Auguſt. tom. 5. l. 20. de civit. c. 21. mihi pag. 269.

melioribus illic oculis utemur : nam uti omnes unum , sic tinus omnes videbit ; alter alterum tanquam semper notissimum familiarissimè noscet. Ita omnibus atque singulis , de omnium ac singulorum numero, de meritis, dignitate, præmiis ac gloriâ liquidissimè constabit.

Quarto : Videbunt ipsos etiam Inferos, & omnia Inferorum tormenta; cernent tam diabolorum , quàm omnium damnatorum numerum , cujusvis malefacta, & quomodo ad noxarum modum sua singulis attempèrata sint supplicia, certo commensu. Qui grâviùs peccaverit, acerbius torquebitur. De hoc Beatorum spectaculo Isaias : Vermis eorum, inquit, non morietur , & ignis eorum non extinguetur : Et erunt usque ad satietatem visionis omni carni. *a* Ita non tantùm suppliciiis , sed spectaculo ac ludibriis æternis sunt expositi; tanquam qui publicis numellis inserti stant omnium ostentui & irrifui. *b*

Quid autem voluptatis est dixeris acerbissima tot reorū supplicia spectare ? Est sanè, eaque duplex. Prima : spectabunt inf-ros beati non ampliùs sibi metuendos : Latissimum carmen omnium erit : Anima nostra erepta est de laqueo venantium : laqueus contritus est, & nos liberati sumus. *c* Pro se quisque insultans Orco : Non gluties, dicet, me ampliùs.

a Is. c. 66. v. 24. *b* Sie stehn ewig auf dem pranger. *c* Ps. 123. v. 7.

plius. *a* Eripuit DEVS animam meam à morte, oculos meos à lacrimis, pedes meos à lapsu. *b* Iò triumphe. Altera. Suos, DEVS; capitales hostes cernent mediis flammis ardere. Non est apud nos majus, sed nec exitiosius gaudium, quàm letalem hostem in ærumnis cernere. Nec parentum aut cognatorum miseratio Beatos tanget; capitalissimi hostes sunt, omni miseratione indigni sunt; jucundum est oculos supplicii illorum pascere.

Quintò: Videbunt in DEO Beati divinarum providentiæ obstupescendum ordinem. Ecclesiæ preces sunt verissimæ: DEVS cujus providentia in sui dispositione non fallitur. Atque hanc ab Orbis incunabulis ad ultimum diem deductam seriem æternæ Providentiæ Beati explicatissimè videbunt. Hinc omnia omnino quæ unquam in Orbe toto sunt gesta scient non aliter, ac si ea oculis spectassent. Idque ideò potissimum, ut divina Justitia universis ac singulis patefeat, quàm scilicet jure puniantur illi, præmiis afficiantur isti. Beatus Paulus seriam præceptionem ingerens. Nolite, inquit, ante tempus judicare, quoadusque veniat Dominus, qui & illuminabit abscondita tenebrarum, & manifestabit consilia cordium. *c* Adeoque non exteriores solum actiones, sed abditißimæ cogitationes & occultissimi in agendo fines patebunt. In aperto erit & in oculis

a Ps. 114. v. 3. *c* 1. Cor. 14. v. 5.

his, quâ ratione divina hæc providentia singulos suaviter invitârit, potêter traxerit; quæ ad salutem subsidia subministrarit, quantis beneficiis ornârit, quàm benignè sustinuerit, quàm amanter protexerit. Hæc damnati scient; multò magis Beati. Itaque omnium populorum ac gentium, imò totius Orbis Historias sic scient ac si eas tunc primùm ante se cernerent.

Sextò: Videbunt in DEO res creatas omnes prout olim fuerunt, modò sunt, & tunc erunt. DEVS totius Universi theatrum est, quod in amplitudinem infinitam extenditur, nullis claudendum terminis. In theatro isto spectabunt, quomodo DEVS in omnibus rebus conditis, & omnes in ipso existant, atque ab ipso pendeant. Neque tantùm res creatas omnes, sed eorum magnitudinem, proportionem, pulchritudinem, naturam, vim, vires, proprietates ac motum cernent. Hinc opus non erit, ut Beati ad terræ globum descendant, instaurationem elementorum visuri. Tametsi neque hoc iis negandum. Nam puncto temporis in terram sese præcipiti volatu poterunt demittere, & velut in rem præsentem venire, divino interim aspectu neutiquam amisso. Quemadmodũ diaboli, licèt extra Inferorum carceres sint, suos tamen Inferos ubique secum circumferunt: Ita Cælites ubicunque locorum sint, aspectu DEI beati sunt. Quæ

Bernardus

Bernardus dilucidè confirmans : Videt Verbum (Beatus) & in Verbo, inquit, facta per Verbum. Nec opus habet ex his quæ facta sunt, factoris notitiam mendicare. Neque enim ut vel ipsa noverit, ad ipsa descendit, quæ ibi illa videt, ubi longè melius sunt quàm in seipsis. Tantam porrò varietatem rerum conditarum DEVS esse voluit, non ut iis genium lubitu nostro propitiaremus, sed ut eas jam beati cognosceremus, earumque opificem tantò cumulatiùs laudaremus. In hanc rerum conditarum notitiam sponte nostrâ naturali ferimur proclivitate, quam Beatitudo liberalissimè saturabit.

Absit hîc angusta & trepida illa cogitatio, quæ sibi persuadeat fieri vix posse, ut infinitarum prope rerum exactior cognitio ob earum multitudinem, varietatem, distantiam, & proprietates abstrusissimas habeatur. Vanus est ac puerilis hic metus. Nam lumen gloriæ, ita animum oculosque firmabit, ut Orbè universum cum iis planè omnibus quæ Orbis continet, facillimo simul ac suavissimo intuitu cognoscant. Quemadmodum ei qui in templo mediocriter amplo consistit, omnia templi ornamenta in oculis sunt : Ita Beati jam Orbis Domini maximas minimas suæ ditionis partes inspectabunt. Est è Theologis non nemo qui etiam à Dæmonibus ea talia videri

arbitr-

arbitretur. Si dæmonibus id concessum,
quantò magis DEI amicis?

Sed Moyses suo id exemplo confirmet.
Hic Geneseos sacer Historicus, ita de
Mundi opificio, deque hominis ac cete-
rorum animantium creatione scripsit,
tanquam si rerum omnium productioni
præsentissimus adfuisset, cum tamē duo-
bus millibus annorum & quadringentis
tribus natalis dies Orbis natalem Mosis
præcesserit. Unde igitur Mosis tam re-
mota & nihilominus tam enucleata re-
rum cognitio? In cali vestibulo fuit,
Diphteras *a* & pugillares Numinis in-
spexit. Quid ergo non videbunt, quid
rerum omnium ignorabunt, qui cælum
ipsum ingressuri, qui DEVM ipsum in-
specturi sunt? Luculenter hac de re Au-
gustinus: Si Propheta Elizaus, inquit,
puerum suum Giezi absens corpore vidit
accipientem munera, quæ dedit ei Naa-
man Syrus, quem Propheta memoratus à
lepræ deformitate mundaverat, quod
servus nequam, domino suo non viden-
te, latenter se fecisse putaverat: quantò
magis in illo corpore spiritali videbunt
sancti omnia? *b* Quod idem sanctissimus
Doctor aliâ scripture firmans: Per divi-
nam potentiam, ait, Martyres vivorum
rebus interfunt. *c*

Bb

Septi-

a Pellis Amalthea seu tabula, in quâ Iupi-
ter res humanas describere fingebatur.

b Aug. l. 22. de Civ. Dei c. 29. mihi pag. 399.

c Idem l. de curâ pro mort. c. 13.

Septimò: Videbunt in DEO Beati, non solum illa omnia quæ unquam creata sunt, sed eorum etiam multa quæ creati potuissent, non tamen omnia, sed plura pauciora, prout quis sublimius super astra solum occupaverit. Potuisset DEVS decem alios & ampliores Mundos, potuisset centum, potuisset mille & plures condere. Hos omnes & quæ hujus generis in infinitum abeunt, in DEO videre, folius est Christi Servatoris. 4

§. 3.

Ut autem ea omnia, quæ Beati visuri sunt in cælo, summatim enuntiemus, et dictorum hoc capite synopsis. Videbunt igitur in DEO beati cælites, 1. Naturam divinam & omnes DEI perfectiones. 2. Omnia Fidei & divinorum librorum arcana. 3. Cælum, omnesque cælites, & gloriam singulorum. 4. Æternitatis carcerem, damnatos omnes, & singulorum tam malefacta quàm supplicia. 5. Videbunt omnia divinæ Providentiæ decreta, &

a Sola Christi anima videt in DEO scientiâ Visionis omnes possibiles creaturas. Ita etiam Christus videt omnes omnium tam Angelorum, quàm hominum cogitationes, quæ unquam fuerunt, sunt, & erunt. Vide Iacobum Granadum Theologum in 1. parte D. Thomæ mibi pag. 203. b Sed non in totum, DEVS enim solus seipsum totum ex toto videt, & comprehendit.

& totum Dei gubernantis regimen, res gestas Orbis universas, historias omnes.

6. Totam Orbis machinam, cum rebus creatis omnibus & singulis; *a* omnes conditarum rerum proprietates & naturas. 7. Eorum etiam plurima quæ creari potuissent.

Atque hæc non particulatim aut gradatim, sed simul omnia, idque distinctè, clarè, firmiter; facillimè ac suavissimè obtutu cernent immutabili. Hinc eorum nullus ab hac, quam diximus divinitatis picturâ, ab hoc viso in omnes æternitates avelli poterit. Post decies centena millia, post centies centena millia, post millies millena millia annorum, hæc visio tam recenti tantâque voluptate perfundet omnes, quantâ perfusi sunt primo omnium momento. Immutabilis est voluptas cæli, quia æterna est. Delectationes in dexterâ tuâ usque in finem. *b*

Hic velim efficacissimè sciamus omnem creatarum rerum dulcedinem ad Creatorem collatam merum esse absinthium, & omnem rerum conditarum pulchritudinem ac formam ad conditorem comparatam, meram esse deformitatem, noxam merissimam.

Nec verò quidquam extra cælum tam melleæ voluptatis est, quin demum in fel degeneret, velut generosum vinum in acetum. Potentissima illa inter Arabiæ

Bb 2 reginas

a In particulari & individuo, ut loquuntur.

b Psal. 15, v. II.

reginas Saba, *a* cū summam Salomonis sapientiam, ornatissimum palatium, nobilissimam familiam, venustissimum ordinem recens ex itinere vidisset, in maximam admirationem rapta vix sui compos fuit. Si anno integro ea omnia spectasset, rei novitas in familiaritatem, admiratio in tedium vertisset: voluisset demum hæc regina & videre & audire alia, prioribus jam saturata. Sic tandem omnis venustas & amœnitas in familiarem contemptum transit; cuncta evalescunt tempore. Nihil evalescit in cælo; nullum illic fastidium, nulla nausea. Post decies milies centies millena millia annorum tam nova tamque grata erit voluptas cæli, quàm fuit primo temporis puncto. Delectationes in dexterâ Dei usque in finem, in omne ævum, in infinita sæculorum sæcula.

Narrat Latiensis Abbas, *b* beatæ Gertrudi Virginem sacram à morte visam, quæ mira pandebat de cælesti gloriâ. Cui Gertrudis fidentiùs: Et unde, ait, hæc tibi omnia, quæ inter simplicissimas habebaris? Huic iterum Virgo: DEVM, inquit, semel conspexisse, est omnia didicisse. Pauca, sed satis dixit. Et verissimū est, quod dixit: Et beati Gregorii sensu, Non credendum est Sanctos qui intus

Clarita-

a Alii ajunt fuisse Ethiopiz. Ego primū malim ob causas. *b* Ludovicus Elosius Monil. spirit. c. 14. & ult. ubi à nobis dicta confirmantur.

Claritatem DEI vident, aliquid foris esse quod ignorent. Quod confirmans Augustinus: Beatus, inquit, non est, nisi qui & habet omnia quæ vult, & nihil malè vult. *a*

Hic non unam solùm monstro virtutem ut hactenus, sed omnes: Humilitatem, Patientiam, Puritatem, Charitatem atque Conformitatem cum Dei voluntate. Simul illud cum Orbis Ecclesiastâ proclamo: Non sunt condignæ passionēs hujus temporis ad futurâ gloriam, quæ revelabitur in nobis. Quicquid præclari faciamus, quicquid asperi perferamus; etsi quotidie centies precationem iteremus, quotidie pane solo & aquâ victitemus, etsi quotidie corpus acerbissimis flagris castigemus, etsi facultates nostras omnes in stipem erogemus, nos ipsos insuper obsequiis arctissimis mancipemus; etiamnum clamo: Non sunt condignæ passionēs hujus temporis ad futuram gloriam. Bono animo: patienter & constanter. Paucis sæpe passibus ad cælum itur.

a Aug. l. 13. de Trinit. c. 5. fine.

CAPUT XVII.

Decimum quintum celi gaudium, ÆTERNITAS Gaudiorum.

ANGELVS Nazarethanæ Virgini salutem è cælo deferens, exposuit quantum illa Regem suis esset

B b 3 receptura

receptura visceribus, & vestitura in hominem. Paries filium, inquit, Hic erit magnus, & filius Altissimi vocabitur; & dabit illi Dominus DEVS sedem David Patris ejus. Atque ut constaret de regni amplitudine ac diuturnitate, subjunxit: Et regnabit in domo Jacob in æternum, & regni ejus non erit finis. *a* Quale regnum hoc, quod nullis temporum aut locorum finibus circumscribatur? Plurima in Orbe regna numeramus, nullum infinitum, æternum nullum.

Adonibezecus rex Chananæus, cum ab Hebræo milite jam captus, & præcis pedum ac manuum digitis, prout meruerat, mutilatus esset, in has voces conficiens reus erupit: Septuaginta reges amputatis manuum ac pedum summitatibus, colligebant sub mensâ meâ ciborum reliquias: Sicut feci, ita reddidit mihi DEVS. *b* Proh superi, quot reges, quot regna? Sed horum nullum immortale, nullum sine fine. Suus tandem & reges & regna fatalis finis sepelit.

Darius Rex Persarum opulentissimus, copiosissimos in Alexandrum Macedonem exercitus ducebat; in his decem millia suorum numerabat, quos Persæ immortales vocare soliti. *c* Ubi jam immortales illi, ubi eorum Rex Darius, ubi Darii regnum? Altis cineribus sepultum, suo jam pridem fine contabuit. Suus est regnis omnibus finis.

a Luc. c. 1. v. 31. 32. 33.

b Iudæ. c. 1. v. 7. *c* Curtius l. 3. c. 7.

Solius Christi regnum ignorat finem.
 Angelus prædixit : Et regni ejus non erit
 finis. De hoc æternitatis beatissimæ re-
 gno jam plura.

6. I.

Regnum omne fluctuans & instabile :

Vt alta ventos semper excipiunt iuga,

Imperia sic excelsa Fortuna objacent. a

Itaque ocultris sæpe caussis labuntur : &
 quæ domesticis steterant bellis , quæ ex-
 ternis regna , nullo impellente ruunt.
 Sæpe inter fortunam ultimam & maxi-
 mam nihil interest.

Cyrus per annos triginta in magnâ
 gloriâ Rex Persarum , finitimis deinde ac
 longinquis subactis , longius etiam ma-
 nus ad Scythas porrexit. *b* Venit cum
 magno & victore exercitu , sed à feminâ
 vincendus. Thamyris genti Scytharum
 præerat , & filium ad regni fines exter-
 nam vim repulsurum miserat : sed victus
 est , & insidiis à Cyro circumventus. Er-
 go ipsa molem regni ultimam excivit , &
 animosè obviam se dedit , atque iisdem
 artibus circumventum & clausum re-
 gem , copiasque cecidit. Ducenta millia
 Persarum erant. Clades ingens , nec sine
 ludibrio. Caput mortuo Regi amputa-
 tum , quod Thamyris in utrem sanguine
 plenum merisit , & exprobravit : Satia te
 sanguine , quo expleri nequiisti.

Bb 4

O

a Seneca Oedipus. b V. Lips. l. 3. Polit. c. 6.

O Regnum longâ mole fundatum ubi es? Rex Cyre tot annos felix & victor ubi es? Quô fata & ordo rerû miserunt? A summis ad ima decidisti. Hic tuus, hic regni tui fuerat finis. Rex Christus cum suis regnabit in æternum, & regni ejus non erit finis. Isaias suis id vaticiniis affirmans: Multiplicabitur ejus imperium, inquit, & pacis non erit finis: Super solium David, & super regnum ejus sedebit, ut confirmet illud, & corroboret in judicio, & justitiâ amodò. & usque in sempiternum. a Hæc utique non Salomonem, multò minùs Roboamum ejus filium, sed Christum regem æternum commonstrant. Salomonis regnum quadringentis annis floruit, demum in Babylonîâ extinctum est: & hujus regni erat finis.

Helvius Pertinax decimus octavus Romanorum Imperator, tribus solùm mensibus diadema gessit: Siquidem post inaugurationis diem exacto trimestri à militibus occisus est. In aliquod mortis solatium addita hæc pictura. Stabat Helvius, & cælum, in eoque stellarum unam tangebat, veluti jam vicinus superis, aut inter eos relatus. Rex Orbis Christus, cum infantulus etiamnum in gramineis cunis decumberet, stellam illustrissimam non solùm tetigit, sed eam in cælo fixit, accendit, nutu suo duxit; ire, stare jussit ut voluit; verè rex, verè sidcrum Imperator, qui ut gentem humanam à morte vindicet, a Is. c. 9. v. 7. caret,

carer, in cruce mortuus, ipsum Solem atratum in exequias ire præcepit. Cúm-
que Romanus Præses Pontius Pilatus in-
terrogaret: Ergo Rex es tu? Affirmatís-
simè respondit: Rex sum ego. *a* Hos ipsos
titulos crux loquebatur: IESVS Naza-
renus Rex Judæorum. Rex est Christus.
Et regni ejus non erit finis. Et regnū ipsius
omnibus dominabitur. *b*

§. 2.

Hoc Christi regnum immensum, sine
limitibus, infinitum est. Omnia Orbis
regna colliminium & terminos *c* habent,
suis clauduntur marginibus. De quovis
illorum asserendum: hucusque profert
fines, nec longius: hos limites, hæc ha-
bet confinia regnum Macedonia, hæc
regnum Syria; hæc regnum Ungaria,
hæc Gallia, hæc Bohemia, hæc Polonia.
De Filio Altissimi, de Servatore Christo
dixit Angelus: *Et regni ejus non erit finis.*

Poëtarum princeps suæ ingenuitatis
oblitus, ut Romanis palpum venderet,
sic olim cecinit:

*Hæc ego nec metas rerum, nec tempora pono,
Imperium sine fine dedi.* ——— *d*

Quid ais hic Maro? Regnum hoc quod
sine fine datum, in terrâ est, an in cælo?
Utique in terrâ. Etsi esset in cælo, Cæ-
lum & terra transibunt. Transibunt quæ

B b 5 fecit

a Ioan. c. 18. v. 37. *b* Psal. 102. v. 19.

c Ihre grentzen. *d* Virgil. l. 1. *Aeneid*,

fecit ipse DEVS, quanto citius quæ condidit Romulus?

Et ubinam nunc est Romanū sine fine imperium? Fuit: olim stetit, olim calo caput extulit, floruit, Orbem dominatu preffit. Fines imperii Romani Orbis & Oceanus, ut quicquid opportunum aut dignum vinci, vicerit. Itaque terminos sibi fecit Orientem & Occasum, exceptis locis inaccessis & inhabitatis, aut quibusdam habitatis quidem sed ignobilioribus. Et ubi jam istud tam amplum, admirandum imperium? Quæri vides. Ubi qui promoverunt, & propagârunt? Perisse vides. Illa ipsa rerum gentiūque Domina, & falso æterna urbs, ubi est? Diruta, obruta, incensa, inundata; perit non unâ morte; & ambitiosè hodie quæritur, nec invenitur in suo solo.

Ego te Roma illa vetus & speciosa super omnes usquam aut unquam urbes non solum non video, sed etiam quæ fueris, quæro. Quæ fueris? Imò, & ubi fueris? Et qui scio, an non aliquando, Utrum fueris, quæretur? Non magis hoc mirum, si plura currant sæcula, quam nunc de Thebis Ægyptiis, aut Trojâ dubitari. Nam habet hoc ætas, ut primò formam tollat, tum rem, deniq; famam & nomen auferat. Sicut Solem istum assidue vel aliqua nubes subducit, vel nox denique condit: talis omnis hic splendor & felicitas, rapitur aut evanescit. Omnia ista somnium, bulla, nihilum, si
cum

cum æterno & æternitate comparentur. O spes & res humanæ quid estis ? quò itis ? Nos ipsi quid sumus ? quò imus ? Post aliquot annos futuri pulvis, umbra, nihil. *Et regni nostri est finis.* Solùm Christi regnum extra omnes fines & limites est. *Et regni ejus non erit finis.*

DEVS imperium filio suo sine fine dedit. Quod divinus Psalter luculentè vaticinatus : Dominabitur, inquit, à mari usque ad mare, & à flumine usque ad terminos Orbis terrarum. *a* Nimirum à mari orientali Indico, ad Gaditanum occidentale, & à Iordane flumine, ubi Christus concionari cœpit, usque ad Orbis terminos. Sed hoc imperium in terrâ non tam finietur, quàm transferetur ad illud cæleste, quod omnem excludit finem. Regnum tuum (Domine IESV) regnum omnium sæculorum, & dominatio tua in omni generatione & generatione. *b* Habent, inquit Augustinus, mutationes regna terrena. Veniet ille de quo dictum est : *Et regni ejus non erit finis.* *c*

§. 3.

Dominus regnabit in æternum, & in sæculum sæculi. *d* Reges Hebræi regnârunt quidem in domo Iacob, sed neuti-quam in æternum. De illorum quolibet affirmandum : *Et regni ejus erat finis.*

a Ps. 71. v. 8.

Saul

b Ps. 144. v. 13. *c* Aug. tom. 10. serm. 29. de verbis Domini c. 7. *d* Psal. 9. v. 37.

Saul annis viginti sceptrum tenuit, David annis quadraginta, Salomon pariter quadraginta. *Et regni eorum erat finis.* Ab his Roboam annis septendecim, Abia tribus, Afa quadraginta unum, Iosaphat viginti quinque, Ioram quinque, Ochozias unum duntaxat annum Rex fuit. *Et regni ejus erat finis.* Post hos furia illa Athalia septem annis, Ioas quadraginta, Achaz sedecim, Ezechias inter optimos censendus viginti novem, Manasses inter flagitiosissimos habendus quinquaginta quinque cum imperio fuit. Tandem etiam, *& regni illius erat finis.* Sic Amon annis duobus, Iosias triginta unum, Ioachaz tribus solum mensibus, nec pluribus Ioachim dominatum tenuit. Alius ab eo ejusdem nominis annis undecim, totidem rex Sedechias regnum administravit. *Et regni ejus, sicut & priorum, erat finis.* Hi solum Israëlis rempublicam gesserunt: Reges Iuda silentio praterimus. Quorum omnium regna, in carcere Babylonico sortita finem, expirârunt.

Post potentissimum & quidem geminum Israëlis & Iuda regnum lacrimabili fine extinctum, Duces potiti sunt rerum, inter quos Zorobabel primus, à quo alii tredecim magistratû ordine habuerunt. Sed & Ducum potestas cum Machabæis sepulta est. *Regni horum omnium erat finis.*

Si ab Israëlis ad Romanum imperium transire libeat, eosdem regni fines videbimus. Iulius Cæsar annis quatuor di-

dema gessit. Augustus Imperator, quinquaginta sex annis, summo cum imperio fuit. Res rara, & sine exemplo. Tiberius annos viginti duos, Cajus tres tantum, Claudius tredecim, totidem & Nero dominatus est in Orbem. *Et domini ejus erat finis.* Galba Imperator septem mensibus: Otho tribus solum, Vitellius mensibus octo, Vespasianus annis novem, Titus biennio, Domitianus annis quindecim, Nerva unico, Trajanus novendecim, Hadrianus viginti, Antoninus viginti duobus, Aurelius Verus annis quinquaginta imperavit. Et tamen imperii ejus, perinde ut ceterorum omnium, erat finis. Omitto longam ceterorum seriem, quos omnes regnandi finis solio deiecit.

Quid jam Romanos Pontifices enumerem, quorum plurimi annis pauculis rei Christianæ præfuerunt. Primus Pontificum Petrus Apostolus annis viginti quinque imperii sacri clavum tenuit: Alii ab eo annum unum, duos, quatuor, plerumque paucos: Quot autem Pontificum paucis solum mensibus, imò diebus solum aliquot, rebus præsidebant? Sisinnius Pontifex dies viginti, Bonifacius VI. dies quindecim. Urbanus VII. dies duodecim, Leo XI. dies viginti sex. Valentinus dies tantummodo quatuor ad gubernacula sedit. *Deus bone quàm breve regnum, quàm præceps regni finis!*

Ad Imperatores Romanos redeo. Superiori

periori sæculo Carolus V. Augustissima memoria Imperator annis triginta octo Rempubicam Christianam gessit, Ferdinandus sex annis, Maximilianus II. duodecim, Rudolphus II. triginta quinque, Matthias octo. Ferdinandus II. anno jam duodecimo, quo hæc scribo, & summam rerum administrat. Verum enimverò, & regni horum etiam regum quos ipsi novimus, fuit, eritque finis. Nec Reges tantum, sed & regna suis quæque funeribus efferruntur. Ubi nunc Hebræum Regnum, ubi Græcum, ubi Romanum, ubi Syrium & Ægyptium? funerata sunt, cineribus submersa sunt.

Ultimus Assyriorum Rex Sardanapalus, Medorum Aftyages, Persarum Darius, Macedonum Perseus, Romanorum Tarquinius, Iudæorum Rex ultimus Herodes. Vereres Ægypti Thebas vix fama retinet: Centum Cretæ urbes vix retinet fides. Cadavera Carthaginis, Numantia, Corinthi præsci viderunt & mirati sunt: Nos Athenarum, Spartæ, & tot illustrium urbium ignobiles ruinas. Regnorum omnium horum erat finis. Regnū Christi immortale, sine fine, æternum est. Dominus regnabit in æternum, & ultra. Et regnū ipsius omnibus dominabitur.

§. 4.

Eruditè dixit Philo: Vide regionum integrarum & gentium mutationes. Flo-
a Anno 1634.

b Exod. c. 15, v. 18. c Psal. 102, v. 19.

fuit quondam Græcia, sed Mæcedones abstulerunt ei potentiam. Postea Mæcedonia viguit opibus, sed divisa in plures portiones debilitata est, donec omnino interiit. Ante res Mæcedonum inclyta fuerat Persarum felicitas: sed una dies tam ingenti regno finem attulit: & nunc Persæ penes quos paulò antè fuerat imperium, sunt Parthorum provincia. Fuit & Ægypti olim perampla magnificaque potentia, sed nubis in morem præteriit ejus felicitas. Quid Æthiopes? Quid Carthago, in Africâ? Quid Pontici Reges? Quid Europa Asiæque, & ut compendio dicam, totus Orbis habitabilis? Nónne more navis súsque deque jactatæ marinis fluctibus, nunc secundis ventis, nunc adversis utitur? Nam verbum divinum choreas in orbem ducit, quod vulgus hominum fortunam nominat: Et cum perpetuò feratur per civitates, gentes, regionesque, res aliorum aliis omnium omnibus tribuit, subinde variantibus apud singulos temporibus: Ut totus terrarum Orbis tanquam una civitas optimo Reipublicæ genere administretur, populari regimine. Nihil igitur est in humanis rebus ac negotiis præter umbram auramque levissimam, sine morâ prætervolantem: erunt enim ultro citroque tanquam æstuaria. ^a Omne regnum fluctuans & instabile, per omnium

pom-
a Philo, l. Quod DEVS sit immutabilis, sine,
mihi pag. 248.

pomparum ac triumphorum seriem ad suum sibi sepulchrum choreas ducit. Suus rebus omnibus finis imminet. Regnabit Christus in æternum, & *regni ejus non erit finis*. Regnabimus cum Christo, si prius subesse cum illo etiam sustinere didicerimus. Beatus Paulus hoc ipsum acriter inculcans : Si sustinebimus, inquit, & conregnabimus. *a* Quid, oro, sustinendum ?

Duo sunt Christi regna. Primum quidem ligneum & insuave, sed aureum alterum & gemmeum. De ligneo expressè cecinit Hebræus Psalter : Dicite in gentibus, quia Dominus regnavit à ligno. *b* Iustinus Martyr arguit Iudæos & convieit, quòd voculam illam, *à ligno*, eraserint. Pro testimonio dicit Prudentii vetus poëma :

Impleta sunt quæ concinit

David fidei carmine,

Dicens, In nationibus

Regnavit à ligno DEVS.

Verè regnavit Christus à ligno, & factus pro nobis in ligno maledictum, & ex altà trabe jus dixit Orbi. Illum Iudæa repudiavit ; nos amplectimur. Interim tamen sæpiuscule querimur, acerbiores vitæ sortem, & malis nostris parum tolerantius illacrimamur. O Christiani ! quid hoc agimus ? Durat etiamnum ligneum Christi regnum : Sed ne cadant animi, sequetur gemmeum. Si sustinebimus, & con-

a 2. Tim. c. 2. v. 12. *regna-*
b Psal. 95. v. 10. *c* Gal. c. 3. v. 13.

regnabimus. Subeat memoriam quod Ducibus, Regibus, Imperatoribus quandoque contigit.

In venatum iit Maximilianus II. Imperator. Sequi debuit ex more suum dominum argentea supellex. Cùm autem via impeditiores occurrerent, in iis insuper erraretur, argentum mensarium statò tempore haberi non potuit. Idcirco Cæsari scutellis partim testeis, partim ligneis cibi fuerunt inferendi, cum præfatione, argenteas patinas brevì adfore, vellet tantisper ligneis non indignari. Idem hîc monendi sumus: Regnum Christi nunc ligneum toleremus, succedet aureum. Si sustinebimus & conregnabimus.

Beatus Gregorius ad regnum Mundi generosè calcandū, & ad ligneum Christi regnum tranquillè tolerandum provocans: Ubique Mors, ait, ubiq; luctus, ubique desolatio; undique percutimur, undique amaritudinibus replemur: & tamen cæcâ mente carnalis concupiscentiæ amaritudines ipsas amamus; rurgentem Mundum sequimur, labenti inharemus. Et quia labentem retinere non possumus, cum ipso labimur quem cadentem tenemus. Aliquando nos Mundus delectatione retraxit à DEO, nunc tantis plagis plenus est, ut ipse nos jam Mundus mittat ad DEVM. Pensate ergo quia nulla sunt, quæ temporaliter currunt. Finis temporalium ostendit, quàm nihil sit, quod transire potuit. Calus re-

rum indicat, quia res transiens, etiam tunc propè nihil fuit, cùm stare videretur. Hæc sollicitâ consideratione pensate; in æternitatis amore cor figite. *a*

§. 5.

Anno Christiano trecentesimo trigésimo sexto Constantinus Magnus Imperator filios suos Constantinum, Constantium, & Constantem ad tabulam geographicam duxit, ubi digitum intendens: Tibi, aiebat, hoc regnum, hanc provinciam do Constantine: Tibi verò Constanti, è meis regnis hoc & hoc assigno: Tu verò Constans has à me terras habeto, quas simul loquente digito monstrabat. Quâ in re Constantinus Pater non utique pictas illas in telâ vel ligno Provincias, non picta illa regnorum nomina donavit, sed regna vera in imagine præsentata. Sic & Christus nobiscû agit, immensum illud sine fine regnum commonstrat, brevî possidendum: Id tamen nondum possidemus, sed velut in ligno telâve pictum aspicimus: Nos autè adeo infantes sumus, ut de his ipsius picturæ particulis acerrimè digladiemur: Terram quæ cæli rudissima est adumbratio, avidè ac anxie inter nos partimur; terræ voluptates rapimus, verâ Beatitudinis oblitiscimur. O infantissimi mortales, quid inania hæc & minuta sectamini? Non hæc regna, sed

Gregor. tom. 3. hom. 28. in Evang. fine.

sed solum lineamenta sunt illius regni
quod finem non habebit. Quicquid ex-
tra cælum est, pictum est, leve ac momen-
taneum est. Non hæc vilia thesauri, non
regna, non voluptates sunt, sed thesau-
rorum, sed voluptatum ac regnorum
umbræ sunt merissimæ.

Philonis eruditionem hîc iterum in-
dillo: *Quid aliæ res corporis, nonne*
omnia sunt, inquit? nonne pulchritudo
momentanea panem prius marcescit, quam
loreat? Sanitas incerta infirmitatibus
obnoxia? robur morbis expugnabile per
occasiones plurimas? Sensuum integritas
humoribus vitiosis facile corrumpitur?
Quam quanta sit in rebus externis obscuri-
tas quis nescit? Ingentes opes sæpe una
hies abstulit: Multi honoratissimi antea,
versis rerum vicibus in contemptum ve-
nerunt cum ignominia: Imperia regum
maxima brevi temporis momento sub-
versa sunt. Fidem meis verbis astruit
Dionysius in Corintho quondam tyrannus
Siciliæ, mox pulsus & Corinthum
refugus, litterator factus è tanto Prin-
ce. Attestatur & Croesus Rex Lydiæ
potentissimus regum qui sperans se deletu-
rum Persarum potentiam, non modò
proprium regnum amisit, sed & ipse vi-
vis in potestatem hostium reductus mi-
nimum abfuit quin exureretur. Testan-
tur de huiusmodi somniis non singuli
civitates, gentes, regiones,
Græcia, Barbaria, insularum continen-
tisque

tisque incolæ. Europa, Asia, Oriens, Occidens. Nihil enim usquam permanet sui simile. *a*

Solum Christi regnum immortale, infinitum, immutabile, æternum est. Iusti in perpetuum vivent, & apud Dominum est merces eorum. *b* DEVS jam olim promisit: Gaudebitis & exultabitis usque in sempiternum in his quæ ego creo. *c* Sic semper cum Domino erimus. *d* Præcipuum Beatorum gaudium ex eo nascitur, quòd sciant Beatitudinem fore sempiternam: sicut præcipua damnatorum afflictio est, quòd videant tormenta sua fore perpetua.

Mors damnatorum non absolvi, vita Beatorum finiri non potest. Cùm enim lumen gloriæ non possit extinguì, certe Beatitudo quæ ex eo necessario sequitur, non poterit amitti.

6. 6.

Quid ergo, inquit Anselmus, per multa vagaris homuncio, & bona corpori tuo, tuoque animo quæris? Si pulchritudo & forma delectat; Fulgebunt iusti sicut Sol in regno Patris. Si velocitas, si vires & libertas; erunt similes Angelis DEI. Si vita sana & immortalis; Iusti in perpetuum vivent, & salus eorum à Domino.

a Philo l. de Ioseph med. mihi pag. 425.

b Sap. c. 5. v. 16. c. Isai. c. 65. v. 18.

d 1. Thess. c. 4. v. 17.

Si satietas sine tædio; Satiabuntur cùm apparuerit gloria DEI. Si deliciarum abundantia; Inebriabuntur ab ubertate domûs DEI. Si Musicæ non defutura suavitas; concentus Angelorum nullo sopietur luctu. Si omnium voluptatum copia; Torrente voluptatis suos potabit DEVS. Si Sapiëntia; Ex ipso Sapiëntiæ fonte, quantũ volent, haurient. Si Amicitia; Mutuus erit omnium amor; DEVS Beatos, beati DEVM ardentissimè amabunt. Si concordia; Cor unum & anima una, voluntas una omnium erit divinæ voluntatis sententia. Si potestas; omnia cum DEO suo poterunt, rerum omnium Domini. Si honores & divitiæ; DEVS fideles servos supra multa constituet, & honorificabit illos, ut ubi ipse est, sint & ministri ejus. Si vera securitas; Præcipitata est mors in sempiternum.

----- Immensa est, finémq; potentia cali

Non habet. -----

Tunc consummatum habebunt plenúmque bonum sortis humanæ, cùm calcato omni malo, in interiorem illum æternitatis finem venerint. Tunc juvabit inter sidera ipsa vagantem, divitum pavimenta ridere, & totam cum auro suo terram: non illud tantum dico, quod egeffit, & signandum moneræ dedit, sed & illud quod in occulto servavit posterorum avaritiæ. a

Augustinus animo in altum evehctus.

C c 3

Quan-

a Seneca l. I. nat. quæst. præfat.

Quanta erit illa felicitas, inquit, ubi nullum erit malum, nullum latebit bonum; vacabitur Dominoi laudibus, qui erit omnia in omnibus. Quoniam tunc non erit ulla necessitas, sed plena, certa, secura, sempiterna felicitas. Ipse finis erit desideriorum nostrorum, qui sine fine videbitur, sine fastidio amabitur, sine fatigatione laudabitur. O verè maximum sabbatum non habens vesperam! Ibi vacabimus & videbimus: videbimus & amabimus, amabimus & laudabimus. Ecce quod erit in fine, sine fine. Nam quis alius noster est finis, nisi pervenire ad regnum, cujus nullus est finis? *a* Hæc est requies sempiterna; sine fine erit requies ista; sine fine erit gaudium hoc, sine fine erit incorruptio. Vitam æternam habebis, requiem quæ non habet finem. Quanto labore digna est requies, quæ non habet finem? *b* Nemo ex vobis, inquit Bernardus, parvam aliquam requiem aut lætitiâ suspicetur eorum, qui ab omni penitus molestiâ liberi recogitant annos suos in dulcedine animæ suæ; lætantur pro diebus, quibus humiliati sunt, annis quibus viderunt mala, cum jucundâ admiratione, & mirâ jucunditate considerant pericula quæ evaserunt, labores quos pertulerunt, certamina quæ vicerunt. *c*

Hanc

a Aug. tom. 5. l. 22. de Civitate c. 30. seu ult.

b Idem tom. 8. in Psal. 93. mihi pag. 432.

c Bern. serm. 2. de Sanctis omnibus, ante med.

Hanc ipsam Beatitudinis æternitatem Chrysostomus, velut attonitus suspiciens: Cogita, inquit, quantum sit animam illuc pergentem, nequaquam finem bonorum illorum expectare, neque mutationem: quin potius incrementum, & vitam finem non habentem, & vitam omni periculo liberam, ab omni mœrore & curâ alienam, plenam gaudiis & mille bonis. *a* Porro idem aureus Orator proprietate admirabili rem oculis subjiciens: Nunc, inquit, quemadmodum in utero puellus, sic in Mundo vivimus, multis interclusi angustiis, venturique sæculi, nec fulgorem neque claritatem contuemur. *b* Sic est omnino. Æternitati magis, magisque in dies proximamus, & rerum nostrarum minimè satagentes stertimus. Eho, evigilate justî, imminet Æternitas. Ille jam apparuit in carne, inquit Gregorius, qui electos suos adscribit in æternitate. *c*

6. 7.

Ecclesiastes oculos humanos ad æternitatem erigens: Si, ait, ceciderit lignum ad Austrum, aut ad Aquilonem, in quocunque loco ceciderit, ibi erit. *d* Si ad iratum judicem corruerit, ibi erit: si in

Cc 4 despera-

a Chrys. tom. 4. hom. 6. in c. 4. ad Hebræos mihi pag. 1520. *b* Tom. 5. epist. 5. ad Theodorum lapsum, mihi pag. 847. *c* Greg. hom. 3. in Evang. *d* Eccles. c. 11. v. 3.

desperatorum flammæ, ibi manebit: si in diabolorum catervas, ibi manebit: si ad Austrum & cæli divitias, ibi erit, ibi manebit. Æternitati suppliciorum, æternitas præmiorum respondebit; utraque sine fine, sine omni termino.

Cùm Absalon notus ab impietate regius juvenis, germanum fratrem Amnonem jam temulentum super mensam jugulasset, de parentis maximo luctu hæc Regum fasti affirmant: Luxit ergo David filium suum cunctis diebus. *a* Quid obsecro luctum tam inauditum in omnem regis vitam obfirmavit? Nihil certè aliud quàm horribilis ille lapsus in æternitatis præcipitium. Sanctissimus Rex David Amnonem ebrium occisum ad Aquilonem, & ad æternas flammæ corruisse conjectabat. Hinc ille inauditus luctus: Hinc idem Hebræus rex David jam mortui vicinus Salomoni filio hanc ipsam æternitatem altissimè infixurus: Si quaesieris Dominum, inquit, invenies: si autem dereliqueris eum, projiciet te in æternum. *b*

Ismenias Thebanus vir sapiens legationem patriæ causâ ad Persarum Regem suscepit. Hunc tribunus militum Titraustes, ex officio ad Regem deducturus: Verum, inquit, ô Thebane hospes, lex est apud Persas recepta, ut qui in conspectum Regis venerit, non prius

ser-

a 2. Reg. c. 13. v. 37. *al. multis diebus.*

b 1. Par. c. 28. v. 9.

sermonem cum eo conferat, quàm eum adoraverit. Quòd si ergo lubeat eum adire, perages quod lex jubet. Hsienias: Duc, inquit, & Regi me siste. Cùmque jam eò ventum esset, annulum legatus quem gestaverat, digito detractum clam abiecit ad regios pedes, & mox procumbens velut adoraret, illud animo secum versabat: Non tibi, sed Annulo. Quem iterum sustulit, tanquam adorationis munere perfunctus. *a*

Plurima sunt, non negamus, gravia perpeffu & aspera, quæ tamen facile & suaviter perferemus, si hunc ipsum beatissimæ cælestis æternitatis annulum asfiduè aspexerimus, illud animo identidem versantes: Non tibi, sed annulo. Est venia danda inimico? Arduum hoc & difficile: sed æternitatis annulum, oro, respice, & dic: Non tibi, sed Annulo: hoc est, non in tuam, inimice, sed in æternitatis gratiam hoc facio. Est injuria gravis concoquenda? acerbis quidem bolus, sed condias eum & dicas: Non tibi, sed annulo. Vigiliæ, jejunia, rigores alii carnem macerant? Dic alacri animo: Non tibi, sed Annulo. Morbus & dolor infestant? Dic iterum: Non tibi, sed annulo. Paupertas & rerum inopia premit? Dic denuò, dic centies: Non tibi, sed annulo. Ita tempori cede, & submitte te; tolera quod non vis, ut assequaris quod vis. Non sunt condignæ passionibus hujus

Cc 5

tem-

a *Alianus l. I. var. hist. c. 21.*

temporis ad futuram gloriam. Quicquid faciamus aut patiamur, gemmeus æternitatis annulus his omnibus dignissimus est. In hujus gratiam nihil laboris recusandum, nihil afflictionis non tolerandum. Clamat Aggæus vates: Adhuc unum modicum est. *a* Quingenti etiam anni, mille etiam anni unum modicum sunt. Post hoc modicum æternitatis annulus tradetur.

§. 87.

Cùm ad Xerxen regem deferrentur Atticæ ficus venales, quæ dulcedine alias longè superarent, negavit Rex illas se gustaturum, dum regione potitus esset, quæ fructus ejusmodi ferret. Christus Rex Regum in supremâ cum suis coenâ appositi vini quidquam ampliùs à se gustandum negans: Dico vobis, inquit, non bibam amodò de hoc genimine vitis usque in diem illum, cum illud bibam vobiscum novum in regno Patris mei. *b*

Rectissimè nos fecerimus, si in omnes veritas aut suspectas oblectationes libere pronuntiemus: Procul ô procul voluptates pessimas, quæ veluti dulcissimæ ficus, sed venenatæ nos fallunt: Non libabo, non tangeam has ampliùs; dum illis fruam melioribus in æternitatis felicissimæ regno.

Omnia terræ gaudia sunt brevissima, &

a Agg. c. 2. v. 7. *b* Matth. c. 26, v. 29.

& extrema gaudii plerumque luctus occupat. Iobi familia genialiter ac hilariter epulabatur : Fatali turbine repente omnes involvuntur, & quod eis inodò triclinium erat, jam sepulchrum est. Rex Balthazar convivium agit latissimum; subito ad parietem scriptoria manus arcani quid pingit, & omnis lætitia in luctum maximum vertit. Solum Æternitatis regnum in cælo æterna præstat gaudia : cælum æternat. Hoc sponsa cælestis asserens : Tigna, inquit, domorum nostrarum cedrina, laquearia nostra cypressina. *a* Utrumque ligni genus nec cariem sentit unquam nec vitium. Nostræ hîc domunculæ ruinam proximè spectant; cælum æternat.

Nobilissimus Poëta Græcus Euripides apud Alcestem tragœdiarum scriptorem aliquando questus est, quòd ingenti nisu, summoque tridui labore non nisi tres versus scribere potuisset : Alcestides contrà gloriatus est, se uno die facillimè centum versus fundere. Ad quem Euripides iterum velut dicti pœnitens : Hoc tamen, inquit, non nescias velim, versus tuos triduo tantum, meos in ævum duraturos. Hoc revera cuique nostrum assidue cogitandum : Quicquid hoc die, hac horâ fecero, id non triduo solum, sed in ævum durabit. Si DEO laborem, si DEI causâ patiar, laboris & patientiæ fructus me totâ solabitur æternitate. Gemmeus æternitatis Annulus mihi nunquam am-

a Cantic. c. I, v. 17. plus

plius eripietur: Cælum æternat. Quod Augustinus præclarissimè dixit: Æterna promissit æternus: si credidero ex mortali fiam æternus. *a*

Amemus vitam æternam; & ex eo noverimus, quantum pro vitâ æternâ laborare debemus, cum videmus homines amatores præsentis vitæ temporalis atq; finiendæ sic pro illâ laborare, ut quando venerit metus mortis, quicquid possunt, faciant, non ut auferant, sed ut differant mortem. Quantum laborat homo, quando mors imminet, fugiendo, latendo, quicquid habet, dando, & se redimendo, laborando, cruciatus molestiasque sustinendo, medicos adhibendo, & quicquid aliud homo potest? Videte quàm consumptis laboribus & facultatibus suis, ut aliquantum vivat potest facere; ut semper vivat non potest. Si ergo labore tanto, tanto conatu, tantis impendiis, tantâ instantiâ, tantâ vigilantîâ, tantâ curâ agitur, ut aliquantulum plus vivatur; quomodo agendum est, ut semper vivatur? Et si prudentes dicuntur qui omnibus modis agunt ut differant mortem, & vivant paucos dies: quàm stulti sunt qui sic vivunt, ut perdant diem æternum? Hoc solùm ergo nobis promitti potest, ut dulcescat nobis utcunq; munus DEI, ex hoc quod habemus modò: quia de munere ipsius habemus ut vivamus, ut
salvi

a Aug. tom. 10. serm. 29. c. 6. de verbis Domini in Evang. Matth.

salvi simus. Ponamus ergo nobis ante oculos talem vitam, cum promittitur æterna, ut removeamus ab illâ quicquid hîc molestum patimur. Facilius enim invenimus quid ibi non sit, quàm quid ibi sit. Ecce hîc vivimus, vivemus & ibi. Salvi sumus quando non ægrotamus, neque aliquid dolet in corpore : salvi erimus & ibi. Et quando nobis est bene in hac vitâ, nullas pœnas patimur : nullas patiemur & ibi. Pone ergo hîc hominem viventem saluum, nullas pœnas patientem : Si ei donaret quisquam ut semper sic esset, & hoc bonum non desineret : quantum gauderet ? quantum extolleretur ? quomodo se non caperet lætitiâ sine pœnâ, sine cruciatu, sine fine vitæ ? Si hoc solum nobis promitteret DEVS, quod dixi, quod modò, quibus potui verbis, descripsi & commendavi : quanti erat emendum, si venale esset, quantum dandum erat, ut emeretur ? Sufficeret quicquid haberes, etiamsi totum Mundum possideres. Et tamen venale est : eme si vis. Nec multum exæstues de re magnâ propter pretii magnitudinem. Tantum valet quantum habes. Ad aliquid ergo magnum & pretiosum comparandum parares aurum vel argentum, vel pecuniam, vel fructus aliquos pecorum aut frugum, qui in tuâ possessione nascerentur, ut emereres nescio quid hoc magnum & præclarum quo viveres

in

in hâc terrâ felix. Et hoc eme, si vis.
Noli quærere quid habeas, sed qualis sis.
Res ista te valet. Tantum valet, quan-
tum es tu. Te da, & habebis illam. Quid
exâstuas? quid turbaris? Nunquid quæ-
siturus es te, aut empturus es te? Ecce tu
qui es, qualis es, da te illi rei, & habebis
illam. Sed malus sum, inquires: & fortè
me non accipit. Dando te illi bonus eris.
Ut huic fidei promissionique te des,
hoc est bonum esse. Cùm autem bonus
fueris, pretium ipsius rei eris, & habebis,
non quod dixi, solùm, salutem, incolumi-
tatem, vitam, & sine fine vitam, non
hoc solùm habebis, adhuc alia tollo.
Non erit ibi lassari & dormire: non ibi
erit esurire, & sitire: non ibi erit crescere
& senescere; quia nec nasci erit, ubi nu-
meri integri manent. Numerus qui est,
ipse est, nec opus est ut augeatur, quia
non ibi fit ut minuatur. Ecce quanta tu-
li, & nondum dixi quid ibi erit. Ecce
jam vita est, jam incolumitas est, jam
nulla poena, nulla fames, nulla sitis, nul-
lus defectus, nihil horum; & tamen non-
dum dixi quod oculus non vidit, nec
auris audivit, nec in cor hominis ascen-
dit. Creditur, & non videtur: non so-
lùm non videtur, sed nec dicitur. Quo-
modo ergo creditur si non dicitur? Quis
credit, quod non audit? Si autem audit
aut credit, dicitur: si dicitur, cogitatur; si
cogitatur, & dicitur, & in auribus homi-
num.

num intrat. Et quia non diceretur, nisi cogitaretur, & in cor hominis ascendit. *a*

§. 9.

Altâ mente reponendum est, quod religiosissimus vir ille fiduciâ ingēti dixit: Bonum quod expecto, tam immensum est, ut omne supplicium, & omne tormentum mihi sit oblectamentum. *b* Cui rectè jungimus Chrysostomum, qui alacritatem hanc talem animans: Quot. quot enim duxeris labores, inquit, & quotquot supplicia pertuleris, hæc omnia nihil erunt ad futura bona. *c* Eam ob causam tantoperè furit Satanas, ut eò non ascendat homo, unde præcipitatus est Angelus. Attendite mortales; hostis offert pomum, ut rapiat paradysum; terram cum auro suo ingerit, ut subtrahat cælum; voluptates non duraturas obtrudit, ut auferat æternas; honoris fumum venalem habet, ut adimat immortalitatis gemmam. Attendite, quibus Beatitudo est cordi. Revera omnes beati suas illas cæli voluptates tanti æstimant, ut longè paratius mallerent mori millies, quàm vel minimâ celestium deliciarum particulam perdere. Quid nos torpidi & stupidi? Cælum totum perdimus; & ad-

huc

a Idē Aug. tom. 10. serm. 64. de verb. Dom. in Evang. Ioan. c. 2. mihi pag. 90. *b* Ludov. Granat. de eo, Gymn. patientiæ l. 3. c. 2. §. 5. *c* Chrys. tom. 5. hom. 49. sine, mihi pag. 288.

huc, velut phrenetici, ridemus. Attendite, obsecro, attendite, quibus Æternitas est cordi.

Verum hoc denique ex animi mei sententiâ censeo : Pâne nihil esse dictum, quicquid tandem de æternitate dixerimus. Verissimè dixit Augustinus : Totum quod dicebamus, nihil est ad illam vitam quâ vivemus quidem, qui salvi sumus. *a* Æternitatis annulus acquiri potest, æstimari non potest, Pretium illius effugit omnem sermonem, majus est omni eloquio, transcendit omnem cogitationem. Æternitatem nullis Oratores verbis, nullis Dialectici argumentis, nullis Arithmetici numeris, nec ullis Geometræ dimensionibus comprehendere queunt. Æternitas ut beatus Dionysius loquitur, ævum ævorum est, quod non interit, sed eodem modo semper se habet. *b* Æternitas, Interminabilis vita tota simul & perfecta possessio. Æternitas circulus est, cujus centrum est SEMPER, circumferentia, NVNQVAM. Quamdiu ergo durabit Æternitas? SEMPER. Quando finietur? NVNQVAM. Hanc igitur vitam nunquam finiendam desideremus.

Gregorius Magnus in illud Iobi : Quis mihi tribuat adiutorem, ut desiderium meum audiat Omnipotens? Vera postulatio, inquit, non in oris est vocibus, sed

in

a Aug. tom. 10. serm. 64. cap. 9. mihi pag. 92.

b D. Dionys. l. de divinis Nominibus cap. 10.

c. Iob. c. 31. v. 35.

in cogitationibus cordis. Valentiores namque voces apud secretissimas aures DEI non faciunt verba nostra, sed desideria. Æternam etenim vitam si ore petimus, nec tamen corde desideramus, clamantes tacemus: si verò desideramus ex corde, etiam cum ore conticescimus, tacentes clamamus. *a* Quòd si mens vestra appetit quod demulcet, prius bibite quod dolet. Sic, sic per amarum poculum confessionis pervenitur ad gaudium salutis. *b*

Hæc omnia melliflui scriptoris vocibus consigno: Verissimè dixit Bernardus: Profectò ad cor suum rediit, qui omnes cordis motus in uno Æternitatis desiderio figit. *c*

EPILOGVS.

Regum optimus David Beatitudinem sitienter appetens: Regnū tuum, inquit, regnum omnium sæculorum. *d* Quid nos, quid regna nostra sunt? Omnis regia potestas paucis annis, inò diebus sæpe pauculis concluditur. Quod Hebræus Sapiens signatè dixit: Suis spatiis transeunt universa. *e* Ponamus hominum alicui hanc fieri gratiam. Angelus eum evehat in altissimum montem, & singula

S
la

a Gregor. l. 22. mor. c. 13. mihi pag. 814.

b Idem hom. 27. in Evang. ante medium.

c Bern. l. de Animâ c. 17. initio.

d Ps. 144. v. 13. *e* Eccles. c. 3. v. 1.

la tam Orbis regna, quàm varias regno-
rum voluptates monstret: ad singulorum
contemplationem nil aptius hic homo
responderit, quàm illud Ecclesiastæ:
Suis spatiis transeunt universa. Amplis-
simum Hispaniarū regnum monstratur?
Dicat spectator: Transeunt universa, ergo
& istud transibit. Regnum Galliarum
ostenditur? Iterum dicat: Transeunt uni-
versa. Regna Poloniæ, Sueciæ, Daniæ
proponuntur? Transeunt universa: Ergo
& ista Si & Japoniorum regnum digito
notetur. Dicendum idem: Transeunt
universa. Sinarum etiam regnum desi-
gnatur? Transeunt universa. Quod si
etiam diversas Orbis voluptates oculis
subiciat, dicatque: Hic potatur, hic lu-
ditur, hic saltatur: Transeunt universa.
Hic aucupia & piscationes: Hic ludicræ
decurSIONES, hic Musica suavissima, hic
jucundæ venationes, hic tripudia & ar-
mata saltationes, *a* hic convivia & epu-
lationes sunt. Idem ad singula repeten-
dum: Transeunt universa, transeunt
dum loquimur, dum ea contemplamur,
transeunt. Regnum Christi, regnum
omnium sæculorum. O Regnum verè
beatum, ô verè tutam regnum, quod pro
pessulo habet aternitatem, quod pro hæ-
reditate omnigenam præbet voluptatem.
Dominus regnabit in æternum, & ultra.

Cassianus refert eos qui olim ad cœ-
nobii disciplinam recipi cupivissent,
a Schwerdtantz seu Pyrriche, prius
b Exodus. 15. v. 18.

prius non receptos ; quàm decem aut pluribus diebus, ad fores monasterii excubantes, patientiæ, submissionis ac per-severantiæ singulare specimen dedissent. Hic ad omnium genua se provolvere, probris omnium & injuriis onerari legis erat. Nec aliter patebat aditus ad ceteros, nisi quis rigidissimum hoc experimentum placidè tulisset. Ei qui forte injuriarum minùs perferens fuisset, mox occinebatur : Abi, ô bone, abi, unde venisti. Ad nostras leges impatientia tua non quadrat. *a*

Hoc experimenti genus tam juri, quàm prisca religionis consuetudini consentaneum erat. Liceat hîc à minimis argumentari ad illa summa. Si ad vitâ asperimam per hæc proludia eundum : ad vitam voluptuosissimam ut ingressus pateat, quàm stricta jure tolerantia exigetur ? Si tantæ molis fuit recipi cœnobio, quantò majoris erit admitti cælo ? Quis-quis igitur cælum seriò desideras, tiro-nem te cogita, experimentis mille inspi-ciendum : Ad omnium pedes, si fas, te abjicito, & venisse te scito ad injurias omnium perferendas. Cælum aliter non obtinetur : hic ingressus est. Coronidis loco has quinque præceptiunculas animo, velim, affigamus.

I. Tot millia, imò tot centena millia quotidie moriuntur, & ad æternitatem transeunt. Ex his, cheu, quot Iudæi, Tur-

S 2

cæ,

a. Casian. l. 4. de institutis renuntiant. c. 3.

ca, idololatræ, quot mali Christiani cælo excidunt? Quapropter, ut Augustinus monet: Damna quod es, ut merearis esse quod non es. 2

I I. Nos qui vivimus, in viâ ad æternitatem sumus. Nostra omnis vita æternitatis est prologium. Qui in exitu vitæ jus cæli perdit, in omnes æternitates cælum perdidit. Ante omnia viam spatiosam & voluptuariam, quam multi calcant, caveamus. Viâ Crucis arctâ ibimus tutissimè.

I I I. Quædam è dictis melioribus insculpenda sunt menti: Qualia sunt: Vanitas vanitatum, & omnia vanitas. Hoc vitæ nostræ congruit. Veritas veritatum, & omnia veritas. Hoc Dei judicio. Voluptas voluptatum, & omnia voluptas. Hoc cælo. Æternitas æternitatum, & omnia æternitas. Hoc statui futuro. Quisquis jam felix es, audi: Momentum est quod hîc delectat, sed æternum quod illic cruciat. Tu verte & canta, quisquis jam ærumnosus es: Momentum est quod hîc cruciat, sed æternum quod illic delectat.

I V. Vita cuique unica est, eâque brevissima. De vitâ discessisti? nemini concessum redire, commissos errores jam serum est corrigere, jam omnis poenitentiae janua occlusa est. Beatitudinis præmio semel excidisti? actum est: æternum periisti. Sententia supremi judicis

est

est irrevocabilis. Isaias Propheta conciones suas omnes hoc prorsus epilogo clausit: Vermis eorum non morietur, & ignis eorum non extinguetur. *a* Omnibus de Cælo dictis hanc ego clausulam appono: Gloria eorum non corrumpetur; Beatitudo illorum non finietur. Ibimus in domum æternitatis nostræ. *b* Ibimus, imò imus in superam vel inferam.

V. Nunc quidem inter Cælum & Orcum medii stamus. Cautè gradiamur: Hàc itur ad voluptates, sed viâ crucis: Istâc tenditur ad crucem, sed viâ voluptatis. O Viatores attendite, quâ viâ & quò eatis. Illuc placeat ire, ubi placet & manere.

Si quis militum munitissimam simul & opulentissimam urbem occupare possit, suâque facere; alia tamen via non pateat, quàm per illapsum foraminis quo sordens aqua emittitur, miles verò dicat: Profectò non lubet per hunc canalem irreperere: meis ego vestibus parco, quas cæno & madore perderem: Alius sese per hanc cloacam inferat, ego vestes servabo siccas & integras, vestibus parco. O militum omnium ignavissime, ô stultissime omnium mortalium! Tu occasionem hanc negligas, ut vestibus parcas? etsi vestes tuæ sint holosericæ, sint aureæ, sint gemmis distinctæ, iis tamen minimè parcendum, cum præda tam opima & nobilis invitat. Urbem occupas? His vestibus

S 3

melio-

a Isai. 6, 66. *sine.* *b* Eccles. 6, 12, v. 5.

meliores, & unâ divitias summas, summam tibi gloriam paris.

O Chrittiani, nos tales sumus milites, simillima nobiscum ratio est. Cælum occupare licet: spolia hîc amplissima referre nemini negatum: sed rependum est subinde per foramen arctius, per canallem angustiore. Nos modò connitamur; transire possumus. In eo situm est, ut nos ipsi nobis imperemus. Prava consuetudo coërcenda est, vis aliqua inferenda corpori; & angusta viarum facilè perreptantur. Hîc nos ignaviores nescio an stultiores milites, illud fatuum objicimus: *Parcendum vesti, indulgendum corpori*. Itâne? Servanda vestis, & negligendum cælum? Ut bene sit carni, perdam Beatitudinem? Quid, obsecro, tot milliones hominum exclusit cælo? Una & unica hæc caussa: Pepercerunt vesti, nimium indulserunt corpori. Quisquis indagandæ veritatis studio laboras, vivus ad inferos abi, & damnatorum singulos examina, quid ipsos eò dejecerit? Pars maxima respondebit: *Pepercimus vesti, plus æquo indulgimus carni*. Hæc labes nostra, hæc infania nostra est extrema: malumus cælum non acquirere, quàm carnem asperius habere; *Vesti parcimus*: Malumus Beatitudinem negligere, quàm corpori aut prævæ voluntati vim inferre: Ita nimium, siccas & integras servamus vestes, & totum perdimus cælum. Sed quæso, tu ille ipse qui vivus subiisti Tartarum

tarum ^a ad quæstionem citaturus damnatos, Nunc etiam in cælum evola, & interroga singulos Beatorum, quid illos eo evexerit. Respondebunt omnes: Non peperimus vesti, nil indulgimus corpori, carnem tractavimus asperrimè. Videte Stephanum, Bartholomæum, Laurentium; videte omnes alios, quàm illi suis vestibus non pepercerint.

Tu si miles es, & stultus non es, per hunc canalè, per foramen hoc quantumvis altum, per hanc cloacam quantumcunque sordidam, promptissimus inferpes, modò cælum occupes, modò in illam Beatorum civitatè penetres. Vestes quas urbis illius desiderio destruxisti, & quicquid demum contempsisti Numinis amore recipies; recipies fenore infinito.

Ut hæc altius insculpantur animo, te, mi optime Lector, extremum hîc alloquor, sed Hieronymi verbis: Quapropter monco, & flens gemensque contestor, ut dum hujus Mundi viam currimus, non pariter Christum velimus habere & sæculum; sed pro brevibus & caducis, æterna succedant, & cùm quotidie (secundùm corpus loquor) præmoriæmur, in ceteris non nos perpetuos existimemus, ut possimus esse perpetui. *b*

a Legendo partem alteram æternitatis de novemplici supplicio Inferorum.

b Hieron. Tom. 1. Epist. 24. de obitu Lea ad Marcellam, mihi pag. 66.

SVMMMA PRIVILEGII

CÆSARÆ MAIESTATIS.

CVM ex mandato Sacra Cæsareæ Majestatis omnibus & singulis Typographis, & Bibliopolis, atque aliis quibuscumque Librariam negotiationem exercentibus seriò strictèque inhibeatur, ne qui libros ullos à Societatis nostræ Patribus hætenus editos, aut edendos in posterum, intra S. R. I. Regnorumque & Dominiorum Sacra Cæsareæ Majestatis hereditariorum fines, simili aliòve charactere aut formâ, sive in toto, sive ex parte excudere vel recudere, vel aliò recudendos mittere, aut alibi etiam impressos invehere, vendere aut distrabere clam seu palàm, citra supradictorum Patrum consensum ac testimonium audeat vel præsumat. Ego FREDRICVS TASSIS Societatis IESV per Flandro-belgicam Præpositus Provincialis, facultatem concedo Ioanni Cnobbaro libellum de Cels, Auctore R. P. HEREMIA DREXELIO conscriptum imprimendi. In cuius rei fidem has manu meâ subscriptas, & sigillo officii munitas dedi, Bruxellis 12. Septembris 1635.

FREDRICVS TASSIS.

ADMONITIVNCVLA

A D


LECTOREM.


CÆLVM in aulâ Serenissimi
Electoris Maximiliani, &c. ann.
1630. explicavi ; ubi hæc ipsa, prout
scripsi, de Ovis præmisi. Ova Pa-
schalia posterioribus annis edita
nunquam vidi, testor fidem : ne me
putes, Lector, suppellectilem alienam
compilasse.

E R R A T A.

In Praefat. lege uſtulatam.
Deos ! Deus !

- Pag. 24. lin. 14. lege auctiſſique.*
28. lin. 3. à ſine, lege ſue.
32. lin. 21. tui lege hic.
77. lin. 3. lege petiſtiſ.
82. lin. 25. lege infinitum.
94. lin. 17. lege vilitates.
97. lin. 2. à ſine, lege parem.
114. lin. 5. à ſine, pro lege quo.
136. inferius, lege Erodius.
138. lin. 23. lege detrectarem.
143. lin. 3. lege expetamus.
167. lin. 9. lege quantam.
221. lin. 27. lege Claritas.
242. lin. 18. lege luculentè.
294. lin. 24. leg. ſatiabimur.
311. lin. 9. lege ſumus.





B-845236







